

*Bibl. N.T. Kusaie .1902*

# KUSAIEN SCRIPTURES.



---

NEW YORK:  
AMERICAN BIBLE SOCIETY,  
INSTITUTED IN THE YEAR MDCCCKVI.

---

1902.

[*Kusaie Scriptures.*]

Recd. MUR, 11-11-39

Recd. MUR, 11-11-39

# MWO ŠAŠU LUN JISUS KRAIST LEUM

## LAS, MA MATTU EL ŠIM.

### ŠAPTER 1.

**F**WIL in Buk lun Jisus Kraist, mwen nutin Devid, nutin Ebream.

2 Ebream el oswela Aisak; ā Aisak el oswela Jakob; ā Jakob el oswela Judas ā met lel; 3 ā Judas el oswela Feres ā Zera nutin Tamar; ā Feres el oswela Esrom; ā Esrom el oswela Eram; 4 ā Eram el oswela Eminadab; ā Eminadab el oswela Neasson; ā Neasson el oswela Salmon; 5 ā Salmon el oswela Boos nutin Rekab; ā Boos el oswela Obed nutin Rut; ā Obed el oswela Jesse; 6 ā Jesse el oswela Devid togusa; ā Devid togusa el oswela Solomon nutin mutan kīel Uraias; 7 ā Solomon el oswela Roboam; ā Roboam el oswela Ebaia; ā Ebaia el oswela Esa; 8 ā Esa el oswela Josafat; ā Josafat el oswela Joram; ā Joram el oswela Osaias; 9 ā Osaias el oswela Joatam; ā Joatam el oswela Ekas; ā Ekas el oswela Esekaias; 10 ā Esekaias el oswela

Manasses; ā Manasses el oswela Emon; ā Emon el oswela Josaias; 11 ā Josaias el oswela Jekonaias ā met lel, akurun pal si ke utukla nu yin Babilon; 12 ā tuk ke utukla elos nu yin Babilon, Jekonaias el oswela Salatiel; ā Salatiel el oswela Zorobabel; 13 ā Zorobabel el oswela Ebaiud; ā Ebaiud el oswela Elaiakim; ā Elaiakim el oswela Ezor; 14 ā Ezor el oswela Sedok; ā Sedok el oswela Ekim; ā Ekim el oswela Elaiud; 15 ā Elaiud el oswela Eliesur; ā Eliesur el oswela Mattan; ā Mattan el oswela Jakob; 16 ā Jakob el oswela Josef tumal Meri, šu isūs Jisus, šu pañpañ Kraist.

17 Tu fwil nu kemwu Ebream mi nu ke Devid fwil sie-ñul-akos; ā Devid mi nu ke pal si utukla elos nu yin Babilon fwil sie-ñul-akos; ā ke utukla elos nu yin Babilon nu ke'l Kraist fwil sie-ñul-akos.

18 ¶ Ā isūs la lun Jisus Kraist ou iñi: Ke Meri nine kīel ā Josef eltal akeni, met

eltal tukeni tuk, elos konoilok el la putete ke Ñun Mutal.

19 Na Josef met tumal, el met payi, el tiu luñsel maluñluñalak, el nunku mu el liki'lye mwukunla.

20 Ā ke el nunku ke ma iñi, liye, lipufon lun Leum sikmi nu sel in memi, fwakañ, Josef mwen nutin Devid, kom tiu šaṇeñ as al Meri kium; tu ma in šiel ma lun Ñun Mutal.

21 Ā el tufwa isūsła sie mwen, ā kom fwa pañpañ Ēl JISUS: tu el fwa molūla met lal liki ma koluk.

22 Ā ma nu kemwu ma iñi orek tari, tu ma payikin ma met palu fwak ke Leum, fwakañ, 23 liye, mutan si šu tiu etu met, el tufwa putete, ā el fwa isūsła tulig mogul, ā elos fwa pañpañ Ēl Emmanuel; ma tafwu, luñas God yuros.

24 Ā Josef ke el motul tukakak, el oru oanu lipufon lun Leum fwak nu sel, ā el es mutan kiel: 25 ā el tiu eta'l nu ke el isūsła mwen natal met: ā el pañpañ Ēl JISUS.

## ŠAPTER 2.

**I**ÑI ke Jisus el isūsła in Betleem an Judea, pal si ke Erod togusa, liye, kutu met lalmetmet elos tuku yin

fwatu takmu we nu Jerusaleṁ, 2 fwakañ, Pa ya el isūsła Togusa lun met Ju? tu kut liye itu lal yin fwatu takmu we, ā tuku in ali nu sel.

3 Ke Erod togusa el loñ, el añañfoñ, ā Jerusalem nu kemwu oelul.

4 Ā ke el šulūni nu kemwu met tol fulat ā met šim lun metu, el siyuk nu selos pa ya an Kraist el isūsła we.

5 Ā elos fwak nu sel, Yin Betleem an Judea: tu ou iñi met palu el šimisla, 6 Ā kom Betleem, in an sel Juda, kom tiu srik liki nu kemwu yurin leum lun Juda; tu sie leum el fwa tuke liki kom, šu sropu liye met luk Israel.

7 Na Erod ke el pañon mu met lalmetmet lukla, el siyuk nu selos ma lo pal ña itue sikmi.

8 Ā el sipaloswot nu Betleem, ā fwak, Fwasot ā šuk tulig fwus ma lo; ā ke komwos konoilok, siefwil fwak nu sik, tu ña pe fwa šom ā ali nu sel.

9 Ke elos loñ togusa, elos šomla: ā liye, itu si, ma elos liye yin fwatu takmu we, el fwas ye mutalos, nu ke el tuku ā tuwi yin tulig fwus mutu we.

10 Ke elos liye itu, elos arulanu eñun malulap.



## MATTU, 3.

11 Ā ke elos ilyuk nu in lomwu, elos liye tulig fwus yurol Meri nine kīel, ā puta-  
tle, ā ali nu sel: ā ke elos oaliñalik atro lalos, elos šuñ kiše nu sel; gol, ā franku, ā mur.

12 Ā God el oru nu selos in memi tu elos in tiu flokla nu yurin Erod, elos šom sienu inganek nu yin selos.

13 ¶ Ā ke elos šomla, liye, lipufon lun Leum el sikmi nu sel Josef in memi, fwakañ, Tukakak, ā es tulig fwus ā nine kīel, ā kasus nu yin Ijip, ā kom mutu we nu ke ña siefwil fwak nu šum; tu Erod el a šuk tulig fwus in uni'lye.

14 Ke el tukakak, el es tulig fwus ā nine kīel ke foñ, ā šomla nu yin Ijip: 15 ā mutu we nu ke Erod el miše, tu ma payikin ma met palu fwak ke Leum, fwakañ, Na pañon mu mwen nutig Ijip mi.

16 ¶ Na Erod, ke el liye tu met lalmetmet elos ki-  
apa'la, el koskusok akinu, ā šapot, ā onela tulig mogul fwus nu kemwu in Betleem, ā apneni an nu kemwu, ke yiu luo matu ā fwus, oanu pal si el siyuk met lalmetmet ma lo.

17 Na ma payikin ma met palu Jeremi el oru, fwakañ, 18 In Rema loñak pusal,

eoksra, ā tuñ, ā asor lulap, Rešel tuñinu tulig natal, ā el koflanu parak, tu elos wañin.

19 ¶ Ā ke Erod el miši, liye, lipufon lun Leum sikmi in memi nu sel Josef in Ijip, 20 fwakañ, Tukakak, ā es tulig fwus ā nine kīel, ā šom nu fwal Israel, tu elos miši šu šuk mol lun tulig fwus.

21 Ā el tukakak, ā es tulig fwus ā nine kīel, ā tuku nu fwal Israel.

22 Ā ke el loñ tu Arkelaus togusa in Judea ar nu fwel Erod papa tumał, el sañeñ ke fwas nu we: ā God el oru nu sel in memi, lun kufła nu kutenu an Galili.

23 Ā el tuku ā mutu in sie siti pañpañ Nazaret: tu payikin ma met palu fwak, Elos pañon el Nazarin.

## ŠAPTER 3.

IN len iño Jon Baptist el tuku in luti yin mesis Judea, 2 ā fwakañ, Komwos auliyuk: tu togusañ in kosao akurun tuku.

3 Tu el si iñi el šu Isaias met palu el polyi, ā fwak, Sie pusra wowoyuk yin mesis, Komwos akou inekin Jeova, nakul ma šumwos.

4 Ā Jon si iñi nuknuk lal unen kamel, ā kulin me lol in folo; ā me moño nel lokus ā unni lemnok.

5 Na Jerusalem, ā Judea nu kemwu, ā an nu kemwu apneni Jordan šom nu yurol.

6 Ā el baptais elos la in Jordan, ke fwakak la ma koluk lalos.

7 Ā ke el liye ma puspis met Farisi ā Saddusi elos tuku nu ke baptais lal, el fwak nu selos, We fwil nutin faipu, šu luti nu šumwos in kaiñla liki ma siluñ a tuku?

8 Ke ma iñi orek fwako mwo lun auliyuk; 9 ā tiu nunku inšiumwos ā fwak, Ebream papa tumus: tu ña fwak nu šumwos, God el ku in orauk tulig nutin Ebream ke eot iñi.

10 Ā iñipe tulaiu on ke okun šaku: ke ma iñi šak e nu kemwu šu tiu isūs fwako mwo, pokiye, ā sisle nu in e.

11 Payi ña baptaisi komwos la ke kof in auliyuk: ā el šu tuku tukuk ku liki yu, fwaluk lal ña tiu mwo ke wisye: el fwa baptaisi komwos la ke Nun Mutal, ā e: 12 pal lal in paul, ā el palelanu pa lal ma nasnas, ā eseni wit lal nu in lomwu; ā el fwa fureuk kulin ma in e kamwul.

13 ¶ Na Jisus el tuku Galili mi nu Jordan, nu yurol Jon, lun in baptais el la.

14 Ā Jon el mu sito, fwak-añ, Mwo tu kom baptais yu la, ya kom tuku nu yuruk?

15 Ā Jisus el tupokoañ fwak nu sel, Tari ma iñi: tu mwo kital payikin mwo nu kemwu. Na el lela in oru nu sel.

16 Ā Jisus, ke baptaisla tari, el fwasiuk kitin misiñi liki kofo: ā liye, kosao igakla nu sel, ā el liye Nun lun God sikmi oanu muli oa, ā tuwi fwe'l.

17 Ā liye, pusra si in kosaoe mi, fwakañ, El iñi Mwen kulu nutig, ña inšimwowo ke el.

#### ŠAPTER 4.

NA Nun el kolol Jisus nu yin mesis, tu devil el fwa srifwe'l.

2 Ā ke el lālo len añaul ā foñ añaul, tuk el musinsral.

3 Ā ke pansruf el tuku nu yurol, el fwak, Kom fwin Mwen nutin God, kom šap eot iñi in efla bred.

4 Ā el tupokoañ ā fwak, Ma šimisla, Met a tiu mol ke bred mugenu, tu ke kas nu kemwu tuke liki olin God.

5 Na devil el wisalak nu in siti mutal ā fili'lye on fwin mañon imwen tempel; 6 ā fwak nu sel, Kom fwin Mwen nutin God, kom si-fwanu srola nu ten: tu ma

## MATTU, 4.

šimisla, El fwa fwak nu sin lipufon lal ke yum: ā elos fwa tapuk komyuk in paolos, fwin tiu ou iñi kutu pal kom kontaye nium ke eot.

7 Jisus el fwak nu sel, Ma šimisla pe, Nik kom srifwe Jeova God lom.

8 Devil el siefwil pe wi-salak nu fwin eol fulat lanu, ā luti nu sel togusaī nu kemwu fwalu, ā ma mwo lalos; 9 ā el fwak nu sel, Ma nu kemwu ma iñi nā fwa kite kom, kom fwin putati ā ali nu sik.

10 Na Jisus el fwak nu sel, Satan, kom fwala liki: tu ma šimisla, Kom ali nu sin Jeova God lom, ā oru nu sel mugenu.

11 Na Devil el šom luk el, ā liye, lipufon elos tuku ā oru nu sel.

12 ¶ Ā ke Jisus el loñ tu Jon el sisiuñ nu in prison el šomla nu Galili: 13 ā likie an Nazaret, el tuku ā mutu yin Keperneum, ma on fwin we nu mwea, an siskin an Zabulon a Neftalim: 14 tu ma payikin ma Isaias met palu el oru met, fwakañ, 15 Fwal Zabulon, ā fwal Neftalim, fwin we nu mwea, likin yeno Jordan, Galili lun met Pegan; 16 met šu mutu in losu elos liye kalem lulap: ā nu selos šu mutu in an ā nūnin mas kalem sikyuk nu we.

17 Tukin pal si iño Jisus el mutamwauk in luti ā fwak, Auliyuk: tu togusaī in kosao akurun tuku.

18 ¶ Ā Jisus ke el fwa-fwasyis mwe an Galili, el liye tamulel luo, Saimon pañ-pañ Piter, ā Andru met lel, eltal fulalik kwa mwea: tu eltal met kwa.

19 Ā el fwak nu seltal, Komtal fwas tukuk, ā nā fwa orek umtal komtal kwa met.

20 Ā kitin misiñi eltal liki-ye ok, ā fwas tukol.

21 Ā ke el šom kutu nu met, el liye luo pe tamulel, Jemes nutin Zebedi, ā Jon met lel, in oaku oelul Zebedi papa tumaltal, onon ok lalos: ā el pañ loltal.

22 Ā kitin misiñi eltal aliki oaku ā papa tumaltal, ā fwas tukol.

23 ¶ Ā Jisus el fwafwasyis yin nu kemwu Galili, lotoiuñ in lolñok lalos, ā luti mwo šašu lun togusaī, ā kela mas e nu kemwu, ā atuk nu kemwu yurin metu.

24 Ā an Siria nu kemwu loñ puñal; ā elos wis nu yurol nu kemwu šu mas ke kutenu mas, ā mwaiok, ā elos šu musin devil, ā musin alwet, ā mas matoltol; ā el oralos-yuk in kela.

25 Ā met puspis tukeni fwas tukol Galili mi, ā Dekapolis, ā Jerusalem, ā

Judea, ā likin yeno Jor-  
dan.

# ŠAPTER 5.

**A**KE el liye met puspis tu-  
keni, el fwasiuk nu fwini  
eolu: ā ke el mutu, met tu-  
mal lutlut elos tuku nu  
yurol: 2 ā el mañalik, ā  
luti nu selos, fwakañ, 3 Inši  
mwowo elos šu sigasrup in  
ñun: tu togusaī in kosao ma  
lalos.

4 Inši mwowo elos šu  
asor: tu elos fwa parak.

5 Inši mwowo elos šu  
fwokpap: tu fwalu fwa ma  
lalos.

6 Inši mwowo elos šu mu-  
sinsral ā malu kin ma mwo-  
wo: tu elos fwa kūp.

7 Inši mwowo elos šu pako-  
mutu: tu a fwa pakomutu  
ma lalos.

8 Inši mwowo elos šu nas-  
nas in ñun: tu elos fwa liye  
God.

9 Inši mwowo elos šu oru  
in misla: tu pañpañ elos  
tulig nutin God.

10 Inši mwowo elos šu  
orek ma mwowo ke met  
kolya alos: tu togusaī in  
kosao ma lalos.

11 Inši mwowo komwos,  
ke met kaskas ko nu šu-  
mwos, ā kolyaī komwos, ā  
kaskas ko nu kemwu nu  
šumwos, tiu payi, tu komwos  
met luk.

12 Komwos eñunak, ā inši  
mwowo lanu: tu ma lulap  
mwo lomwos in kosao: tu  
ou iñi elos kolyaī met palu  
šu mutu met šumwos.

13 Komwos sol lun fwalu:  
ā sol fwini tiu emak, fuka  
soleye? ma tuko kolukla, ā  
sisila, ā loñyu nu ye niin  
metu.

14 Komwos kalem lun  
fwalu. Siti si mutu fwini  
eola, koflanu mwukunla.

15 Met elos tiu akosiuk  
lamu, ā filiye on ye tupu, tu  
on ke sikon lamu; ā kofleuk  
nu kemwu in lomwu.

16 Šuñ kalem lomwos in  
tolāk ye mutun metu, tu elos  
fwa liye me orekma mwo  
lomwos, ā oru mwo lanu  
nu sin Papa tumomwos in  
kosao.

17 ¶ Tiu nunku mu tu ña  
tuku in kanaowisla ma šap,  
ā ma palu: ña tiu te kanao-  
wis, ña te oru in payi.

18 Tu payinu ña fwak nu  
šumwos, Nu ke kosao ā  
fwalu šomla, sie akul sisik  
ā sie ñarñar lun me šap ko-  
flanu wañinla, nu ke ma nu  
kemwu orek payi.

19 Ke ma iñi el šu kana-  
wis sie me šap srik liki nu  
kemwu iñi, ā fwa luti nu sin  
met ou iñe, pañpañ el srik  
liki in togusaī in kosao: ā  
el šu oru ā luti mao, pañpañ  
el yok in togusaī in kosao.

20 Tu ña fwak nu sumwos, Tu mwo lomwos fwin tiu yok liki ma lun met sim a met Farisi, komwos koflanu ilyuk nu in togusa in kosao.

21 ¶ Komwos loñ ma matu fwak umet, Nik kom akmus: a met su akmus el senšen ke ma nununku: 22 a ña fwak nu sumwos, Tu met su koskusok sin met lel ke wañin ma sripi, el fwa senšen ke ma nununku: a met su a fwak nu sin met lel, Reka, el fwa senšen ke mwolil: a met su a fwak, Kom lalfon, el fwa senšen ke e in hell.

23 Ke ma iñi kom fwin usi kiše lom nu in lāñ, a iño kom esamak tu ma lium kutu ma alaii kom; 24 likiye iño kiše lom ye mutun lāñ, a šom; met kom eumwela met lium, a tufwa tuku a šuñ kiše lom.

25 Kitin misiñi kom eumwela met añañ lom, ke kom oelul fwas inganek; fwin tiu ou iñi kutu pal met añañ es komyuñ nu sin met nununku, a met nununku es komyuñ nu sin rošo, a sis komyuñ nu in prison.

26 Payinu ña fwak nu sum, Kom koflanu fwala liki mao, nu ke kom mol ma nu kemwu nu ke kitin ma sisik.

27 ¶ Komwos loñ ma ma-

tu fwak umet, Nik kom kosro.

28 Ā ña fwak nu sumwos, Met su ñetañ nu sin mutan a luñsi fwas nu yurol; el orek kosro nu sel tari inšiel.

29 Ā mutom leyut fwin orek kom koluk, tipella mao a sista liki kom: tu mwo nu sum tu sie monum mišalla, a tiu monum nu kemwu sisila nu in hell.

30 Ā la pom leyut fwin ore kom koluk, pakala mao, a sista liki kom: tu mwo nu sum tu sie monum mišalla, a tiu monum nu kemwu sisila nu in hell.

31 Ma fwak met, Met su sista mutan kiel, lela lun šuñ nu sel me sim lun sisila.

32 Ā ña fwak nu sumwos, Tu met su sista mutan kiel, el fwin tiu kosro, el ora'l lun met kosro: a met su payuk el su sisila, el orek kosro.

33 Siefwil pe, komwos loñ ma matu fwak umet, Nik kom šifwanu kape kom, a kom tufwa akfwolye kas lom nu sin Jeova.

34 Ā ña fwak nu sumwos, Nik komwos sranu fulak: tiu nu ke kosao; tu me mutu lun God: 35 tiu nu ke fwalu; tu me fwolkin nien; tiu nu ke Jerusalem; tu siti sin Togusa lulap.

36 Nik kom fulak siufum,

tu kom koflanu oru sugo aun šiufum in fwosfwos ā sral-sral.

37 Ā lela kaskas lomwos, Aok, aok; Mo, mo: tu kутenu ma fwin yok liki ma iñi, koluk.

38 Komwos loñ ma fwak met, Muta topkin muta, ā mwis topkin mwis: 39 ā ña fwak nu šumwos, Tu komwos tiu asikeli ke ma koluk: ā met šu tokoilik olum leyut, siefwil forla nu sel leši.

40 Ā sienu met fwin luñši oru nu šum nu ke nununku ā esla nuknuk lū lom, lela lun es pe nuknuk lik.

41 Ā met šu kaifwi kom in fwas nu ke mail si, kom oelul fwas nu ke luo.

42 Šuñ nu sel šu siyuk šum, ā met šu asroa kom nik kom forla luk el.

43 Komwos loñ tu ma fwak met, Mwo kom luñšom met kawuk lom, ā sruñu met lokwalok lom: 44 ā ña fwak nu šumwos, Mwo komwos luñši met lokwalok lomwos, kaskas mwo nu selos šu kaskas ko nu šumwos, oru mwo nu selos šu sruñe komwos, ā siyuk alos sin God šu orek ma koluk nu šumwos, ā kolyai komwos; 45 tu ou iñi komwos fwa tulig nutin Papa tumomwos šu in kosao: tu El oru fwat

lal in sikyuk on ke koluk ā ke mwo, ā El sipamu auf on ke payi ā on ke sito.

46 Tu komwos fwin luñšomwos elos šu luñselos komwos, mea mol lomwos? ya met rošo elos tiu ou iñi?

47 Ā komwos fwin paiñ met liumwos mugenu, mea yök šumwos? ya met rošo elos tiu ou iñi?

48 Tu ou iñi mwo komwos šumwosmwoš lanu, ou Papa tumomwos šu in kosao šumwosmwoš lanu.

## ŠAPTER 6.

**K**OMWOS liauñ in tiu oru ma payi lomwos ye mutun metu, tu elos liye komwos: fwin ou iñi Papa tumomwos šu in kosao el tiu siot me mol lomwos.

2 Ke ma iñi ke kom oru kīte, tiu ugug ye mutom, oanu met mwošounkas in imwen lolñok ā in inganeku, tu met kaksakin olos. Payinu na fwak nu šumwos me mol lalos.

3 Ā ke kom orek kīte, nik la pom lesi etu ma la pom leyut oru: 4 tu kīte lom fwa lukla: ā Papa tumom šu liye in lukla, el šifwanu fwa mol nu šum lemtu-laiuk.

5 Ā ke kom pre, kom tiu oanu met mwošounkas: tu elos luñselos pre ke elos tu

## MATTU, 6.

in imwen lolñok ā in sru-  
mwosrik inganek, tu met  
fwa liye'los. Payinu ña  
fwak nu šumwos, Me mol  
lalos.

6 Ā kom, ke kom pre,  
iliuk nu in fukil šum, ā ke  
kom kaliye mutun oaoa lom,  
pre nu sin Papa tumom šu  
in lukla; ā Papa tumom šu  
liye in lukla, el fwa mol nu  
šum lemtulaiuk.

7 Ā ke komwos pre, nik  
komwos enutnut oanu met  
pegan: tu elos nunku mu  
enut el loñ tu elos kaskas ka  
puspis.

8 Ke ma iñi komwos in  
tiu ou elos: tu Papa tumo-  
mwos el etu ma komwos  
luñšomwos met, komwos si-  
yuk sel tuk.

9 Ke ma iñi komwos pre  
ou iñi: Papa tumus šu in  
kosao, E'los oal payi.

10 Togusaī lalos tuku.  
Orek ma nu fwalu, ou elos  
oru in kosao.

11 Kite kit len si iñi ma  
kut moño misiñi.

12 Ā nunok munas nu šes  
ke ma koluk las, oanu kut  
nunok munas sin met šu  
orek ma koluk nu šes.

13 Ā tiu kol kit kut in  
mel, ā es kit la liki ma  
koluk. Tu togusaī lalos, ā  
ku, ā mwolanu, ma patpat.  
Amen.

14 Tu komwos fwin nunok

munas sin met ke ma koluk  
lalos, ouyape Papa tumo-  
mwos in kosao el fwa nunok  
munas ke ma koluk lomwos.

15 Ā komwos fwin tiu  
nunok munas sin met ke ma  
koluk lalos, ouyape Papa  
tumomwos el fwa tiu nunok  
munas ke ma koluk lomwos.

16 Ā ouyape, ke komwos  
lālo, tiu oanu met mwo-  
šounkas, efwal: tu elos ak-  
kolukye mutalos, tu met in  
liye elos la lālo. Payinu  
ña fwak nu šumwos, Me  
mol lalos.

17 Ā kom, ke kom lālo,  
mosuela šiufwom, ā tanla  
mutom; 18 Tu kom lālo tiu  
nu sin metu, tu nu sin Papa  
tumom šu in lukla: ā Papa  
tumom šu liye in lukla, el  
fwa šiot mol nu šum lemtu-  
laiuk.

19 ¶ Tiu likiye ma mwo  
lomwos on fwalu, yin mwo-  
til ā rus koñla, ā yin met  
pusupas konaoselik ā puse:  
20 ā likiye ma mwo lomwos  
in kosao, yin mwotil ā rus  
tiu koñla, ā yin met pusupas  
tiu kanaoselik ā tiu puse:  
21 Tu yin ma mwo lomwos  
on we, ouyape yin ñunu-  
mwos on we.

22 Mutu kalem lun mano:  
ke ma iñi mutom fwin mwo,  
monum nu kemwu tiñtiñi-  
nu ke kalem: 23 ā mutom  
fwin koluk, monum nu ke-

mwu tiñtiñinu ke los. Ke ma iñi fwin kalem in kom los, los iñi yok fuka!

24 Wañin met oru nu sin leum luo: tu el fwa sruñu sie, ā luñsi sie; ku el fwa srukie sie, ā sisle sie. Komwos koflanu oru nu sin God ā mammon.

25 Ke ma iñi ña fwak nu šumwos, Tiu nunku mu mol lomwos, ma komwos a moño, ā ma komwos a nim; ā tiu monumwos ma komwos a nukomañ. Ya mol tiu mwo liki me moño, ā mano ku nuknuk?

26 Liye mwon yin eñye-ñu: tu elos tiu eoki, ā tiu kosrni, ā tiu ti mu in lomwu: ā Papa tumomwos in kosao el kit alos. Ya komwos tiu mwo luk elos?

27 Šu šumwos ke nunkauk fwa ku in orek komwos fulat oanu kubit si?

28 Ā efwo komwos ku nunku ke nuknuk? Liye kiuf in ima si, elos kapak ma fuka; elos tiu orekma, ā tiu isap: 29 ā ña fwak nu šumwos, Tu Solomon, ke ma nu kemwu mwo lal, el tiu yinla oanu sie selos.

30 Ā God el fwin akkapye ma mwo in ima si, tu on misiñi, ā lutu sisle in fwun-you, ya el tiu oru nu šumwos yok liki, we komwos lalalfuñi ma sisik?

31 Ke ma iñi komwos tiu nunkauk, fwakañ, Mea kut a moño? ku Mea kut a nim? ku Pia ma kut a nukomañ?

32 (Tu met pegan elos šukuk ma nu kemwu ma iñi:) tu Papa tumomwos in kosao el etu tu ma nu kemwu iñi mwo nu šumwos.

33 Ā met komwos šuk nu togusañ lun God, ā ma payi lal; ā ma nu kemwu ma iñi fwa šuñ pe nu šumwos.

34 Tu ou iñi tiu nunku mu nu lutu: tu lutu fwa nunku kutu ma lutu. Tari ma koluk len si.

## ŠAPTER 7.

**K**OMWOS tiu nununku, tu met a tiu nununke komwos.

2 Tu nununku ma komwos nununku ka, met a fwa nununke komwos ou iñi; me srigusok ma komwos sriki ka, ma iñi inet fwa srike pe nu šumwos.

3 Ā efwo kom ku liye kutkut in mutun lium, ā tiu nunku mu šak lulap in mutom?

4 Ka fuka kom fwak nu sin met lium, Mwo ña esla kutkut liki in mutom; ā liye, šak lulap in muto-mwun?

5 Kom mwošounkas, met kom sisle šak liki in mutom; ā na kom fwa liye



mwo in esla kutkut liki in mutun lium.

6 Tiu šuñ kutu ma mutal nu sin kosro ñaliñul, ā tiu sista mwek lomwos nu ke kosro pig, tu elōs fwa fwokeye ye nialos, ā elos fwa forla ñalis komi.

7 Siyuk, ā fwa kite komwos; šuk, ā komwos fwa konoioik: tomwolak, ā fwa igakla nu šumwos: 8 tu met nu kemwu šu siyuk es; ā el šu šuk konoioik; ā šu tomwolak ma igakla nu sel.

9 Ka met šu šumwos, tulig nata fwini siyuk bred, el fwa šuñ eot nu sel?

10 Ka el fwini siyuk ik, el a šuñ nu sel serpent?

11 Na komwos met koluk, fwini etu fuka in šuñ ma mwowo nu sin tulig nuto-mwos, Papa tumomwos šu in kosao el fwa šuñ mwo yok fuka nu selos šu siyuk sel?

12 Ke ma iñi ma nu kemwu komwos luñšomwos, met in oru nu šumwos, komwos oru uyape nu selos: tu ou iñi manu ā met palu.

13 Komwos iliuk mutun kol ou sriksrik; tu mutun kol sralap, ā inganek sralap pailiknu, ma kol nu yin koluk lanu, ā met puspis iliuk nu we.

14 Tu mutun kol ou sriksrik ā inganek ou sriksrik,

ma kol nu yin mol; ā met pu konoioik mao.

15 Liauñ met palu sito, šu tuku nu yuromwos in nuk-nuk lun šip, ā inšielos kosro wolf konaosten.

16 Komwos fwa etalos ke fwako lalos. Ya met elos eseni grep ke mu, ā fig ke kokol?

17 Ou iñi šak mwo nu kemwu isūs fwako mwo; ā šak koluk isūs fwako koluk.

18 Šak mwo koflanu isūs fwako koluk, uyape šak koluk koflanu isūs fwako mwo.

19 Šak e nu kemwu fwini tiu isūs fwako mwo pokiye iguri, ā sista nu in e.

20 Ke ma iñi komwos eta'los ke fwako lalos.

21 ¶ Tiu met nu kemwu šu fwak nu sik, Leum, Leum, elos fwa iliuk in togusañ in kosao; tu el šu oru ma Papa tumuk in kosao el luñsel.

22 Met puspis fwak nu sik in len si iño, Leum, Leum, ya kem tiu kaskas in ĕum? ā in ĕum kem sista devil? ā in ĕum oru ma puspis ma šokuruk?

23 Ā na ña a fwak nu selos, Na tiu ete komwos; fwala liki yu komwos šu orek ma koluk.

24 Tu ou iñi met nu kemwu šu loñ ma ña fwak iñi,

ā oru mao, nā fwak el oanu met lalmetmet, šu muša lom sel on fwin eot: 25 ā auf kakla, ā sronot tuku, ā eñ tumi, ā fuñulye lomwu; ā tiu iguri: tu muša fwin eot.

26 Ā met nu kemwu šu loñ ma nā fwak iñi, ā tiu oru, elos oanu met lalfon, šu muša lom sel on fwin puku: 27 ā auf kakla, ā sronot tuku, ā eñ tumi, ā fuñulye lomwu; ā iguri: ā ma iñi iguri ma lulap.

28 Ā ma iñi te oru, ke Jisus el kaskas tari, met elos lut ke ma luti lal: 29 Tu el luti nu selos oanu kas pen, ā tiu oanu met šim.

### ŠAPTER 8.

**K**E el oatu fwin eolami, met puspis tukeni fwas tukol.

2 Ā liye, lepu si tuku ā šinakunal, fwakañ, Leum, kom fwin luñšom, kom ku in ore yu la in nasnas.

3 Ā Jisus el sralot paul, ā kali'lye, fwakañ, Nā ke, kom in nasnas. Ā kitin mišini lepu si el nasnas.

4 Ā Jisus el fwak nu sel, Liauñ, nik kom fwak nu sin met; ā fwas, ā luti komyuñ nu sin met tol, ā šuñ kiše ma Moses el šap, ke ma lo nu selos.

5 ¶ Ā ke Jisus el utiuk

nu in Kepernaum, met senturion el tuku nu yurin siyuk sel, 6 ā fwakañ, Leum, met kulanšap luk on yin sik mas matoltol, keokinu.

7 Ā Jisus el fwak nu sel, Nā fwa tuku ā akkei el la.

8 Met senturion el tupokoañ ā fwak, Leum, nā tiu mwo, nik kom tuku nu fwin tukin ium sik: ā kom fwakñu, ā met kulanšap luk fwa kela.

9 Tu nā met leum šukšuk si, met meun luk akkos yu: ā nā fwak nu sin sie, Šom, ā el šom; ā nu sin sienu, Tuku, ā el tuku; ā nu sin met kos luk, Oru ma iñi, ā el oru.

10 Ke Jisus loñ, el lut, ā fwak nu selos šu fwas tukol, Payinu nā fwak nu šumwos, Nā tiu konoioik ma lalalfuñi lulap ou iñi, mo, tiu in Israel.

11 Ā nā fwak nu šumwos, Tu met puspis fwa tuku yin fwatu takmu we ā yin fwatu tili we, ā elos fwa mutu yurin Ebrean, ā Aisak, ā Jakob, in togusañ in kosao.

12 Ā tulig lun togusañ fwa sisila nu yin los liki losu: ā nu iño fwa tuñ ā nāñorñor in mwuse.

13 Ā Jisus el fwak nu sin met senturion, Fwasot; ā oanu kom lalalfuñi a fwa oru nu šum. Ā kitin miši-

ñi met kulanšap lal el kela ke auu si iñi.

14 ¶ Ā ke Jisus el ilyuk nu in lom sel Piter, el liye nine kien mutañ kiel onu, ā mas fwol.

15 Ā el kalye paul, ā mas fwol wañinla luk el: ā el tukakak, ā oru nu Sel.

16 Ā ke eukela, elos wis nu yurol met puspis šu musin devil: ā el sista ñun liki ke pusral, ā akkei elos la nu kemwu šu mas: 17 Tu oru ma payi ma Isaias met palu el polyi, fwakañ, El šifwanu srukak ma kolukla las, ā wisla mas las.

18 ¶ Iñi ke Jisus el liye met puspis apnulani, el šap in šom nu lefwalo.

19 Ā sie met šim el tuku, ā fwak nu sel, Met luti, ña ke fwas tukum yin nu kemwu kom fwas nu we.

20 Ā Jisus el fwak nu sel, Kosro foks inluf selos, a mwon yin eñyeñu auñ selos; ā Mwen nutin met wañin an šiufwel on nu we.

21 Ā sienu sin met tumal lutlut el fwak nu sel, Leum, lela ña šom pukinye papa tumuk met.

22 Ā Jisus el fwak nu sel, Fwas tukuk; ā lela met miši pukinye met miši lalos.

23 Ā ke el sroauk nu fwon oaku, met tumal lutlut elos sroauk tukol.

24 A liye, eñ lulap tuku nu mwea, oanu tu nuamwot afwunla oaku: ā el motulnu.

25 Ā met tumal lutlut elos tuku, ā oksalak, fwakañ, Leum, moli kit la: kut a miši.

26 Ā el fwak nu selos, Efwo komwos ku šaṇeñ, we komwos lalalfuñi ma sisik? Na el tukakak, ā igul eñ ā mwea; ā iñi mis lanu.

27 Ā met elos lut, fwakañ, We met measi, tu eñ ā mwea aksol!

28 ¶ Ā ke el tuku lefwalo, yin met Gadara mutu we, iño met luo musin devil šunol, eltal fwase liki inkulyuk mi, koskusok akinu, oanu tu wañinu met fwas alukela nu we.

29 Ā liye, elos wowoyuk, fwakañ, Mea kut oru nu šuin, Jisus, Mwen nutin God? ya kom tuku nu yinu in akkolukye kit met pal si?

30 Ā lūsi lalos un kosro pig si ma puspis moño we.

31 Ā devil elos pre siyuk sel fwakañ, Kom fwon sis kit la, lela kut in šom nu in un kosro pig.

32 Ā el fwak nu selos, Fwala. Ā ke elos fwas liki tari, elos šom nu in un kosro: ā liye, un kosro nu kemwu oatu ma keku nu yin lual mwea, ā elos miši nu in kofo.

## MATTU, 9.

33 Ā elos šu liye'losyuñ kaiñla, ā šom nu yin siti, ā fwakak ma nu kemwu, ā kutu ma oru nu sin met musin devil.

34 Ā liye, nu kemwu mutu yin siti elos fwas liki šunol Jisus: ā ke elos liye'l, elos pre siyuk sel in fwala liki an selos.

### ŠAPTER 9.

**A** EL sroauk nu fwin oaku, ā kolot, ā tuku nu yin siti sel.

2 Ā liye, elos wis nu yurol sie met mas matoltol, on fwin kūlus si: ā Jisus liye lalalfuñolos, el fwak nu sin met mas matoltol, Mwen, eñunak; ma koluk lom nunok munas šum.

3 Ā liye, kutu sin met šim fwak inšielos, El enum.

4 Ā Jisus etu nunka'los, el fwak, Efwo komwos ku nuku ma koluk inšiumwos?

5 Ka šu a fusas liki in fwak, Ma koluk nunok munas nu šum? ku fwak, Tukakak, ā fwas.

6 Ā tu komwos fwa etu, tu Mwen nutin met ma ku lal on fwalu in nunok munas ke ma koluk (na el fwak nu sin met mas matoltol,) Tukakak, srukak kūlus kium, ā fwas nu in lom šum.

7 Ā el tukakak, ā šom nu in lom sel.

8 Ā ke met puspis tukeni liye elos šaņeñ ā kakšakin God, šu šuñ ku ou iñi nu sin metu.

9 ¶ Ā ke Jisus šom liki an si iñi, el liye met si, el Mattu, el mutu imwen met rošo; ā el fwak nu sel, Fwas tukuk. Ā el tuyuk, ā fwas tukol.

10 Ā ma te oru, ke Jisus el foñla nu ke tebel in lomwu, liye, ma puspis met rošo ā met koluk elos tuku ā foñla nu yurol ā met tumal lutlut pe.

11 Ā ke met Farisi liye, elos fwak nu sin met tumal lutlut, Efwo met luti lomwos ku mutu moño yurin met rošo ā met koluk?

12 Ā ke Jisus el loñ el fwak nu selos, Met ku elos tiu enenu met šatal, tu met mas mugenu.

13 Ā komwos šom ā lutlut ke ma iñi fuka, Ņa luñsik pakomutu, ā tiu kiše: tu ña tiu tuku in pañon mu met payi, tu met koluk in auliyuk.

14 Na met lutlut lal Jon elos fwas nu yurol, fwakañ, Efwo kut ku ā met Farisi lālo pal puspis, ā met lutlut lom tiu lālo?

15 Ā Jisus el fwak nu selos, Ya tulig in fukil nutin met pusla elos asro ke met pusla mutu yurolos? ā len a

## MATTU, 9.

fwa tuku, ke met pusla el šom luk elos, ā na elos lālo.

16 Wañin met likiye ipen nuknuk šašu nu ke nuknuk ma; tu ma filiye nakla esla kute liki nuknuk, ā muša yokoilik.

17 Ouyape met tiu filiye wain šašu nu in šifwa matu, fwini ou iñi šifwa fogōlik, ā wain širorla, ā šifwa mušal-šala: ā elos filiye wain šašu nu in šifwa šašu, ā eltal mwo.

18 ¶ Ke el kaskas kutu ma iñi nu selos, liye, sie le-um tuku nu yurol, ā šinaku-nal, fwakañ, An nutig el miši iñi: ā fwasu ā likiye pom on fwel, ā el fwa mol.

19 Ā Jisus el tuyuk ā fwas tukol, ā met tumal lut-lut pe.

20 Ā liye, sie mutan, šu musin sa ke yiu sie-ñul-luo, el tuku tukol, ā kalye siske nuknuk lal: 21 Tu el fwak inšiel, Ña fwini kalyanu nuknuk lal, ña fwa mol.

22 Ā Jisus el tapulla; ā ke el liye'l, el fwak, An, eñunak; lalalfuñi lom ore kom in kela. Ā mutan si el kela ke auu si iñi.

23 Ā ke Jisus el tuku nu in lom sin leum, ā liye met ušuk sisik ā kutenu met ša-ša, 24 el fwak nu selos,

Sesekla; tu mutan fwus el tiu miše, ā el motul. Ā elos isasinkusa.

25 Ā ke met elos illa, el ilyuk, ā el es paul, ā mutan fwus el tukakak.

26 Ā ma iñi sulkakin yikelik nu fwal si iño nu kemwu.

27 ¶ Ā ke Jisus el šom liki an si iñi, met kun muta-luo fwas tukol, wowoyuñ, ā fwakañ, Mwen nutin Devid, pakomutetalu.

28 Ā ke Jisus el utyuk nu in lomwu, met kun muta-luo tuku nu yurol: ā Jisus el fwak nu seltal, Ya komtal lalalfuñi tu ña ku in oru ma iñi? Eltal fwak nu sel, Ao, Leum.

29 Na el kalye mutaltal, fwakañ, Ma nu šumtal oanu komtal lalalfuñi.

30 Ā mutaltal ñutalik: ā Jisus el fwakañ šumoseye nu seltal, Nik komtal oru nu sin met.

31 Ā ke eltal šomla, eltal sulkakunalik ma el oru nu fwal iño nu kemwu.

32 Ke elos šomla liki, liye, elos wis nu yurol met šiloñkas si musin devil.

33 Ā ke el sisla devil luk el, met šiloñkas el kaskas: ā met puspis tukeni elos lut, fwakañ, Met kut tiu liye ou iñi in Israel.

34 Ā met Farisi elos

fwak, el sisla devil liki ke leum lun devil.

35 Ā Jisus el fwafwasyis nu in siti ā yin sisik nu kemwu met mutu we, luti in lolñok lalos, ā kaskas ma mwo šašu lun togusaī, ā kela mas e nu kemwu ā atuk nu kemwu yurin metu.

36 Ā ke el liye met pus-pis tukeni, el pakomutalos, tu elos mululla, ā fwaselik, oanu šip wañin met sropu.

37 Na el fwak nu sin met tumal lutlut, Ma puspis kapak masla orani wisak, ā pu met orekma; 38 tu ou iñi komwos pre nu sin Leum lun ma kapak masla, tu el fwa sipaot met in orekma nu yin kapak masla.

## ŠAPTER 10.

**A** KE el pañon mu met sie-ñul-luo tumal lutlut, el šuñ nu selos ku ke ñun fok-fok tu elos in sis elos la, ā in kela mas e nu kemwu ā atuk nu kemwu.

2 Ā elos ou iñi lun met šap sie-ñul-luo: Masi metu Saimon šu pañpañ Piter, ā Antru met lel; Jemes nutin Zebedi, ā Jon met lel; 3 Filip, ā Bartolomu; Tomas, ā Mattu met rošo; Jemes nutin Alfeus, ā Lebbeus, ē mwulal Taddeus; 4 Saimon met Kenan, ā Judas Iskariot, el šu tukakunulak.

5 Sie-ñul-luo iñi Jisus el sipaot, ā oru nu selos, fwa-kañ, Nikmit fwas nu inganek lun Met pegan ā nikmit il-yuk nu yin siti lun met Simaritan.

6 Tu mwo liki šom nu yurin šip tūla lun sou lun Israel.

7 Ā, ke komwos šom, luti fwakañ, Togusaī in kosao akurun.

8 Oru met mas in kela, met lepu in nasnas, met miši in molyuk, sisla devil liki: komwos esla ke tiu mol, kitala ke tiu mol.

9 Tiu filiye gol, ā silver, ā bras in atro lomwos; 10 tiu nuk ke fwafwasyis, tiu koat luo, tiu faluk, tiu sikal; tu mwo in šuñ me mol nu sin met orekma.

11 Komwos fwin ilyuk yin siti ā yin sisik met mutu we, siyuk šu mwo yinu; ā mutu we nu ke komwos šomla.

12 Ā ke komwos ilyuk nu in lomwu, tañ mu.

13 Ā lom fwin mwo, misla lomwos on fwe: ā fwin tiu mwo, lela misla lomwos in foloko nu yuromwos.

14 Ā sienu met šu tiu es komwos, ā tiu loñ kas lomwos, ke komwos šom liki lom ku siti si iñi, fotoñla fok ke niumwos.

15 Payinu na fwak nu

šumwos, Fwal Sodom ā Gomorra mwo liki siti si iño in len ošun.

16 ¶ Liye, ña sipe komwos la oanu kosro šip nu yurin kosro wolf: tu ou iñi mwo komwos lalmetmet oanu serpent, ā oa oanu muli oa.

17 Ā sismouk metu: tu elos fwa es komwos yuk nu ke mwolin papu, ā elos fwa sriñil komwos in lolñok lalos; 18 ā elos fwa wis komwos yuk nu ye mutun leum ā togusa ke ña, ke ma lo lain elos ā Met pegan.

19 Ā ke elos es komwos-yuñ, tiu nunkauk kutu ā fuka ma komwos a fwak; tu ña fwa šiot nu šumwos kutu ma komwos a fwak ke auu si iño.

20 Tu tiu komwos a fwak, ā Nun lun Papa tumomwos el fwak in komwos.

21 Ā met lel fwa ašun met lel nu ke miši, ā papa ašun tulig: ā tulig elos tuyuk lain papa nine, ā ora'los nu ke miši.

22 Ā met e nu kemwu fwa sruñe komwos ke ēk; ā el šu oru mwo nu tuk fwa mol.

23 Ā ke elos kolyaī komwos yin siti si iñi, komwos kaiñ la nu sienu: tu payinu ña fwak nu šumwos, Komwos tiu fwas tari nu yin

siti in Israel, nu ke Mwen nutin metuku.

24 Met tuma lutlut el tiu fulat liki met luti, ā met kulansap tiu fulat liki leum lal.

25 Tarinu tu met tuma lutlut oanu met luti lal, ā met kulansap oanu leum lal. Elos fwin pañpañ met fwunmet Beelzebub, ya yok liki elos pañpañ pe kutu sin sou lun met fwunmet?

26 Tu ou iñi tiu sañeñ selos, tu wañin kutu ma afne, a fwa tiu igasla; ā mwukin, a fwa tiu etauk.

27 Ma ña fwak nu šumwos in los, komwos kaskas in kalem: ā ma komwos loñ in sreumwos, komwos fwakot on fwin mañon lomwu.

28 Ā tiu sañeñ selos šu uniye mano, ā tiu ku in uniye ñun: ā mwo liki sañeñ sel šu ku in kanaosla ñun ā mano pe in hell.

29 Ya met tiu kukakin kitin mwon luo ke kitin muni sisik? ā sie fwin putati nu in foko Papa tumomwos el liauñ.

30 Ā aun šiufumwos nu kemwu el oakla.

31 Ke ma iñi komwos tiu sañeñ; tu komwos mwo liki kitin mwon sisik puspis.

32 Tu ou iñi met sinu šu fwak yū yuk ye mutun metu, ouyape ña fwa fwa-

kalak ye mutun Papa tumuk  
šu in kosao.

33 Ā sienu met šu lafwe-  
kin yu ye mutun metu, ña  
ouyape fwa lafwekunal ye  
mutun Papa tumuk šu in  
kosao.

34 Tiu nunku mu tu ña  
tuku in sipamu misla on  
fwalu: Na tiu tuku in sipa-  
mu misla, tu kutlas.

35 Tu ña tuku in oru  
met si lain papa tumal, ā  
tulig mutan lain nine kial, ā  
tulig talap lain nine talu-  
pal.

36 Ā met lokwalok lun  
met in sou lal.

37 El šu luñši papa ā  
nine yok liki yu, tiu mwo  
nu sik, ā el šu luñši mwen ā  
an yok liki yu, tiu mwo nu  
sik.

38 Ā el šu tiu es šaksiñ  
sugo lal, ā fwas tukuk, tiu  
mwo nu sik.

39 El šu konoiook mol lal  
fwa tūla mao: ā el šu tūla  
mol lal keik, fwa konoiook  
mao.

40 ¶ El šu es kom, es yu  
mi; ā el šu es yu mi, es al  
šu sipe yu mi.

41 El šu es met palu in  
ēl met palu, fwa es mol lun  
met palu; ā el šu es met  
payi, in ēl met payi, fwa es  
mol lun met payi.

42 Ā el šu fwa nime sin  
sie ma sisik luk alein kof

eu si in ēl met tuma lutlut,  
payinu ña fwak nu šumwos,  
me mol lal fwa tiu tūla.

## ŠAPTER 11.

MA iñi te oru kē Jisus el  
šap tari nu sin met sie-  
ñul-luo tumal lutlut, el šom  
in luti ā in kaskas yin siti  
selos.

2 Ā ke Jon el loñak in  
prison me orekma lun Kraist,  
el sipaot met luo tumal lut-  
lut, 3 ā fwak nu sel, Ya  
kom el šu a tuku, ku kem a  
šuk sienu?

4 Jisus el tupokoan ā  
fwak nu seltal, Fwala ā sie-  
fwil pe luti nu sel Jon ma  
komtal loñ ā liye: 5 met  
kun elos liye, ā met ul elos  
fwas, ā met leper nasnas, ā  
met siloñkas loñ, ā met miši  
molyuk, ā met sigasrup elos  
loñ ma mwo šašu.

6 Ā inši mwowo el šu tiu  
tugulkil keik.

7 Ā ke elos šomla, Jisus  
el mutamwauk in fwakul  
Jon nu sin met puspis tekeni,  
Mea komwos šom nu yin  
mesis in liye? Ya a sugo  
kusus in eñyeñu?

8 Ka mea komwos šom  
in liye? Ya met si nukomañ  
nuknuk mwowo? liye, elos  
šu nukomañ ma mwowo mu-  
tu in lom sin togusa.

9 Ka mea komwos šom  
in liye? Ya met palu si?



aok, ña fwak nu şumwos, a yok liki met palu si.

10 Tu el iñi met si elos şimisla met, Liye, ña sipu met şap luk ye mutom, el şu akou inek lom ye mutom.

11 Payinu ña fwak nu şumwos, Wañin mutan oswela met yok luk el Jon Baptist: a el su srikla liki in togusa in kosao yok luk el.

12 Ā ke len lun Jon Baptist nu iñi met elos oigusiuk nu in togusa in kosao, a elos kenu fwas nu we.

13 Tu met palu nu kemwu a manu elos polyi nu ke Jon.

14 Ā komwos fwin kenu etu mao, El iñi Elaias şu a tuku.

15 El şu sra in loñ, lela lun loñ.

16 ¶ Ā fwil si iñi oanu mea? Oanu tulig mutu yin kutakot, a elos pañonmu asouk lalos, 17 a fwakañ, Kem nigaruru nu şumwos, a komwos tiu srosro; kem usuk sisik nu şumwos, a komwos tiu aşor.

18 Tu Jon el tuku tiu moño a tiu nim, a elos fwak, Devil yurol.

19 Mwen nutin met el tuku moño a nim, a elos fwak, Liye met kain moño, a nim wain, met wiyen met roşo a met koluk. Ā Lal-

metmet el payi ke tulig natal.

20 Na el mutamwauk in kaiyuk nu sin siti, yin El orek menmen puspis, tu elos tiu auliyuk.

21 We nu şum, Koresin! we nu şum, Betsaida! tu fwin orek menmen lulap yin Tair a Saidon met, oanu oru nu şumtal, iñi eltal auliyuk ma lulap in nuknuk mwa şeñşeñ a apat.

22 Ā ña fwak nu şumtal, An Tair a Saidon eltal mwo liki komtal in len oşun.

23 Ā kom an Kapernaum oraok ma fulat in kosao, fwa utuki nu in hell: tu fwin orek menmen lulap nu in Sodom met oanu oru nu şum iñi, Sodom tiu wañinla nu ke len si iñi.

24 Tu ña fwak nu şumwos, Tu an Sodom mwo liki kom in len oşun.

25 ¶ Ke pal si iño Jisus el tupokoañ a fwak, Ña kulu nu şum, Papa, Leum in kosao a fwalu, tu kom mwukunla ma iñi liki met lalmetmet a met liaten, a igasañ mao nu sin kitin tulig.

26 Ao, Papa: tu ou iñi mwo on ye mutom.

27 Papa tumuk el kite yu ma nu kemwu: a wañin nu met etu Mwen, tu Papa mugenu: a wañin nu met etu Papa, tu Mwen mugenu,

ā el pe Mwen a fwa igaselañ nu sel.

28 Fwasu nu yuruk, komwos nu kemwu šu totola ā fwinni, ā ña fwa šiot nu šumwos moñle.

29 Es srenenu luk on fwom, ā lutlut keik; tu ña misle ā efwal inši: ā komwos fwa konoioik moñle in ñunu-mwos.

30 Tu srenenu luk mwo-nu, ā enu luk mulala.

### SAPTER 12.

**K**E pal si iño Jisus el fwas ke len sabbat sasla in ima korn si; ā met tumal lutlut elos musinsral, ā mutamwauk in lusla korn, ā in moño.

2 Ā ke met Farisi liye, elos fwak nu sel, Liye, met tumom lutlut elos orek ma tiu payi in oru ke len sabbat.

3 Ā el fwak nu selos, Ya komwos tiu rid kutu ma Devid el oru ke el musinsral, ā elos šu oelul; 4 fuka el ilyuk nu in lom sin God, ā moño bred luti, ma oul sel lun tiu moño, ā selos šu oelul, ā tiu oul nu sin met tol?

5 Ya komwos tiu rid in manu, fuka ke len sabbat met tol elos orekma in imwen tempel ā tiu koluk?

6 Ā ña fwak nu šumwos, Tu in an si iñi sie yok liki imwen tempel.

7 Ā komwos fwini etu fuka ma iñi, Ña luñsik pakomutu, ā tiu kiše, komwos a tiu lusla ma mwowou.

8 Tu Mwen nutin met el Leum lun sabbat.

9 ¶ Ā ke el šom liki an iño, el ilyuk nu in lolñok lalos: 10 ā liye, met si ul lanu paul. Ā elos siyuk sel, fwakañ, Ya oul in kela ke len sabbat ku tiu oul? tu elos fwa kas lain ul.

11 Ā el fwak nu selos, Ka met šu yuromwos nata sugo šip, ā el fwini putatla nu inlufu ke len sabbat, Ya el tiu sruki'lye ā srukak?

12 Fuka met a mwo liki šip? Tu ou iñi tiu oul in oru mwo ke len sabbat.

13 Na el fwak nu sin met si, Asreot pom. Ā el asroe-la; ā kelanu oanu layenu.

14 ¶ Na met Farisi elos šom liki, ā tukeni kaskas lain ul, fuka elos fwa uni'lye.

15 Ā ke Jisus el etauk, el šifwanu šom liki an iñi: ā met puspis tukeni elos fwas tukol, ā el akkei'elos la nu kemwu; 16 ā el mwulauñ nu selos tu elos in tiu fwa-kulak: 17 tu in payikin kutu ma Esaias met palu el fwak met fwakañ, 18 Liye tulig nutig, šu ña emun; kulu nutig, nu sin šu ñunik luñkin ma lulap: ña fwa

likiye ñunik on fwel, ā el fwa luti manu nu sin Met pegan.

19 El a tiu anwuk, tiu wowo; ā wañin met loñ pusral inganeku.

20 A malok el a tiu kop-talik, ā ma fofosiuk el a tiu kunla, nu ke el sipaot manu nu ke kutuñla.

21 Ā met pegan elos fwa lalalfuñi in el.

22 ¶ Na elos wis nu yurol sie musin devil, kunla mutal ā tiu kas: ā el ora'l in kela, oanu kunla ā tiu kas eltal liye ā kas.

23 Ā met nu kemwu elos lut, ā fwak, Ya el iñi tiu Mwen nutin Devid?

24 Ā ke met Farisi elos loñ, elos fwak, El iñi tiu sista devil liki, fwini tiu ke Beelzebub, leum lun devil.

25 Ā Jisus el etu nunka-los, fwak nu selos, Togusaĩ kemwu fwini sifwanu aes fwa wañinla; ā siti nu kemwu ā lom elos sifwanu aes fwa tiu tu.

26 Ā Setan el fwini sista Setan liki, el sifwanu aes; fuka togusaĩ lal fwa tu?

27 Ā ña fwini sista devil liki ke Beelzebub, ke su tulig nutom sista luk elos? ou iñi elos fwa nununke komwos, la payi ku sito.

28 Ā ña fwini sista devil liki ke Nunal God, na to-

gusaĩ lun God tuku nu yurumwos.

29 Ka fuka met si ilyuk nu in lom sin met ku, ā kanaosla ma lal, el fwini tiu kopuriyawun met ku? ā na el fwa kanaosla lom sel.

30 El su tiu wi yu, el lain yu: ā el su tiu wi yu wisani, el siselik.

31 Tu ou iñi ña fwak nu sumwos, Ma koluk ā ma enum nu kemwu God nunok munas sin metu; ā ma enum lain Nun Mutal, El tiu nunok munas sin metu.

32 Ā kuteru su kaskas sie kas lain Mwen nutin met, God fwa nunok munas nu sel: ā el su kaskas lain Nun Mutal, El fwa tiu nunok munas nu sel, tiu nu fwalu, tiu nu fwal tuko.

33 La orek šak mwo, ā fwakol mwo; ku orek šak koluk, ā fwakol koluk: tu kut etu šak ke fwako.

34 We fwil lun faipu! komwos koluk, fuka kaskas mwo? tu ke puspis inši, oalu kaskas.

35 Met mwo el wisla ma mwo lal liki niin tatā mwo lal; ā met koluk wisla ma koluk lal liki niin tatā koluk lal.

36 Tu ña fwak nu sumwos, Tu mwusrulunkas nu kemwu ma metu fwak, elos fwa oraot in len ošun: 37 tu

ke kas lom kom fwa payi, ā  
ke kas lom kom fwa sito.

38 ¶ Na kutu sin met  
sim ā sin met Farisi elos tu-  
pokot, fwakañ, Met Luti, kut  
luñšes liye sie akul ke'un.

39 Ā el tupokoañ ā fwak  
nu selos, Fwil koluk ā kosro  
šuk sie akul; ā wañin akul  
oru nu ka, ā akul siewunu  
lun Jonas met palu: 40 Tu  
oanu Jonas el mutu len tolu  
ā foñ tolu inšien luat; ouya-  
pe Mwen nutin met el fwa  
mutu len tolu ā foñ tolu in-  
sien fwalu.

41 Met Ninefa elos fwa  
tuyuk in olul lain fwil si iñi,  
ā lus el la; tu elos auliyuk  
ke Jonas el kaskas; ā liye,  
sie yinu yok luk el Jonas.

42 Kosoa yin eur el fwa  
tuyuk in olul lain fwil si iñi,  
ā lus el la; tu el tuku nu  
tafwun fwale mi in loñ ma  
lalmetmet lun Solomon; ā  
liye, sie yinu yok luk el  
Solomon.

43 Ke nūn fokfok el fwas  
liki met, el fwafwasyis sasla  
an paoala, šuknu moñla, ā  
tiunu konoioik.

44 Na el fwak, Na folok-  
la nu in lom sik ña fwas we  
mi; ā ke el tuku, el konoioik  
puše, imom, ā mwonu.

45 Na el šom, ā wis ku-  
tenu nūn itkos koluk luk el,  
ā elos ilyuk ā mutu we: ma  
saffa lun met šen koluk liki

ma met. Ā ou iñi fwil koluk  
si iñi koluk pe tuk.

46 ¶ Ke el kaskas iñi nu  
sin metu, liye, nine ā met lel  
elos tu likin umwe, luñši in  
kaskas nu sel.

47 Na sie fwak nu sel,  
Liye, nine kium ā met lium  
elos tu likin umwe, luñši in  
kaskas nu šum.

48 Ā el tupokoañ ā fwak  
nu sin šu fwak nu sel, Šu  
nine kīuk? ā met šu likan?

49 Ā el sralot paol nu ke  
met tumal lutlut, ā fwak,  
Liye nine kīuk, ā met lik!

50 Tu met šu oru luñ lun  
Papa tumuk in kosao, elnu  
ma lik, ā louk, a kīuk.

### ŠAPTER 13.

**L**EN si iñi Jisus el fwas  
liki lomwu, ā mutu fwini  
meši.

2 Ā met puspis elos tu-  
keni tuku nu yurol, ou iñi tu  
el sroauk nu fwini oaku, ā  
mutu; ā met puspis tukeni  
tu fwini meši.

3 Ā el kaskas ma puspis  
nu selos in pupulyūki, fwa-  
kañ, Liye, met takunla, el  
šom in takunalik: 4 ā ke el  
takunalik, kutu putatla nu  
pupaneku, ā mwon elos tu-  
ku ā koñla mao.

5 Kutu putatla nu yin  
eoteot, srikla fok on we; ā  
kitin pal elos kapak, tu fok  
tiu lāl: 6 ā ke fwatu takak,

elos paoala; ā tu wañin oka lalos, elos paoa lanu.

7 Ā kutu putatla nu ke kokol; ā kokol kapak, ā kupowiye masla.

8 Ā kutenu putatla nu in fok mwo, ā oswe fwako, kutu sie-fok ka, kutu on-ñul ka, kutu tol-ñul ka.

9 El šu sra in loñ, lela lun loñ.

10 ¶ Ā met lutlut elos tuku, ā fwak nu sel, Efwo kom ku kaskas nu selos in pupulyūki?

11 El tupokot ā fwak nu selos, Tu ma etukot nu šumwos in etu ma foñla lun togusaī in kosao, ā tiu etukot nu selos.

12 Tu el šu os ma lal, fwa šuñ kute pe nu sel, ā el fwa ma puspis ma lal: ā el šu wañin ma lal, fwa esla luk el nu kemwu ma lal.

13 Tu ou iñi ña kaskas nu selos in pupulyūki; tu liye, elos tiu liye; ā loñ, elos tiu loñ, ā elos tiu etu.

14 Ā in selos oru ma payi ma Esaias, met palu, el polyi fwak, Ke loñ komwos fwa loñ, ā fwa tiu etu; ā liye komwos fwa liye, ā ninukunlanu: 15 tu inšien met iñi ma upa, ā sralos matoltol, ā elos sruñulye mutalos; fwīn tiu ou iñi kutu pal elos liye ke mutalos, ā loñ ke sralos, ā fwa etu inšie elos, ā fwa

forla, ā ña fwa akkei elos la.

16 Ā inšie mwowo mutomwos, tu elos liye: ā sreumwos, tu elos loñ.

17 Tu payinu ña fwak nu šumwos, Tu met palu ma puspis ā met payi elos luñselos in liye ma komwos liye, ā tiu liye; ā in loñ ma komwos loñ, ā tiu loñ.

18 Ke ma iñi komwos loñ pupulyuk si lun met takunalik.

19 Ke kutenu loñ ma kas lun togusaī, ā tiu etu, na ma koluk si el tuku, ā tulakunla ma takunalik inšiel. El iñi el šu es fute nu ke pupaneku.

20 Ā el šu es fute yin eoteot, el iñi el šu loñ kas, ā kitin misiñi el inšie mwowo in es mao: 21 ā wañin oka ke el, ā el oru kutu pal; ā ke ma koluk ā kolya tuku ke kas, kitin misiñi el tugulkul.

22 El pe šu es fute yin kokol, el iñi el šu loñ kas; ā inšie lanu fwalu, ā kutasrik lun gasrup sruukeni kas, el tiu fokla.

23 Ā el šu es fute yin fok mwo, el iñi el šu loñ kas, ā etu; elnu oswe fwako, ā iñs, kutu sie-fok ka, kutu on-ñul ka, kutu tol-ñul ka.

24 ¶ El lute nu selos sie pe pupulyuk, fwakañ, To-

gusaĩ in kosao oanu met su takunalik fute mwo in ima si lal: 25 a ke met elos onnu motul, met lokwalok lal tuku a takunalik tau kolweni wit, a el somla.

26 A ke sra kapak, a oswe fwako, na tau elos kapak pe.

27 Na met kulansap lun met kato tuku a elos fwak nu sel, Leum, ya kom tiu takunalik fute mwo in ima si lom? efwo ku tau on ka?

28 El fwak nu selos, Met lokwalok el oru ma iĩi. Met kulansap elos fwak nu sel, Ya kom luĩsom tu kem som in sifwalosyuk?

29 A el fwak, Mo; tu ke komwos sifwalosye tau, komwos fusak wit oelulosyuk pe.

30 Lela in tukeni kapak nu ke sifweni: a ke pal si sifweni na tufwa fwak nu sin met kosrũni, Met komwos eseni nu sie tau, a kapeni loseni in furelosyuk: a komwos wiseni wit nu in imwen wit sik.

31 El luti nu selos sie pe pupulyuk, fwakaĩ, Togusaĩ in kosao oanu futin mustad, ma met si srukak, a takunalik in ima si lal: 32 ma iĩi srik liki fute nu kemwu; a ke ma kapak, ma yok liki sak tasuk, a oanu sak lulap kutu, oanu tu mwon yin

eĩyeĩu elos tuku a mutu on fwĩn le šaku.

33 El kaskas nu selos sie pe pupulyuk: Togusaĩ in kosao oanu me pulolak, ma mutan si es, a mwukin in buket in flau tolu, nu ke pulolak kemwu.

34 Ma nu kemwu ma iĩi Jisus el kaskas in pupulyuk nu sin met puspis tukeni; a fwĩn tiu pupulyuk el tiu kaskas nu selos: 35 tu a fwa payikin ma met palu el polyi, fwakaĩ, Na fwa maĩnalik in pupulyuki; na fwa fwakot kutu mamwukinwuk ke mutamwauk fwalu nu iĩi.

36 Na Jisus el sipalik met puspis tukeni, a ilyuk nu in lomwu: a met tumal lutlut elos tuku nu yurol, fwakaĩ, Luti nu ses pupulyuk lun tau in ima si.

37 El tupokot a fwak nu selos, El su takunalik fute mwo, Mwen nutin met: 38 Ima si, fwalu: fute mwo, tulig nutin togusaĩ: a tau tulig nutin koluk: 39 lokwalok su takunaloselik, devil: sifweni, safla fwalu; a met kosrũni, lipufon.

40 Tu oanu ma tau sifweni a fureuk in e; ouyape ke safla fwalu.

41 Mwen nutin met el fwa sipaot lipufon lal, a elos esla liki togusaĩ lal ma nu

kemwu ma tugulkul, ā elos  
šu orek ma koluk; 42 ā fwa  
sis elos la nu in fwunyu in e:  
ā iño fwa tuñnu ā ñañorñor.

43 Na met payi elos tu-  
fwa šaromromla oanu fwatu  
in togusaī lun Papa tumalos.  
El šu sra in loñ, lela lun  
loñ.

44 ¶ Siefwilpe, togusaī  
in kosao oanu ma mwo  
mwukunla in ima si; ma  
ke met si konoioik, el mwuk-  
mwuk, ā tu inšimwo ka, el  
šom kuko ma nu kemwu ma  
lal, ā mol ima si iño.

45 Siefwilpe, togusaī in  
kosao oanu met kutatot šu  
šukuk mwek mwowo; 46 ke  
el konoioik mwek mwo yok  
lanu molo, el šom ā kuko ma  
nu kemwu ma lal, ā mol  
masi.

47 ¶ Siefwilpe, togusaī  
in kosao oanu kwa, ma met  
fulalik mwea, ā sruukeni  
kain in ik nu kemwu.

48 Ke tiñtiñinu, elos ama-  
kunak nu fwini meši, ā elos  
mutu, ā šifweni ma mwowo  
kea nu fwini oaku, ā sisla ma  
koluk kea.

49 A fwa ou iñi ke safla  
fwalu: lipufon elos tumi ā  
eselik ma koluk liki ma  
payi, 50 ā fwa sis elos la in  
fwunyu in e: iño a fwa  
tuñnu ā ñañorñor.

51 Jisus el fwak nu selos,  
Ya komwos etu ma nu ke-

mwu ma iñi? Elos fwak  
nu sel, Ao, Leum.

52 Na el fwak nu selos,  
Tu ou iñi met šim šu lalmet-  
met ma lun togusaī in kosao,  
el oanu met kato, šu usi ša-  
šu ā matu liki tatñ lal.

53 ¶ Ā ma te oru, ke  
Jisus el kaskas pupulyuk iñi  
tari, el šom liki.

54 Ā ke el tuku nu yin  
sel, el luti nu selos in lolñok  
lalos, oanu tu elos lut, ā  
fwak, Ma ya lalmetmet, ā  
menmen lulap, met si iñi el  
es?

55 Ya el iñi tiu mwen  
nutin kapenter? kem tiu  
pañpañ nine kiel, Meri? ā  
ma lel, Jemes, ā Joses, ā  
Saimon, ā Judas?

56 Ā ma loul, ya elos tiu  
mutu yuros? Na ma ya met  
si iñi es nu kemwu ma iñi?

57 Ā elos tugulkul ke'l.  
Ā Jisus el fwak nu selos,  
An sin met palu, ā sou lal,  
tiu mwo nu sel.

58 Ā iño el tiu orek ma  
puspis menmen lulap, tu elos  
silalalfuñi.

## ŠAPTER 14.

**K**E pal si iño Herod titrak  
el loñ puñal Jisus, 2 ā  
el fwak nu sin met kulanšap  
lal, El iñi Jon Baptist: el  
molyuk liki met miši; tu ou  
iñi menmen lulap šifwanu  
luti in el.

3 Tu Herod el sruki'lye Jon met, ā kopuri'lye, ā fili'lye nu in prison ke Herodias, kiel Filip met lel.

4 Tu Jon el fwak nu sel, Oul ke kom es el.

5 Ā ke el luñsel uni'lye, el šaṇeñ sin met puspis, tu elos nunku mu el met palu.

6 Ā ke elos orekma ke len si Herod el isūsia, an nutin Herodias el on srosro ye mutalos, ā Herod el eñun ka.

7 Tu ou iñi el tukakunañ ke fulak in šuñ nu sel ma nu kemwu ma el siyuk.

8 Ā el, nine kiel luti nu sel umet, fwak, Usi nu sik šiufwel Jon Baptist in pulet lulap si.

9 Ā togusa el pakomutu: ā tu fulak ka, ā ke elos šu mutu moño yurol, el šap in ašun.

10 Ā el sipaot, ā tala šiufwel Jon in prison.

11 Ā elos wis šiufwel in pulet lulap si, ā šuñ nu sin mutan fwus si, ā el wis nu yurin nine kiel.

12 Ā met tumal lutlut elos tuku ā srukak manol, ā pukini'lye, ā šom ā fwakañ nu sin Jisus.

13 Ā ke Jisus el loñ, el šom in oaku liki an si iñi nu yin mesis muku: ā ke met elos loñ, elos fwas tukol fwas liki siti.

14 ¶ Ā Jisus el fwasot, ā el

liye met puspis tukeni, ā el pakomutalos: ā el akkeiela mas lalos.

15 Ā ke eukela, met tumal lutlut elos tuku nu yurol, fwakañ, An si iñi an mesis, ā patla pal si iñi; sipala metu, tu elos šom nu yin met mutu we, ā mol kutu me moño nelos.

16 Ā Jisus el fwak nu selos, Mwo elos tiu šom; komwos šuñ me moño nelos.

17 Ā elos fwak nu sel, Srukwalun nu bred limikos, ā ik lugwe iñi mugenu yuros.

18 El fwak, Usi mao nu sik.

19 Ā el šap met puspis tukeni in mutu on fwin ma; ā el srukak srukwalun nu bred limikos ā ik lugwe, ā ñetak nu in kosao, el ali, ā kunšalik, ā šuñ srukwalun bred nu sin met lutlut, ā met lutlut nu sin met puspis tukeni.

20 Ā elos nu kemwu moño, ā kūp: ā elos srukak luwin moño lalos kuom sieñul-luo sesesla.

21 Ā elos šu moño apkurun met mogul limu, sayin mutan ā tulig.

22 ¶ Ā kitin misiñi Jisus el šap nu sin met tumal lutlut in sroauk nu fwin oaku, ā kol met nu lefwalo el tuk,



ke el sipalik met puspis tu-  
keni.

23 Ā ke el sipalik met  
puspis tukeni tari, el muge-  
nu šom nu fwin eola in pre :  
ā ke pal si eukela, el muge-  
nu mutu.

24 Ā oaku infulwin ne-  
mwu, ikikyuk ke nua : tu  
eñ kolukyuk.

25 Ā ke šano akakos in  
foñ Jisus el šom nu yurolos,  
fwafwasyis fwin kof.

26 Ā ke met lutlut elos  
liye'l el la fwafwasyis mwea,  
elos toninfoñ, fwakañ, We  
ñun si ; ā elos wowoyuk ke  
šañeñ.

27 Ā kitin misiñi Jisus  
el kaskas nu selos, fwakañ,  
Komwos eñunak ; Na ; nik-  
mit šañeñ.

28 Ā Piter el tupokoan  
nu sel ā fwak, Leum, fwin  
kom, šap ñun fwas fwin  
kofo nu yurum.

29 Ā el fwak, Fwasu. Ā  
ke Piter el srola liki oaku,  
el fwas fwin kof, in šom nu  
yurin Jisus.

30 Ā ke el liye eñ upa, el  
šañeñ ; ā mutamwauk in tili,  
el fwakañ, Leum, moli yu la !

31 Ā kitin misiñi Jisus el  
asraot paul, ā sruki'lye, ā  
fwak nu sel, We kom lalal-  
fuñi ma sisik, efwo kom ku  
pulesu ?

32 Ā ke eltal sroauk nu  
fwin oaku, eñ misla.

33 Na elos fwin oaku tu-  
ku ā ali nu sel, fwakañ, Pa-  
yinu kom Mwen nutin God.

34 Ā ke elos kolot, elos  
tuku nu yin Gennesaret.

35 Ā ke met yin si iño  
elos eta'l, elos sipaot nu yin  
nu kemwu apneni, ā wis nu  
yurol met mas nu kemwu :

36 Ā elos siyuk sel tu  
elos in kalye siske nuknuk  
lal : ā nu kemwu šu kalye  
elos kela nu šumosmos.

### ŠAPTER 15.

NA met šim ā met Farisi  
N lun Jerusalem elos tuku  
nu yurin Jisus, fwakañ, 2  
Efwo met tumom lutlut ku  
kanaosla kaskas matu lun  
met elder ? tu elos tiu tanla  
paolos ke elos moño bred.

3 Ā el tupokoan ā fwak  
nu selos, Efwo komwos ku  
kanaosla pe ma šap lun God  
ke kaskas matu lomwos ?

4 Tu God el šap, fwakañ,  
Oru mwo nu sin papa tu-  
mom ā nine : ā, El šu kas-  
kas ko nu ke papa ā nine,  
lela lun mišenu misi.

5 Ā komwos fwak, Met  
šu a fwak nu sin papa ā nine,  
Ma iñi oul, ña koflanu šiot  
nu šum ; 6 ā tiu oru mwo  
nu sin papa tumal ā nine  
kiel, tari. Ou iñi komwos  
kanaosla ma šap lun God ke  
kaskas matu lomwos.

7 Mwošounkas ! mwo ma

Esaias el polyi ke komwos, fwakañ, 8 Met iñi elos kol-kai yu ke oalulos, ā oru mwo nu sik ke ñasro : ā inši-elos lusliki yu.

9 Ā elos šunle šunakin yu, luti me lutlut ma metu šap.

10 Ā el pañon mu met puspis tukeni, ā el fwak nu selos, Poroño, ā etu : 11 tiu kutu ma fwasyuk nu in oalin metu ora'l koluk ; a kutu ma fwala likin oalu, ma iñi oru metu koluk.

12 Na met tumal lutlut elos tuku ā fwak nu sel, Ya kom etu tu met Farisi elos tugulkul, tukin kas si iñi ke elos loñ ?

13 Ā el tupokoañ ā fwak, Šak nu kemwu ma Papa tumuk šu in kosao el tiu eoki, fwa fwusak.

14 Lela elos in mutanu : elos met kun kol met kun. Ā met kun fwin kol met kun, eltal fwa putatla nu inlufu.

15 Na Piter el tupokoañ, ā fwak nu sel, Luti nu šes pupulyuk si iñi.

16 Ā Jisus el fwak, Ya komwos ninukunla pe nu iñi ?

17 Ya komwos tiu etu nu iñi, tu ma nu kemwu ma fwasyuk nu in oalu šom nu inšie, ā fwa fwas nu fwin laño ?

18 Ā ma fwala likin oalu tuku inšie mi ; ma iñi oru metu koluk.

19 Tu ma nunkeyuk koluk, ma akmus, ma kosro, ma pukus, ma puse, ma kikiap, ma enum, elos tuke liki inšie : 20 ma iñi orek metu koluk : ā moño ke tiu tanla paus tiu orek metu koluk.

21 ¶ Na Jisus el šom liki, ā fwas nu kutenu an Tair ā Saidon.

22 Ā liye, mutan si Kenaan el tuke liki an si iñi, ā wowoyuk nu sel, fwakañ, Pakomutuk : O Leum, Mwen nutin Devid ! an nutig el musin devil keokinu.

23 Ā el tiu tupokot sie kas nu sel. Ā met tumal lutlut elos tuku, ā siyuk sel, fwakañ, Sipa'l la ; tu el tuñ-nu tukos.

24 Ā el tupokot ā fwak, Sipe yu la nu ke šip tūla lun Israel mugenu.

25 Na el tuku ā ali nu sel, fwakañ, Leum, kase yu !

26 Ā el tupokoañ ā fwak, Tiu mwo ke es bred nun tulin ā sisle nu sin kitin kosro ñaliñul.

27 Ā el fwak, Ao, Leum, ā tu kitin kosro ñaliñul elos moño kutkut in bred ma putatla liki fwin tebue lun tuma.

28 Na Jisus el tupokoañ,

ā fwak nu sel, We mutan, kom lalalfuñi ma lulap: ma oru nu šum oanu kom luñšom. Ā an natu el kela ke auu si iñi.

29 ¶ Ā Jisus el fwas liki an si iñi, ā tuku apkurun nu mwean Galili; ā utiuk nu fwin eola, ā mutanu we.

30 Ā met puspis tukeni elos tuku nu yurol, wis oelulos met ul, met kun, met sikas, met fuke, ā met puspis pe, ā filelosla nu ke niin Jisus; ā el akkei elos la: 31 ou iñi, tu met puspis tukeni elos lut, ke elos liye met sikas in fwak, met fuke in fwol, met ul in fwas, ā met kun in liye: ā elos kakšakin God lun Israel.

32 Na Jisus el pañon mu met tumal lutlut, ā fwak, Na pakomutun met puspis tukeni, tu elos mutu yuruk iñi len tolu, ā wañin me moño nelos: ā ña tiu luñsik sipalos la ke lālo, fwin ou iñi elos fwa mulula ke elos šom.

33 Ā met tumal lutlut elos fwak nu sel, Ma ya bred puspis nes yin mesis oanu tu met puspis tukeni elos moño kūp?

34 Jisus el fwak nu selos, Srukwal yikas nomwosen? Ā elos fwak, Itkos, ā ik sisik pu.

35 Ā el šap met puspis tukeni in mutu in foko.

36 Ā el es srukwal itkos ā ik, ā šuñ kulu, ā kunšalik, ā šuñ nu sin met tumal lutlut, ā met lutlut elos šuñ nu sin met puspis tukeni.

37 Ā elos nu kemwu moño, ā kūp: ā elos srukak luwen ma on kuom itkos sesesla.

38 Ā elos šu moño oanu met mogul ao, sayen mutan ā tulig.

39 Ā el sipalik met puspis tukeni, ā sroauk nu fwin oaku, ā tuku nu kutenu an Magdala.

## SAPTER 16.

**M**ET Farisi ā met Saddusi oelulos tuku, ā srifwe siyuk sel, tu el luti nu selos sie akul in kosaoe mi.

2 El tupokoañ ā fwak nu selos, Ke yikue, komwos fwak, len mwowo lutu, tu kosao sisa.

3 Ā ke lutue, Auf misifñi: tu kosao sisa ā kosra šuyuk. We mwošounkas, komwos etu mutun kosao; ya komwos tiu ku in akulin kutu palu?

4 Fwil koluk ā kosro šuk nu akul; ā wañin nu akul oru nu ke mao, ā akul siewunu lun Jonas met palu. Ā el fulelosi, ā šomla.

5 Ā ke met tumal lutlut elos tuku nu lefwalo, elos mulkunla in wis bred.

6 Na Jisus el fwak nu

selos, Liauñ ā sismouk me pulolak lun met Farisi ā met Saddusi.

7 Ā elos asiuki inšielos, fwakañ, Ma iñi tu kut tiu wis bred.

8 Ke Jisus el etauk, el fwak, We komwos lalalfuñi ma sisik, efwo komwos ku asiuki inšiumwos, tu komwos tiu wis bred?

9 Ya komwos tiu etu iñi, tiu esam srukwal limikos lun met limu, ā kuom yikas komwos srukak?

10 Ka srukwal itkos lun met ao, ā kuom yikas komwos srukak?

11 Efwo komwos ku tiu etu tu ña tiu fwak nu šumwos ke bred, tu komwos fwa sismouk me pulolak lun Farisi ā lun Saddusi?

12 Na elos etu tu el tiu fwak, Sismouk ma pulolak lun bred, tu me lutlut lun Farisi ā lun Saddusi.

13 ¶ Ke Jisus el tuku nu kutenu an Sesaria Filippai, el siyuk sin met tumal lutlut, fwakañ, Ka met su fwak yu mu, Mwen nutin met?

14 Ā elos fwak, Kutu mu, Kom Jon Baptist; kutu, Elaias; ā kutenu, Jeremaias, ku sie sin met palu.

15 El fwak nu selos, Ka komwos mu šuo ñao?

16 Ā Saimon Piter el tu-

pokoañ ā fwak, Kom Kraist, Mwen nutin God mol.

17 Jisus el tupokoañ ā fwak nu sel, Inši mwowo kom, Saimon Bar-jona: tu ikwe ā sa tiu luti ma iñi nu šum, tu Papa tunuk šu in kosao.

18 Ā ña fwak pe nu šum, Tu kom Piter, ā on fwin eot si iñi ña fwa miša šurš luk; ā mutun pot lun hell koflanu mokwela ke mao.

19 Ā ña fwa šiot nu šum ki lun togusañ in kosao: ā ma kom fwa kopuri on fwalu fwa kopuri in kosao; ā ma kom fwa lusala on fwalu fwa lusala in kosao.

20 Na el šap nu sin met tumal lutlut, tu elos in tiu fwak nu sin met tu el la Kraist payi.

21 ¶ Pal si iñi nu tuk Jisus el mutamwauk in luti nu sin met tumal lutlut, tu el a fwa šom nu Jerusalem, ā lañuñuñ ma puspis ke met elder ā met tol fulat ā met šim, ā uni'lye, ā siefwil mol-yuk ke len si aktolu.

22 Na Piter el kolilye, ā mutamwauk in kaiyuk nu sel, fwakañ, We mo, Leum, tiu ma iñi nu šum.

23 Ā el tapula, ā fwak nu sel Piter, Fwala liki yu, Satan: kom aktugulkuli yu: tu kom tiu nunkauk ma lun God, tu ma nu lun metu.

24 Na Jisus el fwak nu sin met tumal lutlut, Sienu met si fwini luñsi fwas tukuk, lela lun siefwanu lafwekunal, a srkak šaksiñ sugo lal, a fwas tutuk.

25 Tu el šu luñsi kolañ molol el fwa tula mao: a el šu luñsi tula molol keik el fwa konoio k mao.

26 Tu fuka mwo lun met, fwini fwal e nu kemwu ma lal, a ñunal tula? ka mea met a ašun in aolla ñunal?

27 Tu Mwen nutin met el fwa tuku in ma mwowo lun Papa tumal, lipufon lal elos oelul: a na el fwa šun mol nu sin met nu kemwu oanu me orek ma lalos.

28 Payinu ña fwak nu šumwos, Kutu met tu iñi, šu tiu pulakin miši, nu ke elos liye Mwen nutin met tuku in togusa lal.

## ŠAPTER 17.

**A** TUKIN len onkos tari Jisus el šuloltalu Piter, a Jemes, a Jon tamulel, a wisalosyuk nu fwini eol fulat muku.

2 A el ekla ye mutalos: a mutal šaromrom oanu fwatu, a nuknuk lal fwosfwos oanu kalem.

3 A liye, Moses a Elaias eltal sikmi nu yurolos kasas nu sel.

4 Na Piter el tupokoan a

fwak nu sin Jisus, Leum, mwo tu kut mutanu iñi: kom fwini luñsom, lela kem in orek tolu lom sra: sie šum, a sie sin Moses, a sie sin Elaias.

5 Ke el kaskas ou iñi, liye, sie pukunieñ šaromrom lolelosye: a liye pusra si kasmu in pukunieñ, fwak, El iñi Mwen kulu si nutig, ña inši mwowo ka'l, komwos loñol.

6 A ke met lutlut loñ, elos putatle fokšiu fwi, a ša- ñeñ lanu.

7 A Jisus el tuku a kala- losye, a fwak, Tukakak, a tiu ša- ñeñ.

8 A ke elos ñetak mutalos, elos tiu liye met, Jisus mugenu.

9 A ke elos oatui fwini eola mi, Jisus el mwuleuñ nu selos, fwakañ, Nik mit fwak nu sin sie met ma komwos liye fwini eola, nu ke Mwen nutin met miši siefwil molyuk.

10 A met tumal lutlut elos siyuk sel, fwakañ, Efwo met šim ku fwak tu Elaias el a tuku met?

11 A Jisus el tupokoan a fwak nu selos, Payi Elaias el a tuku met, a siefwil fulokunak ma nu kemwu.

12 A ña fwak nu šumwos, Tu Elaias el tuku iñi, a elos tiu eta'l, a elos oru nu sel

ma elos lufselos. Ouyape elos fwa ora'l Mwen nutin met keokinu.

13 Na met lutlut elos etu tu el fwak nu selos ke Jon Baptist.

14 ¶ Ā ke elos tuku nu yurin met puspis tukeni, sie met tuku nu yurol sikukmutunti, ā fwakañ, 15 Leum, pakomutumwen nutig; tu el musin alwet, ā keokinu: tu pal puspis el putatle nu in e, ā puspis nu in kof.

16 Ā ña wis al nu yurin met tunom lutlut, ā elos koflanu akei el la.

17 Na Jisus el tupokoañ ā fwak, We fwil silalalfuñi ā šilolel, putaka ña mutu yuromwos? putaka ña muten komwos? wis al nu yuruk.

18 Ā Jisus el kaiyuk nu sel devil; ā el fwas luk el: ā tulig el kela ke auu a ša.

19 Na met lutlut elos tuku nu yurol Jisus muku, ā fwak, Efwo kem ku koflanu sis el la?

20 Ā Jisus el fwak nu selos, Tu komwos silalalfuñi: tu payinu ña fwak nu šumwos, Komwos fwil lalalfuñi oanu futin mustad si, komwos a fwak nu ke eol si iñi, Mwārla nu an si iño; ā el fwa mwātla: ā wañin nu ma kofla nu šumwos.

21 Ā ma ōu iñi tiu šom liki fwil tiu pre ā lālo.

22 Ā ke elos mutu yin Galili, Jisus el fwak nu selos, Mwen nutin met a fwa tukakinyikyuk in pon metu: 23 ā elos fwa uni'lye, ā len si aktolu el siefwil molyuk. Ā elos pakomutu ma lulap.

24 ¶ Ā ke elos tuku nu Kepernaum, elos šu es me takmu tuku nu yurol Piter, ā fwak, Ya met luti lomwos el tiu oru takmu?

25 El mu, Aok. Ā ke el ilyuk nu in lomwu, Jisus el ša kusal, fwakañ, Saimon, mea kom nunku? togusa lun fwalu elos esla sin šu me kute ā me takmu? ya sin tulig natalos, ka sin metša?

26 Piter el fwak nu sel, Sin metša. Jisus el fwak nu sel, Na tulig elos šugošok.

27 Tu ou iñi mu, tu kem tiu aktugulkul alos, kom šom nu mwea, ā sisla kou, ā es ik sugo umetun; ā ke kom oaliñalik in oalul, kom fwa konoioik ipen muni si: ma iñi es, ā šuñ nu selos ke ña ā kom.

## ŠAPTER 18.

**K**E pal si iño met lutlut elos tuku nu yurin Jisus, fwakañ, Šu ka yok liki in togusañ in kosao?

2 Ā Jisus el pañon mu kitin tulig nu yurol, ā fili-

lye yurolos infulwe, 3 ā fwak. Payinu nā fwak nu šumwos, Komwos fwin tiu ayaol nunok ā fwa oanu kitin tulig, komwos koflanu ilyuk nu in togusaī in kosao.

4 Tu ou iñi el šu šifwanu fwilpap ou kitin tulig si iñi, el iñi yok liki in togusaī in kosao.

5 Ā el šu fwa es sie sin kitin tulig ou iñi in ēk el es yu pe.

6 Ā el šu aktugulkulye sie sin tulig iñi šu lalalfuñi yu, mwo nu sel tu tapan sripsrip in kaiwel, ā el walomla yin lāl mwea.

7 We koluk fwalu ke me tugulkul! tu wañin ma kutōñi tu me tugulkul in tiu tuku; ā we koluk nu sin met šu oru me tugulkul!

8 Tu ou iñi po'm ā nium fwin aktugulkuli kom, pakāla mao; ā sista liki kom, tu kom fwin ilyuk nu yin mol ke fuke ā ke srumwunla; mwo liki tu ke pom luo ā nium luo fwa sista nu in e kamwul.

9 Ā mutom fwin aktugulkuli kom, kom tupella, ā sista liki kom: tu kom fwin ilyuk nu yin mol ke mutom si, mwo liki tu ke mutom luo fwa sista nu in e in hell.

10 Sismouk tu komwos tiu sruñu sie sin tulig sisik iñi? tu nā fwak nu šumwos,

Tu lipufon lalos in kosao liye mutun Papa tumuk in kosao pal e nu kemwu.

11 Tu Mwen nutin met el tuku in moli ma tāla.

12 Komwos nunku ma fuka? fwin šip siefok nutin met si, ā sugo kañla, ya el tiu šiliye eu-eu, ā šom nu fwin eola; ā šuk ma sugo kañla?

13 Ā el fwin konoilok, payinu nā fwak nu šumwos, el iñi mwowo ke ma sugo, yokliki ke eu-eu šu tiu kañla.

14 Ou iñi Papa tumo mwos šu in kosao el tiu luñšel tu sie sin ma sisik si iñi fwa tāla.

15 ¶ Ā met lium el fwin orek ma koluk nu šum, kom fwasot ā kaskas nu sel ke ma koluk lal, kom ā el muku: el fwin loñ koin, kom moli met lium.

16 Ā el fwin tiu loñ, es sie ku luo in wi kom, tu ma kas nu kemwu šumwos in olin met lō luo ā tolu.

17 Ā el fwin sañes loñ olos, fwakot nu sin šurs: ā el fwin tiu loñ šurs, lela lun nu šum oanu met pegan ā met rošo.

18 Payinu nā fwak nu šumwos, Ma nu kemwu komwos koperiye on fwalu fwa koperi in kosao; ā ma nu kemwu komwos tulala on fwalu fwa tulala in kosao.

19 Siefwilpe ña fwak nu  
sumwos, Tu fwin luo su-  
mwos on fwalu nunok sugo  
ke kutu ma eltal siyuk, Pa-  
pa tumuk su in kosao el fwa  
oru ma iñi nu šeltal.

20 Tu yin met luo ku  
tolu tukeni mutu in ëk, ña  
oelulos mutu yin si iño.

21 ¶ Na Piter el tuku nu  
yurol, ã fwak, Leum, pal  
yikas met lik orek ma koluk  
nu sik, ã ña nunok munas  
nu sel? ya nu ke pal itkos?

22 Jisus el fwak nu sel,  
Ña tiu fwak nu sum, Nu ke  
pal itkos: tu, Nu ke it-ñul  
pal itkos.

23 Tu ou iñi togusañ in  
kosao oanu sie togusa su  
luñsi lolñok nu sin met ku-  
lanšap sral.

24 Æ ke el mutamwauk  
in lolñok, elos wis nu yurol  
sie šu es sumwe mol muni  
sie-ñul-šiu ma lal.

25 Æ ke wañin ma lal in  
moli, leum lal el šap in kite'l  
la, ã kiin natu, ã tulig natal,  
ã ma nu kemwu ma lal, ã in  
te moli.

26 Ke ma iñi met kulan-  
šap el putatla, ã siyuknu sel,  
fwakañ, Leum, pako yu, ã  
ña fwa moli nu sum nu ke-  
mwu.

27 Na leum lun met ku-  
lanšap iño el pakomutal, ã  
tula'l la ã nunok munas nu  
sel ke me mol.

28 Æ met kulanšap iñi el  
som liki, ã konoiook sie sin  
met kulanšap wi el, šu es  
sumwe mol muni sie-fok sisik  
lal: ã el sruki'lye, ã išeni in  
kaiwel, fwakañ, Moli nu sik  
ma luk.

29 Æ met kulanšap wi el,  
el putatla nu ke nial, ã si-  
yuk nu sel, fwakañ, Pako  
yu; ã ña fwa moli nu sum  
nu kemwu.

30 Æ el tiu luñsel: ã el  
šom ã sis el la nu in prison,  
nu ke el fwa moli ma  
lal.

31 Æ ke kutu sin met  
kulanšap wi el elos liye ma  
oru, elos pakomutu ma lu-  
lap, ã elos tuku ã fwak nu  
sin leum lalos ma nu kemwu  
ma oru.

32 Na leum lal, tuk ke  
el pañnolmu, el fwak nu sel,  
We kom met kulanšap ko-  
luk si, ña nunok munas nu  
sum nu kemwu ma luk, koin  
es sumwe mol, tu kom siyuk  
sik: 33 ya tiu mwo tu kom  
ouyape pakomutun met ku-  
lanšap wi yum; oanu ña  
pakomutom?

34 Æ leum lal el kosku-  
sok, ã asalañ nu sin met me  
kopur, nu ke el moli nu ke-  
mwu ma lal.

35 Æ ou iñi Papa tumuk  
in kosao el fwa oru ouyape  
nu sumwos, komwos fwin  
tiu nunok munas inšiumwos



ke ma koluk met liumwos oru.

SAPTER 19.

**A** MA te oru, ke Jisus el kaskas ma iñi tari, el fwas liki an Galili; ā tuku nu kutenu an Judea likin yeno Jordan; 2 ā met pus-pis tukeni elos fwas tukol; ā el akkei elos la iño.

3 Met Farisi elos pe tuku nu yurol, in srifwe'l, ā siyuk sel, Ya oul ku tiu oul tu met sista mutan kiel ke ma nu kemwu?

4 Ā el tupokoañ ā fwak nu selos, Ya komwos tiu rid, tu el šu orala ke mutamwauk, el oralos mogul si ā mutan si, 5 ā fwak, Tu ou iñi met el fwa filiye papa ā nine, ā el fwa fwalseni kīin natu: ā eltal fwa ikwe šenu?

6 Ke ma iñi tuko eltal tiu luo, tu ikwe šenu. Tu ou iñi ma God el fwalseni, lela met in tiu eselik.

7 Elos fwak nu sel, Ke ma iñi efwo ku Moses el šap in šuñ me šin lun sista, ā in sis el la?

8 El fwak nu selos, Moses el oru ma iñi nu šumwos in sista kīin nutumwos tu upala inšiumwos: ā ma tiu ou iñi ke mutamwauk nu iñi.

9 Ā ña fwak nu šumwos,

El šu fwa sista kīin natu, el fwini tiu kosro, ā fwa mari sienu, el orek kosro: ā el šu mari el šu sista, el orek kosro.

10 Met tumal lutlut elos fwak nu sel, Fwini ou iñi ke mogul ā kīin natu, tiu mwo in mari.

11 Ā el fwak nu selos, Nu kemwu koflanu es kas si iñi, elos mugenu El asi nu ke mao.

12 Tu kutu met yunuk, ma ou iñi ke elos isista inšien nine: ā kutu yunuk, ma met orek ke yunuk: ā kutu yunuk šu šifwanu orek yunuk ke togusa in kosao. El šu ku in es ma iñi, lela lun es.

13 ¶ Na utuk nu yurol kitin tulig, tu El fwa filiye paul on fwelos, ā pre: ā met lutlut elos kaiyuk nu selos.

14 Ā Jisus el fwak, Lela kitin tulig in fwas nu yuruk, ā tiu sipa'loswot; tu sin ma iñi togusa in kosao.

15 Ā el filiye paul fwelos, ā šom liki.

16 ¶ Ā liye, sie tuku ā fwak nu sel, Met Luti Mwo-wo, Mea mwo ña oru, tu fwa luk mol ma patpat?

17 Ā el fwak nu sel, Efwo kom ku pañpañ ña Mwo? tu siwunu mwo, God mugenu: ā kom fwini

luñšom ilyuk nu yin mol, liauñ oul payi.

18 El fwak nu sel, Oul šu? Jisus el fwak, Nik kom akmus, Nik kom kosro, Nik kom pusupas, Nik kom ki-kiap, 19 Oru mwo nu sin papa tumom ā nine: ā Kom luñšom met lom oanu kom šifwanu.

20 Met fwus si el fwak nu sel, Ma nu kemwu ma iñi ña oru ke ña tulig nu iñi: pia kutu fwos?

21 Jisus el fwak nu sel, Kom fwin luñšom oru šummos lanu, fwasot kuka-kin ma lom, ā šuñ nu sin met sigasrup, ā fwa kwanin tatū lom os in kosao: ā fwa-su fwas tukuk.

22 Ā ke met fwus si loñ kas si iñi, el šom asor: tu ma puspis ma lal.

23 Na Jisus el fwak nu sin tumal lutlut, Payinu ña fwak nu šumwos, Tu upa lanu met gasrup ilyuk nu in kosao.

24 Ā siefwil pe ña fwak nu šumwos, Tu kamel el fwas sasla mutun nilel fusesas liki met gasrup in ilyuk nu in togusañ lun God.

25 Ke met tumal lutlut elos loñ, elos lut ma lulap, fwakañ, Fwin ou iñi, ka šu ku in mol?

26 Ā Jisus liye elos, ā fwak nu selos, Metu elos ko-

flanu oru ma iñi; ā God el ku in oru ma nu kemwu.

27 Na Piṭer el tupokoañ ā fwak nu sel, Liye, kem fliye ma nu kemwu lumem, ā fwas tukum; fuka ma lumem ke ma iñi?

28 Ā Jisus el fwak nu selos, Payinu ña fwak nu šumwos, Tu komwos šu fwas tukuk ke siefwil isūsia, ke Mwen nutin met el fwa mututu fwin me muta mwowo: si lal, komwos pe fwa mututu fwin me muta sie-ñul-luo, nununku sruſ sie-ñul-luo lun Israel.

29 El a šu fliye lomwu, ā lel, ā loul, ā papa, ā nine, ā kiñ natu, ā tulig, ā fwalu, ke ēk, el fwa es kais sie-foka, ā fwa mutu in mol ma patpat.

30 Ā met puspis masi meta elos fwa masi tuko; ā masi tuko elos fwa masi meta.

## ŠAPTER 20.

TU togusañ in kosao oanu met kato si, šu šom olutue in šulšul met in orek in ima fain si lal.

2 Ā ke el papani nu sin met orekma in mol penni si len si, el sipa'loswot nu in ima fain si lal.

3. Ā ke akurun auu si aktolu el šom, ā liye kutenu tu mwul niin kutakot.

4 Ā el fwak nu selos, Komwos som pe nu in ima fain si, ā oanu mā payi nā fwa mol nu sumwos. Ā elos somla.

5 El sifwil pe som ke akurun auu akonkos ā akeu, ā oru ouyape.

6 Ā ke akurun auu aksie-nul-sie el somla, ā konoiook kutenu tu mwul, ā fwak nu selos, Efwo komwos ku tu mwul iñi len fon si?

7 Elos fwak nu sel, Tu wañin met painmu nu ses. El fwak nu selos, Komwos fwasot pe nu in ima fain si; ā nā fwa moli nu sumwos ma payi.

8 Ā ke eukela, leum lun ima fain si el fwak nu sin met tutafpo lal, Kom pañonmu met orekma, ā suñ me mol nu selos, mutainwauk ma tuko nu meta.

9 Ā ke elos tuku su akurun auu aksie-nul-sie, elos kemwu es penni si.

10 Ke masi meta tuku, elos nunku mu tu elos es yok liki; ā elos kemwu es pe penni si.

11 Ā ke elos es, elos tor-kaskas nu ke met kato, 12 fwakañ, Met iñi tuk elos orek ma auu si, ā kom oru nu selos akfwolye nu ses, su wis ma toas len fon si ā ke fwol.

13 Ā el tupokoañ nu sin sie selos, ā fwak, Kawuk, nā tiu sito nu sum: ya kom tiu papani nu sik ke penni si?

14 Es ma lom, ā fwasot: nā luñsik suñ nu sin masi tuko ou nu sum.

15 Ya tiu payi nu sik in oru oanu nā luñsik ke ma luk? Ya mutom koluk tu nā mwo?

16 Ou iñi masi tuko fwa metla, ā masi meta fwa tukla: tu ma puspis pañonmu, ā ma pu šulūla.

17 ¶ Ke Jisus el fwasyuk nu Jerusalem el wis met sie-nul-luo lutlut muku in inganek ā fwak nu selos, 18 Liye, kut fwasyuk nu Jerusalem, ā Mwen nutin met a fwa tukakinyukyuk nu sin met tol fulat ā nu sin met šim, ā elos fwa otela lun mas.

19 Ā elos fwa esalañ nu sin Met pegan in aknunta, ā popo, ā in uni'lye on ke šak-siñ sugo: ā ke len si aktolu el fwa siefwil molyuk.

20 ¶ Na nine kiin tulig nutin Zebedi mwen luo natal oelul, el sinak, ā siyuk kutu ma nu sel.

21 Ā El fwak nu sel, Meq kom luñsom? El fwak nu Sel, Orauñ tu mwen luo nutig eltal fwa mutu, sie on la pom leyut ā sie on la pom lesi, in togusañ lom.

22 Ā Jisus el tupokoan ā fwak, Komwos nikin ma komwos siyuk. Ya komwos ku in nim kup si űa nimnim lū, ā in baptaisla ke sie baptais űa wi baptaisla ka? Elos fwak nu sel, Kut ku.

23 Ā el fwak nu selos, Aok, komwos fwa nim kup luk, ā baptaisla ke sie baptais ma űa wi baptaisla ka: ā in mutu on la pouk leyut, ā on la pouk lesi, tiu ma luk in ašiot, tu ma lalos šu Papa tumuk akou.

24 Ā ke ma sie-ñul loñ, elos mulat nu sin met tamulel luo.

25 Ā Jisus el pañnos mi, ā fwak, Komwos etu tu leum lun Met pegan elos oru oanu leum nu selos, ā elos šu fulat elos šuñ me šap nu selos.

26 Ā fwa tiu ou iñi yuromwos; ā el šu luñši met fulat yuromwos, lela lun met tutaſpo lomwos; 27 ā el šu luñši met leum yuromwos, lela lun met foko lomwos.

28 Oanu Mwen nutin met el tiu tuku tu met oru nu sel, ā el oru nu sin met, ā in šuñ mol lal in moli met puspis.

29 ¶ Ā ke elos somla liki an Jeriko, met puspis tukeni elos fwas tukol.

30 Ā liye, met luo kunla muta eltal mutu pupanek,

ke eltal loñ tu Jisus el fwas alukela, eltal wowoyuk, fwakañ, O Leum, Mwen nutin Devid, pakomutetalu.

31 Ā met puspis tukeni elos kaiyuk nu seltal, tu eltal in misla: ā eltal wowoyuk yokliki, fwakañ, O Leum, nutin Devid, pakomutetalu.

32 Ā Jisus el tu, ā pañloltal, ā fwak, Mea komtal luñšomtal tu űa fwa oro nu šumtal?

33 Eltal fwak nu sel, Leum, ketal kenu mutetal in ñutalik.

34 Ā Jisus el pakomutu, ā kalye mutaltal: ā kitin misiñi eltal liye, ā eltal fwas tukol.

## ŠAPTER 21.

Ā KE elos fwas apkurun nu Jerusalem, ā tuku nu yin Betšeš, nu fwın eol Olifs, űa Jisus el sipaot met lutlut luo, 2 fwakañ nu seltal, Fwasot nu yin sisik met mutu we ye mutomtal, ā kitin misiñi komtal fwa konoik ass sugo kopuri, ā kolt wi el: tulala, ā usi nu yuruk.

3 Ā met sinu fwın siyuk nu šumtal kutu, komtal a fwak, Leum el enen eltal; ā kitin misiñi el fwa sipe'tal mu.

4 Elos oru ma iñi nu ke.

mwu, tu in orek ma payi ma met palu kaskas, fwakañ, 5 Komwos fwak nu sin an nutin Saion, Liye, Togusa lom el tuku nu yurom, moñ-fusas, ā mutu on fwini ass, ā kolt tulig nutin ass.

6 Ā met lutlut eltal som, ā ōru oanu Jisus el šapkin nu seltal, 7 ā ūsi ass, ā kolt, ā filiye yuroltal nuknuk lalos, ā elos fili'lye fwe.

8 Ā met puspis lanu tukeni elos lakunalik nuknuk lalos inganeku; ā kutenu poki lešak ulin šaku, ā takunalik oaoť ineku.

9 Ā met puspis tukeni šu fwas met, ā šu fwas tuk, elos woywoyuk, fwakañ, Hosana nu sin Mwen nutin Devid! Inši mwowo el šu tuku in el Leum, Hosana in fulat liki nu kemwu!

10 Ā ke el tuku nu in Jerusalemi, nu kemwu in siti elos rarrar, fwakañ, Šu iñi?

11 Ā met puspis tukeni elos fwak, El iñi met palu lun Nazaret fulun an Galili.

12 ¶ Ā Jisus el utiuk nu in imwen tempel sin God, ā sis elos la nu kemwu šu kutakot ā mol in imwen tempel, ā topkakunla tebue lun met ayaol muni, ā me mutu lun met kutakot mwulioa.

13 Ā el fwak nu selos, Ma

šimisla, Pañpañ lom luk Imwen pre; ā komwos orala mao inluf lun met pusupas.

14 Ā met kun ā met ul elos tuku nu yurol in imwen tempel; ā el akkei elos la.

15 Ā ke leum tol ā met šim elos liye kutu ma šokuruk ma el ōru, ā tulig elos tuñwot in imwen tempel! ā fwakañ, Hosana nu sin Mwen nutin Devid! elos sruña lanu, 16 ā fwak nu sel, Ya kom loñ ma elos fwak? Ā Jisus el fwak nu selos, Aok: ya komwos tiu rid, Kom orek on payi ke olin kitin tulig ā sromsrom?

17 Ā el fwas lukelos, ā som liki siti nu Beteni; ā el on nu we.

18 ¶ Ā lutue, ke el foloko nu siti, el musinsral.

19 Ā ke el liye šak fig sugo pupaneku, el fwas nu ka, ā konoioť tu wañinu ma on wulo, ā sra mugenu, ā el fwak nu ke mao, Lela fwako lun tiu kapak on wulo nu tuk ma patpat. Ā kitin misiñi šak fig masla.

20 Ā ke met lutlut liye, elos lut, fwakañ, Efwo ku šafuk šak fig masla!

21 Jisus el tupokoañ ā fwak nu selos, Payinu ña fwak nu šumwos, Komwos fwini lalalfuñi, ā tiu silalalfuñi, komwos ā fwa tiu ma iñi nu ke šak fig mugenu,

tu komwos ouyape fwin fwak nu ke fwin eol si iñi, Kom fwala moklûla in putatla nu mwea, ma fwa oru.

22 Ā ma nu kemwu komwos siyuk ke pre, lalalfuñi, komwos fwa es.

23 ¶ Ā ke el tuku nu in imwen tempel, leum tol ā met elder lun met elos tuku nu yurol ke el luti, ā fwak, Ma ya šap si kom orek makin? ā šu šiot nu šum šap si iñi?

24 Ā Jisus el tupokoan ā fwak nu selos, Na pe siyuk šumwos sie mao, komwos fwin fwak nu sik mao, na fwa ore pe nu šumwos ma šap si na orek makin.

25 Tu ya baptais lun Jon? in kosaoe mi, ku yurin metu? Ā elos tukeni asiuki, fwakañ, Kem fwin fwak, In kosaoe mi; El a fwa siyuk nu šes, Efwo komwos ku tiu lalalfuñol?

26 Ā kem fwin fwak, Ma yurin met mi; kem šañeñ sin met; tu elos nu kemwu nunku mu Jon el met palu.

27 Ā elos tupokoan nu sin Jisus, ā fwak, Kem koflanu fwak. Ā el fwak nu selos, Na pe tiu fwak ma ya šap si na oru ma iñi.

28 Ā mea komwos nunku? Mwen luo nutin met si; ā el tuku nu yurin masi meta, ā fwak, Mwen, fwasot orek-

ma misiñi in ima fain si luk.

29 El tupokoan ā fwak, Na tiu šom; ā tuko el auliyuk, ā šom.

30 Ā el tuku nu yurin masi akluo, ā el fwak ouyape. Ā el tupokoan ā fwak, Ao, leum; ā el tiu šom.

31 Ka šu saltal iñi oru oanu papa el luñsel? Elos fwak nu sel, Masi meta. Jisus el fwak nu selos, Payinu na fwak nu šumwos, Tu met rošo ā met kosro elos ilyuk nu in togusañ lun God met ā komwos tuk.

32 Tu Jon el tuku nu yurumwos nu inganek lun ma payi, ā komwos tiu lalalfuñol; ā met rošo ā met kosro elos lalalfuñol: ā komwos, ke komwos liye, tiu auliyuk tuk, tu komwos fwa lalalfuñol.

33 ¶ Komwos loñ sienu pupulyuk: Sie met kato šu eoki ima fain si, ā orek kolkol apneni, ā pukpuk ma fulüye wain lā, ā muša ni yin šan met, ā sipañ kutu met kato in liauñ ā el šom nu yin lulisla.

34 Ā ke pal si fwako akurun tuku, el sipala met kulansap lal nu sin met kato, tu elos fwa es fwako ka.

35 Ā met kato elos es met kulansap lal, ā popo sie, ā uniye sie, ā tañal sie.

36 Siefwil pe, el sipala kutenu met kulanšap pus liki meta: ā elos oru nu selos ouyape.

37 Ā, o-tuk, el sipala nu selos mwen natal, fwakañ, Elos a fwa šunakin mwen nutig.

38 Ā ke met kato elos liye mwen, elos tukeni kaskas, El iñi met mwol: fwasu, lela kut in uni'lye, ā lela kut srukie es ma lal.

39 Ā elos sruki'lye, ā sis el la liki ima fain si, ā uni'lye.

40 Tu ou iñi ke leum lun ima fain si tuku, mea el fwa oru nu sin met kato iño?

41 Elos fwak nu sel, El a fwa un'elosi kolukla met koluk iño, ā el a fwa šuñ ima fain si nu sin kutenu met kato, šu fwa oru nu sel fwako ke pal fwol si.

42 Jisus el fwak nu selos, Ya komwos tiu rid in ma šimisla, Eot si ma met muša sisila, eot si iñi on fwin šiu-fwin srumwosrik in eot: ma iñi ma Leum oru, ā ma šokuruk in mutas?

43 Tu ou iñi ña fwak nu šumwos, God el fwa esla togusañ lal liki komwos, ā šuñ nu sin mutun fwalu ma orek fwako ke.

44 Ā el šu fwa putatla on fwin eot si iñi fwa mišalšalu: ā on fwel šu eot si iñi fwa putatla, mao fwa ililye nu ma sisik.

45 Ā ke leum tol ā met Farisi elos loñ pupulyuk lal, elos etu tu el kaskas nu ke elos.

46 Ā ke elos šuk in sruki'lye, elos šañeñ met puspis tukeni, tu elos es el met palu.

## SAPTER 22.

**A** JISUS el siefwil tupo-koañ ā kaskas nu selos in pupulyuki, ā fwak, 2 Togusañ in kosao oanu sie togusa, šu orek mari lun mwen natal, 3 ā sipala met kulanšap lal in pañnos mi šu sulkakin met nu ke akonkon: ā elos sañes tuku.

4 El siefwil sipaot kutenu met kulanšap, fwakañ, Orauñ nu selos šu sulkakin, Liye, ña akou me moño nuk tari; kauu mogul luk ā pus-pisinu luk elos uniye tari, ā ma nu kemwu ako: fwasu nu ke akonkon.

5 Ā elos mu mansis, ā šomla, sie nu ke ima si lal, sie nu ke me kitakot lal: 6 ā kutenu selos elos es met kulanšap lal, ā orek ma koluk lanu nu selos, ā onelosi.

7 Ā ke togusa el loñ, el koskusok: ā el sipaot met meun lal, ā onelosla met ak-mus iño, ā furreuk siti selos.

8 Na el fwak nu sin met kulanšap lal, Akonkon ako,

ā elos šu sulkakin met tiu mwo.

9 Tu ou iñi komwos fwasot nu inganek, ā ma nu kemwu komwos konoioik, šuloimu nu ke akonkon.

10 Ā met kulanšap iñi elos šom nu inganek, ā eseni nu kemwu ma elos konoioik, ma mwo, ā ma koluk; ā pus metu tari wi el nu ke akonkon.

11 Ā ke togusa el tuku in liye'los šu wi el, el liye met si wañin nuknuk in akonkon el nukomañ.

12 Ā el fwak nu sel, Kawuk, efwo kom ku tuku nu yinu, tiu nukomañ nuknuk in akonkon? Ā el tiu kas.

13 Na togusa el fwak nu sin met kulanšap, Kopuri'lye paul ā nial, ā wis el la, ā sisla nu yin los liki losu: yin a tuñnu ā ñañoñor.

14 Tu ma puspis pañon mu, ā šuloila ma pu.

15 ¶ Na met Farisi šom, ā elos tukeni kaskas fuka elos fwa akfosye'lak ke kaskas.

16 Ā elos sipaot nu yurol met tumalos lutlut, oelulos met Herod fwakañ, Met luti, kem etu tu kom payi, ā luti inek lun God payinu, ā kom tiu kolak sin met; tu kom pulesu monin metu.

17 Tu ou iñi kom fwak nu šes, Mea kom nunku? Oul

ku tiu oul, in šuñ takmu nu sin Sisar?

18 Ā Jisus el etu'na koluk lalos, ā fwak, Mwošounkas, efwo komwos ku srifwe yu?

19 Luti nu sik muni takmu. Ā elos wis nu yurol penni si.

20 Ā el fwak nu selos, Mutun šu iñi, ā šimisyukla?

21 Ā elos fwak nu sel, Lun Sisar. Na el fwak nu selos, Tu ou iñi oru nu sin Sisar ma lun Sisa, ā nu sin God ma lun God.

22 Ke elos loñ, elos lut, ā fwas luk el, ā šomla.

23 ¶ Len si iñi met Saddusi, šu fwak wañinnu ma siefwil molyuk, elos tuku nu yurol, ā siyuk sel, 24 fwa-kañ, Met luti, Moses el fwak, Met si fwini miši, wañin tulig natu, met lel el fwa mari mutan kiel, ā oreuk fute lun met lel.

25 Ā umet tamulel itkos mutu yuros: ā masi meta, ke el mari sie mutan, el miši, ā wañin fute, el likiye mutan kiel nu sin met lel:

26 Ouyape masi akluo, ā aktolu, nu ke akitkos.

27 Ā tukolos nu kemwu mutan el miše pe.

28 Tu ou iñi, pal si ke sifwil molyuk, lun šu mutan si iñi ke met itkos? tu elos nu kemwu es el.

29 Jisus el tupokoañ ā



fwak nu selos, Komwos sito, tiu etu ma Šimisla, ā tiu etu ku lun God.

30 Tu ke siefwil molyuk elos tiu mari, ā tiu suñ in mari, tu elos oanu lipufon lun God in kosao.

31 Ā ke siefwil molyuk lun met miši, ya komwos tiu rid ma God el kaskas nu šumwos, fwakañ, 32 Ā Na God lun Ebream, ā God lun Aisaak, ā God lun Jekob? God el tiu God lun miši, tu lun mol.

33 Ā met puspis tukeni ke elos loñ *ma in*, elos kaksak ke ma lutlut lal.

34 ¶ Ā ke met Farisi loñ tu el orek met Saddusi in misla, elos tukeni mutu.

35 Na sie selos, met manu; el siyuk sel, sriw'el, 36 Met luti, ka šap šu yok in manu?

37 Jisus el fwak nu sel, Kom luñsom Jeofa God lom ke inšium kemwu, ā ke in nūnum kemwu, ā ke in nun-kom kemwu.

38 Ma si iñi masi meta ā ma yok ke šap.

39 Ā masi akluo ouyape, Kom luñsom met lom ou kom šifwanu.

40 On fwin ma šap luo iñi sripsrip ma nu kemwu manu ā palu.

41 ¶ Ā ke met Farisi elos tukeni mutu, Jisus el siyuk selos, 42 fwakañ, Mea ko-

mwos nunku k'el Kraist? el mwen nutin šu? Elos fwak nu sel, Nutin Devid.

43 El fwak nu selos, Na fuka Devid in nūn pañpañ el Leum, fwakañ, 44 Jeofa el fwak nu sin Leum luk, Kom mutu on le pok leyut, nu ke pal si nā orek lokwa-lok lom me lañe ye nium?

45 Na Devid el fwin pañpañ el Leum, fuka el mwen natal?

46 Ā wañin met ku in tupokoañ nu sel sie kas; wañin met pulaik in siyuk sel kutu ma, len si iñi nu tuk.

## ŠAPTER 23.

NA Jisus el fwak nu sin met puspis tukeni, ā nu sin met tumal lutlut, 2 fwakañ, Met šim ā met Farisi elos mutu fwin niin mutu lun Moses: 3 tu ou iñi ma nu kemwu ma elos šap komwos in liauñ, komwos liauñ ā oru; ā komwos tiu oru oanu elos oru: tu elos fwak, ā tiu oru.

4 Tu elos polñuni enu toas, ā toas ke utuk, ā filiye fwin pišin metu; ā elos tiu luñši mokiōla mao ke sugo kufin paulos.

5 Ā ma nu kemwu ma elos oru, elos oru tu met in liye: elos orek ma failakteri sralap lalos, ā orek ma lulap siskin nuknuk lalos, 6 ā elos

luñselos mutu ye op niin kofwo, ā niin mutu lun leum in lolñok, 7 ā painñ niin kitakot, ā met in pañnos, Rabbai, Rabbai.

8 Ā komwos tiu pañon komwos Rabbai: tu sie met luti lomwos, Kraist; ā komwos nu kemwu met lili.

9 Ā wañin met komwos pañon papa tumomwos on fwalu: tu sie Papa tumomwos, šu in kosao.

10 A komwos tiu pañon komwos met luti: tu sie Met luti lomwos, Kraist.

11 Ā el šu yok liki nu kemwu yurumwos, el fwa met kulanšap lomwos.

12 Ā el šu kaifwaf nunku, fwa foroti; ā el šu šifwanu fwilpap, fwa mwo oiye.

13 ¶ We nu šumwos, met šim ā inet Farisi, mwošounkas! tu komwos kaliye togusañ in kosao ye mutun metu: tu komwos tiu ilyuk nu we, ā komwos tiu lela elos in ilyuk šu fwas nu we.

14 We nu šumwos, met šim ā met Farisi, mwošounkas! tu komwos kanaosla lom sin kotin mas, ā tu kiapun pre lulis: tu ou iñi komwos es lusla lulap.

15 We nu šumwos, met šim ā met Farisi, mwošounkas! tu komwos mutatu apneninu mwea ā fwalu in orek sie in forla; ā ke ko-

mwos oru, komwos ora'l tulig nutin hell ka luo nu šumwos.

16 We nu šumwos, met atol kun, šu fwak, el šu fulak ke imwen tempel, mansis; ā el šu fulak ke gol lun imwen tempel el fwa mol.

17 Met lalfon, ā met kun! ka šu yok liki, gol, ku imwen su orek gol in mwole?

18 Ā, el šu fulak ke lañ, mansis; ā el šu fulak ke kiše ma on fwe, el fwa mol.

19 Met lalfon, ā met kun! ka šu yok liki, kiše, ku lañ šu orek kiše in mwole?

20 Tu ou iñi el šu fulak ke lañ, el fulak ke mao, ā ke ma nu kemwu on fwe.

21 Ā el šu fulak ke imwen tempel fulak ke mao, ā ke El šu mutu lū.

22 Ā el šu fulak ke in kosao, fulak ke niin mutu lun God, ā ke el šu mutu fwe.

23 We nu šumwos met šim ā met Farisi, mwošounkas! tu komwos mol masi aksienul ka orun, ā anis, ā kumin, ā tiu oru ma yok kutu ke manu, ke nununku, ke pakomutu, ā ke lalalfuñi: mwo komwos oru ma iño meta, ā tiu sisla ma iñi tuko.

24 Komwos met atol kun! šu nomosol kitin mwet sisik, ā igumnu kaka sisik kosro kaimel.

25 We nu šumwos, met šim, ā met Farisi, mwošounkas! tu komwos oru nasnas likin kup si ā pulet si, ā lū elos tiñtiñinu ma koluk ā ma šilolel.

26 Farisi. kun! met kom orek nasnas lūin kup si ā pulet si, tu lik elos fwa. nasnas ouyape.

27 We nu šumwos, met šim ā met Farisi, mwošounkas! tu komwos oanu inkulyuk fwošfwoš, aok oanu ma mwowo lik, ā lū tiñtiñinu sri in mas, ā sipoklot lanu.

28 Ā komwos ouyape lik oanu ma payi nu sin metu, ā inšiumwos tiñtiñinu ma mwošounkas ā ma koluk lanu.

29 We nu šumwos, met šim ā met Farisi, mwošounkas! tu komwos muša inkulyuk lun met palu, ā oru mwolanu inkulyuk lun met payi, 30 ā fwak, Kem fwino natu in len lun papa tumus, kem tiu oelulos in es san met palu.

31 Ou iñi komwos met lo nu šumwos, tu komwos tulig natalos šu uniye met palu.

32 Na komwos nakla tupin sigasok lun papa tumomwos.

33 Komwos serpent, ā fwil lun faiper! fuka komwos a fwas liki sisila nu in hell?

34 Ke ma iñi, liye, ña sipaot nu šumwos met palu,

ā met lalmetmet, ā met šim: ā kutu selos komwos fwa uniye ā uni on ke šaksiñ sugo; ā kutu selos komwos onel in lolñok lomwos, ā kolya in siti nu in siti.

35 Tu sa payi nu kemwu kaki nu fwalu fwa tuku nu fwomwos, san Ebel mi met payi nu ke san Zakaraias mwen nutin Barakaias, šu komwos uniye in maslon imwen tempe ā lāñ.

36 Payinu ña fwak nu šumwos, Ma nu kemwu ma iñi fwa tuku nu fwil fwil si iñi.

37 O Jerusalem, Jerusalem, šu uniye met palu, ā tuñla los šu sipeyuk mi nu yuram, fuka pal puspis ña luñsik šifweni tulig nutom, oanu mwonyen el šifweni trokrok natu ye paul, ā komwos siluñši!

38 Liye, lom šum on wañin karwuñinye.

39 Tu ña fwak nu šumwos, Komwos a fwa tiu liye yu nu tuk, nu ke komwos fwak, Inši mwowo el šu tuku in el Leum.

## SAPTER 24.

Ā JISUS el šom, ā fwas liki imwen tempel: ā met tumal lutlut elos tuku in luti nu sel inte im ke imwen tempel.

2 Ā Jisus el fwak nu selos,

Ya komwos tiu liye ma nu kemwu ma iñi? Payinu ña fwak nu šumwos, An si iñi a fwa wañin eot si on fwin sie eot, ma a fwa mogukla nu kemwu.

3 Ā ke el mutu on fwin eol Olifs, met lutlut elos tuku nu yurol muku, fwakañ, Lute nu šes, pal ya si ma iñi a fwa oru? ā mea akulin ke kom tuku, ā ke safla fwalu?

4 Ā Jisus el tupokoañ ā fwak nu selos; Komwos sis-mouk tu met tiu kiae komwos la.

5 Tu ma puspis fwa tuku in ēk, fwakañ, Ña Kraist; ā elos fwa kiapala met puspis.

6 Ā komwos fwa loñ meun, ā kušan meun: liauñ tu komwos tiu fosña: tu ma nu kemwu iñi te oru met, ā safla šumwe tuku.

7 Tu met fwal si tuyuk lain sie met fwal, ā togusañ lain togusañ: ā a fwa sral, ā lolo, ā fwalu rarrar, in kutu an.

8 Ma nu kemwu iñi mutamwauk in ašor.

9 Na elos fwa es komwos-yuñ in akkolukye komwos, ā a fwa uni komwosye: ā fwal nu kemwu fwa sruñe komwos ke ēk.

10 Ā na ma puspis fwa tugulkul, ā sie fwa tukakunak sie, ā sie fwa sruñu sie.

11 Ā met palu puspis sito fwa tuku, ā fwa kiapala met puspis.

12 Ā tu os nu ma koluk, luñ lun met puspis fwa musis kutu.

13 Ā el šu oru mwo nu ke safla, el iñi fwa mol.

14 Ā mwo šašu iñi lun togusañ fwa sulkakin in fwal e nu kemwu ke ma lo an nu kemwu: ā na safla a fwa tuku.

15 Tu ou iñi, ke komwos fwa liye ma koluk lanu lun ma kanaos lanu, ma Daniel met palu el fwak, tu yin mutal (el šu rid, lela lun etu:) 16 na lela elos šu mutu in Judea in kasus šom nu fwin eola.

17 Lela el šu on fwin ma-ñon lomwu tiu tuku fwuni in es kutu ma likin lom sel.

18 Ā el šu mutu in ima si tiu foloko in es nuknuk lal.

19 Ā we koluk nu selos šu putete, ā nu selos šu šuñ titi in len iño!

20 Ā pre tu komwos tiu kasus šom ke pal musis, ā ke len sabbat: 21 Tu na fwa fosñala ma lulap, oanu met tiu liye ke mutamwauk fwalu nu iñi, mo, ā nu tuk.

22 Ā fwin tiu oru len iño ma fototo kutu, wañin nu ikwe in mol: ā ke met šulūla len iño orani in fototo eni kutu.

23 Na kutenu met fwin fwak nu sumwos, Liye, Kraist iñi, ku iño; komwos tiu lalalfuñi.

24 Tu Kraist sito fwa tuku, ā met palu sito, ā elos fwa luti akul lulap ā ma šokuruk; tu ou iñi, fwin ku, elos fwa kiapala met šula.

25 Liye, ña fwak nu sumwos met.

26 Tu ou iñi elos fwin fwak nu sumwos, Liye, El os yin mesis: komwos tiu šom: Liye, El os in fokil lukma; komwos tiu lalalfuñi.

27 Tu oanu šarom tuku yin fwatu sikyuk we, ā šaromromla yin fwatu tili we; ouyape ke Mwen nutin met el fwa tuku.

28 Tu yin kolak on we, an si iñi mwon igel elos fwa tukeni šokšok.

29 Kitin misiñi tuko ke fosña lanu in len iño fwatu fwa losla, ā malem tiu šuñ kalem lal, ā itu elos fwa putatla in kosaoe mi, ā ku in kosao elos fwa kususus.

30 Ā na akul lun Mwen nutin met fwa sikmi in kosaoe mi: ā na sruf nu kemwu fwalu elos ašor, ā elos fwa liye Mwen nutin met el tuku in pukunieñ in kosao, ke ku ā ma mwowo ma lulap.

31 Ā El fwa sipala lipufon lal ke pusren ugug lulap; ā elos fwa eseni met šula lal yin eñ akos mi, yin tafwun kosa iño mi nu tafwun kosa iñi.

32 Iñi lutlut pupulyuk ke šak fig: ke le šak lal sruk maños, ā sra srtnak, komwos etu akurun pal fwol.

33 Ā ouyape, ke komwos fwa liye ma nu kemwu ma iñi, komwos etu tu apkurun nu mutun oaoa.

34 Payinu ña fwak nu sumwos, Fwil si iñi tiu alfukfukla nu ke ma nu kemwu ma iñi orek tari.

35 Kosao ā fwalu fwa wañinla, ā kaskas luk tiu wañinla.

36 ¶ Ā len si iño ā anu si wañinu met etu, ā tiu lipufon in kosao, tu Papa tumuk mugenu.

37 Ā oanu len lun Noa, ā ouyape ke Mwen nutin met el fwa tuku.

38 Tu oanu len met šaloñla tuk, elos moño ā nim, mari ā šuñ in mari, nu ke len si Noa el sroauk nu fwin oaku, 39 ā elos tiu etu, nu ke šaloñla tuku, ā es elos la nu kemwu; ouyape ke Mwen nutin met el fwa tuku.

40 Na met luo mutu in ima si; esla sie, ā filiye sie.

41 Mutan luo ilye ke me ilil si; esla sie, ā filiye sie.

42 ¶ Tu ou iñi šano; tu komwos tiu etu auu ya si Leum lom a tuku.

43 Ā komwos etu ma iñi, tu met kato in lomwu el fwino etu la auu ya si met pus a tuku, el fwa šano, ā tiu fulela lom sel in mišala.

44 Tu ou iñi komwos in ako pe, tu ke auu si komwos tiu nunku, Mwen nutin met el a tuku.

45 Na šu met kulanšap payi ā lalmetmet, šu leum lal ora'l lun fwa'l nu ke kwanun lom sel, in šuñ me moño nelos ke pal fwol si?

46 Inši mwowo met kulanšap iño, šu leum lal, ke el tuku, el fwa konoilok in oru ou iñi.

47 Payinu ña fwak nu šumwos, tu el fwa ora'l lun fwa'l ke ma nu kemwu ma lal.

48 Ā met kulanšap koluk iñi el fwin kaskas inšiel, Leum luk patlanu in tuku; 49 ā el mutamwauk in popo kutenu met kulanšap wi, ā oelulos met sruī in moño ā nim;

50 Leum lun met kulanšap iñi el fwa tuku in len si ke el tiu šano'l, ā in auu si ke el tiu etu, 51 ā el fwa otelalik, ā oru ma lal wi met mwošounkas: yin a fwa tuñnu ā ñañoñor in mwusi.

## ŠAPTER 25.

NA togusai in kosao fwa oanu mutan šieñul šu tiu etu met, šu es lam lalos, ā šom in šun met pusla.

2 Ā limikos selos lalmetmet, ā limikos lalfon.

3 Elos šu lalfon es lam lalos, ā tiu es oil oelulos.

4 Ā lalmetmet elos es oil in maše wi lam lalos.

5 Ke met pusla patla in tuku, elos nu kemwu metkel ā motul.

6 Ā ke infulwin foñ elos mwonak, We liye, met pusla el tuku; komwos fwasot in šunol.

7 Na mutan nu kemwu šu tiu etu met elos tukakak, ā akoala lam lalos.

8 Ā lalfon elos fwak nu sin lalmetmet, Si las kutu oil lomwos, tu lam las a kunla.

9 Ā lalmetmet elos tupokot, fwakañ, Fwin ou iñi tiu yok in las ā lomwos: ā mwo komwos fwasot nu yurin met kitakot, ā mol ma lomwos.

10 Ā ke elos šom in mol, met pusla el tuku; ā elos šu ako ilyuk oelul nu ke mari: ā mutun oaoa kauili.

11 Tuk kutenu mutan šu tiu etu met elos take pe, fwakañ, Leum, Leum, igasla nu šes.

12 Ā el tupokoañ ā fwak,

Payinu ña fwak nu sumwos,  
Ña tiu ete komwos.

13 Tu ou iñi, šano, tu komwos tiu etu len si ā auu si ke Mwen nutin met el tuku.

14 ¶ Tu togusaī in kosao oanu met fwafwasyis nu yin lulisla, el pañon mu met kulansap lal, ā šuñ ma lal nu selos.

15 Ā el šuñ nu sin sie talen limikos, ā nu sin sie luo, ā nu sin sie sie: nu sin met nu kemwu oanu elos etu oreye; ā kitin misiñi el šomla.

16 Na el šu es talen limikos el šom kukakin ma iñi, ā oru talen limikos pe.

17 Ā ouyape el šu es luo, el ouyape oru luo pe.

18 Ā el šu es šie, šom ā pukinye in foko, ā mwukunla muni lun leum lal.

19 Ā pat lanu tuk, leum lun met kulansap iñi el folokla, ā lolñok nu selos.

20 Ā el šu es talen limikos tuku, ā usi talen limikos pe, fwakañ, Leum, kom asi nu sik talen limikos; liye, ña siefwil oru talen limikos pe.

21 Leum lal el fwak nu sel, Mwonu, met kulansap mwo ā payi: mwo ma pu kom liauñ, ña fwa orek kom in fwu ma puspis: kom ilyuk nu yin eñun lun leum lom.

22 Ouyape el šu es talen luo tuku, ā fwak, Leum,

kom asi nu sik talen luo: liye, ña siefwil oru talen luo pe.

23 Leum lal el fwak nu sel, Mwonu, met kulansap mwo ā payi: mwo ma pu kom liauñ, ña fwa orek kom in fwu ma puspis: kom ilyuk nu yin eñun lun leum lom.

24 Na el šu es talen si tuku, ā fwak, Leum, ña ete kom tu kom met upa si, kosrūni oiya kom tiu siselik, ā eseni oiya kom tiu oskoilik:

25 Ā ña šañeñ, ā šom, ā mwukunla talen lom in foko; liye, es lom.

26 Leum lal el tupokoñ ā fwak nu sel, Met kulansap koluk ā alsañes, kom etu tu ña kosrūni oiya ña tiu siselik, ā eseni oiya ña tiu oskoilik: 27 Ke ma iñi mwo tu kom filiye muni luk nu yurin banker, ā ke ña tuku ña fwa es ma luk ā kute pe.

28 Tu ou iñi esla talen si luk el, ā šuñ nu sel šu la talen sie-ñul.

29 Tu nu sin šu kutu ma la šuñ pe kutu, ā el fwa os ma lal: ā yurol mi šu wañin ma la fwa esla ma lal luk el.

30 Ā komwos sisle met kulansap alsañes nu yin los liki losu: nu iño fwa tuñnu ā ñañoñor in mwusi.

31 ¶ Ke Mwen nutin met el fwa tuku in ma mwowo

lal, ā lipufon mutal nu kemwu oelul, na el fwa mutu fwin niin mutu mwowo si lal: 32 ā met an nu kemwu fwa tukeni mutu ye mutal; ā el fwa es elos elik sie sin sie, oanu met sropu liye šip esla šipe liki gotu: 33 Ā el fwa filiye šipe on le paul leyut, ā gotu on le paul lesi.

34 Na togusa el a fwak nu selos on le paul leyut, Fwasu, komwos met mwonu lun Papa tumuk, mutu yin akola nu šumwos u-mi ke srosla walu: 35 tu űa musinsral, ā komwos kiti yu me moño; űa malu, ā komwos si kof nimuk: űa metša, ā komwos šuli yu yuk:

36 űa koflufol, ā komwos si nuknuk űa nukomañ: űa mas, ā komwos fwas nu yuruk ā mutu: űa mutu in prison ā komwos tuku nu yuruk.

37 Na met payi elos tupokot nu sel, fwakañ, Leum, kem liye kom ke kom musinsral, ā kite nom űa? ku malu, ā kite nimom? 38 űa kem liye kom metša, ā šuli kom yuk? ku koflufol, ā nukom kom la? 39 ku kem liye kom mas, ku in prison ā tuku nu yurom űa?

40 Ā Togusa el a tupokoañ ā fwak nu selos, Payinu űa fwak nu šomwos, Tu oanu ke komwos oru ma iñi nu

sin sie met sisik sin ma lik komwos oru nu sik.

41 Na el a fwak pe nu selos on le paul lesi, Fwasot liki yu, komwos, met lušla, fwasot liki yu nu in e kamwul ma patpat, akola sin devil ā lipufon lal.

42 Tu űa musinsral, ā komwos tiu kiti yu me moño: űa malu, ā komwos tiu si kof nimuk: 43 űa met ša, ā komwos tiu šuli yu yuk; koflufol, ā komwos tiu si nuknuk űa nu omañ: mas, ā in prison, ā komwos tiu tuku nu yuruk.

44 Na elos ouyape tupokot nu sel, fwakañ, Leum, ka kem liye kom kom la musinsral űa? ku malu, ku metša, ku koflufol, ku mas, ku in prison ā tiu oru nu šum?

45 Na el tupokot nu selos, fwakañ, Payinu űa fwak nu šumwos, Tu oanu ke komwos tiu oru nu sin sie ma sisik iñi, Tu ouyape ke komwos tiu oru nu sik.

46 Ā elos iñi fwa šomla nu yin uniye ma patpat: ā met payi nu yin mol ma patpat,

## ŠAPTER 26.

**A** MA iñi te oru, ke Jisus el kaskas nu kemwu ma iñi tari, el fwak nu sin met tumal lutlut, 2 Komwos etu tu ke tukin len luo kofwo lun alukela, ā Mwen nutin



met fwa tukakinyukyuk in uniye on ke šaksiñ sugo.

3 Na leum tol, ā met šim, ā met elder lun met, elos tu-keni nu in maslon lom sin leum tol, pañpañ Kaiafas, 4 ā elos tukeni papu fuka elos fwa es Jisus ke kiapu, ā uni'lye.

5 Ā elos fwak, Tiu ke kofwo, tu fwin ou iñi met elos tukeni mwowon.

6 ¶ Ā ke Jisus el mutu yin Beteni, in lom sin Saimon met leper, 7 sie mutan el tuku nu yurol wis boken alabaster lun kūar mwowo si, ā el okoiya nu fwin šiu-fwel, ke el foñyuñ moño.

8 Ā ke met tumal lutlut liye, elos siluñši lanu, fwa-kañ, Efwo ku sisle ma iñi?

9 Tu kem ku in kitakot kūar iñi ka puspis, ā kitala nu sin met sigasrup.

10 Ke Jisus el etu, el fwak nu selos, Efwo komwos ku lokoluke mutan si? tu el oru me orek mwowo nu sik.

11 Tu met sigasrup mutu yuromwos pal e nu kemwu; ā ña tiu mutu yuromwos pal e nu kemwu.

12 Tu ke el okoiya kūar iñi nu fwin monuk, el ako yu nu ke ña pukpuki.

13 Payinu ña fwak nu šumwos, Yin nu kemwu met luti mwo šašu iñi in fwal nu

kemwu, elos fwa kaskas ma iñi ma mutan si iñi oru in akulinilye.

14 Na sie sin sie-ñul-luo, pañpañ Judas Iskariot, el šom nu yurin leum tol, 15 ā fwak, Mea komwos aši nu sik, ā ña fwa asalot nu šumwos? Ā elos mwuleuñ nu sel muni tolñul.

16 Ā tugin palša el šuk pal mwo si in tukakunulak.

17 ¶ Ke len si meta kofwo lun bred tiu pulolak met lutlut elos tuku nu yurin Jisus, fwak nu sel, Oiya an kom luñšom kut in ako nu sum in moño alukela?

18 Ā El fwak, Šom nu in siti nu sin sie met, ā fwak nu sel, Met luti el fwak, Pal si luk akurun iñi; ña fwa oru alukela in lom šum wi met tumuk lutlut.

19 Ā met lutlut elos oru oanu Jisus el luti nu selos; ā elos ako alukela.

20 Ke eukela, El foñyuñ nu ke tebel yurin sie-ñul-luo.

21 Ā ke elos moño, el fwak, Payinu ña fwak nu šumwos, tu sie šumwos a tukakin yu yuk.

22 Ā elos pakomutu ma lulap, ā mutamwauk in takla siyuk sel, Leum, ka šu ña?

23 Ā el tupokoañ ā fwak, El šu wi yu sūsñi paul in

ale si, el iñi a tukakun yu yuk.

24 Mwen nutin met el šom oanu ma šimisla ke el: we sin met šu tukakunulak Mwen nutin met! mwo nu sin met iñi el fwin tiu isūsila.

25 Na Judas, su tukakunulak, el tupokoañ ā fwak, Rabbai, ka šu ña? El fwak nu sel, Kom fwakla.

26 Ā ke elos moño, Jisus el es bred, ā ali, ā kunsalik, ā šuñ nu sin met lutlut, ā fwak, Es, moño; ma iñi monuk.

27 Ā El es kup, ā šuñ kulu, ā šuñ nu selos, fwakañ, Komwos nu kemwu numla mao:

28 Tu ma iñi sak lun mwilkas šašu, ma širorla ke met puspis in esla ma koluk.

29 Ā ña fwak nu šumwos, Ña a tiu nim tuk fokin fain iñi, nu ke len si ña wi komwos nim ma šašu in togussaī lun Papa tumuk.

30 Ā ke elos iuk sugo on, elos šomla nu fwin eol Olifs.

31 ¶ Na Jisus el fwak nu selos, Komwos nu kemwu tugulkul foñ si iñi ke ña: tu ma šimisla, Ña fwa uniye met sropu, ā šip lun unen elos fwaseliknu.

32 Ā tuk ke ña siefwil molyuk, ña met komwos tuk a fwas nu yin Galili.

33 Piter el tupokoañ ā fwak

nu sel, Elos nu kemwu fwin tugulkul ke um, ña tiu tugulkul nu tuk.

34 Jisus el fwak nu sel, Payinu ña fwak nu šum, Tu foñ si iñi, met mwon sisa kakla tuk, kom a fwa laflafwekin yu pal tolu.

35 Piter el fwak nu sel, Ña fwin wi kom nu miši, ña tiu laflafwekin kom. Met lutlut nu kemwu fwak ouyape.

36 ¶ Na Jisus el oelulos fwas nu an si pañpañ Getsemane, ā fwak nu sin met lutlut, Komwos mutawun iñi, ke ña šom nu iño ā pre.

37 Ā el es oelul Piter, ā mwen luo nutin Zebedi, ā mutamwauk iñ asor ā toas lanu.

38 Na el fwak nu selos, Ñunik in ašor lulap, nu ke miši: komwos mutawun iñi, ā wi yu šano.

39 Ā el fwas nu met kutu, ā foksiufwi, ā pre, fwakañ, O Papa tumuk, fwin ku ke ma iñi, lela kup si iñi in fwas aliki yu wōt'fwin tiu ou iñi, tiu ou ña luñsik, ā ou kom.

40 Ā el fwas nu yurin met lutlut, ā konoi'elos yuk la motul, ā el fwak nu sel Piter, Ma ya, komwos tiu ku in wi yu šano ke auu si?

41 Šano, ā pre, tu komwos tiu ilyuk nu in mel: payi ñun luñši, ā ikwe munas.

42 El siefwilpe som pal si akluo, ā pre, fwakañ, O Papa tumuk, kup si iñi tiu ku in fwas aliki yu wõt, ña fwin tiu numla, oru ou kom luñ-som.

43 Ā el tuku ā konoï'elos yuk la siefwil motul; tu mutalos toas.

44 Ā el fwas luk elos, ā siefwilpe somla, ā pre pal si aktolu, kaskas ou meta.

45 Na el tuku nu yurin met tumal lutlut, ā fwak nu selos, Tari, komwos motul nu, ā moñle; liye, auu si tuku, ā Mwen nutin met tukakinyukyuk nu in poun met koluk.

46 Tukakak, kut som: liye, el tuku šu tukakin yu yuk.

47 ¶ Ke el kaskas iñi, liye, Judas, sie sin sie-ñul-luo, el tuku, ā met puspis tukeni oelul, wis kutlas ā šak, yurolos mi met tol ā met elder lun met.

48 Ā el šu tukakunulak šuñ akul si nu selos, fwakañ, El šu ña ñok, elnu, sruki'lye.

49 Ā kitin misiñi el tuku nu yurin Jisus, ā fwak, Paiñ kom, Rabbai; ā ñokol.

50 Ā Jisus el fwak nu sel, Kawuk, kom te sika? Na elos tuku filiye paolos fwe'l Jisus, ā as al.

51 Ā liye, sie selos oelul Jisus asroala paul, ā fwauk

kutlas, ā pakal met kulansap lun met tol, ā otala sral.

52 Na Jisus el fwak nu sel, Siefwil iñuñye kutlas nutom nu yin on we: tu elos nu kemwu šu es kutlas fwa miši ke kutlas.

53 Ya kom nunku mu tu ña tiu ku in siyuk sin Papa tumuk iñi, ā el a fwa sipamu nu yuruk lipufon lišun sie-ñul-luo ā yok?

54 Fwin ou iñi fuka ma šimisla payikin, tu a ma oru ou iñi?

55 Ke auu si iño Jisus el fwak nu sin met puspis tukeni, Ya komwos fwas liki oanu nu sin met iñunyar, ke kutlas ā šaku in es yu? Piñanu len ña mutu yuromwos in luti in imwen tempel, ā komwos tiu sruki yu wi.

56 Ā ma nu kemwu ma iñi oru, tu ma šimisla lun met palu fwa payikin. Na met tumal lutlut nu kemwu fwas luk el, ā kaiñla.

57 ¶ Ā elos šu sruki'lye Jisus met, elos kolol nu yurin Kaiafas met tol, yin mwolil met šim ā met elder tukeni mutu.

58 Ā Piter el fwas tukol lūs'el la, nu in maslon lom sin met tol, ā ilyuk nu we, ā mutu yurin met tutafpo in liye masi tuko.

59 Ā met tol, ā met elder,

ā mwolil nu kemwu, elos šuk met silo lainul Jisus, ou tu elos fwa uni'lye; 60 ā elos tiu konoiook: ā met silo ma puspis tuku, elos tiu konoiook sie. Ā tuko met silo luo eltal tuku, 61 ā fwak, El iñi fwak, Na ku in kanaosla imwen tempel lun God, ā in muša mao in len tolu.

62 Ā met tol el tuyuk, ā fwak nu sel, Ya wañin nu ma kom tupokot? Mea eltal a fwak lain kom?

63 Ā Jisus el misla. Ā met tol el tupokoan ā fwak nu sel, Na fulakin kom ke God mol, tu kom fwak nu šes la payi ku sitou, kom Kraist Mwen nutin God.

64 Jisus el fwak nu sel, Kom fwakla: kute pe na fwak nu šumwos, Tuko komwos a fwa liye Mwen nutin met mutu on le paul leyut lun ku, ā tuku in puku-nieñ kosao.

65 Na met tol el šalik nuk-nuk lal, fwakañ, El kaskas enum; efwo kem ku šuk kutenu met lo? liye, iñi komwos loñ enum lal.

66 Mea komwos nunku? Elos tupokoan ā fwak, El fwanauk el a la miši.

67 Na elos ani in mutal, ā fus k'el, ā kutenu puklul, 68 fwakañ, Kraist, kom polyauk nu šes, Šu uni kom wun?

69 ¶ Ā Piter el muta liki nu in maslon lomu, ā mutan fwus el tuku nu yurin, fwakañ, Kom pe oelul Jisus luñ Galili.

70 Ā el laflafwekin ye mutalos nu kemwu, fwakañ, Na tiu etu ma kom fwaku.

71 Ā ke el fwas nu in sraumwalsis, sienu liye'l, ē fwak nu selos šu mutanu iño, Ele pe oelul Jisus lun Nazaret.

72 Ā el siefwilpe laflafwekin ke fulakin pusupas, Na tiu etu met šen.

73 Ā kutu pal tuk elos šu tu apkurun, tuku ā fwak nu sel Piter, Payinu kom pe sie selos; tu kas lom orek kom fwolnu.

74 Na el mutamwauk in kaskas koluk ā fulakin pusupas, Na tiu etu met šen. Ā kitin misiñi mwon sisa kakla.

75 Na Piter el esamak kas lun Jisus, ma el fwak nu sel, Kom fwa laflafwekin yu pal tolu met, mwon sisa kakla tuk. Ā el fwas liki, ā tunñu tuñnu.

## ŠAPTER 27.

**K**E lututan, met tol ā met elder lun met elos nu kemwu tukeni papu lainul Jisus in uni'lye.

2 A ke elos kopuri'lye, elos kolol la, ā wiselak nu yurol Pontius Pailat leum si.

3 Na Judas, šu tukakunulak, ke el liye tu elos lus el la, el šifwanu auliyuk, ā folokunmu ipen silver tol-ñul nu sin met tol ā met elder, 4 fwakañ, Sito sik, tu ña tukakunak sa payi. Ā elos fwak, Mea ma iñi nu šes? kom liauñ ma iñi.

5 Ā el sisot ipen silver nu in imwen tempel, ā šomla, ā šifwanu lokšakla.

6 Ā met tol elos srukak ipen silver, ā fwak, Tiu payi tu kut filiye mao nu in tatū, tu ma iñi me mol sa.

7 Ā elos tukeni papu, ā mol ima si lun potter ke mao, in pukinye metša.

8 Ke ma iñi ima si iñi elos pañpañ Ima lun sa, nu ke len si iñi.

9 Na payikin ma Jeremi met palu polyi, fwakañ, Ā elos es ipen silver tol-ñul, ma elos nunku me mol lal, šu met nutin Israel elos fwak, me mol lal; 10 ā ašun mao in moli ima si lun potter oanu Leum el oramu nu sik.

11 ¶ Ā Jisus el tu ye mutun leum: ā leum el siyuk sel, fwakañ, Ya kom Togusa lun met Ju? Ā Jisus el fwak nu sel, Oanu kom fwak.

12 Ā ke met tol ā met elder elos sis nu fwel, el tiu tupokoañ.

13 Na Pailat el fwak nu

sel, Ya kom tiu loñ kutu ma puspis elos orek ma lo lain kom?

14 Ā el tiu tupokoañ nu sel nu ke sie kas; oanu tu leum el lut lulap.

15 Ā ou meta ke kofwo, leum el tulala nu sin metu sie met kopur šu elos luñselos.

16 Na sie met kopur os yurolos pañpañ Barabbas, el koluk lanu.

17 Tu ou iñi, ke elos tukeni, Pailat el siyuk selos, Ka šu komwos luñšomwos tu ña tulala nu šumwos? Barabbas, ku Jisus šu elos pañpañ Kraist?

18 Tu el etu tu ke šok sel elos esalak.

19 Ke el mutu fwin me mutu lun nununku, mutan kiel sipu nu sel, fwakañ, Nik kom oru kutu ma nu sin met payi si iño; tu ña tonin-foñ ma lulap len si iñi in memi ke el.

20 Ā met tol ā met elder elos papu met puspis tukeni tu elos siyuk Barabbas, ā uni'lye Jisus.

21 Leum el tupokoañ ā fwak nu selos, Šu ka seltal komwos luñšomwos ña in tulala nu šumwos? Elos fwak, Barabbas?

22 Pailat el fwak nu selos, Na mea ña oru nu sin Jisus, šu elos pañon Kraist? Elos

nu kemwu fwak nu sel, Lela lun miši on ke šaksiñ sugo.

23 Ā leum el fwak, Efwo, mea koluk ma el oru? Ā elos wowoyuk pusliki, fwakañ, Lela lun miši on ke šaksiñ sugo.

24 Ke Pailat el liye tu el koflanu oru kutu mao, tu elos la orek fukurkur kutu, el es kof, ā tanla paul ye mutun met puspis tukeni, fwakañ, Na tiu kuluk ke sa lun met payi si iñi: komwos liye.

25 Na met e nu kemwu tupokoan ā fwak, Sa'l on fwus, ā on tulig natas.

26 Na el tulala Barabbas nu selos: ā ke el sruñlul Jisus, el esalak in uni on ke šaksiñ sugo.

27 Na met meun lun leum elos wis Jisus nu in imwen leum, ā elun met meun nu kemwu elos tukeni suku nu yurol.

28 Ā elos šarukla nuknuk lal, ā nukmulañ nuknuk sisa katel.

29 Ā ke elos orek tefuro in kokol si tari, elos filiye fwini šiufwel, ā a in le paul leyut: ā elos epas ye mutal, ā aksruksrukal, fwakañ, Paiñ, Togusa lun met Ju!

30 Ā elos anel, ā es a ā sruñil fwini šiufwel.

31 Ā ke elos aksruksrukal

tari, elos šarukla nuknuk katel ā nukmulañ nuknuk lal, ā kolol la in uniye on ke šaksiñ sugo.

32 ¶ Ā ke elos fwas liki, elos konoioke met si Sairini, el Saimon: elos ora'l lun wis šaksiñ sugo lal.

33 Ke elos suku nu yin si pañpañ Golgota, oanu ma, yin sri in šiuf si, 34 elos asuñ nu sel finiger lun nim, wi a toeni: ā ke el pulakin, el sañes nim.

35 Ā elos unilye on ke šaksiñ sugo, ā eselik nuknuk lal, koto sriwwe; [tu oru payikin ma met palu polyi, Elos eselik nuknuk luk yurolos, ā on fwini sienu nuknuk luk elos, orek koto sriwwe.]

36 Ā elos mutanu šanol iño; 37 ā filiye yetun šiufwel, ma tukakunulaku šimisla **EL INI JISUS TOGUSA LUN MET JU.**

38 Na met iñunyar luo oelul uniye on ke šaksiñ; sie on leyut, ā sie on lesi.

39 Ā elos šu fwas alukela kaskas enu nu sel, ososokla šiufwelos, 40 ā fwakañ, Kom šu kanaosla imwen tempel, ā muša in len tolu, kom šiufwanu moli kom. Kom fwini Mwen nutin God, fwuni ke šaksiñ sugo.

41 Ouyape met tol ā met šim ā met elder elos aksruk-

srupal, fwak, 42 El molula kutenu, el koflanu sifwanu mol el la. El fwin Togusa lun Israel, lela lun fwuni ke šaksiñ sugo iñi, a kut fwa lalalfuñi ke'l

43 El foñyuñ sin God; lela lun as al iñi, el fwin luñsi el: tu el fwak, Ña Mwen nutin God.

44 Ā met iñunyar luo, šu oelul uniye on ke šaksiñ, eltal kas ko pe nu sel.

45 Ā auu si akonkos nu ke auu si akeu fwal e nu kemwu los lanu.

46 Ā akurun auu akea Jisus el wowoyuk ke pusral lulap, fwakañ, Ilai, Ilai, lama sabaktenai? oanu fwak, God luk, God luk, efwo kom ku fwas liki yu?

47 Kutu selos šu tu iño, ke elos loñ, elos fwak, El iñi pañnol Ilaias.

48 Ā kitin misiñi sie selos kasus, a es insral, a nakla finiger, a filiye ke a sugo, a šuñ nu sel lun nim.

49 Kutenu fwak, Kolya-mwun, kut a liye la Ilaias el a la tuku in mol el la.

50 ¶ Jisus, ke el siefwil wowoyuk ke pusral lulap, el misi.

51 Ā liye, nuknuk, lisñe in imwen tempel sisalik ip luo luñinu nu ten; a fwalu rarrar, a eotu mulpelik; 52 a luf kiin mas elos igakla; a

manol puspis lun kristin šu motul, elos molyuk, 53 a fwas liki luf kiin mas tukin pal si ke el molyuk, a elos šom nu yin siti mutal a sikmi nu sin met puspis.

54 Ā met senturion, a elos šu oelul, šanol Jisus, ke elos liye fwal rarrar, a kutenu iño ma' orala, elos šañeñ ma lulap, fwakañ, Payinu el iñi Mwen nutin God.

55 Ā mutan puspis mutu we, liye an lūsła, elos šu fwas tukol Jisus Galili mi, oru nu sel: 56 Meri Magdalin oelulos, a Meri kien Jemes a Joses, a nine kien mwen nutin Zebedi.

57 ¶ Ke eukela, met gasrup lun Arimatia, e Josef, šu wi pe met tumal lutlut lun Jisus: 58 el fwas nu yurol Pailat, a ñusi manol Jisus. Na Pailat el šap in ašun manol.

59 Ā ke Josef el esla mano, el lumani mao in nuknuk linen nasnas, 60 a filiye mao in lufin mas šašu si lal, ma el tufła in eotu: a el epusañ eot lulap si nu ke mutun pot lufin mas si, a šomla.

61 Ā Meri Magdalin el iño, a sienu Meri, eltal mutu iño tulonot lufin mas si.

62 ¶ Ā len si tuko, ma tukin len si lun ako, met tol a met Farisi elos tukeni nu yurol Pailat, 63 fwakañ,

Leum, kem esamak tu met kusuinkas iño fwak, ke el mol, Tugin len tolu ña fwa siefwil molyuk.

64 Ke ma iñi kom šap in liauñ ma mwowo lufin mas si nu ke len si aktolu, fwin tiu ou iñi met tumal lutlut elos a tuku [in foñ,] ā pu-sra'l la, ā fwak nu sin metu, El molyuk: ā ma kusuinkas tuk koluk liki ma kusuinkas met.

65 Pailat el fwak nu selos, Met šano os yuromwos: komwos fwala, ā orauñ akkeyu oanu komwos etu.

66 Ā elos šom, ā orala lufin mas si ma mwowo, tawunañ eot si, ā filiye met šano.

## ŠAPTER 28.

**T**AFIN foñ tuk lun sabbat, akurun lenelik len si umet ke wik, Meri Magdalin, ā sienu Meri, eltal tuku in liye lufin mas si.

2 Ā, liye, rarrar lulap: tu lipufon si lun Leum sikmi in kosaoe mi, ā tuku ā epusla eot liki mutun pot, ā el mutu fwe.

3 Mutal oanu šarom, ā nuk-nuk lal fwosfwos oanu wiaoa: 4 Ā ke šaṇeñ sel met šano elos rarrar, ā oanu met miši.

5 Ā lipufon el tupukoañ ā fwak nu seltal mutan, Komtal tiu šaṇeñ: tu ña etu tu

komtal šuk Jisus, šu uniye on ke šaksiñ sugo met.

6 El tiu os yinu: tu el molyuk, oanu el fwak. Fwasu, liye an ya Leum on nu we.

7 Ā fwasot aksaya, ā luti nu sin met tumal lutlut tu el molyuk; ā, liye, el fwas met komwos tuk nu in Galili; iño komwos fwa liye'l: liye, ña fwak nu šumwos.

8 Ā eltal akpuspusye fwas liki lufin mas si, ke šaṇeñ ā eñun lulap, ā eltal kasus in fwak nu sin met tumal lutlut.

9 Ā [ke eltal šom in fwak nu sin met tumal lutlut,] liye, Jisus el šunoltal, fwakañ, Pain komtal. Ā eltal tuku ā sruukie niel ā ali nu sel.

10 Na Jisus el fwak nu seltal, Nikmit šaṇeñ: komtal šom fwak nu sin ma lik, tu elos šom nu in Galili, ā iño elos fwa liye yu.

11 Ā ke eltal šom, liye kutu sin met šano elos tuku nu in siti, ā luti nu sin met tol ma nu kemwu ma orala.

12 Ā ke elos wi met elder tukeni mwolil, ā papu, tari, elos šuñ muni puspis nu sin met meun, 13 fwakañ, Komwos fwak, Met tumal lutlut elos tuku ke foñ, ā pu-sra'l la ke kut motul.

14 Ā leum fwin loñ ma iñi,



## MARK, 1.

kut fwa umwe'l ā orek komwos in tiu šaṇeñ.

15 Ā elos es muni, ā oru oanu elos luti nu selos: ā kas si iñi met Ju elos kaskin nu ke len si iñi.

16 ¶ Na met tumal lutlut sie-ñul-šie elos šom nu in Galili, nu fwin eol ya Jisus el orauñ nu selos.

17 Ā ke elos liye'l, elos ali nu sel: ā kutu silalalfuñi.

18 Ā Jisus el tuku ā kas-

kas nu selos, fwakañ, Ku e nu kemwu etūku nu sik in kosao ā fwalu.

19 Tu ou iñi komwos šom, ā luti nu sin met fwal e nu kemwu, baptais elos la in ěl Papa, ā Mwen, ā Ēun Mutal;

20 Luti nu selos in liauñ oru ma nu kemwu ma ña šapkin nu šumwos: ā, liye, Ēa wi komwos ma patpat, nu ke saffa fwalu. Amen.

## MWO ŠAŠU MA MARK EL ŠIM.

### ŠAPTER 1.

**M**UTAMWAUK lun mwo šašu lun Jisus Kraist, mwen nutin God;

2 Oanu met palu elos šim, Liye, ña sipaot met šap luk ye mutom, lun akou inek lom ye mutom.

3 Pusren sie wowoyuk yin mesis, Komwos akou inek lun Jeova, oru inakul akšumosye.

4 Jon el baptais yin mesis met, ā luti ke baptais lun auliyuk ke sis la ma koluk.

5 Ā fulun an Judea nu kemwu, ā met Jerusalem, elos šom nu yurol, ā el baptais elos la nu kemwu in-

fwal Jordan, ke elos fwakak ma koluk lalos.

6 Jon el nukomañ nuknuk in unen kamel, ā kulin melol in folo; ā el moño lokus ā unni lemnok;

7 Ā el luti, fwakañ, Sie tuku tukuk el ku liki yu, ña tin mwo in šumwoli tulala eau losin faluk lal.

8 Payi ña baptaisi komwos la ke kof: ā el a fwa baptaisi komwos la ke Ēun mutal.

9 ¶ Ā ma iñi te oru in len iño, tu Jisus el tuku yin Nazaret mi lun Galili, ā Jon el baptais el la in Jordan.

10 Ā kiten misiñi ke fwas-yuk liki kof, el liye in ko-

sao igakla, ā Nun oanu muli ioa sikmi nu fwel:

11 Ā pusra si tuku in ko-saoe mi, fwakañ, Kom mwen kulu si nutig, Na insi mwo-wo kin kom.

12 Ā kiten misiñi Nun el sipa'lot nu yin mesis.

13 Ā el mutu yin mesis len añaul, Setan el srifwe'l; ā el wi kosro lemnok; ā li-pufon elos oru nu sel.

14 ¶ Ā tukin pal si ke fliyuki Jon nu in prisin Jisus el tuku nu Galili, lut-lut kin mwo šašu lun togu-sai lun God,

15 Ā fwakañ, Pal fwolnu, ā togusai lun God akurun: komwos auliyuk, ā lalalfuni mwo šašu.

16 Ā ke el fwas apkurun mweun Galili, el liye Sai-mon ā Andru ma lel eltal fulalik kwa nu mwea; tu eltal met kwa.

17 Ā Jisus el fwak nu sel-tal, komtal fwas tukuk, ā ña fwa orek komtal tu kom-tal fwa kwa met.

18 Ā kiten misiñi eltal likiye kwa laltal, ā fwas tukol.

19 Ā ke el šomla kute si-sik, el liye'ltal Jemes nutin Zebedi, ā Jon ma lel, a eltal os fwin oaku onon ok lalos.

20 Ā kiten misiñi el pañ-noltal; ā eltal aliki Zebedi papa tumaltal yurin met kū-

nokon fwin oaku, ā fwas tukol.

21 ¶ Ā elos šom nu yin Kapernaum; ā kiten misiñi ke len sabat el ilyuk nu in imwen lolñok, ā luti.

22 Ā elos lut ke ma lutlut lal: tu el luti nu selos oanu tu el leum, ā tiu oanu met šim.

23 Ā met si ñun fokfok lal el in lolñok lalos; ā el wowoyuk.

24 Fwakañ, Nikmit orek kit; mea kem a oru nu šum, kom Jisus lun Nazaret? Ya kom tuku in kanawis kit la? Na etu la šuo komwun, kom Sie Mutal lun God.

25 Ā Jisus el kaiyuk nu sel, fwakañ, Nimit kas, ā fwase luk el.

26 Ā ke ñun fokfok el ka-naos el, ā wowoyuk ke pu-sral lulap, el fwas luk el.

27 Ā elos nu kemwu lut, oanu tu elos tukeni siyuk. Mea ma iñi? mea lutlut šašu iñi? tu ke ma pen lal el šap nu sin ñun fokfok, ā elos aksol.

28 Ā kiten misiñi puñal fwas elik nu yin nu kemwu apneni an Galili.

29 ¶ Ā kiten misiñi, ke elos fwas liki lolñok tari, elos ilyuk nu in lom sin Saimon ā Andru, oelultal Jemes ā Jon.

30 Ā nine kiel mutan kiel

Saimon el mas ke musen fwol; ā kiten misiñi elos fwakulañ nu sel.

31 Ā el tuku ā sruñkie paul, ā sruklulak; ā kiten misiñi mas fwol wañinla, ā el oru nu selos.

32 Ā eukela, ke fwatu tili, elos wis nu yurol nu kemwu šu mas, ā elos šu musen devil.

33 Ā elos nu kemwu yin met mutu we tukeni nu mutun oaoa.

34 Ā el akkeiela ma puspis šu mas ke mas puspis, ā sis la devil puspis liki; ā el sañes devil in fwak, tu elos eta'l.

35 Ā ke lututañ, el tukakak umet lenelik tuk, el fwas liki, ā šom nu yin mesis, ā el pre iño.

36 Ā Saimon ā elos šu oelul fwas tukol.

37 Ā ke elos konoil'lok, elos fwak nu sel, Met nu kemwu suk kom.

38 Ā el fwak nu selos, lela kut in šom nu yin met mutu we apkurun nu šes, tu ña a lutlut iñope: tu ña tuke liki ke ma iñi.

39 Ā el luti in lolnok lalos yin nu kemwu Galili, ā sis la deyil liki.

40 ¶ Ā met leper si el tuku nu yurol, ā pre siyuk sel, ā epas nu sel, ā fwakañ nu sel, Kom fwini luñšom kom ku in ore yu in nasnas.

41 Ā Jisus, ke pakomutu, el asroela paul, ā kali'lye, a fwak nu sel, Ña ke; kom in nasnas.

42 Ā ke el fwak, kiten misiñi musen leper wañinla luk el, a el nasnas.

43 Ā el mwuleuñnu nu sel, ā kiten misiñi el sipa'l la;

44 Ā fwak nu sel, liaun nik kom sranu fwak nu sin sie met; tu šom, luti kom-yuñ nu sin met tol, ā šuñ kiše mao ma Moses el sap ke orek kom in nasnas, ke orek ma lo nu selos.

45 Ā el šom liki, ā mutamwauk in fwakak ma puspis, ā luti ma lulap ke mao, oanu tu tuk Jisus el koflanu ilyuk nu yin met mutu we, el fwini tiu muluñlūñ tu el mutu yin mesis liki an met mutu we: ā an nu kemwu elos tukeni nu yurol.

## ŠAPTER 2.

**A** KUTU len tuko el siefwil utyuk nu yin Kapernaum; ā elos loñ tu el mutu lomwu.

2 Ā kiten misiñi met puspis elos tukeni, oanu tu wañinlanu an elos mutu we, aok, apneni mutun oaoa ouyape; ā el luti ma kas nu selos.

3 Ā elos tuku nu yurol, usi met mas matoltol met akos wis el.

4 Ā ke elos koflanu tuku nu yurol tu met puspis tukeni, elos igaselik inšein lomwu an el mutu we: ā ke elos kanaosla mao, elos koela kūlus yin met mas matoltol on we.

5 Ke Jisus el liye lalafuñi lalos, el fwak nu sin met mas motoltol. Mwen, ña nunok munas ke makoluk lom.

6 Ā kutu sin met šim elos mutanu we, ā kaskas insielos.

7 Efwo met si iñi kas ko nu ke'l God? ka šu ku in nunok munas ke ma koluk, tu God mugenu?

8 Ā kiten misiñi, ke Jisus el etu inšiel tu elos kaskas ou iñi inšielos, el fwak nu selos, efwo komwos ku kaskas ou iñi inšiumwos?

9 Mea fusas liki in fwak nu sin met mas matoltol, Ña nunok munas ke ma koluk lom; ku in fwak, Tukakak, ā srukak kūlus kium, ā fwas?

10 Ā tu komwos fwa etu tu mwen nutin met el ku in nunok ke ma koluk on fwalu, (el fwak nu sin met mas matoltol.)

11 Ña fwak nu šum, Tu kakak, ā srukak kūlus kium, ā šom nu in lom šum.

12 Ā kiten misiñi el tukakak, ā srukak kūlus, ā šom-

la ye mutalos nu kemwu; oanu tu elos nu kemwu lut, ā kaksakun al God, fwakañ, kem tiu liye ou iñi met.

13 ¶ Ā el siefwil šom nu penyen; ā met puspis tukeni elos nu kemwu tuku nu yurol, ā el luti nu selos.

14 Ā ke el fwas alukela, el liye Levai nutin Alfeus mutu ye mutun rošo, ā el fwak nu sel. Fwas tukuk. Ā el tukakak ā fwas tukol,

15 Ā ma te oru, tu, ke Jisus el mutu moño in lom šel, ma puspis met rošo ā met koluk elos wi pe Jisus ā met tumal lutlut mutu; tu ma puspis iño, ā elos fwas tukol.

16 Ā ke met šim ā met Farisi elos liye el la wi met rošo ā met koluk moño, elos fwak nu sin met tumal lutlut, Efwo el ku we met rošo ā met koluk moño a nim?

17 Ke Jisus el loñ mao, el fwak nu selos. Met ku elos tiu enenu met šatal, tu met mas mugenu: ña tiu tuku in pañon met payi, tu met koluk in auliyuk.

18 ¶ Ā met tumal lutlut lun Jon ā lun met Farisi elos lālo: ā elos tuku ā fwak nu sel, Efwo ku met tumal lutlut lun Jon ā lun met Farisi elos lālo, ā met tumom lutlut elos tiu lālo?

19 Ā Jisus el fwak nu selos, Ya tulig in fokil nutin

mutan pusla el lālo, ke met pusla mutu yurolos? Pal si ke met pusla mutu yurolos, elos koflanu lalo.

20 Ā kutu len a fwa tuku, ke met pusla eyela luk elos, ā na elos fwa lālo ke len iño.

21 Wañin met taeuñ ipen nuknuk šašu nu ke nuknuk ma; fwin ou iñi ip šašu ma pinesla fwa esla ma liki nuknuk ma, ā muše yokelik.

22 Ā wañin met filiyé wain šašu nu in šifwa matu; fwin ou iñi wain šašu foklulik šifwa, ā wain širorla, ā šifwa mišalšal la: tu kut filiyé wain šašu nu in šifwa šašu.

23 ¶ Ā ma te oru, tu el fwas sasla in ima korn si ke len sabat; ā met tumal lutlut, ke elos fwas, elos mutamwauk in lusla korn.

24 Ā met Farisi elos fwak nu sel, Liye, efwo elos ku oru ke len sabat kutu ma oul?

25 Ā el fwak nu selos, Ya komwos tiu rid kutu ma Devid el oru, ke el enenu, ā musinsral, el, ā elos šu oelul?

26 Fuka el ilyuk nu in lom sin God ke len lun Abaiatar el met tol fulat, ā el moño bred luti, ma oul in moño tu ma lun met tol mugu, ā šuñ pe nu selos šu oelul?

27 Ā el fwak nu selos, God

el orala sabat ma lun met, ā tiu met ma lun sabat.

28 Tu ou iñi mwen nutin met el ouyape leum lun sabat.

### ŠAPTER 3.

EL siefwil ilyuk nu in imwen lolñok: ā met si mutu we ul lanu paul.

2 Ā elos šanol, el a la akkeiel la ke len sabat; tu elos fwa kas ko nu ke'l.

3 Ā el fwak nu sin met si šu ul lanu paul, Tuyuk infulwe.

4 Ā el fwak nu selos, Ya oul ke len sabat in orek mwo, ku in orek koluk? in molūla mol, ku in uniye? Ā elos misla.

5 Ā ke el ñetañ nu selos ke mulat, tu el pakomuta'los ke upa inšielos, el fwak nu sin met si, Asreot pom. Ā el asroela: ā paul kelanu oanu leyenu.

6 Ā met Farisi elos somla, ā kiten misiñi elos wi met lun Herod tukeni kaskas ke'l, fuka elos fwa uni'lye.

7 ¶ Ā Jisus el šifwanu wi met tumal lutlut somla nu fwin meši; ā un met puspis Galili mi, elos fwas tukul, ā Judea mi.

8 Ā Jerusalem mi, ā Idu-meia mi, ā liken yeno Jordan; ā elos apneni Tair ā Saidon, met puspis, ke elos

loñ ma ma lulap ma el oru, elos tuku nu yurol.

9 Ā el fwak nu sin met tumal lutlut, tu oak paluñ sisik wunal tu met puspis tukeni, fwini tiu ou iñi elos tuñlulani.

10 Tu el akkeiel la ma puspis tari; oanu tu elos alak in kali'ye, elos nu kemwu šu mas.

11 Ā ñun fokfok, ke elos liye'l, elos putatla ye mutal, ā wowoyuk, fwakañ, kom mwen natal God.

12 Ā el ka elos ma lulap tu elos tin fwakulak.

13 ¶ Ā el utyuk nu fwini eol si, ā el pañon mu šu el lunsel: ā elos tuku nu yurol.

14 Ā el šuñ mwol lun met sieñul luo, tu elos fwa oelul, ā tu el fwa sipa'loswot in luti.

15 Ā tu ku lalos in akkei- 'elos la met mas, ā in sis la devil liki.

16 Ā el šuñ Saimon mwul Piter;

17 Ā Jemes nutin Zebedi, ā Jon lel Jemes; ā el šuñ mwulaltal Boanerses, ma fwakien mwen nutin pulal;

18 Ā Andru, ā Filip, ā Bartolomu, ā Mattu, ā Tomas, ā Jemes nutin Alfeus, ā Tadeus, ā Saimon Kenanait.

19 Ā Judas Iskariot, el šu

tukakunu'lak: ā elos ilyuk nu in lomwu.

20 Ā met puspis elos siefwil tukeni, oanu tu elos koflanu moño bred.

21 Ā ke met kawuk elos loñ, elos šom liki in sruki'ye; tu elos mu, el mwul.

22 ¶ Ā met šim šu oatu Jerusalem mi fwak, Beelzebub os yurol, ā el sis la devil liki ke leum lun devil.

23 Ā el pañolos mu, ā fwak nu selos in pupulyuki, Fuka Setan sis la Setan liki?

24 Ā togusaī šifwanu fwini aes, togusaī iñi fwa koflanu tu.

25 Ā sou fwini šifwanu aes, sou iñi fwa koflanu tu.

26 Ā Setan el fwini tuyuk Setan, ā aes el koflanu tu, tu el fwa wañinla.

27 Wañin met ku in ilyuk nu in lom sin met ku, ā kanaosla ma lal, el fwini tiu kopuriye met ku met; ā na el fwa kanaosla lom sel.

28 Payinu ña fwak nu šumwos, ma nu kemwu ma koluk lun tulig nutin met fwa nunok munas ke, ā kas ko elos kaskas ke:

29 Ā el šu kaskas ko lain Ñun Mutal fwa tiu nunok munas nu tuk, tu a fwa lisyikla ma patpat:

30 Tu elos fwak, Ñun fokfok os yurol.

31 Na met lel ā nine kīel, elos tu likin umwe, ā šapak in šulo'l.

32 Ā met puspis tukeni mutu apnulai, ā elos fwak nu' sel, Liye, nine kium ā met lium elos os likin umwe šuk kom.

33 Ā el tupokot nu selos, fwakañ, šu nine kiuk ku ma lik ?

34 Ā el netañ nu selos šu mutu apnulai, ā fwak, Liye nine kiuk ā ma lik !

35 Tu el šu oru ma God el luñsel, el iñi ma lik, ā ma lauk, ā nine.

#### ŠAPTER 4.

**A** EL siefwil mutanwauk in lutlut nu penyenu; ā met puspis elos tukeni tuku nu yurol, oanu tu el sroauk nu fwin oaku, ā mutu fwin kofo; ā met puspis tukeni elos apkurun nu mwea fwin meši.

2 Ā el luti nu selos ma puspis ke pupulyūki, ā fwak nu selos ke ma luti lal.

3 Komwos poroño; Liye, sie met takunalik el šom in takunalik.

4 A ma te oru ke el takunalik, kutu putatla nu pupaneku, ā mwon yin eñyeñu elos tuku ā koñla mao.

5 A kutu putatla on yin eoteot, yin ma sisik fok on

we; ā kapak kiten inisiñi, tu fok tiu lāl;

6 Ā ke fwatu sikyuk, mao paoala; ā tu wañin oka pao lanu.

7 Ā kutu putatla nu yin kokol, ā kokol kapak, ā puani mao, ā wañin fwako.

8 Ā kute pe putatla on in fok mwo, ā srunak kap mwo; ā isūs fwako mwo, kutu tolñul ka, ā kutu on-ñul ka, ā kutu sie-fok ka.

9 Ā el fwak nu selos, el šu sra in loñ, lela lun loñ.

10 ¶ Ā ke el mugenu mutu, elos šu apnulai wi met sie-ñul-luo siyuk sel ke pupulyuk.

11 Ā el fwak nu selos, Nu šumwos tu komwos fwa etukot ma foñla lun togusañ lun God: ā nu selos šu mutu lik, orekot ma iñi nu kemwu ke pupulyuk;

12 Tu liye elos fwa liye, ā silyuñin; ā loñ elos fwa loñ, ā tiu etu; fwin tiu ou iñi elos tufwa auliyuk, ā God el fwa nunok munas nu selos ke ma koluk lalos.

13 Ā el fwak nu selos, Ya komwos tiu etu pupulyuk si iñi? ā na fuka komwos fwa etu pupulyuk nu kemwu?

14 Met takunalik el takunalik kas.

15 Ā elos iñi elos šu mutu pupaneku a kas tutak nu we; ā ke elos loñ, setan el

šilaklak in tuku, ā esla kas tutak nu iñsi elos.

16 Ā elos iñi elos pe šu es fute on yin eoteot; ke elos loñ kas, elos eñun šilaklak in es mao;

17 Ā šifwanu wañin oka-  
'los, ā elos tiu ku; tuko ke ma koluk ā kolyai sikmi ke kas, kiten misiñi elos tugul-  
kul.

18 Ā elos iñi elos šu tute-  
kot yin kokol; oanu elos loñ kas.

19 Ā inšie lanu fwalu, ā kutasrik in gasrup, ā kenu ke kutenu mao, ilyuk nu we srukeni kas, ā wañin fwako.

20 Ā elos iñi elos šu tute-  
kot in fok mwo; oanu elos loñ kas, ā es mao ā isūs fwako, kutu tolñul ka, kutu on-ñul ka, ā kutu sie-fok ka.

21 Ā el fwak nu selos, Ya utuk lamp filiye ye tupu, ku ye kulus si? ā tiu fili'lye on ke sikon lamu?

22 Tu ma nu kemwu mwuukunla, fwa igakla; ma nu kemwu ma afwunla, tufwa oaliñalik.

23 Met fwini sra in loñ lela lun loñ.

24 Ā el fwak nu selos, Lia-  
uñ ma komwos loñ: oanu ma komwos srikusrak, met tufwa srike pe nu šumwos; ā nu šumwos šu loñ fwa šuñ kute pe.

25 Tu el šu os ma lal, fwa šuñ kute pe nu sel; ā el šu wañin ma lal, fwa es la ma lal luk el.

26 ¶ Ā el fwak, Ou iñi togusañ lun God, oanu met si fwini sisla fute nu in foko;

27 Ā el fwa motul, ā tuka-  
kak, foñ ā len, ā fute fwa srunak ā kapak, el nūkin fuka.

28 Tu fok šifwanu isūs fwako; met srunak, tufwa kō, tuko korn mwo on ke kō.

29 Tu ke fwako masla, kiten misiñi el šuñ mitnit, tu kapak masla tuku.

30 Ā el mu, kut fwa fwak togusañ lun God oanu mea? ka pupulyuk šu kut tufwa polye ke?

31 Ma oanu futin mustard si, ke kut takunalik nu in foko, ma srik liki fute nu kemwu on in foko.

32 Ā ke takunalik tari, el srunak, ā kapak yok liki tasrik nu kemwu, ā laelik kutu lešak lulap; oanu tu mwon yin eñyeñu elos mutu lulin šaku.

33 Ā ke kutu pupulyuk puspis ou iñi el fwakak kas nu selos, oanu elos ku in loñ.

34 Tu fwino wañin pupul-  
yuk el tin kaskas nu selos: ā ke elos mugenu mukku, el akkalemye ma nu kemwu nu sin met tumal lutlut.



35 ¶ Ā len si iñi, ke yikue, el fwak nu selos, mwo kut som nu lefwalo.

36 Ā ke elos sipaot met puspis tukeni tari, elos as al ke el mutu fwin oaku. Ā kute pe oak sisik oelul.

37 Ā eñ lulap tu mi, ā na mwot tuku afwakla oaku, oanu tu sesesla.

38 Ā el on unwak in oaku, motul on fwin ulul si: ā elos oksalak, ā fwak nu sel, Met lute, ya kom tiu pakomut'as tu kut miši?

39 Ā el tukakak, ā kutuñye eñ, ā fwak mwea, Kom misla, tiu moguku. Ā eñ okoki, ā mislanu ma lulap.

40 Ā el fwak nu selos, Efwo komwos ku šañeñ ou iñi? efwo ku wañin lalal-fuñi yurumwos?

41 Ā elos šañeñ ma lulap, ā fwak sie sin sie, Met šušu met šen, tu eñ ā mwea akso'l.

## ŠAPTER 5.

**A** ELOS tuku nu lefwalu, nu yin sin met Gadara.

2 Ā ke el srola liki oaku tari, kiten misiñi sie met nūn fokfok yurol el šuno'l inkulyuk ami.

3 El mutu inkulyuku; ā wañin met ku in šuñ kapinkoslap in kopuri'lye;

4 Tu pal puspis elos kopuri'lye met ke fetter ā kapin-

koslap, ā el otalik kapinkoslap, ā mišalla fetter; wañin met ku in ora'l lun munu.

5 Ā pal nu kemwu, foñ ā len, el mutu fwin eola, ā inkulyuku, tuñnu, ā el šuñ eot šifwanu lusala.

6 Ā ke el liye'l Jisus lūs luk el, el kasus ā ali nu sel.

7 Ā wowoyuk ke pusral lulap, ā fwak, Ka mea nā oru nu šum, Jisus, Mwen nutin God fulat liki nu kemwu? Nā fulak nu šum ke God tu kom tiu akkoluk-yiyuk.

8 Tu el fwak nu sel, Nūn fokfok, fwala liki met si.

9 Ā el siyuk sel, ēum a šoun? Ā el tupokoat, fwakañ, Ēk lišioñ; tu kem ma puspis.

10 Ā el siyuk sel ma lulap tu el tiu sipa'los wot liki annu.

11 Yin si iño un kosro pig lulap si mutu moño apkurun ke eola.

12 Ā devil nu kemwu elos siyuk sel, fwakañ, sipe kit la nu yurin piga, tu kut fwa ilyuk nu in selos.

13 Ā kiten misiñi Jisus el lela elos in som. Ā nūn fokfok elos šom liki, ā ilyuk nu in piga; ā un kosro kasus ma keku mal oatu nu in kofo, (apkurun in tausan luo,) ā elos mwalomla miši in kofo.

14 Ā elos šu kiteuñ piga kaiñla, ā fwakak mao nu yin met mutu we, ā kutenu an. Ā elos šom liki in liye ma orala.

15 Ā elos tuku nu yurol Jisus, ā liye el šu devil yurol, ā lišion in el met, iñi el mutu, nukomañ nuknuk, ā tiu mwül; ā elos šañeñ.

16 Ā elos šu liye mao meta, elos fwak nu sin kutenu met fuka oreyin met devil yurol ā fuka ke piga.

17 Ā elos mutamwauk in siyuk sel in šom liki siske in an sełos.

18 Ā ke el sroauk nu fwin oaku tari; el šu devil yurol met pre siyuk sel lun oelul.

19 Ā Jisus el mu lun tiu wi, tu el fwak nu sel, Kom šom nu yurin met kawuk lom, ā luti nu selos ma mwo lulap ma leum el oru nu šum, ā pakomutom.

20 Ā el šom, ā mutamwauk in luti nu in Dekapolis fuka mwo lulap ma Jisus el oru nu sel: ā elos nu kemwu lut.

21 ¶ Ā ke Jisus el mutu fwin oaku siefwil šom nu lefwalo tari, met puspis tuku nu yurol; ā el apkurun nu mwea.

22 Ā, liye, sie sin mel liauñ lolñok, el Jairus, el tuku; ā ke el liye'l, el putatla nu ke niel.

23 Ā pre siyuk sel ma lūlap, fwakañ, Kiten an nutig el akurun nu miši; ña kenu tu kom tuku ā likie pom on fwel, tu el fwa kela; ā el fwa mol.

24 Ā Jisus el oelul; ā met puspis fwas tukol, ā elos eok sel.

25 Ā sie mutan, šu mas ke sa širor yiu sie-ñul-luo.

26 Ā el mwaeok ke met šatal puspis, ā lis ma lal, ā el tiu mwo kutu, tu el keoki.

27 Ke el loñol Jisus, el tuku tukol in mwalin met si, ā kalye nuknuk lal.

28 Tu el fwak, Ña fwin kalyanu nuknuk lal, ña fwa mol.

29 Ā kiten mišini sa'l širor el paoala; ā el etu in manol la kela ke mas si.

30 Ā Jisus kiten misiñi el šifwanu etu la mwo šom luk el, šifwanu tapulla in mwalin met si, ā fwak, šu kalye nuknuk luk?

31 Ā met tumal lutlut elos fwak nu sel, Efwo kom ku liye met puspis apinkome-wini, tari kom fwak, šu kal yu wi?

32 Ā el ella liye la šu oru ma iñi.

33 Tu mutan si, šañeñ ā rarrar, etu ma oru in el, el tuku putatla ye mutal, ā fwakak payinu kemwu nu sel.

34 Ā el fwak nu sel, An lalalfuñi lom orek kom in mol; kom šom in mwola, ā mol ke mas lom.

35 Ke el kaskas ma iñi, kutu tuku yurin met liauñ lolñok šu fwak, An nutum e miši; efwo kom ku loku- luke met luti kutepe?

36 Ā kiten misiñi ke Jisus el loñ ma elos kaskaskin, el fwak nu sin met liauñ lol- ñok, Kom tiu šañeñ, lalal- fuñi mugenu.

37 Ā el sañes met in fwas tukol, tu Piter, ā Jemes, ā Jon mugenu.

38 Ā el tuku nu lom sin met liauñ imwen lolñok, ā liye mwowon, ā elos šu tuñ ā wowoyuk ma lulap.

39 Ā ke el utiuk nu lū, el fwak nu selos, Efwo ko- mwos ku mwowon, ā tuñ? Tulig el tiu miši, tu el motul.

40 Ā elos isasinkusa nu sel. Ā ke el sis elos la nu kemwu, el es papa ā nine lun tulig, ā elos šu oelul, ā ilyuk in fokil tulig on we.

41 Ā el es pon tulig, ā fwak nu sel, Talita kumai, oanu ke kut tafwu, Tulig (ñā fwak nu šum) tukakak.

42 Ā kiten misiñi tulig el tukakak, ā fwas; tu el yiu sie-ñul-luo matu. Ke elos lut elos lut ma lulap.

43 Ā el mwuleuñ ma lu-

lap nu selos, tu met in tiu etu; ā el šap tu e os šuñ ma nel.

## ŠAPTER 6.

Ā EL šom liki an si iñi, ā tuku nu yin sel; ā met tumal lutlut elos oelul.

2 Ā ke len sabat, el mu- tamwauk in luti in imwen lolñok: ā ma puspis loñol, elos lut, fwakañ, Oiya mi ma lun met si iñi? lalinet- met šu etukiuñ nu sel, tu el oru me orek lulap ke paul?

3 Ya el iñi tiu karpenter, mwen nutin Meri, lel Jemes, ā Joses, ā Judas, ā Saimon? ā loul elos tiu os yuros? Ā elos tugulkul ke'l.

4 Ā Jisus el fwak nu selos, Met elos eukin met palu, tu yin sel, ā met loul, ā sou lal, elos tiu eukun al.

5 Ā el koflanu oru me orek ma lulap iño, ā el filiye paul on fwin met mas pu, ā ak- keielos la tari.

6 Ā el lut ke silalalfuñi la- los. Ā el fwafwasius nu kutenu an sisik in luti.

7 ¶ Ā el pañon mu sie- ñul-luo nu yurol, ā muta- mwauk in sipa'los wot kais luo fwas; ā šuñ nu selos ku ke ñun fokfok.

8 Ā el šap elos in tiu wis kutu ma ke fwafwasius, si- kal mugenu; tiu atro, tiu bred, tiu muni in tatu lalos.

## MARK, 6.

9 Tu fwolkeuñ fwaluk; ā tiu nukomañ koat luo.

10 Ā el fwak nu selos, Yin nu kemwu komwos ilyuk nu in lomwu, komwos mutu we nu ke pal si komwos fwala liki an si.

11 Ā elos šu tiu es komwos, ā tiu loñ komwos, ke komwos fwala liki an si, fotoñla fok ye niumwos, ma akulin yelos. Payinu ña fwak nu šumwos. In len ošun an Sodom ā Gomorra mwo liki an si iño.

12 Ā elos šomot, ā luti tu met elos auliyuk.

13 Ā elos sisla devil puspis liki, ā elos šuñ šifwa moswela met mas puspis, ā akkeielos la.

14 ¶ Ā Togusa Herod el loñol; (tu ēl fwaselik;) ā el fwak, Tu Jon Baptist el molyuk yin miše mi, ā tu ma iñi me orek ma lulap šifwanu luti in el.

15 Kutenu fwak, Tu el Elaias. Ā kutenu fwak, el met palu, ku oanu sie sin met palu.

16 Ā ke Herod el lon, el fwak, El Jon, šu ña pakala šiuřwel: el molyuk yin miše mi.

17 Tu Herod el šifwanu šapot ā sruki'lye Jon, ā kopuri'lye in prison ke Herodias, mutan kiel Filip met lel; tu el payuk el met.

18 Tu Jon el fwak nu sel Herod met, Oul šum tu kom es mutan kiel met lium.

19 Tu ou iñi Herodias el nunok koluk nu sel, ā luñši uni'lye; ā el koflanu.

20 Tu Herod el šaņeñ sel Jon, el etu tu el met payi ā mutal, ā el liye'lañ; ā ke el loñol, el oru kutu ma puspis; ā el eñun ke loñol.

21 Ā ke len mwo si tuku, tu Herod, len si ke el isūsła, el orek kofwo lun leum lal, ā kaptin fulat, ā leum lulap lun Galili;

22 Ā ke an nutin Herodias el tuku, ā srosro, ā eñunak Herod ā elos šu oelul mutu, togusa el fwak nu sin tulig, Kom siyuk sik ma nu kemwu, ā ña fwa siot nu šum.

23 Ā el fulakin pusupas nu sel, Ma nu kemwu ma kom siyuk sik ke, ña fwa siot nu šum, nu ke tafwun togusaī luk.

24 Ā el šomot, ā fwak nu sel nine kiel. Mea ña ā siyuk? Ā el fwak šiuřwel Jon Baptist.

25 Ā kiten misiñi el šilaklak in tuku nu sin togusa, ā siyuk fwakañ, Ña lunsik tu kom si nu sik iñi šiuřwel Jon Baptist in pulet lulap si

26 Ā togusa el pakomutu ma lulap, ā tu ke fulakin pusupas, ā tu ke'los šu oelul

mutu, el koflanu lafwekunal.

27. Ā kiten misiñi togusa el sipala sie met šan, ā šap in es šiufwel: ā el šom ā tala in prison.

28. Ā el wis šiufwel in pullet lulap si, ā šuñ mao nu sin nine kiēl.

29. Ā ke met tumal lutlut elos loñ ke mao, elos tuku, ā srukak manol, ā fili'lye nu inkulyuku.

30. ¶ Ā met šap elos ši-fwanu tukeni nu yurol Jisus, ā oru nu sel ma nu kemwu, ā ma elos oru, ā ma elos luti.

31. Ā el fwak nu selos, Komwos mugenu tuku nu yin mesis, ā moñla kutu pal: tu met puspis tuku ā šom, ā wanin pal si elos mutu moñno.

32. Ā elos mugenu mutu fwini oaku ā som nu yin mesis mukku.

33. Ā met elos liye'los ke elos šom, ā ma puspis e'tal, ā kasus nu we liki an lulap nu kemwu met mutu we, ā šom met elos tuk, ā tukeni nu yurol.

34. Ā Jisus, ke el fwas liki; el liye met puspis, ā pakomuta'los, tu elos oanu šip wañin met sropu: ā el mutamwauk in luti nu selos ma puspis.

35. Ā ke len si apkurun in

šom, met tumal lutlut elos tuku nu yurol, ā fwak, An si iñi an mesis, ā iñi patla:

36. Sipa'los wot, tu elos šom yin apneni, ā yin sisik met mutu we, ā mol bred nelos; tu wañin kutu ma nelos.

37. El tupokoan ā fwak nu selos, Komwos šuñ ma nelos. Ā elos fwak nu sel, Ya kem šom ā mol bred ke peni luo foko, ā šuñ nu selos in moño?

38. El fwak nu selos, srukwal yikas yurumwos? fwasot liye. Ā ke elos etu, elos fwak, limikos ā ik lugwe.

39. Ā el šap nu selos in ora'los mutu kais sie srupin met on fwini ma nemnem.

40. Ā elos mutu kais sie ta, kais sie fok, ā kais lum-naul.

41. Ā ke el es srukwal limikos ā ik lugwe, el ñetak nu in kosao, ā pre, ā kunšalik srukwal, ā šuñ nu sin met tumal lutlut in takunlaye muta'los; ā ik lugwe el kitalik nu selos nu kemwu.

42. Ā elos nu kemwu moño, ā kūp.

43. Ā elos srukak kuom sie-ñul-luo sesesla ke pus, ā ke ik.

44. Ā elos šu moño srukwal apkurun in met limu.

45. Ā kiten misiñi el oru met tumal lutlut in sroauk nu fwini oaku, ā šom nu le-

fwalo met el tuk nu Betsaida, ke el sipa'los wot met.

46 Ā ke el sipa'los wot tari, el šom nu fwin eola in pre.

47 Ā ke eukela, oak on infulwin nemwu, ā el muge-nu on fwalu.

48 Ā el liye elos la kol upa; tu eñ koluk nu selos: ā apkurun šano akakos in foñ, el tuku nu yurolos, fwa-fwasius mwea, ā oanu el fwas aluke'los la.

49 Ā ke elos liye'l fwafwasius mwea, elos nunku mu el ñun, ā elos wowoyuk:

50 Tu elos nu kemwu liye'l, ā šañeñ. Ā kiten misiñi el oelulos kaskas ā fwak nu selos, Komwos mutalalik; Ña nu; komwos tiu šañeñ.

51 Ā el sroauk nu yurolos nu fwin oaku; ā eñ misla: ā elos oarulanu šañeñ ma lulap inšielos, ā elos lut.

52 Tu elos tiu nunkauk me orekma lulap ke srukwal, tu inšielos upa.

53 Ā ke elos kolla tari, elos tuku nu fwal Genesaret, ā kawukinye.

54 Ā ke elos srola fwin oaku, kiten misiñi elos eta'l.

55 Ā kasus apneni an si iñi nu kemwu; ā elos mutamwauk in wis met mas on fwin kulus, yin nu kemwu elos loñ el mutu we.

56 Ā yin nu kemwu el il-yuk nu we, yin sisik, ku yin luplap ku an nu, elos likie met mas inganek, ā pre siyu ksel, tu elos kalyanu nuk-nuk lal: ā elos nu kemwu šu kal eloskelanu.

## ŠAPTER 7.

**N**A met Farisi, ā kutu sin met šim, šu tuku Jerusalemi, elos tuku nu yurolo.

2 Ā ke elos liye kutu sin met tumal lutlut moño bred ke paolos fokfok, oanu tiu tanla, elos mu sito.

3 Tu met Farisi, ā met Ju nu kemwu, elos fwin tiu tanla paolos ma lulap, elos tiu moño, tu elos srukie manulun met matu met.

4 Ā ke elos tuku yin kutakot ini, elos fwin tiu tanla, elos tiu moño. Ā kutenu ma puspis selos, ma elos es srukie, oanu olla kup, ā pot, allu bras, ā kulus.

5 Tuko met Farisi ā met šim elos siyuk sel, Efwo met tumom lutlut ku tiu fwas in oru manu lun met matu met, tu elos moño bred ke tiu tanla paolos?

6 El tupokoan ā fwak nu selos, Payi ma Esaias el polyi ke komwos mwošounkas, oanu ma šim, Met iñi elos oru mwo nu sik ke ñasrolos, ā inšielos lūs liki yu.

7 A sito ma elos ali nu sik, lutu me lutlut ma manu lun met.

8 Tu ke fili'lye ma šap lun God, komwos srukie ma kas matu lun meta, oanu olla pot ā kup: ā kutenu ma puspis ou iñi ma komwos oru.

9 Ā el fwak nu selos, Payi komwos sisle ma šap lun God, tu komwos ā srukie kas matu lomwos.

10 Tu Moses el fwak, Oru mwo nu sin papa tumom ā nine kium; ā, el šu kas ko nu ke papa ā nine, lela lun miše nu miši.

11 Ā komwos fwak, Met si fwini fwak nu sin papa tumal ku nine, Korban, oanu ma fwak, kiše, ma ña koflanu šiot nu šum;

12 Ā komwos ora'l lun tiu ašun nu sin papa tumal ku nine kiel:

13 Komwos kanaosla kas lun God ke kas matu lomwos ma komwos oru met; ā ma puspis ou iñi ma komwos oru.

14 Ā ke el pañon mu met nu kemwu tari, el fwak nu selos, Poroñe yu komwos nu kemwu, ā etu.

15 Wañin ma likin met ilyuk nu inšiel in oru met in koluk: tu kutu ma fwas luk el, ma iñi fwa oru met in koluk.

16 Met fwini sra in loñ, lela lun loñ.

17 Ā ke el ilyuk nu in lomwu liki metu, met tumal lutlut elos siyuk sel ke pupulyuk si.

18 Ā el fwak nu selos, Ya komwos nukin pe? Ya komwos tiu etu, tu ma nu kemwu likin met ilyuk nu inšiel, koflanu ora'l koluk;

19 Tu ma iñi tiu ilyuk nu in esal, tu inšiel, ā fwas nu fwini laño, oru mwo me moño nu kemwu?

20 Ā el fwak, Ma fwas liki metu, ma iñi ora'l koluk.

21 Tu nu lū mi, likin esen met tuku nunok, aknunta, kosro, akmus.

22 Pusupas, rapku, koluk, kikiap, nunok kosro, mutal koluk, kas ko nu ke'l God, fulañ, ma lalfon;

23 Ma koluk iñi nu kemwu elos tuku lū mi, ā orek met in koluk.

24 ¶ Ā el tuyuk liki an si, ā šom nu sisen an Tair ā Saidon, ā ilyuk nu in lom si, ā el lunsel tu met tiu etu; ā el koflanu mwukmwuk.

25 Tu sie mutan, natal an fwus si ñun fokfok yurol, el loñol, ā tuku ā putatla nu ye niel.

26 Mutan si mutan Greek, an sel Sairofinisia; ā el pre siyuk sel lun sisle devil liki an natal.

## MARK, 8.

27 Ā Jisus el fwak nu sel, lela tulig elos in kūp met, tu tiu mwo ke es bred nun tulig, ā sisla nun kosro nali-nul.

28 Ā el tupokoañ ā fwak nu sel. Ao Leum: fwin ou iñi kosro on ye tebue elos moño kutkut in me moño nun tulig.

29 Ā el fwak nu sel, Ke kas si iñi kom šom; devil el šom liki an nutum.

30 Ā ke el tuku nu lom sel, el liye devil šom liki, ā an nata on fwin kūlus.

31 Ā siefwil pe, fwas liki sissen an Tair ā Saidon, el tuku nu mwean an Galili, sasla sissen an Dekapolis.

32 Ā elos wis nu yurol šiloñkas, ā kas lolo; ā elos pre siyuk sel tu el likiye paul on fwel.

33 Ā el asal liki, met pus-pis tukeni, ā filiye kufin paul in sral, ā el aniye, ā kalye loul;

34 Ā ñetak nu in kosao el šaoela ā fwak nu sel, Effata, oanu ma, Igasla.

35 Ā kiten misiñi sral igakla, ā alko in loul tulala, ā el kaskas šumwos.

36 Ā el mwuleuñ elos in tiu fwak nu sin met: ā el mwule ma lulap, elos fwa-kak mao yok luk el.

37 Ā elos oarulanu lut ma lulap fwakañ, El oru ma nu

kemwu mwo: el oru met šilonkas in loñ, ā met kofla kas in kaskas.

## ŠAPTER 8.

**K**E len iño met pus-pis la-nu tukeni, ā wañin manelos, Jisus el pañon mu met tumal lutlut, ā fwak nu selos,

2 Ña pakomutu met pus-pis tukeni, tu elos mutu yuruk len tolu, ā wañin manelos.

3 Ā ña fwin sipa'los wot ke elos lualo nu lom selos, elos fwa mululla ineku: tu kutu selos fwas yin lūs mi.

4 Ā met tumal lutlut elos tupokoañ nu sel, Oiya mi met si a es bred šuñ in srukak met iñi tu elos kūp yin wañin met mutu we?

5 Ā el siyuk selos, Srukwal yikas yurumwos? Ā elos fwak, Itkos.

6 Ā el šap met in mutu in foko. Ā el es srukwal itkos, ā šuñ kulu, ā kunšalik, ā šuñ nu sin met tumal lutlut, in filiye ye mutun met pus-pis tukeni.

7 Ā kutu ik pu sisik yurolos: ā el ali, ā šap in fili pe ye mutalos.

8 Ou iñi elos moño, ā kūp; ā elos srukak luin moño kuom itkos.

9 Ā elos šu moño apkuruñ an siu: ā el sipa'loswot.



## MARK, 8.

10 ¶ Ā kiten misiñi el sroauk nu fwin oaku wi met tumal lutlut, ā tuku nu kutenu an Dalmanuta.

11 Ā met Farisi elos tuke liki, ā mutamwauk in siyuk sel, elos šuk sie akul in kosae mi sel in srifwe'l.

12 Ā el šao ma lulap in nūnal, ā fwak, Efwo fwil si iñi ku šuk akul si? Payi-nu nā fwak nu šumwos, wañin akul etikiuñ nu sin fwil si iñi.

13 Ā el fulelosye, ā siefwil sroauk nu fwin oaku šom nu lefwalo.

14 Ā elos mulkunla in es bred, ā srukwal siewanu yurolos in oaku.

15 Ā el mwuleuñ nuselos, fwakañ, Liaun, sismouk me pulolak lun met Farisi, ā me pulolak lun Herod.

16 Ā elos tukeni asiuki fwakañ, Tu wañin bred yuros.

17 Ā ke Jisus el etu, el fwak nu selos, Efwo komwos asiuki tu wañin bred yurumwos? Ya komwos tiu liye iñi, ā tiu etu? ya in-šiumwos upala iñi?

18 Os mutumwos, ya komwos tiu liye? ā sreumwos, ya komwos tiu loñ, ā komwos tiu esam?

19 Ke nā kunšalik srukwal limikos yurin met limu, kuom yikas sesesla ke luin

moño komwos srukak? Elos fwak nu sel, sie-ñul-luo.

20 Ā ke itkos yurin met ao, kuom yikas sesesla ke luin moño komwos srukak? Ā elos fwak, Itkos.

21 Ā el fwak nu selos, Efwo komwos ku tiu etu?

22 Ā el tuku nu Betsaida; ā elos wis sie met kun nu yurol, ā pre siyuk sel lun kali'lye.

23 Ā el srukie pon met kun, ā kolol liki an met mutu we; ā ke el aniye mutal, ā filiye paul fwel, el siyuk sel, Mea kōm liye kutu?

24 Ā el nētak ā fwak, Nā liye met oanu šaku fwafwasius.

25 Tuko el siefwil filiye paul ke mutal, ā ora'l lun nētak; ā el kelanu, ā liye met nu kemwu šumwos.

26 Ā el sipa'lot nu lom sel, fwakañ, Nik kom šom nu yin met mutu we, ā nik kom fwak mao nu sin sie met we.

27 ¶ Ā Jisus el šom liki, ā met tumal lutlut oelul, fwas nu kutu an Sesarea Filipai: ā ke el os ineku el siyuk nu sin met tumal lutlut, fwakañ nu selos, Mea met fwak keik?

28 Ā elos tūpokoāñ, Jon Baptist: ā kutenu fwak, Elaias; ā kutenu, sie sin met palu.

29 Ā el fwak nu selos, Ā komwos nu ſuo n̄ao? Ā Piter el tupokoān ā fwak nu sel, Korn Kraist.

30 Ā el mwuleuñ nu selos, tu elos in tiu ora'l nu sin met.

31 Ā el mutanwauk in luti nu selos, tu Mwen nutin met el tufwa keokinu ke ma puspis, ā met matu, ā met tol fulat, ā met ſim elos sis el la, ā uni'lye, ā tukin len tolu el siefwil molyuk.

32 Ā el fwak kas iñi lem-tulaiuk. Ā Piter el as al, ā mutanwauk in kaiyuk nu sel.

33 Ā ke el tapulla ā netañ nu sin met tumal lutlut tari, el kaiyuk nu sel Piter, fwakañ, Tuyuk liki yu Setan; tu kom tiu nunkeuk ma lun God, tu ma lun metu.

34 Ā ke el pañon mu metu, ā met tumal lutlut pe tari, el fwak nu selos, El ſu luñſi fwas tukuk, lela lun ſifwanu laflafwekin, ā srukak ſaksiñ sugo lal, ā fwas tukuk.

35 Tu el ſu luñſi mol in mol lal fwa tūla mao; ā el ſu tula mol lal keik ā ke mwo ſaſu, el iñi fwa mol mao.

36 Tu mea mwo nu sin met, el fwin es fwal nu kemwu, ā n̄unal fwa tūla?

37 Ka mea met ſuñ in aola n̄unal?

38 Tu ou iñi el ſu mekin sik, ā ke kas luk, in fwil si iñi kosro ā koluk, Mwen nutin met el tufwa mekin sel ke el tuku in ma mwowo lun Papa tumal, lipufon mutal elos oelul.

## ŠAPTER 9.

Ā EL fwak nu selos, Pa-yinu n̄a fwak nu ſu-mwos, Kutu met ſu tuyuk iñi, elos tiu pulakin miſe, nu ke pal si elos liye togusañ lun God tuku ke ku.

2 ¶ Ā tukin len onkos Jisus el suloltalu Piter, ā Jemes, ā Jon, ā atlolos nu fwin eol fulat elos mukku mutu; ā el ekla ye mutalos.

3 Ā nuknuk lal ſaromrom, fwoſwos lanu oanuwiyaoa; oanu ke met fwalu ſu orek nuknuk in fwoſwos el tiu ku in akfwosiyela kutu.

4 Ā Elaias wi Moses eltal sikmi nu yurolos; ā eltal oelul Jisus kaskas.

5 Ā Piter el tupokoān ā fwak nu sel Jisus, Rabbai mwo tu kut mutanu yinu: ā mwo tu kut miſa lom sra tolu; sie ſum, ā sie sin Moses, ā sie sin Elaias.

6 Tu el nukin ma lun fwak; tu elos ſañeñ lanu.

7 Ā sie pukunieñ afnulosla: ā pusra tuku in puku-

nieñu, fwakañ, el iñi Mwen kulu si nutig: komwos loñol.

8 Ā kiten misiñi ke elos ñetñet apneni, elos tiu liye sie met, tu Jisus mugenu oelulos.

9 Ā ke elos oatu fwin eol mi, el mwuleuñ nu selos tu elos in tiu fwak nu sin met kutu ma elos liye, nu ke tukin pal si Mwen nutin met el molyuk yin miše mi.

10 Ā elos mugenu srukie kas si iñi, ā sie siyuk sin sie fuka molyuk yin miše mi.

11 Ā elos siyuk sel, fwakañ, Efwo met šim ku fwak nu Elaias ā tuku meta?

12 Ā el tupokoañ ā fwak nu selos, Payi Elaias el tuku met, ā akšumwosyela ma nu kemwu; ā fuka ma elos šim ke Mwen nutin met, tu el fwa keokiuñ ke ma puspis, ā sruñel lanu.

13 Tu na fwak nu šumwos, Payi Elaias el tuku, ā elos oru nu sel ma elos luñselos, oanu ma šim ke'l.

14 ¶ Ā ke el tuku nu yurin met lutlut, el liye met puspis tukeni apnuloseni, ā met šim oelulos asiuki.

15 Ā kiten misiñi met nu kemwu, ke elos liye'l, elos lut ma lulap, ā kasus nu yurol, paiñul.

16 Ā el siyuk sin met šim, Mea komwos oelulos asiuki keen?

17 Ā sie sin met puspis tukeni el tupokoañ, ā fwak, Met Luti, ña wis nu yurum mwen nutig, ñun koflanu kas yurol;

18 Ā an nu kemwu ke el sruki'lye, el sisi'lye, a et atinfulak ke el ñañorñor in mwusi; ā el sriila: ā ña fwak nusin in met tumom lutlut tu elos in sis el la; ā elos koflanu.

19 Ā el tupokoañ nu sel, a fwak, o fwil šilalalfuñi! putaka ña mutu yurumwos? putaka ña muteñ komwos? wis el nu yuruk.

20 Ā elos wis el nu yurol; ā ke el liye'l, kiten misiñi ñun ora'l lun lulek; ā el putatla nu in foko, ā tupurpur atinfulak fwas.

21 Ā el siyuk sin papa tumal, Putaka mas iñi tuku nu yurol? Ā el fwak, ke el tulig.

22 Ā pal puspis, el sis el la nu in e, ā nu in kof, lun uni'lye: tu kom fwin ku in orek kutu mao, kom pakomutas, ā kase kit.

23 Jisus el fwak nu sel, Kom fwin ku in lalalfuñi, el šu lalalfuñi ku ke ma nu kemwu.

24 Ā kiten misiñi papa lun tulig el wowoyuk, ā tuñ kaskas, leum ña lalalfuñi, kase yu tu ña tiu šilalalfuñi.

25 Ke Jisus el liye met

puspis tukeni kasus, el mwuleuñ nūn fokfok, fwakañ nu sel, Nūn sikas ā šiloñkas nā mwuleot nu šum, tu kom fwas luk el, ā tiu. siefwil ilyuk nu in el.

26 Ā nūn el wowoyuk, ā ora'l lun lulek ma lulap, ā šom luk el: ā el oanu miše; oanu tu met puspis fwak, El miše.

27 Ā Jisus el saplakiuñ srukie paul, ā takšalak: ā el tuyuk.

28 Ā ke el ilyuk nu in lomwu, met tumal lutlut elos mukku siyuk sel, Efwo kem ku tiu ku in sis el la?

29 Ā el fwak nu selos, Ma iñi koflanu take liki, tu ke pre ā lālo mugenu.

30 ¶ Ā elos šom liki, ā fwas sasla Galili; ā el tiu luñši tu met etu.

31 Tu el luti nu sin met tumal lutlut, a fwak nu selos, Mwen nutin met etikiuñ nu in pon met, ā elos tufwa uni'lye; ā tukin pal si ke el miše, el tufwa molyuk ke len si aktolu.

32 Ā elos tiu etu kas si iñi, ā elos šaṇeñ in siyuk sel.

33 Ā el tuku nu Kapernaum: ā ke el mutu in lomwu el siyuk selos, Mea komwos ku tukeni asiuki ke inganeku?

34 Ā elos misla: tu ineku elos asiukiuk šu fulat liki nu kemwu.

35 Ā el mutu, ā pañon mu sie-nul-luo, ā fwak nu selos, Met si fwini luñši in masi meta, el tufwa tuk liki nu kemwu, ā kulansap nu kemwu.

36 Ā el es sie tulig, ā fili'lye infulwe: ā ke el sruk lulak in paul, el fwak nu selos.

37 El šu es sie sin tulig ou iñi in ēk, el es yu; ā el šu fwa es yu, tiu es yu, tu el šu sipe yu.

38 Ā Jon el tupokoāñ nu sel, fwakañ, Met Luti, kem liye sie met el sista devil liki ke ēum, ā el tiu wi kem fwas; ā kem mu lun tiu ou iñi, tu el tiu wi kem fwas.

39 Ā Jisus el fwak, Nik komwos ou iñi nu sel: tu met si fwini orek menmen in ēk, el koflanu kaskas ko keik.

40 Tu el šu tiu lain kit, el wi kit.

41 Tu el šu fwa as'ot ale in kof nimomwos in ēk, tu komwos ma lun Kraist, payinu nā fwak nu šumwos ma lun Kraist, payinu nā fwak nu šumwos, mol lal fwa tiu tala.

42 Ā el šu aktugulklūye sie sin ma sisik šu lalalfuñi in nā, mwo liki nu sel tu suñ tem sripusye in kaiwel, ā sis el la nu mwea.

43 Ā la pom fwini aktugul-

kūli kom, otela: mwo kom  
šom nu yin mol la pom sru-  
mwunla, fwin po luo kom  
šom nu yin hell, nu in e  
kamwul:

44 Yin mwet lalos tiu miše,  
ā e tiu kunla.

45 Ā la nium fwin aktu-  
gulkūli kom, otela: mwo nu  
šum tu kom šom nu yin  
mol la nium, fwin luo nium  
kom šom nu yin hell, nu in  
e kamwul:

46 Yin mwet lalos tiu miše,  
ā e tiu kunla.

47 Ā la mutom fwin aktu-  
gulkūli kom, kom tipella:  
mwo nu šum tu kom ilyuk  
nu in togusaī lun God ke  
sie mutom: fwin luo mutom  
kom šom nu in e in hell:

48 Yin mwet lalos tiu miše,  
ā e tiu kunla.

49 Tu ukemwu soleyik la  
ke e, oanu me eumwel nu  
kemwu fwa soleyikla ke sol.

50 Sol mwo: tu eman sol  
fwin wañin, kut a solela ya?  
Komwos lela sol in komwos,  
ā komwos lela misla sie sin  
sie.

### ŠAPTER 10.

**A** EL tuyuk liki, ā tuku  
nu kutu an Judea, likin  
yeno Jordan; ā met elos  
siefwil tuku nu yurol: ā  
oanu meta el siefwil luti nu  
selos.

2 Ā met Farisi elos tuku

nu yurol, ā siyuk sel, Ya tiu  
oul tu met sisla mutan kīel?  
Elos srifwe'l.

3 Ā el tupokoañ ā fwak nu  
selos, Mea Moses el šapkin  
nu šumwos?

4 Ā elos fwak, Moses el mu  
in šuñ me šim in sisla, ā in  
sis el la.

5 Ā Jisus el tupokoañ ā  
fwak nu selos, Tu upa in-  
šiumwos el šim nu šumwos  
me šap si iñi.

6 Ā pal si ke el muta-  
mwauk in oru fwalu, God  
el ora'tal mogul ā mutan.

7 Tu ou iñi met a fwa likie  
papa tumal ā nine, ā srukie  
mutan kīel;

8 Ā eltal tufwa ikwe si la:  
ā ke ma iñi eltal tiu siefwil  
luo, tu ikwe siewunu.

9 Tu ou iñi ma God el  
siseni nu sie, lela met in tiu  
eselik.

10 Ā in lomwu met tumal  
lutlut elos siefwel siyuk sel  
ke ma iñi.

11 Ā el fwak nu selos, El  
šu fwa sisla mutan kīel, ā  
payuk sienu, el kosro ke'l.

12 Ā mutan el fwin sisla  
mogul tumal, ā payuk sienu,  
e kosro.

13 ¶ Ā elos wis kiten  
tulig nu yurol lun kale-  
losi: ā met tumal lutlut elos  
igulye šu wis elos.

14 Ā ke Jisus el liye, el  
silunsel ma lulap, ā fwak nu

selos, Lela tulig sisik elos in tuku nu yuruk, ā nikmit igololosi; tu sin ma iñi ma lun togusaī lun God.

15 Payinu ña fwak nu šumwos, El šu tiu es togusaī lun God oanu tulig sisik, el koflanu ilyuk nu lū.

16 Ā el sruklulosyuk in paul, filiye paul fwelos, ā pre ke'los.

17 ¶ Ā ke el šom liki nu inganek tari, sie el kasus, ā sikukmutunti nu sel, ā siyuk sel, Met Luti Mwo, mea ña oru tu ña fwa es mol ma patpat?

18 Ā Jisus el fwak nu sel, Efwo kom ku ña mwo? Wañin mwo, tu God mugu.

19 Kom etu ma šap sie-ñul, Nik kom kosro, Nik kom akmus, Nik kom pusupas, Nik kom kikiap, Nik kom rielā, oro mwo nu sin papa tumom ā nine.

20 Ā el tupokoañ ā fwak nu sel, Met Luti, ña srukie ma iñi nu kemwu ke ña tulig nu iñi.

21 Na Jisus ñetañ nu sel el luñši el, ā fwak nu sel, Sie ma sitoela šum; kom fwasot kuka ma lom, ā šuñ nu sin met sigasrup, ā fwa os ma lom nu in kosao: ā tuku, ā srukak šaksiñ, ā fwas tukuk.

22 Ā el toas inšiel ke kas

si iñi, ā šom pakomutu; tu ma puspis ma lal.

23 Ā Jisus el ñetñet apne- ni, ā fwak nu sin met tumal lutlut, We upalanu tu met gasrup fwa ilyuk nu in togusaī lun God!

24 Ā met lutlut elos lut ke kas lal. Ā Jisus el siefwil tupokoañ ā fwak nu selos, Tulig, fuka ma upalanu selos šu foñyuñ ke ma gasrup fwa ilyuk nu in togusaī lun God!

25 Kamel el fwas sasla ke kor in nilel, fusas liki met gasrup ilyuk nu in togusaī lun God!

26 Ā elos oarulanu lut ma lulap, fwakañ sie sin sie, Fwin ou iñi ka šu ku in mol?

27 Ā Jisus el ñetañ nu selos fwak, Yurin met elos koflanu, tu tiu ou iñi yurol God: tu God el ku ke ma nu kemwu.

28 ¶ Na Piter el mutamwauk in fwak nu sel, liye, kem aliki ma nu kemwu lumem, ā fwas tukum.

29 Jisus el tupokoañ ā fwak, Payinu ña fwak nu šumwos, Met fwin aliki lom, ku lel, ku loul, ku papa, ku nine, ku mutan kīel, ku tulig, ku fwal, ke ña, ā mwo šašu.

30 El tufwa es kais sie-fok iñi ke pal si iñi, lom, ā lel, ā

loul, ā nine, ā tulig, ā fwal, wi kolya; ā in fwal tuko mol ma patpat.

31 Ā ma puspis ma si meta fwa masi tuko; ā masi tuko fwa masi meta.

32 ¶ Ā elos os inganek fwasyuk nu Jerusalem; ā Jisus fwas met elos tuk: ā elos lut; ā ke elos fwas tuk elos šaṇeñ. Ā el siefwil suloiuk met sie-ñul-luo, ā mutamwauk in luti nu selos kutu ma a tuku nu yurol.

33 Fwakañ, Liye, kut fwas- siuk nu Jerusalem; ā Mwen nutin met fwa etikiun nu sin met tol fulat, ā nu sin met šim; ā elos tufwa pani lun mas, ā fwa asalañ nu sin met Pegan:

34 Ā elos fwa aknunta'l, ā sruñlul, ā an'el, ā uni'lye; ā ke lensi aktolu el siefwil molyuk.

35 ¶ Ā Jemes ā Jon, nutin Zebede, eltal tuku nu yurol, fwakañ. Met Luti, ketal kenu tu kom oru nu sital ma ketal a luñsital.

36 Ā el fwak nu seltal, mea komtal kē tu ña a fwa oru nu šumtal?

37 Eltal fwak nu sel, Si nu sital tu ketal fwa mutu, sie on le pom leyut, ā sie on le pom lesi in mamwowo lom.

38 Ā Jisus el fwak nu seltal, Komtal nikin ma komtal siyuk ke. Ya komtal

ku in numla kupsi ma ña nim ka? ā baptais sie baptais ña baptaisla ke?

39 Ā eltal fwak nu sel, Ke tal ku. Ā Jisus el fwak nu seltal. Aok komtal tufwa numla kup si ña nimnim ke, ā komtal tufwa baptais ke sie baptais ma ña baptaisla ke:

40 Ā tiu ma luk in siot mutu on le pok leyut ā le pok le si; tu ma lal šu akola la ke.

41 Ā ke sie-ñul elos loñ, elos mutamwauk in siluñ ma lulap ke Jemes ā Jon.

42 Ā Jisus el pañnolos, ā fwak nu selos, Komwos etu tu elos šu nunku mwo in leum lun met Pegan elos leum lalos, ā elos šu fulat elos šuñ me šap nu selos.

43 Ā tiu ou iñi yurumwos: tu el šu luñši fulat liki komwos, el tufwa met kulansap lomwos.

44 Ā el šu šumwos luñši fulat liki nu kemwu, el fwa fukwe komwos nu kemwu.

45 Tu Mwen nutin met el tiu tuku tu met in kulansap al, el tu in kulansap, ā in šuñ mol lal in molula met puspis.

46 ¶ Ā elos tuku nu Jeriko, ā ke el fwas liki Jeriko met tumal lutlut ā met puspis wi, Bartimeus, met kun mutal, mwen nutin Timeus, el mutu puponeku, ñus.

47 Ā ke el loñ tu el Jisus lun Nazaret, el mutamwauk in wowoyuk, ā fwak, Jisus, Mwen nutin Devid, pakomutuk.

48 Ā met puspis elos mwuleuñ lun tiu kas : ā el wowoyuk yok lanu, Mwen nutin Devid, pakomutuk.

49 Ā Jisus el tu, ā šap in pañol. Ā elos pañon met kun muta, fwakañ nu sel, Kom eñunak, tuyuk ; el pañun kom.

50 Ā ke el sisla nuknuk lal, el tuyuk, ā tuku nu yurol Jisus.

51 Ā Jisus el tupokoañ ā fwak nu sel, Mea kom luñ-som tu ña oru nu šum ? Met kun el fwak nu sel, Robonai, ña kenu liye.

52 Ā Jisus el fwak nu sel, Kom šom, lalalfuñi lom moli kom la. Ā kiten misiñi el liye, ā el fwas tukol Jisus ineku.

## ŠAPTER 11.

**A** KE el tuku apkurun nu Jerusalem, nu Betfeš, ā Beteni, nu ke eol Olive, el sipaot luo met tumal lutlut.

2 Ā fwak nu seltal, Komtal fwas nu yin sisik meto : ā kiten misiñi ke komtal ilyuk nu we, komtal fwa konoioik kolt kopuri, wañin met mutu fwe umet nu iñi ; tula'l la, ā wis el.

3 Ā fwin sienu met fwak nu šumtal, Efwo komtal ku oru ou iñi ? komtal fwak, Leum el luñsi el ; ā kiten misiñi el fwa sipa'l mu.

4 Ā eltal šom, ā konoioik kolt kopuri likin mutan oaoa ke inek atupali ; ā eltal tula'l la.

5 Ā kutu selos tu iño fwak nu seltal, Komtal fukunku tulala kolt ?

6 Ā eltal fwak nu selos oanu ma Jisus el šap : ā elos lela elos in šom.

7 Ā elos wis kolt nu yurol Jisus, ā filiye nuknuk lalos on fwel ; ā el mutu fwel.

8 Ā met puspis lakunalik nuknuk lalos ineku ; ā kutu pakala lešak liki šaku, ā nela ineku.

9 Ā elos šu fwas met, ā elos šu fwas tuk, wowoyuk, fwakañ, Hosanna ; Insi mwowo el šu tuku in el Leum.

10 Insi mwowo togusañ lun papa tumus Devid, šu tuku in el Leum : Hosanna in fu-lat liki nu kemwu.

11 Ā Jisus el ilyuk nu in Jerusalem, ā nu in imwen tempel : ā ke el ñetñet liani ma nu kemwu tari, ā iñi ke ekela, el som liki nu Beteni sie-ñul-luo oelul.

12 ¶ Ā lutu, ke elos tuku Beteni mi, el musinsral.

13 Ā ke el liye šak fig lusi-la, sra on ke, el tuku, el a la



konoioik la fute ma tiu fute: a ke el tuku nu ke, wañin ma el konoioik sra mugenu; tu tiu fute: a ke el tuku nu ke, wañin ma el konoioik sra mugenu; tu tiu pal si fig on wulo.

14 A Jisus el tupokoan a fwak nu ke, Wañin met kon fute ke'um ini nu tuko. A met tumal lutlut elos lon.

15 A elos tuku nu Jerusalem; a Jisus el ilyuk nu in imwen tempel, a mutamwauk in sis elos la su kutakot a mol in imwen tempel, a topkakunla tepue lun met ayaol moni, a me mutu lun met kutakot mulioa;

16 A el sañes met in wis kutu ma sasla imwen tempel.

17 A el luti, fwakan nu selos, Ya mao tiu sim, Met an nu kemwu elos pañpañ lom sik, Imwen ali? a komwos oru ma lufin met pupas.

18 A met sim a met tol fulat elos lon, a sukuk fuka elos fwa uni'lye: tu elos sañeñ sel, tu met nu kemwu lut ke kas lal.

19 A ke ekela, el som liki yin lulap met mutu we.

20 ¶ A o lutue, ke elos fwas alukela, elos liye sak fig masla ten nu lun.

21 A Piter el esamye, a fwak nu sel, Rabbai, liye,

sak fig ma kom kas ko ke maslanu!

22 A Jisus el tupokoan fwak nu selos, lalalfuñol God.

23 Tu payinu na fwak nu sumwos, Tu el su a fwak nu ke eol sugo ini, Mogukla, a som nu mwea; a tiu silalalfuñi inñiel, tu lalalfuñi ma el fwak, a fwa oru; el tufwa es ma el siyuk ke.

24 Tu ou ini na fwak nu sumwos, ma nu kemwu ma komwos luñsomwos ke komwos pre, lalalfuñi tu komwos es mao, a komwos fwa es mao.

25 A ke komwos tu pre, nunok munas, komwos fwines kutu ma lain met; tu Papa tumomwos su in kosao el fwa nunok munas pe ke ma koluk lomwos.

26 A komwos fwini tiu nunok munas, Papa tumomwos su in kosao el fwa tiu nunok munas ke ma koluk lumwos.

27 ¶ A elos siefwil pe tuku nu Jerusalem: a ke el fwa fwasius in imwen tempel, met tol fulat, a met sim, a matu, elos tuku nu yurol,

28 A fwak nu sel, Ma ya ma sap si kom òrek makin? a su siot nu sum sap si ini tu kom oru ma ini?

29 A Jisus el tupokoan a fwak nu selos, Na siyuk pe sumwos sie ma, a tupok mu

nu sik, ā nā fwa fwak nu  
šumwos ma ya šap si nā oru  
ma iñi.

30 Baptais lun Jon, la in  
kosao emi, ku yurin met mi?  
Tupok mu nu sik.

31 Ā elos asiyuki sie sin  
sie, fwakañ, Kem fwin fwak,  
Inkosao emi; el a fwak,  
Efwo komwos ku tiu lalal-  
fuñol?

32 Ā kem fwin fwak, Yu-  
rin met mi; elos šaṇeñ sin  
metu; tu met nu kemwu  
ora'l Jon, ma met palu payi.

33 Ā elos tupokoañ ā fwak  
nu sel Jisus, Kem koflanu  
fwak. Ā Jisus el tupokoañ  
ā fwak nu selos, Nā pe tiu  
fwak nu šumwos ma ya šap  
si nā oru ma iñi.

## ŠAPTER 12.

**A** EL mutamwauk in kas-  
kas nu selos ke pupul-  
yuk. Sie met el eokiye ima  
fainsi, ā kolasla, a pukanak  
an wain širor nu we, ā miša  
imwen tawi, ā fileuñ nu sin  
met ima, ā el šom nu yin  
lulis sel.

2 Ā ke pal si matula el si-  
paot met kulanšap nu sin  
met ima, tu el fwa es liki  
met ima fokin fain in kolkol  
si.

3 Ā elos sruki'lye, ā onel,  
ā sipa'l la el pusinpo.

4 Ā el siefwil sipaot nu se-  
los sie pe kulanšap; ā elos

sis eot nu sel, ā tuñal siu-  
fwel, ā elos sipa'l la akoñye-  
tanol.

5 Ā el siefwil pe sipaot  
sienu; ā elos uni'lye, ā met  
puspis pe; elos uni kutu, ā  
uni'lye kutu.

6 Ā tu sie mwen, tulig ku-  
lu natal, el sipa'l ot pe tuk  
nu selos, fwakañ, Elos tufwa  
šunakin mwen nutig.

7 Ā met ima elos tukeni  
kaskas, El iñi met usru;  
fwasu, kut in uni'lye, ā  
usru tufwa las.

8 Ā elos asal, ā uni'lye, ā  
sis el liki kolkol un fain si.

9 Tu ou iñi mea leum lun  
kolkol un fain si tufwa oru?  
El ā fwa tuku ā uniye met  
ima, ā fwa šuñ kolkol un  
fain si nu sin kutenu met.

10 Ā komwos tiu rid ma  
šim iñi; Eot si ma met mu-  
ša sisle met, elos oru iñi in  
šumwosrik in eot:

11 Ma iñi ma Jeova el oru  
met, ā ma lut in mutas?

12 Ā elos sok ol in sruki-  
'lye, ā elos šaṇeñ sin metu:  
tu elos etu el la kaskas kin  
pupulyuk si lain elos: ā elos  
liki'lye, ā šom.

13 ¶ Ā elos sipaot nu sel  
kutu sin met Farisi ā sin  
met Herod, in sruki'lye ke  
kas lal.

14 Ā ke elos tuku, elos  
fwak nu sel, Met Luti, kem  
etu tu kom payi, ā tiu ko-

lak sin met; tu kom pilesu monin met, ā luti nekul God payinu: Ya tiu oul tu kut suñ kiše nu sin Sisar ku oul?

15 Ya kut suñ ku tiu suñ? Ā ke el etu kutasrik lalos, el fwak nu selos, Efwo komwos ku srifwe yu, Usi nu sik penne si, tu ņa liye.

16 Ā elos usi. Ā el fwak nu selos, Mutun su ou iñi ā lun sim? Ā elos fwak nu sel, lun Sisar.

17 Ā Jisus tupokoan fwak nu selos, Suñ nu sel Sisar ma lun Sisar, ā nu sin God ma lun God. Ā elos lut ke'l.

18 ¶ Na met Saddusi, su fwak, a tiu siefwil molyuk; elos tuku nu yurol, ā siyuk sel, fwakañ.

19 Met Luti, Moses el sim nu ses, Met lin met si fwin miši, ā mutan kiel mutu, ā wañin tulig natal, met lel el es mutan kiel, ā akmolyauk fokin met lel.

20 Ā tamulel itkos: ā masi meta el es mutan kiel, ā miši, tiu filiye fwako'l.

21 Ā el si akluo asal, ā miši; el pe tiu filiye fwako'l; ā el si aktolu ouya pe.

22 Ā met itkos asal, ā tiu filiye fwako: tuko'los kemwu mutan el miše pe.

23 Tu ou iñi pal si a molyuk, ke elos fwa molyuk,

kien su ke mutan si iñi? Tu met itkos asal kielos.

24 Ā Jisus tupokoan fwak nu selos, Ya tu ou iñi komwos tiu sito, tu komwos nukin ma sim, ā ma ku lun God?

25 Tu ke elos molyuk yin miše mi, elos tiu payuk ā tiu suñ in payuk: tu elos oanu lipufon su in kosao.

26 Ā ke met miši, tu elos molyuk; ya komwos tiu rid in buk natal Moses, fuka ke in tušak, God el kaskas nu sel fwakañ, Na God lun Abraam, ā God lun Aisak, ā God lun Jakob?

27 El tiu God lun met miši, tu el God lun met mol: tu ou iñi komwos situ e lanu.

28 ¶ Ā sie sin met sim el tuku, ā ke el loñ elos tukeni kaskas, ā etu tu el tupokoan nu selos mwo, el siyuk sel, Ma ia ke šap met liki nu kemwu?

29 Ā Jisus el tupokoan nu sel, Masi meta šap liki nu kemwu, o'iñi, Poroño, O Israel, Jeova God las, Jeova siewunu:

30 Ā kom luñsom Jeova God lom ke inšium kemwu, ā ke in nunum kemwu, ā ke nunkom kemwu, ā ke ku lom kemwu: ma iñi pa šap meta.

31 Masi akluo ou iñi, Kom

luñsom met lom oanu kom  
sifwanu. Wañin kutenu šap  
yok liki ma iñi.

32 Ā met šim el fwak nu  
sel, Mwo, Met Luti, kom  
fwak payi: tu God siewunu,  
ā wañin sienu, el mugenu:

33 Ā in luñši el ke insie  
kemwu, ā ke nunku kemwu,  
ā ke ñun kemwu, ā ke ku  
kemwu, ā in luñši met oa-  
nu el šifwanu, ma iñi yok  
kiše fon furur kemwu, ā  
kemwu euwel.

34 Ā ke Jisus el liye tu el  
tupok mwo, el fwak nu sel,  
Kom tiu lūs liki togusañ lun  
God. Ā tukiñ ma iñi, wa-  
ñin met pulaik in siyuk sel  
kutu ma.

35 ¶ Ā Jisus el tupokoañ  
ā fwak ke el luti in imwen  
tempel, Fuka met šim elos  
fwak tu Kraist el Mwen nu-  
tin Devid?

36 Tu Devid el šifwanu  
fwak ke Ñun Mutal, Jeova  
el fwak nu sin Leum luk,  
Kom mutu on le pok lesi nu  
ke pal si ñatu fwa orek  
met inwesral lom in lañoeuk  
nium.

37 Tu ou iñi Devid el šif-  
wanu paññol Leum; fwin  
ou iñi fuka el mwen natal?  
Ā met sisik elos eñun ke  
loñol.

38 Ā el fwak nu selos ke  
me lutlut lal, Komwos sis-  
mouk ke met šim, šu luñši

fwas ke nuknuk lūs, ā pai-  
ñuk yin kutakot.

39 Ā luñši me mutu lun  
leum in imwen lolñok, ā  
niin leum ke kofwo:

40 Ā wupani lom sin ko-  
tin mas, ā kutasrik ke pre  
lūlis: elos iñi fwa es anwuk  
yok lanu.

41 ¶ Ā Jisus el mutu niin  
fwil tatū on ye mutal, ā el  
liye fuka met šuñ muni nu  
fwil; ā ma puspis met ga-  
srup elos šuñ muni puspis.

42 Ā sie kotin mas siga-  
srup el tuku, ā el šuñ nu lū  
kiten muni sisik, luo oanu  
fartiñ.

43 Ā el pañon mu met tu-  
mal lutlut, ā fwak nu selos.  
Payinu ña fwak nu šumwos,  
Tu kotin mas sigasrup iñi  
el šuñ nu lū yok liki ma  
elos nu kemwu šuñ nu lū in  
fwil tatū:

44 Tu elos kemwu šuñ nu  
lū ke ma puspis lalos; ā el,  
tu el sigasrup, šuñ nu lū ma  
nu kemwu lal, payinu me  
mol lal nu kemwu.

### ŠAPTER 13.

KE el som liki imwen  
A tempel, sie sin met tu-  
mal lutlut fwak nu sel, Met  
Luti, liye eot šu o'iñi, ā lom  
šu o'iñi!

2 Ā Jisus tupokoañ fwak  
nu sel, Ya kom liye kutu  
lom lulap iñi? tufwa wañin

sie eot on fwin sie, ā mao moguk lanu.

3 Ā ke el mutu fwin eol Olive, imwen tempel on ye mutal, Piter ā Jemes ā Jon ā Andru eltotal mugenu si-yuk sel.

4 Fwak nu ses, pal ya ma iñi ā tuku? ā akul šu ke ma iñi nu kemwu fwa payi-kin?

5 Ā Jisus tupokoān nu se-los el mutamwauk in fwak, Liauñ tu kutu met tiu kiaepe komwos la.

6 Tu met puspis fwa tuku in ēk, fwakañ, Ña Kraist; ā fwa kiapala met puspis.

7 Ā ke komwos fwa loñ meun, ā kaskas ke meun, komwos tiu fosña: tu ma iñi fwa oru; tu tiu safla iñi.

8 Tu sie an fwa tuyuk lain sie an, ā togusañ lain togusañ; ā kutu fwalu fwa rarrar, ā fwa sral ā añañ: ma iñi mutamwauk ke fosña.

9 ¶ Ā komwos šifwanu liye komwosyuñ: tu elos fwa es komwosyuñ nu ke mwolil; ā fwa uni komwos in lolnok: ā fwa wis komwosyuñ nu yurin leum ā togusa ke ña, ā ke ma lo lain elos

10 Ā meta mwo šašu a fwa luti nu sin met fwal e nu kemwu.

11 Ā ke elos fwa kol komwos, ā es komwosyuñ, ko-

mwos tiu nunku met ma komwos kaskas kin tuk, ā tiu nunkauk met: tu ma asiot nu šumwos nu ke auu a ma komwos fwa kaskas kin: tu tiu ma komwos kas-kas, tu Nun Mutal.

12 Ā lel fwa tukakunak el lel, ā papa *tukakunak* mwen; ā tulig fwa tuyuk lain papa nine, ā fwa ora'los in miši.

13 Ā met e nu kemwu fwa sruñe komwos la ke ēk: ā el šu oru mwo nu ke safla fwa mol.

14 ¶ Ā ke komwos liye ma koluk lanu lun ma ka-naos lanu, tu yin oul an ma on we, ma Daniel met palu el kaskas met, (lela el šu rid lun etu,) na elos šu mutu in Judea lela elos in kasus nu fwin eolu:

15 El šu mutu fwin lomwu lun lela lun tiu fwuni nu in lomwu, ā tiu ilyuk nu lū in es kutu ma liki lom sel.

16 Ā el šu ima lela lun tiu siefwil forla in es nuknuk lal.

17 Ā we nu selos šu pu-tete, ā nu selos šu katiti in len iño!

18 Ā komwos pre siyuk tu komwos tiu kasus šom ke pal musis.

19 Tu in len iño fwa ma koluk, oanu tiu ou meta ke mutamwauk oru ma God el

orala nu ke pal si iñi, ā nu tuko.

20 Ā Leum el fwino tiu akfototoye len iño, wañin ikwe a mol: tu ke met šulūla, šu el šulūla, el akfototoye lena.

21 Ā na sienu met fwin fwak nu šumwos, Liye, Kraist el iñi; ku liye, el iño; komwos tiu lalalfuñi.

22 Tu Kraist sito, ā met palu sito, elos fwa tuku, ā fwa luti akul, ā menmen tu elos fwin ku, elos kiapala met šulūla.

23 Ā komwos liauñ: liye, Na fwak ma nu kemwu nu šumwos met.

24 ¶ Tu in len iño, tukin ma koluk iño, fwatu fwa lūlla, ā malem el tiu šuñ kalem lal.

25 Ā itu in kosao a fwa putatla, ā ku in kosao fwa kusus.

26 Ā na elos fwa liye Mwen nutin met tuku in pukunieñ, ku lulap wi ā mwo lanu.

27 Ā na el fwa sipaot lipufon lal, ā wiseni nu sie met šulūla lal yin eñ akos mi, yin lūsilami nu fwalu, lūsila nu in kosao.

28 Iñi lutlut ke pupulyuk si lun šak fig. Iñi ke lešak lal fusesas, ā srunak, komwos etu tu akurun pal fwol:

29 Ā ouyape komwos, ke komwos liye ma iñi nu ke-

mwu te oru, komwos etu tu mao apkurun, nu ke mutun oaoa.

30 Payinu ña fwak nu šumwos, tu fwil si iñi fwa tiu šom, nu ke ma iñi nu kemwu orek tari.

31 Kosao ā fwalu fwa wañinla; ā kas lun God a tiu wañinla.

32 Ā ke len si iño ā auu si wañin met etu, ā lipufon in kosao, ā Mwen, tu Papa mugenu.

33 Komwos liauñ, šano ā pre: tu komwos tiu etu pal ña.

34 *Tu Mwen nutin met* oanu met šu šom na yin lūsila, šu likie lom sel, ā šuñ šap nu sin met kulanšap lal, ā nu sin met nu kemwu me orek ma lalos, ā el šap ñu sin met liauñ in šano.

35 Tu ou iñi komwos šano; tu komwos nukin pal ya leum lun lomwu ā tuku, ke eukela, ku infulwin foñ, ku ke mwon kakla, ku ke lutue.

36 Fwin tiu ou iñi el šilaklak in tuku, ā liye komwos la motul.

37 Ā ma ña fwak nu šumwos, ña fwak nu sin met nu kemwu, Šano.

## ŠAPTER 14.

**T**UKIN len luo pal si kofwo lun alukela, ā lun

bred tiu pulolak : ā met tol fulat ā met šim elos šuk fuka elos fwa sruki'lye ke kiapul, ā uni'lye.

2 Ā elos mu, Tiu ke len kofwo, fwin ou iñi met tu-keni elos papu koluk.

3 ¶ Ā el os Beteni, in lom sel Saimon met leper, ke el mutu moño, sie mutan el tuku bok in alabaster yurol spaiknar me akmusra yoknu molo ; ā el kanaosla bok si, ā okoiuñ nu fwin šiufwel.

4 Ā kutu selos šifwanu inulat, ā fwak, Efwo ku sista me akmusra iñi ?

5 Tu kut ku in kuko mao ke penni tol fuko, ā fwa šuñ nu sin met sigasrup. Ā elos kas ko ke'l.

6 Ā Jisus el mu, Nimit ora'l ; efwo komwos añañ sel ? El oru me orek mwo-wo nu sik.

7 Tu met sigasrup mutu yurumwos pal nu kemwu, ā ke komwos luñšomwos komwos ku in oru mwo nu selos : ā ña tiu mutu yurumwos pal nu kemwu.

8 El oru oanu ku lal ; el tuku met in akmusra monuk nu ke pukpuki.

9 Payinu ña fwak nu šumwos, Yin nu kemwu met fwa luti mwo šašu iñi nu fwal e nu kemwu ten, ma iñi pe ma el oru fwa kaskas-kin in esmakunal.

10 Ā Judas Iskariot, sie sin sie-ñul-luo, el šom nu yurin met tol fulat, in tukakunulak nu selos.

11 Ā ke elos loñ, elos eñun, ā mwuleuñ tu elos šuñ muni nu sel. Ā el šuk pal ya ā mwo el fwa tukakunulak.

12 ¶ Ā ke len si meta lun bred tiu pulolak, ke elos uni ye ma alukela, met tumal lutlut elos fwak nu sel, An ya kom luñšom tu kut šom in ako, tu kom fwa moño ma alukela ?

13 Ā el sipaot met tumal lutlut luo, ā fwak nu seltal, Komtal fwas nu yin lulap met mutu we, ā iño komtal fwa šuñ met si wis ale in kof si : komtal fwas tukol.

14 Ā yin el ilyuk nu we, komtal fwak nu sin met kato, Met luti el fwak, Pa ya fokil lun met kawuk, yin ña tufwa moño ma alukela yurin met tumuk lutlut ?

15 Ā el fwa luti komtal fokil lulap lun yin akoeni tari : iño komtal akoe kem.

16 Ā met tumal lutlut eltal šomla, ā tuku nu yin lulap met mutu we, ā konoiook oanu Jisus el fwak nu seltal : ā eltal akoela ma alukela.

17 Ā ke eukela el wi met sie-ñul-luo tuku.

18 Ā ke elos mutu ā moño, Jisus el fwak, Payinu ña

fwak nu ſumwos, ſie ſu-  
mwos ſu wi yu moño fwa  
tukakin yu yuk.

19 Ā elos mutamwauk in  
pakomutu, ā elos kais ſie in  
fwak nu ſel, ſu nā ?

20 Ā el tupokoān ā fwak  
nu ſelos, ſie ſin ſie-nul-luo  
ſu wi yu iſuñye in alu.

21 Payi Mwen nutin met  
el ſom oanu ma ſim ke'l: ā  
wela nu ſin met ſu tufwa  
tukakunak Mwen nutin  
met! mwo nu ſin met iño el  
fwin tiu iſuſla met.

22 Ā ke elos moño, Jisus  
el es bred, ā pre, ā kunſalik,  
ā ſuñ nu ſelos, ā fwak, Es,  
moño; ma iñi monuk.

23 Ā el es kup, ā ke el ſuñ  
kulu tari, el ſuñ nu ſelos:  
ā elos nu kemwu numla  
ke.

24 Ā el fwak nu ſelos, Ma  
iñi ſak lun mwilkaſ ſaſu,  
ma ſirorla ke met puspis.

25 Payinu nā fwak nu ſu-  
mwos, Nā fwa tiu ſiefwil  
numla ma fokin fain, nu ke  
len ſi nā tufwa nim ma  
ſaſu in togusaì lun God.

26 Ā ke elos yuk ſugo on  
tari, elos ſomla nu fwin eol  
Olive.

27 Ā Jisus el fwak nu ſe-  
los, Foñ ſi iñi komwos nu  
kemwu fwa tugulkul ke nā:  
tu ma ſimla, nā fwa uniye  
met ſropu liye ſip, ā ſip elos  
tufwa fwaelik.

28 Ā tukin pal ſi nā fwa  
molyuk, nā fwas met ko-  
mwos tuk nu Galili.

29 Ā Piter el fwak nu ſel,  
elos nu kemwu fwin tugul-  
kul, nā tiu wi.

30 Ā Jisus el fwak nu ſel,  
Payinu nā fwak nu ſum tu  
len ſi iñi, aok, foñ ſi iñi, met  
mwon ſiſa kakla pal luo  
tuk, kom fwa lafwekin yu  
ka tolu.

31 Ā yokoilik ma el kaſ-  
kaſ, Nā fwin wi kom nu  
miſi, nā tiu laflafwekin kom  
nu ſumwoswos. Ouyape  
elos nu kemwu fwak.

32 ¶ Ā elos tuku nu ſie an  
ē Getſemane: ā el fwak nu  
ſin met tumal lutlut Ko-  
mwos mutu'nī, ke nā a pre.

33 Ā el ſulolak Piter ā  
Jemes ā Jon, ā mutamwauk  
in lut ma lulap, ā in toas  
lanu;

34 Ā fwak nu ſelos, Nunik  
pakomutu ma lulap nu ke  
miſi: komwos tuin iñi, ā  
ſano.

35 Ā el fwas nu met kutu,  
ā putatla nu in foko, ā pre  
tu, fwin ku, auu el fwas  
aluk el.

36 Ā el fwak, Abba, Papa,  
kom ku ke ma nu kemwu;  
eſla kup ſi iñi liki yu: tu  
tiu ou nā, tu ou kom.

37 Ā el tuku, ā konoì elos  
yuk la motul, ā fwak nu ſel  
Piter, Saimon, ya kom mo-



tul? ya kom tiu ku in sano auu si?

38 Komwos sano ā pre, fwin tiu ou iñi komwos il-yuk nu in mel. Payi ñun el luñsel, ā ikwe munas.

39 Ā el siefwil somla, ā pre, ā kaskas oanu kas meta.

40 Ā ke el foloko, el konoiook elos yuk la siefwil motul, (tu mutalos toas,) ā elos tiu etu ma a tupokoan nu sel.

41 Ā el tuku pal si aktolu, ā fwak nu selos, Motol iñi, ā moñla: tarinu, auu si tuku; liye Mwen nutin met tukakinyikyuk nu in pon met koluk.

42 Tukakak, kut som; liye, el apkurun šu tukakin yu yuk.

43 Ā kiten misiñi ke el kaskas, Judas, sie sin sieñul-luo, el tuku, ā met puspis oelul utuk kutlas ā šak, yin met tol fulat mi ā met šim ā met matu.

44 Ā el šu tukakunulak šuñ nu selos sie akul met, fwakañ, El šu ña fwa ñok, elnu; asal, ā kololot makeku.

45 Ā kiten misiñi ke el tuku, el šilaklak in fwas nu yurol, ā fwak. Rabbai, Rabbai: ā ñok ol.

46 Ā elos sruki'lye ke pa-ulos, ā asal.

47. Ā sie selos šu tu we el

fwauk kutlas, ā paki met kulansap lun met tol fulat, ā otela sral.

48 Ā Jisus el tupokoan ā fwak nu selos, Ya komwos tuku oanu nu sin met pusupas, ke kutlas ā šak in sruki yu wi?

49 Ña wi komwos len nu kemwu in imwen tempel in luti, ā komwos tiu es yu: tu payikin ma šimisla.

50 Ā elos nu kemwu som luk el ā kaiñla.

51 Ā sie met fwus fwas tuk ol, el šuñ nuknuk linen nukmu'l la tu el koflufol; ā met fwus elos sruki'lye:

52 Ā el filiye nuknuk linen, ā koflufol kaiñ luk elos.

53 ¶ Ā elos kol ol ot Jisus nu sin leum tol fulat: ā met matu, ā met šim elos oelul tukeni.

54 Ā Piter el fwas tuk ol lūs luk el, nu ke lom sin leum tol fulat: ā el mutu yurin met kulansap, ā el šifwanu lañlūñ ke e.

55 Ā met tol fulat ā met papu nu kemwu elos šuk met lo lain Jisus in uni'lye; ā elos tiu konoiook.

56 Tu met puspis elos kaskas sito lain ul, ā elos tiu unkas sugo.

57 Ā kutu tuyuk, ā kaskas sito lain ul, fwakañ.

58 Kem loñ ma el fwak, Ña tufwa kanaosla imwen

tempel iñi ma pon met orala,  
ā in len tolu ña tufwa miša  
sienu ma po tiu oru.

59 Ā onyape elos tiu unkas  
sugo.

60 Ā leum tol fulat el tu-  
yuk infulwe, ā siyuk sel Ji-  
sus, fwakañ, Ya wañin ma  
kom tupok? Mea elos kas-  
kaskin lain kom?

61 Ā el misla, ā wañin ma  
el tupok. Leum tol fulat el  
siefwil siyuk sel, ā fwak nu  
sel, Ya kom Kraist, Mwen  
nutin Mamwowo?

62 Ā Jisus el fwak, Aok,  
Ñā; ā komwos tufwa liye  
Mwen nutin met mutu on  
le po ku leyut, ā tuku in  
pukunieñ in kosao.

63 Ña leum tol fulat el  
šalik nūknuk lal, ā fwak,  
Efwo kut ku šuk kutenu  
mēt lo?

64 Komwos loñ ina kas ko:  
mea komwos nunku? Ā  
elos nu kemwu paani lun  
mas.

65 Ā kutu mutamwauk in  
an'el, ā in afwin mutal, ā in  
fuskel, ā in fwak nu sel,  
Kom polyi: ā met kulanšap  
elos šuñ paulos puklul.

66 ¶ Ā ke Piter el os ten  
in lomwu, sie mutan fwus  
kulanšap lun leum tol fulat  
el tuku:

67 Ā ke el liye'l Piter el  
šifwanu lañlūñ; el ñetañ  
nu sel, ā fwak. Ā kom pe

yurul Jisus lun Nazaret  
met.

68 Ā el lafwekin, fwakañ,  
Ña ninikin, ña tiu etu ma  
kom fwakun. Ā el šom nu  
in sraumwalsis; ā mwon sisa  
kakla.

69 Ā mutan fwus si el sie-  
fwil liye'l, ā mutamwauk in  
kas nu selos šu tu we, El iñi  
sie selos.

70 Ā el siefwil lafwekin.  
Ā kuteuñ kutu, elos šu tu  
we siefwil pe fwak nu sel  
Piter, Payi kom sie selos, tu  
kom met Galili, ā kas lom  
oanu.

71 Ā el mutamwauk in  
winteis ā fulakinpusupas,  
fwakañ, Ña tiu etu met si  
iñi komwos kaskas ke.

72 Ā pal si aktolu mwon  
sisa kakla. Ā Piter el esa-  
mak kas ma Jisus el fwak  
nu sel, Met mwon sisla ka-  
kla tuk pal luo, kom tufwa  
lafwekin yu pal tolu. Ā ke  
el nunkauk el tuñ ma lu-  
lap.

## ŠAPTER 15.

Ā KITEN misiñi ke ta-  
fwun lutue met tol fulat  
wi met matu ā met šim ā  
met papu nu kemwu, elos  
šilaklak in tukeni kaskas, ā  
kopuri'lye Jisus, ā wis al la,  
ā asalañ nu sel Pailat.

2 Ā Pailat el siyuk sel, Ya  
kom togusa lun met Ju? Ā

el tupokoañ, fwak nu sel, Kom fwakak.

3 Ā met fulat elos kou nu sel ke ma puspis: ā wañin ma el tupok.

4 Ā Pailat el siefwil siyuk sel, fwakañ, Ya wañin ma kom tupok? Liye ma puspis elos oru lain kom.

5 Ā wañin ma Jisus el tupok: oanu tu Pailat el lut.

6 Ā ke kofwo si iñi el tulala sie met kopur nu selos, el šu elos luñselos.

7 Ā sie met ēl Barabbas, elos šu kopuri oelul orek sie meun, el met akmus ke meun si.

8 Ā met puspis tukeni wowoyuk ma lulap elos mutamwauk in siyuk tu el oru nu selos oanu meta.

9 Ā Pailat el tupokoañ nu selos, fwakañ, Ya komwos luñšomwos tu ña tulala nu šumwos Togusa lun met Ju?

10 Tu el etu tu met tol fulat wis el met ke šok.

11 Ā met tol fulat elos oru nu sin met sisik elos in kai-fwi lun tula'l la Barabbas nu selos.

12 Ā Pailat el tupokoañ, ā siefwil fwak nu selos, Ka fuka komwos luñšomwos tu ña fwa oru nu sin met šu komwos pañpañ Togusa lun Jus?

13 Ā elos siefwil wowoyuk, Uni'lye on ke šaksiñ sugo.

14 Ña Pailat el fwak nu selos, Efwo, mea koluk ma el oru? Ā elos wowoyuk yok lanu, Uni'lye on ke šaksiñ sugo.

15 ¶ Ā Pailat, luñši umwele metu, el tula'l la Barabbas nu selos, ā ke el sruñlul tari, el asalañ Jisus nu selos tu elos in uni'lye on ke šaksiñ sugo.

16 Ā met meun elos kol ol ot nu in sie lom pañpañ Pretorium; ā elos pañoneni sie elun met meun nu kemwu.

17 Ā elos nukmulan ke sienu sisa, ā elos puruk ruk tefuro kokol si, ā filiyē on fwin šiufwel.

18 Ā elos mutamwauk in paññul, Pain, Togusa lun Jus.

19 Ā elos pok šiufwel ke a sugo, ā an'el, ā elos ebas, ā ali nu sel.

20 Ā ke elos aksruksruk al tari, elos šarukla sienu sisa luk el, ā siefwil šuñ nuknuk lal, ā kol ol ot in uni'lye on ke šaksiñ sugo.

21 Ā elos šap sienu Saimon, met Sairene, šu fwas aluke-la, tuke liki an si, papa tumal Aleksander ā Rufus, lun wis šaksiñ sugo lal.

22 Ā elos wis el nu an Golgota, ma tafwu, Niin ale in šiufwel.

23 Ā elos šuñ nu sel lun nim wain etikiuñ nu ke murr: ā el tiu es.

24 Ā ke elos uni'lye on ke šaksiñ sugo tari, elos oselik nuknuk lal, koto srifwe in etu ma lun šu.

25 Ā auu si aktolu, ā elos uni'lye on ke šaksiñ sugo.

26 Ma kou lal šim on yetal, TOGUSA LUN JUS.

27 Ā elos uniye met pusupas lu oelul on ke šaksiñ; sie on leyut, ā sie on lesi.

28 Ā ma šim payinu ma fwak. Ā elos oakulañ nu ke met koluk.

29 Ā elos šu fwas alukela kas ko nu ke'l, osrokla šu-fwelos, ā fwakañ, Ea, kom šu kanaosla imwen tempel, ā miša in len tolu.

30 Kom šifwanu moli kom, ā fwuni liki šaksiñ.

31 Ā ouyape met tol fulat aksruksruk, elos wi met šim mugenu tukeni fwak, El molūla kutenu, el koflanu šifwanu mol el la.

32 Lela Kraist Togusa lun Israel fwuni liki šaksiñ, tu kut fwa liye, ā lalalfuni. Ā eltal šu oelul uniye on ke šaksiñ kas ko nu ke'l.

33 Ā ke auu akonkos nu ke auu akeu losroninu fwalu.

34 Ā ke auu akeu Jisus el wowoyuk ke pusral ma lulap, fwakañ, Eloī, Eloī, lama sabaktani? ma tafwu, God luk, God luk, efwo kom ku som liki yu?

35 Ā kutu selos šu tu we,

ke elos loñ, elos fwak, Liye, el pañon Elaias.

36 Ā sie kasus ā nekla insral ke finigar, ā filiye on ke a sugo, ā šuñ nu sel lun nim, fwakañ, lela in on, tu kut fwa liye Elaias el a la tuku in wisilye.

37 Ā Jisus el wowoyuk ke pusral ma lulap, ā miše.

38 Ā nuknuk lisñul in imwen tempel muša lu infulwe lūñi nu ten.

39 ¶ Ā ke met si pañpañ senturion, šu tu ye mutal, liye tu el wowoyuk ou iñi, ā miši, el fwak, Payinu met si iñi Mwen natal God.

40 Kutu mutan ouyape elos tu lūlisla liye; Meri Magdalen, ā Meri kiel Jemes met srik ā Joses, ā Salome wi alos.

41 Ke el mutu Galili elos pe fwas tuk ol, ā oru nu sel: ā kutenu mutan puspis šu oelul fwasyuk nu Jerusalem.

42 ¶ Ā iñi ke eukela, tu pal si akola, oanu len si mutun sabat.

43 Josef lun Arimatea, met papu mwowo si, šu wi pe šano togusaī lun God, el tuku, ā pulaik ilyuk nu yurol Pailat, ā ŋusi manol Jisus.

44 Ā Pailat el lut ke el la miši ku tiu miši: ā pañon mu met senturion el siyuk sel la pal ya el miši.

45 Ā ke el etu sin met sen-

turion, el šuñ mano nu sel Josef.

46 Ā el mol nuknuk linen mwowo, ā wis il ye, ā nukmu'l la ke nuknuk linen, ā fili'lye in lufin mas si ma elos tufia in eot ā epusañ eot si nu mutun oaoa ke lufin mas si.

47 Ā Meri Magdalin ā Meri nine kiel Joses eltal liye an el on we.

ŠAPTER 16.

**A** KE len sabat tari, Meri Magdalin, ā Meri nine kiel Jemes, ā Salome, elos mol fokin šak keñ tari, tu elos fwa tuku ā moswe'l la.

2 Ā tafwun lutue, len si umet ke wik, elos tuku nu ke lufin mas si ke fwatu sikyuk.

3 Ā elos asiuki, Šu a epusla eot si liki mutun oaoa ke lufin mas si?

4 Ā ke elos ñetañ elos liye eot si ibipla liki: tu ma lupalap.

5 Ā ke elos ilyuk nu in lufin mas, elos liye mogul fwus si, mutu leyen leyut, nukomañ nuknuk fwosfwos lulis; ā eltal šaṇeñ.

6 Ā el fwak nu selos, komwos tiu šanen: Komwos suk Jisus lun Nazaret šu ānwuki ore ke šaksiñ: el molyuk; el tiu yinu: liye an elos fili'lye we.

7 Tu komwos šom, fwak nu sin met tumal lutlut, ā nu sel Piter, tu el šom met komwos tuk nu Galili iño komwos fwa lipe'l, oanu el fwak nu šumwos.

8 Ā elos šilaklak in illa, ā kaiñ liki lufwin mas si; tu eltal rarrar ā lut: ā tiu fwak nu sin sienu met; tu elos šaṇeñ.

9 ¶ Ā ke el molyuk tafwun lutue len si umet ke wik, el tuiuñ met nu sel Meri Magdalin, šu el sisla devil itkos luk el meta.

10 Ā el šom ā fwak nu selos šu mutu yurol met, ke elos asor ā tuñ.

11 Ā elos, ke elos loñ tu el mol, ā tu Meri el liye'l, elos tiu lalalfuñi.

12 Tukin ma iñi el tuiuñ sielanu nu sin met luo selos, ke eltal fwas, ā šom nu sie an.

13 Ā eltal šom ā fwak nu sin kutenu: ā elos tiu lalalfuñ oltal.

14 Tuko el tuiuñ nu sin sie-ñul sie ke elos mutu moño, ā kaiuk nu selos, ke silalalfuñi lalos, ā upa inšielos, tu elos tiu lalalfuñ oltotal šu liye'l tukin pal si ke el molyuk.

15 Ā el fwak nu selos, Komwos šom fwal e nu kemwu, ā luti Mwo šašu nu sin met e nu kemwu.

16 El šu lalalfuñi ā bap-  
taisla fwa mol; ā el šu tiu  
lalalfuñi fwa tūla.

17 Ā akul iñi fwa oelulos  
šu lalalfuñi; Elos fwa sisla  
devil in ēk; Elos fwa kas-  
kas ke loa šašu;

18 Elos fwa srukak mwet;  
ā elos fwin numla kutu ma  
a un'elosi, mao a tiu ora'los  
in koluk; elos fwa filiye

paulos on fwin met mas, ā  
elos fwa kela.

19 ¶ Tu ou iñi, tukin pal  
si Leum el kaskas nu selos  
tari, el šumwak nu in kosao,  
ā mutu on le paul leyut sin  
God.

20 Ā elos šomla ā luti nu  
yin nu kemwu, Leum oelu-  
los orekma, ā akmwoyauñ  
kas ke akul iñi. Amen.

## MWO ŠAŠU MA LUK EL ŠIM.

### ŠAPTER 1.

**TU** ma puspis umet elos  
sriki in akšumwosye sie  
srumsum ke kutu mao la-  
lalfuñi nu šumwosinwos yu-  
ros, 2 oanu elos ši mao nu  
šes, elos šu ke mutamwauk  
mi šifwanu liye ā orekma  
ke kas; 3 ña mu mwo pe  
sik tu ña etenu šumwos-  
mwos ma nu kemwu ke mu-  
tamwauk nu iñi, tu ña šim  
nu šum in šumwos, O Teofi-  
lus, met kato mwowo si, 4  
tu kom fwa etu ma šumwos  
mao kom lutlut ke met.

5 ¶ Ke len lun Erod, togu-  
sa lun Judea, sie met tol ēl  
Zakaraias, lun len lun  
Ebaia; ā mutan kīel sie sin  
an nutin Aaron, ā ēl Elisa-  
bet.

6 Ā eltal, payi ye mutal  
God, fwafwasyis tiu sito in  
me šap nu kemwu ā manu  
lun Leum.

7 Ā wañin tulig nataltal,  
tu Elisabet el mwuskul; ā  
eltal matoanu.

8 Ā ma te oru, ke el orek  
in len lal me orekma lun  
met tol ye mutun God, 9  
oanu manu ma lun met tol,  
me orekma lal in fureuk me  
keñ, ke el ilyuk nu in imwen  
tempel lun Leum.

10 Ā met puspis tukeni elos  
nu kemwu pre likin umwe  
pal si ke fureuk me keñ.

11 Ā sie lipufon lun Leum  
el sikmi nu yurol, ā tu leyut  
ke lāñ lun me keñ.

12 Ā ke Zakaraias el liye'l,  
el toninfoñ, ā šañeñ putati  
nu fwe'l.

13 Ā lipufon el fwak nu sel, Zakaraias kom tiu šañeñ; tu pre lom loñyuk tari; ā Elisabet mutan kium el tu fwa oswe nu sum mwen si; ā kom tufwa pañpañ el Jon.

14 Ā kom tufwa eñun ā inšimwowo; ā ma puspis elos tufwa eñun ke el isūsia.

15 Tu el a fwa yok ye mutun Leum, ā el a tiu nim wain ā me nim ku; ā el fwa seseslanu ke Nun Mutal inšien nine kiel mi.

16 Ā el fwa forok olos la ma puspis tulig nutin Israel nu sin Jeova God lalos.

17 Ā el fwa fwas ye mutun in nūn ā ku lun Elaias, tu el fwa forokañ inšien papa nu sin tulig, ā met tiu akos nu ke lalmetmet lun ma payi; in ako met šu ako tari nu ke Leum.

18 Ā Zakaraias el fwak nu sin lipufon, Na fwa etu ma iñi ke mea? tu nā met matu, ā mutan kiuk el matoe pe.

19 Ā lipufon el tupokoñ, fwak nu sel, Na Gabriel, šu tu ye mutun God; ā sipe yu mi in kaskas nu sum, ā fwa kot kas eñun iñi nu sum.

20 Ā, liye, kom fwa sikas, ā tiu ku in kaskas, nu ke len si ma iñi fwa orek tari, tu kom silalalfuñi kas luk, ma fwa payiñin ke pal lalos.

21 Ā met elos tapnu'lañ

Zakaraias, ā lut tu el mutu pat in imwen tempel.

22 Ā ke el fwas liki, el koflanu kaskas nu selos: ā elos etu tu el liye arurumu in imwen tempel: tu el sisiss nu selos, ā tiu kas.

23 Ā ma te oru, tu ke len in orekma lal šom tari, el šom nu in lom sel.

24 Ā tukin len iño Elisabet mutan kiel el putete, ā šifwanu mwukin malem limikos, fwakañ, 25 Ou iñi Leum el oru nu sik in kutu len ke El netmu nu sik, in es kas mekin sik yurin metu.

26 ¶ Ā ke malem akonkos God sipamu lipufon Gabriel nu sie siti lun Galili, pañpañ Nazaret, 27 nu sin sie mutan tiu tukwe mogul kaseñ nu sin sie met el Josef, lun son lun Devid; el mutan si iñi, Meri.

28 Ā lipufon el tuku nu yuröl, ā fwak, Pañ kom, mutan oñ mwowo; Leum wi kom; kom inši mwowo yurin mutan.

29 Ā ke el liye, el toninšon ke kas lal, ā el šuk inšiel in etu pañuk iñi.

30 Ā lipufon el fwak nu sel, Meri, kom tiu šañeñ; tu kom konoio kulañ tari yurin God.

31 Ā, liye, kom tufwa putete, ā fwa isūsia mwen si, ā kom fwa pañon ē JISUS.

32 El tufwa fulat, ā tufwa pañpañ El Mwen nutin Fulat liki nu kemwu: ā Leum God fwa šuñ nu sel me mutu lun Devid papa tumal.

33 Ā el fwa togusa lun sou lun Jakob ma patpat: ā togusañ lal a tiu wañinla nu tuk.

34 Na Meri el fwak nu sin lipufon, Ma iñi a fuka, tu ña tiu etu met?

35 Ā lipufon el tupokoañ ā fwak nu sel, Nun Mutal fwa tuku nu fwom, ā ku lun Fulat liki nu kemwu, ā fwa luli komwi; ā ke ma iñi ma mutal kom tufwa isūsia fwa pañpañ Mwen nutin God.

36 Ā liye, Elisabet, ma tuyum, el pe putete ke mwen ke el matu: ā iñi malem akonkos ke'l šu pañpañ mwuskul.

37 Tu wañin ma koflanu yurin God.

38 Ā Meri el fwak, Liye mutan lun Leum; oru nu sik oanu kas lom. Ā lipufon el šom luk el.

39 ¶ Ā in kutu len iño Meri el tuyuk, ā šilaklek in šom nu yin fwin eol sisik on we, nu in sie siti lun Juda: 40 ā el utyuk nu in lom sin Zakarias, ā paiñul Elisabet.

41 Ā ma te oru, tu ke Elisabet el loñ paiñuk lun Meri, kitin tulig el srosro inšiel; ā Elisabet el tiñtiñiqu ke Nun

Mutal: 42 ā el kaskas ke pusal lulap ā fwak, Kom inši mwowo yurin mutan, ā inši mwowo fute inšium.

43 Ā fuka ma iñi nu sik, tu nine kien Leum luk el tuku nu yuruk?

44 Tu, liye, ke pusren paiñuk lom fwasyuk nu in sreik, kitin tulig el srosro inšiuk ke eñun.

45 Ā inši mwowo el šu lalaluñi; tu a fwa payikin mao ma fwak nu šum yurin Leum mi.

46 Ā Meri el fwak, Inšiuk kakšakin Leum, 47 ā ñunik eñun ke God Laño luk; 48 tu El liauñ ma pusisel lun mutan kulanšap lal. Tu, liye, tukin ma iñi fwil nu kemwu elos pañon yu inši mwowo.

49 Tu el šu ku, el oru nu sik ma lulap; ā El mutal.

50 Ā pakomutu lal on selos šu šañeñ sel fwil mi nu ke fwil.

51 El orek ku ke paul; el akfwas elos elik met fulañ ke ma nunku inšielos.

52 El akpulis elosye met ku liki me mutu lalos, ā akfulatye'los šu pusisel.

53 El akkūpye'los šu munsinsral ke ma mwo; ā El sipa'loswot met gasrup pusinpo.

54 El kasu met kulanšap lal, Israel; ke esam pako-



mutu lal, 55 oanü el fwak (nu sin papa tumas) nu sel Ebream, ä nu sin fute'l ma patpat.

56 Ä Meri el mutu yurol akurun malem tolu, ä folok-la nu lom sel.

57 ¶ Ä Elisabet pal lal fwol ke el isüs-la; ä el oswe-la mwen si.

58 Ä elos su apkurun nu sel, a sou lal loñ fuka Leum el pakomuta'l ma lulap; ä elos oelul eñun ke

59 Ä ma te oru, tu ke len si akoalkos elos tuku in kosoela tulig; ä elos pañon el Zakaraias, oanü ä papa tumal.

60 Ä nine kiel el tupokoan, ä fwak, Tiu ou iñi; tu a fwa pañpañ el, Jon.

61 Ä elos fwak nu sel, Wañinu in sou lom pañpañ ä Jon.

62 Ä elos sisñe nu sin papa tumal, ä su el luñsel pañpañ ka'l.

63 Ä el siyuk ke tebel lun sim, ä el sim, fwakañ, El Jon. Ä elos nu kemwu lut.

64 Ä kitin misiñi oalul igakla, ä loul tutulla, ä el kaskas, ä kaskakin God.

65 Ä sañiñ putati fwe'los nu kemwu su mutu apnulos eni. Ä kas iñi nu kemwu sulkakin yikelik yin nu kemwu an eol on we Judea.

66 Ä elos nu kemwu su

loñ likiye mao insielos, fwakañ, Tulig sušu tulig si iñi! Ä pon Leum oelul.

67 Ä Zakaraias, papa tumal, el tiñtiñinu ke Nua Mutal, ä el polyi fwakañ, 68 Inši mwowo Leum, God lun Israel; tu El tuku ä molñla met sra'l, 69 ä El tulokunak ko in läñe kit in lom sin Devid met sra'n; 70 oanü el kaskas ke olin met palu mutal lal, su mutu ke mutamwauk fwalu nu iñi.

71 Tu kut tufwa mol liki met lokwalok las, ä liki paolos nu kemwu su sruña küt: 72 ä in orek pakomutu nu sin papa tumas, ä in esam mwuleuñ mutal lal; 73 kas in fulak ma El tukakunañ nu sin Ebream papa tumas, 74 tu El fwa oru nu ses, ke El es kit la liki met lokwalok las, tu kut tufwa oru nu Sel tiu sañeñ, 75 in mutal ä in ma payi ye mutal, len nu kemwu ke mol las.

76 Ä kom, tulig, fwa pañpañ met palu lun Fulat liki nu kemwu; tu kom fwa som ye mutun Leum in ako inek lal; 77 in aśuñ lalmetmet lun mol nu sin met lal ke esla ma koluk lalos, 78 ke pakoten kulañ lun God las; ke mao ma lenelik in kesaoe mi taku nu yuros, 79 in aśi kalem nu selos su mutu in los ä in añunin misi,

in kol nius nu inek lun misla.

80 Ā tulig el kapak, ā ku in nūn, ā el mutu yin mesis nu ke len si el sikmi nu Israel.

## SĀPTER 2.

**A** MA te oru in len iño tu Sisar Augustas el šap in oaoala fwal e nu kemwu.

2 (Ā orek oaoala iñi met ke Sairinias el leum lun Siria.)

3 Elos nu kemwu šom in oakla nu ke siti lalos.

4 Ā Josep el fwasyuk pe Galili mi, liki siti Nazaret, nu Judea, nu siti lun Devid, pañpañ Betlehem, (tu el lun sou ā ka lun Devid,) 5 in oakla oelul Meri mutan kiel kaseñ, el malulap ke tulig.

6 Ā ma te oru, tu ke eltal iño, len fwolnu ke el isūsła.

7 Ā el oswela mwen si umet ā suñ nuknuk in losolani, ā fili'lye nu nien moño lun kauu; tu wañin an elos on we nu in imwen met fwas.

8 Ā in anša met šeperd elos mutu in ima si, in liauñ un šip lalos ke foñ.

9 Ā liye, lipufon lun Leum el sikmi nu fwelos, ā ma mwowou lun Leum šaromrom apnu' loseni; ā elos ša-ñeñ ma lulap.

10 Ā lipufon el fwak nu

selos, Nik komwos šañeñ; tu, liye, űa wis nu šumwos kas mwonu ke eñun lulap, mao fwa nu sin met e nu kemwu.

11 Tu ma isūsła nu šumwos len si iñi, in siti lun Devid, met Laño, šu Leum Kraist.

12 Ā ma iñi akul nu šumwos: Komwos fwa konoioik kitin tulig nuknuk losilye, on nien me moño lun kauu.

13 Ā kitin misiñi wi lipufon ma puspis in kosao elos kaksakin God, ā fwak, 14 Mwolanu sin God, in fulat liki nu kemwu, ā misla yurin met šu el šulūla.

15 Ā ma te oru, ke lipufon elos šom luk elos nu in kosao tari, met šeperd elos kas-kas sie sin sie, Lela kut in šom iñi nu Betlehem, ā liye mao ma te oru, ma Leum el oru nu šeš.

16 Ā elos šilaklak in tuku, ā konoiltotalak Meri ā Josep, ā kitin tulig onu yin kau moño we.

17 Ā ke elos liye tari, elos sulkakinelik kas si ma fwak nu selos ke tulig si iñi.

18 Ā elos nu kemwu šu loñ, lut ke ma met šeperd fwak nu selos.

19 Ā Meri el likiye ma nu kemwu ma iñi ā nunkauk ma inšiel.

20 Ā met šeperd elos folok-

la, oru mwowo ā kakšakin God ke ma nu kemwu elos loñ ā liye, oanu ma fwak nu selos.

21 ¶ Ā ke len oalkos in kosroela ma lun tulig šom tari, elos pañpañ ēl JISUS, oanu ma lipufon oru met putete inšien nine tuk.

22 Ā ke len lun aknasnas-ye'l la oanu manu lun Moses orek tari, elos wis el nu Jerusalem in fuleuñ nu sin Leum; 23 (oanu ma šim in ma šap lun Leum, Mwen si umet nu kemwu fwa pañpañ el mutal lun Jeova;) 24 ā in orek kiše oanu ma fwak in manu lun Leum, Luo muli sipa, ku mulioa fwus luo.

25 Ā liye, sie met os Jerusalem, ēl Simeon; ā el iñi met payi ā mwo, el šaño akmwoye lun Israel; ā Nun Mutal on fwel.

26 Ā Nun Mutal luti nu sel tu el tiu miši met fwa liye Kraist lun Leum tuk.

27 Ā el tuku ke Nun nu in imwen tempel; ā ke papa nine eltal wis tulig Jisus, in oru nu sel oanu ke manu mu, 28 na el kafsulak in paul, ā ali nu sin God, ā fwak, 29 Leum, iñi lela met kulansāp lom in šom misla, oanu ke kas lom: 30 Tu mutuk liye mol lom, 31 ma kom akou ye mutun met e

nu kemwu; 32 kalem in akkalemye met Pegan, ā ma mwowo lun met Israel lom.

33 Ā Josef ā nine kiel eltal lut ke kutu ma kaskas ke'l.

34 Ā Simeon el ali ke'ltal, ā fwak nu sel Meri nine kiel, Liye, tulig si iñi likiye ke putatla ā tuyuk ma puspis in Israel; ā ke akul si fwa kaskas ko ke; 35 (ā kutlas ā fwa fokisiye pe nūnum sasla,) tu ma nunku inši puspis fwa sikmi.

36 ¶ Ā sie mutan palu, ē Anna, an nutin Fanuel, lun sruf lun Ašer: el matoanu ā mutu yurin met tumal yiu itkos tukin palsi el mari; 37 ā el kotinmas akurun yiu oaliñulakos, el tiu šom liki imwen tempel, ā el oru nu sin God ke lalo ā pre foñ ā len.

38 Ā pal si'ninu el ilyuk ā šuñ pre kulu nu sin God, ā kaskas ke'l nu selos nu kemwu šu šano molūla in Jerusalem.

39 Ā ke elos orek ma nu kemwu oanu manu lun Leum tari, elos folokla nu Galili, nu in Nazaret siti lalos.

40 Ā tulig el kapak, ā ku in nūn, seseslanu ke lalmetmet; ā luñ lun God on fwel.

41 ¶ Ā papa nine kiel eltal šom nu Jerusalem yiu nu

kemwu nu ke kofwo lun alukela.

42 Ā ke el yitunyuk sie-ñul-luo, elos somwak nu Jerusalem oanu manu lun kofwo.

43 Ā ke elos orek ma fwo ke len tari, ke elos folokla, tulig Jisus el mutanu Jerusalem; ā Josef ā nine kiel eltal tiu etu.

44 Ā elos som len si, nunku mu tu el wi unmet si fwas; ā eltalos šukol yurin sou ā met laltal.

45 Ā ke eltal tiu konoilak, eltal folokla nu Jerusalem in šuk ol.

46 Ā ma te oru, tu tukin len tolu elos konoilok in imwen tempel, mutu infulwe yurin met luti, in loñ olos ā siyuk olos.

47 Ā elos nu kemwu šu loñ ol lut ke lalmetmet ā topuk lal.

48 Ā ke eltal liye'l, eltal lut kaksak: ā nine kiel el fwak nu sel, Mwen efwo kom ku oru ou iñi nu sital? liye, papa tumom ā ña šuk kom ke ašor.

49 Ā el fwak nu seltal. Komtal šuk yu fuka? Komtal tiu etu tu mwo ña liauñ me orekma lun Papa tumuk?

50 Ā eltal tiu etu kas ma el fwak nu seltal.

51 Ā el oelultal tufuki, ā tuku nu Nazaret, ā aksoltal:

ā nine kiel el likiye kas iñi nu kemwu nu inšiel.

52 Ā Jisus el siřwanu tufwal in lalmetmet ā matala, ā in luñ lun God ā met.

### ŠAPTER 3.

**K**E yiu aksie-ñul-limikos ke Taiberius Sisar togusa, Pontius Pailat el leum lun Judea, ā Erod el tetrark lun Galili, ā Filip met lel el tetrark lun Iturea ā kutu an Trekonitis, ā Laisenias tetrark lun Abilene, 2 ke Annas ā Kaiafas eltal met tol fulat, kas lun God tuku nu yin mesis nu yurol Jon mwen nutin Zakaraias.

3 Ā el tuku nu yin nu kemwu apkurun nu Jordan, in luti baptais lun auliyuk in sista ma koluk: 4 oanu ma šimusla in buk in kas lun Esaias met palu fwakañ, Pusren sie wowoyuk yin mesis, Komwos in akou inekin Jeova, ā nakul ma šumwos.

5 Infwalfwal nu kemwu fwa nanala, ā eol lulap ā eol sisik fwa akpusisye; ā ma kũ fwa akšumwosye, ā ma širuprup fwa akfwelye: 6 ā ikwe nu kemwu fwa liye me mol lun God.

7 Na el fwak nu sin met puspis šu tuku nu yurol tu el baptais elos la, O fwil lun faiper, šu šinšinkakin

komwos in som liki siluñ a tuku?

8 Ke ma iñi, komwos isūs fwako mwo lun auliyuk, ā tiu mutamwauk in fwak inšiumwos, Ebream papa tu-mas; tu ña fwak nu šu-mwos, God el ku in orek tu-lig nutin Ebream ke eot iñi.

9 Ā iñi pe tulaiu on ke okun šaku; ke ma iñi šak e nu kemwu šu tiu isūs fwa-ko mwo pokiye, ā sisla nu in e.

10 Ā met elos siyuk sel, fwakañ, Ke ma iñi mea kem a oru?

11 El tupokoañ ā fwak nu selos, el šu koat luo lal, lela lun šuñ nu sel šu wañin ma lal; ā el šu os me moño nel, lela lun oru ouyape.

12 Na met rošo elos tuke pe in baptais, ā fwak nu sel, Met luti, mea kem a oru?

13 Ā el fwak nu selos, Komwos tiu es yok liki ma leum el šap nu šumwos.

14 Ā met meun elos pe siyuk sel, fwakañ, Ā mea kem a oru? Ā el fwak nu selos, Komwos tiu aklunñye metu, tiu kiap elos la; ā es me mol lomwos in mwole.

15 Ā ke met elos šano, ā met e nu kemwu nunkauk inšielos ke Jon, el la Kraist, ku sito?

16 Jon el tupokoañ ā fwak nu selos nu kemwu, Payi ña

baptaisi komwos la ke kof; ā sie a tuku ku liki yu, ña tiu mwo in tulala ea losin faluk lal; el a fwa baptaisi komwos la ke Ñun Mutal ā e.

17 Pal lal in paul, ā palela fwinpa lal nasnas lanu; ā fwa aseni wit nu in lom sel, ā el fureuk kulin ma in e kamwul.

18 Ā kutenu ma puspis in me lutlut lal el luti nu sin metu.

19 Ā el kaiyuk nu sel Herod tetrark ke Herodias mutan kiel Filip met lel, ā ke ma nu kemwu ma koluk ma Herod el oru, 20 el toeni ma iñi nu ke ma nu kemwu tu el kali'lye Jon nu in prison.

21 ¶ Ā ke met e nu kemwu baptais tari, ma te oru, tu Jisus wi pe baptais, ā ke el pre, kosao igakla, 22 ā Ñun Mutal sikmi nu fwel ke ma-no oanu mulioa, ā pusra si tuku in kosaoemi ā fwak, Kom Mwen kulu si nutig, Ña inšimwowo kin kom.

23 Ā Jisus el akurun yiu tol-ñul matu ke El mutamwauk in luti, oanu elos nunku, El mwen nutin Jo-sef, šu mwen nutin Hilai, 24 šu mwen nutin Mattat, šu mwen nutin Livai, šu mwen nutin Melkai, šu mwen nu-tin Janna, šu mwen nutin Josef, 25 šu mwen nutin

Matataias, su mwen nutin Emos, su mwen nutin Neum, su mwen nutin Eslai, su mwen nutin Nagge, 26 su mwen nutin Maat, su mwen nutin Matataias, su mwen nutin Semeai, su mwen nutin Josef, su mwen nutin Juda, 27 su mwen nutin Joanna, su mwen nutin Resa, su mwen nutin Zorobebel, su mwen nutin Saletiel, su mwen nutin Nirai, 28 su mwen nutin Melkai, su mwen nutin Addai, su mwen nutin Kosam, su mwen nutin Elmodam, su mwen nutin Er, 29 su mwen nutin Jose, su mwen nutin Eliezer, su mwen nutin Jorim, su mwen nutin Mattat, su mwen nutin Livai, 30 su mwen nutin Simeon, su mwen nutin Juda, su mwen nutin Josef, su mwen nutin Jonan, su mwen nutin Elaiëkim, 31 su mwen nutin Melea, su mwen nutin Menan, su mwen nutin Matteta, su mwen nutin Netan, su mwen nutin Devid, 32 su mwen nutin Jesse, su mwen nutin Obed, su mwen nutin Booz, su mwen nutin Salmon, su mwen nutin Neasson, 33 su mwen nutin Eminadab, su mwen nutin Eram, su mwen nutin Esrom, su mwen nutin Feres, su mwen nutin Juda, 34 su mwen nu-

tin Jakob, su mwen nutin Aisaak, su mwen nutin Ebrean, su mwen nutin Tera, su mwen nutin Nakor, 35 su mwen nutin Seruk, su mwen nutin Regu, su mwen nutin Felek, su mwen nutin Heber, su mwen nutin Sela, 36 su mwen nutin Keinan, su mwen nutin Arfaksed, su mwen nutin Šem, su mwek nutin Noa, su mwen nutin Lemek, 37 su mwen nutin Matusala, su mwen nutin Enok, su mwen nutin Jered, su mwen nutin Maleleel, su mwen nutin Keinan, 38 su mwen nutin Enos, su mwen nutin Set, su mwen nutin Adam, su mwen nutin God.

#### SAPTER 4.

**A** JISUS tiñtiñinu ke Nun Mutal el foloko Jordan mi, a Nun kolol nu yin mesis, 2 devil el srifwel ke len añaul. Ā in len iño wañinu ma El mono: ā ke elos som tari, el musinsral tuk.

3 Ā devil el fwak nu sel, Kom fwın Mwen nutin God, šap eot si iñi in efla bred.

4 Ā Jisus el tupok nu sel, fwakañ, Ma šimusla, Met elos tiu mol ke bred mugenu, tu ke kas nu kemwu lın God.

5 Ā devil, ke el wis el ak nu fwın eol fulat, el luti nu

sel kitin misiñi togusañ nu kemwu fwalu.

6 Ā devil el fwak nu sel, Mwol iñi nu kemwu nā fwa šiot nu šum, ā ma mwowo lalos: tu ma etuku nu sik; ā ña šuñ nu sin šu ña luñsik.

7 Ke ma iñi, kom fwini ali nu sik, a fwa lom nu kemwu.

8 Ā Jisus el tupok ā fwak nu sel, Fwala liki yu Setan, tu ma šimusla, Kom ali nu sin Jeova, God lom, ā oru nu sin mugenu.

9 Ā el wis el nu in Jerusalema, ā fili'lye on fwini mañon imwen tempel, ā fwak nu sel, Kom fwini Mwen nutin God, kom šifwanu sis kom la nu ten.

10 Tu ma šimusla, El šapot nu sin lipufon lal, in karwuñin kom; 11 ā elos fwa tapuk kom wi in paolos, fwini tiu ou iñi kom tufwa kontaye nium ke eot.

12 Ā Jisus el tupokoan fwak nu sel, ma fwak, Nik kom sri fwe Jeova God lom.

13 Ā ke devil el orek sri fwe nu kemwu tari, el šom luk El ke kutu pal.

14 ¶ Ā Jisus el folokla nu Galili ke ku lun Nun: ā puñal fwaselik yin nu kemwu apneni.

15 Ā El luti in lolñok lalos, elos nu kemwu kakšakin El.

16 Ā El tuku nu Nazaret, yin El matula we; ā, oanu manu lal, El ilyuk nu in imwen lolñok ke len sabat, ā tuyuk in rid.

17 Ā šuñ nu sel buk lun Esaias met palu. Ā ke El lakunalik buk, El konoioke on ya ma šimusla, 18 Nunin Jeova on fwuk tu El šimwol nu sik in luti mwo šašu nu sin met sigasrup; El sipe yu la in akkeiela met ašor inšielos, in luti tula nu sin met kopur, ā in igasla mutun met kun, in tula'los la met kos, 19 in luti yiu mwowo lun Leum.

20 Ā El limani buk, ā šiefwil šuñ nu sin met kulanšap, ā mutu. Ā mutalos nu kemwu šu in imwen lolñok elos sui'lye.

21 Ā El mutamwauk in fwak nu selos, Len si iñi ma šimusla iñi payikin in sreumwos.

22 Ā elos nu kemwu orek ma lo ke'l, ā lut ke kas kulañ tuke liki oalul, Ā elos fwak, Ya El iñi tiu mwen nutin Josef?

23 Ā El fwak nu selos, Payi komwos a fwak kas si iñi matu nu sik, "Met šatal, kom šifwanu unuwe kom la;" ma kem loñ ma orala in Keperneum, kom ore pe nu yin šum.

24 Ā El fwak, Payinu Ña

fwak nu sumwos, An sin met palu tiu as al.

25 Ā Ņa fwak ma payi nu sumwos, kotinmas ma puspis in Israel ke len lun Elaias, ke kosao kauli yiu tolu ā malem onkos, ke sral lulap yin nu kemwu an ša : 26 ā tiu sipa'l la Elaias nu sin sie selos, tu nu Serepta, mugenu, sie siti lun Saidon, nu sin sie kotinmas.

27 Ā ma puspis leper in Israel ke pal si lun Eliseus met palu ; ā wañin sie selos nasnasla, tu Neaman met Siria mugenu.

28 Ā elos nu kemwu in lolñok, ke elos loñ ma iñi, elos tiñtiñinu ke mulat, 29 ā elos tuyuk, ā sisel la liki siti, ā kol ol nu sisen eol sisik siti lalos muša on we, tu elos fwa kupurtowi'lye sisla nu ten.

30 Ā El fwas sasla luk elos, šomla.

31 ¶ Ā El oatu nu Keperneum, siti lun Galili, ā luti nu selos ke len Sabat.

32 Ā elos lut ke ma luti lal ; tu kas lal pen.

33 Ā in lolñok met si mutu, šu ñun lun devil fokfok yurol, ā el wowoyuk ke pusra lulap, 34 fwakañ, We ! mea kem a oru nu Šum, Jisus lun Nazaret ? ya kom tuku in kanaos kem la ? ña etu la šuo komwun ; sie Mutal lun God.

35 Ā Jisus el kaiyuk nu sel, fwakañ, Nimit kas, ā fwasu luk el. Ā ke devil el siselañ nu infulwe, el fwas luk el, ā tiu akkoluki el.

36 Ā elos nu kemwu lut, ā elos kaskas sie sin sie, fwakañ, Kas šušu iñi, tu ke pen ā ku El šap nu sin ñun fokfok, ā elos fwala liki.

37 Ā puñal fwaselik yin nu kemwu fwal apneni.

38 Ā El tuyuk liki imwen lolñok, ā ilyuk nu in lom sin Saimon. Ā nine kiel mutan kiel Saimon, el mwaiok ma lulap ke mas fwal ; ā elos siyuk Sel ke'l.

39 Ā El tu yetal, ā kai mas fwal ; ā ma wañinla luk el ; ā kitin misiñi el tukak ā oru nu selos.

40 Ā ke fwatu tili, elos nu kemwu šu met mas yurolos ke kutenu mas wis elos nu yurol ; ā El filiye paul fwe-los nu kemwu, ā akkei elos la.

41 Ā devil elos pe fwala liki ma puspis, wowoyuk, ā fwak, Kom Kraist Mwen nutin God. A El kai elos ā lela elos in tiu kas ; tu elos etu tu el Kraist.

42 Ā ke lenelik El šomla, ā fwas nu yin mesis ; ā met elos šok ol, ā tuku nu yurol ā igol ol, lun tiu šom luk elos.

43 Ā el fwak nu selos, Me



orekma luk in luti togusaï lun God nu yin kutenu siti ouyape; tu ke ma iñi pen yu mi.

44 Ā el luti in lolñok lun Galili.

## SAPTER 5.

**A** MA te oru, tu, ke met elos eok sel'ani in loñ kas lun God, El tu ke lulu Genesaret, 2 ā liye oak sisik lugue on ke lulu: ā met kwa elos srola liki ā olla ok lalos.

3 Ā El sroauk nu in sugo oak, ma lun Saimon, ā siyuk sel, lun kolla kute sisik liki annu. Ā el mutu fwin oaku ā luti nu sin metu.

4 Ā ke El kaskas tari, El fwak nu sel Saimon, Kom kolot liki annu, ā sista ok lom in kwa.

5 Ā Saimon el tupok ā fwak nu Sel, Met Luti, Kem patur foñ nu len, ā pusinpo: measis, ke kas lom ña siefwil sista ok.

6 Ā ke elos oru ma iñi tari, elos eal ik puspis: ā ok lalos misalla.

7 Ā elos ponsitamu met wi alos, šu mutu in sugoe pe oak, tu elos in tuku ā kas'elos. Ā elos tuku, ā nakla oak lugue, oanu tu mutamwauk in tili.

8 Ke Saimon Piter el liye, el putatla nu intel Jisus,

fwakañ, O Leum, fwala liki yu tu ña met koluk.

9 Tu el lut, ā elos nu kemwu oelul, ke ik in kwa ma elos es.

10 Ā ouyape Jemes, ā Jon, mwen nutin Zebedi, šu oelul Saimon. Ā Jisus el fwak nu sel Saimon, Nik kom ša-ñeñ, tu tuk kom fwa kwa met.

11 Ā ke elos wis oak okalos nu fwin meši, elos aliki ma nu kemwu ā fwas tuk ol.

12 ¶ Ā ma te oru ke El mutu in sie siti, liye, sie met aflanu ke musin leper: ke el liye'l Jisus, el fokakinye mutal, ā siyuknu nu Sel fwakañ, Leum, kom fwin luñšom, Kom ku in ore yu in nasnas.

13 Ā El sralot paul, ā kali'lye, fwakañ, Ña ke, Kom in nasnas. Ā kitin misiñi mas leper wañinla luk el.

14 Ā El kaiyuk nu sel lun tiu fwak nu sin met: ā kom šom, ā luti komyuñ nu sin met tol, ā šuñ kiše ke ma orek kom in nasnas, oanu Moses el šap, in akulin elos ye.

15 Ā puñal yoknu fwaselik ke'l; ā met p-u-s-pis elos tukeni in loñ, ā tu Ēl akkei elos la ke mas lalos.

16 Ā El šifwanu šom nu yin mesis ā pre.

17 ¶ Ā ma te oru ke sie

len, ke El luti, tu kutu met Farisi ā met luti lun manu elos mutanu we, šu tu ke like an nu kemwu met mutu we lun Galili, ā Judea, ā Jerusalem; ā ku lun Leum os we in akkei elos la.

18 Ā, liye, met elos wis sie met mas matoltol on fwin kŭlŭs si; ā elos šuk an ya elos in wisalak nu we, ā in liki'lye ye mutal.

19 Ā ke elos koflanu konoioke an elos wis al ak nu we ke met puspis, elos utyuk nu fwin mañon lomwu, ā ko el la nu in lŭf si, on fwin kŭlŭs sisik nu infulwē ye mutal Jisus.

20 Ā ke El liye lalalfuñi lalos, El fwak nu sel, Met, ma koluk lom nunok munas nu šum.

21 Ā met šim ā met Farisi elos mutamwauk in papu, fwakañ. Met šušu si iñi šu kaskas ko nu ke God? Šu ku in nunok munas ke ma koluk, tu God mugenu?

22 Ā ke Jisus etu nunk'olos, El tupok ā fwak nu selos, Mea komwos pu inšiumwos?

23 Mea fusas liki in fwak, Ma koluk lom nunok munas nu šum; ku in fwak, Tukakak ā fwas?

24 Ā tu komwos fwa etu tu Mwen nutin met ku lal on fwalu in nunok munas ke

ma koluk (El fwak nu sin met mas matoltol,) Kom tukakak, ā srukak kŭlŭs kium, ā fwas nu in lom šum.

25 Ā kitin misiñi el tuyuk ye mutalos, ā srukak ma el on fwe, ā šom nu lom sel, kašakin God.

26 Ā elos nu kemwu lut, ā kaksakin God; ā elos tiñtiñi-nu ke šañeñ, fwakañ, Kut liye ma šokuruk misiñi.

27 ¶ Ā tukin ma iñi El šom ot, ā liye met rošo, ē Livai, el mutu in imwen rošo: ā El fwak nu sel, Kom fwas tukuk.

28 Ā el aliki ma nu kemwu, tuyuk, ā fwas tuk ol.

29 Ā Livai el oru nu Sel sie kofwo lulap in lom sel: ma puspis sin met rošo, ā sin kutenu met šu oelulos foñla mutu.

30 Ā met šim lalos ā met Farisi elos torkaskas lain met tumal lutlut, fwakañ, Efwo komwos ku moño ā nim yurin met rošo ā met koluk?

31 Ā Jisus el tupokoañ fwak nu selos, Elos šu ku tiu enenu met šatal; tu elos šu mas.

32 Na tiu tuku in pañon mu met payi, tu met koluk in auliyuk.

33 Ā elos fwak nu sel, Efwo ku met tumal lutlut lun Jon elos lalo pal puspis,

ā orek ali, ā ouyape sin met Farisi; ā ma lom elos moño ā nim?

34 Ā El fwak nu selos, Ya komwos ku in orek tulig nutin met pusla in lālo, ke met pusla yurolos?

35 Ā, len a fwa tuku ke met pusla eyela luk elos, ā na elos fwa lālo in len iño.

36 Ā El kaskas pe sie pūpulyuk nu selos; Wañin met likiye ipen nuknuk šašu nu ke nuknuk ma, fwin ou iñi ip šašu mišelik, ā ip šašu tiu fwol nu ke ip ma.

37 Ā wañin met filiye wain šašu nu in šifwa matu; fwin ou iñi wain šašu foklulik šifwa matu, ā širorla, ā šifwa mišalsalla.

38 Tu filiye wain šašu nu in šifwa šašu; ā kemwu a fwa mwo.

39 Ā wañin met šu nim wain matu kitin misiñi el lunsel ma šašu; tu el fwak, Ma matu mwo liki.

## SAPTER 6.

A MA te oru ke sabat akluo tukin ma si meta, tu el fwas sasla ima kora si; ā met tumal lutlut elos olōila korn, ā moño, ulle mao in pauelos.

2 Ā kutu sin met Farisi fwak nu selos, Efwo komwos ku oru ma oul in oru ke len sabat?

3 Ā Jisus el tupok nu selos ā fwak, Ya komwos tiu rid ma iñi, ma Devid el oru, ke el musinsral, ā elos šu oelul? 4 fuka el ilyuk nu in lom sin God, ā es, ā moño bred luti, ā šuñ pe nu selos šu oelul; ma oul in moño, tu ma lun met tol mugenu?

5 Ā El fwak nu selos, Tu Mwen nutin met El Leum pe lun sabat.

6 Ā ma te oru ke sie pe len sabat, tu El ilyuk nu in imwen lolñok ā luti: ā iño met si ul lana paul leyut.

7 Ā met šim ā met Farisi elos šano'l, el a la kela ke len sabat; tu elos fwa konoiook ma kou lain ul.

8 Ā El etu nunkolos, ā El fwak nu sin met šu ul lanu paul, kom tuyuk, ā tu infulwe. Ā el tuyuk ā tu.

9 Na Jisus el fwak nu selos, Na siyuk nu šumwos, la oul ke len sabat in orek mwo, ku in orek koluk? in molōla mol, ku in kanaosla?

10 Ā ke El netañ nu selos nu kemwu, El fwak nu sel met si, kom sralot poum. Ā el oru ou iñi; ā paul kela oanu leyenu.

11 Ā elos tiñtiñinu ke mulat; ā elos papu sie sin sie, mea elos fwa oru nu sin Jisus.

12 ¶ Ā ma te oru ke len iño, tu El šom nu fwin eola

in pre, ā El mutu foñ fon si in pre nu sin God.

13 Ā ke len El pañon mu met tumal lutlut: ā El šu-lūla sie-nul-luo selos, šu El šuñ elos met šap; 14 Saimon, (šu El šuñ pe El Piter,) ā Andru ma lel, Jemes ā Jon, Filip ā Bartolomu, 15 Mattu ā Tomas, Jemes nutin Alfeus, ā Saimon pañpañ Zelo-tes, 16 ā Judas ma lel Jemes, ā Judas Iskariot, šu pe met tukakunak.

17 Ā El oelulos oatu, ā tu yin tupaspas, ā ma puspis sin met tumal lutlut, ā elun met lulap si elos tuke liki Judea mi nu kemwu ā Jeru-salem, ā fwin we nu mwea mi lun Tair ā Saidon, in loñ ol, ā in kela ke mas lalos; 18 ā elos šu keok ke nūn fokfok; elos kela.

19 Ā elos nu kemwu tuke-ni sriki in kali'lye: ā ku fwas luk el, ā akkei elos la nu kemwu.

20 ¶ Ā El keyuk mutal nu fwin met tumal lutlut, ā fwak, Inši mwowo komwos met sigasrup; tu togusaī lun God ma lomwos.

21 Inši mwowo komwos šu musinsral iñi; tu komwos fwa kūp. Inši mwowo komwos šu tuñ iñi; tu komwos fwa isas.

22 Inši mwowo komwos ke met fwa sruñe komwos, ā ke

elos fwa sis komwos la luk elos, ā fwa kas ko ke'umwos, ā sisla ē'umwos oanu ma koluk, ke Mwen nutin met.

23 Komwos eñun in len si iño, ā srosro ke eñun; tu, liye, mol lulap lomwos in kosao; tu ou iñi papa tuma-los oru nu sin met palu met.

24 Ā we nu šumwos šu gasrup! tu komwos es par lomwos met.

25 We nu šumwos šu kūp! tu komwos fwa musinsral. We nu šumwos šu isas iñi! tu komwos fwa ašor ā tuñ.

26 We nu šumwos, ke met e nu kemwu fwa kas mwo ke'umwos! tu ouyape papa tumalos oru nu sin met palu sito met.

27 Ā tu Na fwak nu šu-mwos šu loñ, Komwos luñ-šomwos met lokwalok lo-mwos, oru mwo nu selos šu sruñe komwos, 28 ali mwo ke'los šu kas ko nu šumwos, ā pre ke'los šu orek koluk lanu nu šumwos.

29 Ā el su pukil kom ke olum kom šuñ pe leyenu nu sel; ā el šu esla nuknuk lik lom, kom tiu igolol in es nuknuk lū pe.

30 Ā šuñ nu sin met nu ke-mwu šu siyuk šum; ā el šu esla ma lom, kom tiu siefwil siyuk sel ka.

31 Ā oanu komwos luñ-šomwos met in oru nu šu-

mwos, komwos ore pe oaye nu selos.

32 Tu komwos fwin luñ-  
šomwos elos šu luñši ko-  
mwos, mea kulu lomwos?  
tu met koluk pe elos luñse-  
los elos šu luñši elos.

33 Ā komwos fwin orek  
mwo nu selos šu orek mwo  
nu šumwos, mea kulu lo-  
mwos? tu met koluk elos  
oru oyape.

34 Ā komwos fwin osroa  
nu selos fwensok lomwos in  
es tuk, mea kulu lomwos?  
tu met koluk elos osroa nu  
sin met koluk, tu elos fwa  
es oyape.

35 Ā komwos luñšomwos  
met lokwalok lomwos, ā orek  
mwo, ā osroa, tiu fwensok  
lom in siefwil es pe tuk; ā  
me mol lomwos tufwa ma  
lulap, ā komwos tufwa tulig  
nutin Fulat liki nu kemwu:  
tu El kulañ nu selos šu tiu  
kulu, ā šu koluk.

36 Ke ma iñi komwos pa-  
koten, oanu Papa tumomwos  
El pakoten pe.

37 Komwos tiu nunok ko-  
luk ā a fwa tiu nunek ko-  
luk nu šumwos: komwos tiu  
lusla, ā a fwa tiu lis komwos  
la: komwos nunok munas,  
ā a fwa nunok munas nu  
šumwos.

38 Komwos ašun, ā a fwa  
šiot nu šumwos; srigusrok  
mwo, tanye, oskoini nu sie,

ā kakla, met elos tufwa šiot  
nu in imwomwos. Tu sri-  
gusrok si ma komwos sriki  
ka, fwa sriki oyape nu  
šumwos.

39 Ā El kaskas pupulyuk  
si nu selos: Ya met kun el  
ku in kol met kun? Ya  
eltal tiu putatla nu inluf si?

40 Met lutlut el tiu fulat  
liki met luti lal: ke lutlut  
šumwosnu el a fwa oanu  
met luti lal.

41 Ā efwo kom ku liye  
kutkut ma on in mutun  
lium, ā šak ma on in mutom  
kom tiu etu ka?

42 Fuka kom ku in fwak  
nu sin met lium, Ma lik, lela  
ña in esla kutkut ma on in  
mutom, ke kom šifwanu tiu  
liye šak ma on in mutom?  
Kom mwošounkas, met, kom  
sisla šak liki mutom, ā na  
kom tufwa liye mwo in esla  
kutkut liki mutun lium.

43 Tu šak mwo a tiu isūs  
fwako koluk; oyape šak  
koluk a tiu isūs fwako mwo.

44 Tu etu šak nu kemwu  
ke fwako lal. Tu met tiu  
es fokin fig ke mu, oyape  
elos tiu es fokin grep ke ko-  
kol.

45 Met mwo el wisla ma  
mwo liki tatū mwo inšiel: ā  
met koluk el wisla ma koluk  
liki tatū koluk inšiel; tu ke  
ma puspis inšiel oalul kaskas  
ka.

46 Ā efwo komwos ku pañon yu, Leum, Leum, ā tiu oru ma Ņa fwak?

47 Kutenu šu tuku nu yuruk, ā lon kas luk, ā oru mao, Ņa fwa luti nu šumwos el oanu šu: 48 El oanu sie met šu muša lom, ā pukin luāl, ā likiye mao on ten on fwin eot: ā ke kof lapak, ā sronot fuñla ma lulap nu ke lom iño, ā koflanu kususkuk mao, tu muša on fwin eot.

49 Ā el šu loñ, ā tiu oru, el oanu sie met wañin mao on ten el muša lom on fwin fok; sronot fuñla ma lulap nu ke mao, ā kitin misiñi iguri; ā lom iño mišalla ma lulap.

## ŠAPTER 7.

**K**E El kaskas ma iñi nu kemwu tu met in loñ, tuk El utyuk nu in Keperneum.

2 Ā sie senturion met kulansap lal, šu oi sel, el mas, ā akurun nu miši.

3 Ā ke el loñ ke'l Jisus, el sipaot nu Sel met elder lun met Ju, in pre siyuk Sel lun oatu ā akkei el la met kulansap lal.

4 Ā ke elos tuku yurin Jisus, elos siyuknu Sel ma lulap, fwakañ, Tu el mwo el šu oru ma iñi ka; 5 tu el luñsel met las, ā el muša imwen lolñok šes.

6 Na Jisus oelulos šom. Ā

ke El tiu lūsia liki lomwu, senturion el sipaot met kawuk nu Sel, in fwak nu Sel, Leum, kom tiu lokoluke kom; tu ña tiu mwo tu Kom ilyuk ye kuluf sik.

7 Ke ma iñi ña tiu nunku tu ña mwo in tuku nu yurum: ā kom fwaknu kas si, ā met kulansap luk fwa kela.

8 Tu ña pe akos leum, met meun elos akos yu, ā ña fwak nu sin sie, Kom šom, ā el šom; ā nu sin sienu, Kom fwasu, ā el tuku; a nu sin met kulansap luk, Kom oru ma iñi, ā el oru.

9 Ke Jisus el loñ ma iñi El lut ke'l, ā El siřwanu tapulla, ā fwak nu sin met šu fwas tukol, Na fwak nu šumwos, Na tiu konoiook lalaluñi lulap ou iñi met, mo, tiu in Israel.

10 Ā elos šu sipeyuku, ke folokla nu in lomwu, elos konoiook met kulansap su mas kelanu.

11 ¶ Ā ma te oru len si tuk, tu El ilyuk nu in sie siti pañpañ Nain; ā met tumal lutlut puspis oelul fwas, ā ma puspis metu.

12 Ā ke El tuku apkurun nu mutun oaoa lun siti, liye, elos wisla met miši liki, mwen si wunu nutin nine kiel, ā el kotinmas; ā mā puspis met lun siti elos oeluk

13 Ā ke Leum liye'l, El pakomutal, ā fwak nu sel, Kom tiu tuñ.

14 Ā El tuku kalye ra: ā elos šu wis el tu. Ā El fwak, Met fwus, Na fwak nu šum, Tukakak.

15 Ā el šu miši mutu, ā mutamwauk in kaskas. Ā El asalañ nu sin nine kīel.

16 Ā šañeñ tuku nu fwelos nu kemwu; ā elos kakšakin God, fwakañ, Met palu lulap si sikini nu yuros, ā God tuku nu yurin met sran.

17 Ā puñal iñi fwaselik sasla yin nu kemwu Judea, ā yin nu kemwu apneni.

18 ¶ Ā met tumal lutlut lun Jon elos luti nu sel ke ma nu kemwu ma iñi.

19 Ā Jon ke el pañon mu met tumal lutlut luo el sipa'ltalet nu yurin Jisus, fwakañ, Ya kom El šu a fwa tuku? ku kem a šuk sienu?

20 Ke met eltal tuku nu yurol, eltal fwak, Jon Baptist el sipe ketal mu nu yurum, in fwak, Ya kom El šu a fwa tuku ku kem a šuk sienu.

21 Ā ke auu si iñi El akkeiela ma puspis ke munas ā mas lalos, ā ke ñun koluk; ā nu sin ma puspis met kun El ora'los in liye.

22 Na Jisus tupok ā fwak nu seltal, Komtal fwasot, ā luti nu sel Jon ma komtal

liye ā loñ; fuka met kun elos liye, met ul elos fwas, met leper elos nasnas, met siloñkas loñ, met miši mol-yuk, mwo šašu luti nu sin met sigasrup.

23 Ā inši mwowo kutenu šu tiu tugulkul ke Na.

24 Ā ke met šap lun Jon eltal somla, El mutamwauk in kaskas nu sin met ke'l Jon, Mea komwos šom nu yin mesis in liye? Ya a sugo kususus ke eñu?

25 Ā mea komwos šom in liye? Ya met si nukomañ nuknuk fusas? Liye, elos šu nukomañ nuknuk mwolanu, ā me moño nelos mwope, elos mutu in lom sin togusa.

26 Ā mea komwos šom in liye? Ya met palu? Aok Na fwak nu šumwos, ā yok liki met palu.

27 El iñi, el šu ma šimusla ka, Liye, Na sipaot met šap luk, ye mutom, šu fwa akou inek lom ye mutom.

28 Tu Na fwak nu šumwos, Yurolos šu mutan isūsla wañin sie met palu yok luk el Jon Baptist: ā el šu srik liki in togusañ lun God, el yok luk el.

29 Ā met e nu kemwu šu loñ ol, ā met rošo, elos payikin God, in baptaisla tari ke baptais lun Jon.

30 Ā met Farisi ā met

manu elos kanaosla papu lun  
God lain elos, tu elos in tiu  
baptais ke'l.

31 Ke ma iñi, Ka mea Ña  
fwa pupulyūki met lun fwil  
si iñi? ā elos oanu mea?

32 Elos oanu tulig šu mutu  
niin kutakot, ā pañon mu  
sie sin sie, ā fwak, Kem niga-  
rara nu šumwos, ā komwos  
tiu srosro; kem ašor nu šu-  
mwos, ā komwos tiu tuñ.

33 Tu Jon Baptist el tuku  
tiu moño bred tiu nim wain;  
ā komwos fwak, Devil yu-  
rol.

34 Mwen nutin met El  
tuku moño ā nim; ā komwos  
fwak, Liye, met kain moño,  
ā nim wain, kawuk lun met  
rošo ā met koluk!

35 Ā Lalmetmet el payi ke  
tulig natal nu kemwu.

36 ¶ Ā sie sin met Farisi  
el luñsel tu El oelul moño.  
Ā El ilyuk nu in lom sin  
Farisi, ā El foñyuñ nu ke  
tebue.

37 Ā liye, sie mutan in siti,  
šu koluk, ke el etu tu Jisus  
el foñyuñ nu ke tebue in lom  
sin met Farisi, el wis bok in  
alabaster me akmusra, 38 ā  
el tu yakul ke niel tuñ, ā  
mutamwauk in tanla niel ke  
sruninmit, ā ěla mao ke aun  
šiuwewel, ā ñok niel, ā mwos-  
wela ke me akmusra.

39 Ā ke met Farisi šu  
šuloimu, liye, el kaskas in-

siel, fwakañ, Met si iñi el  
fwil met palu El etu šu ā  
la fuka mutan si iñi šu kalul  
tu el koluk.

40 Ā Jisus el tupokoañ  
fwak nu sel, Saimon, kutu  
ma on sik in fwak nu šum.  
Ā el fwak, Met Luti, ora-  
mu.

41 Sie met kutakot šuñ  
mao, luo met lal es šumwe  
mol; sie ke penni lum-foko,  
ā sie ke lum-ñaul.

42 Ā ke wañin me mol lal-  
tal, el nunok munas nu sel-  
tal. Ke ma iñi kom fwak  
nu sik, šu seltal luñši el  
yok?

43 Saimon el tupok ā fwak,  
Ña mu el šu el nunok mu-  
nas yok sel. Ā El fwak nu  
sel. Payi ma nununku lom.

44 Ā El ella nu sin mutan,  
ā fwak nu sel Saimon, Ya  
kom liye mutan si iñi? Ña  
ilyuk nu in lom šum met,  
kom tiu si nu sik kof in  
tanla niuk: ā el tanla niuk  
ke sruninmit, ā ěla ke aun  
šiuwewel.

45 Kom tiu ñok yu; ā mu-  
tan si iñi tukin pal si Ña  
ilyuk el ñoknu niuk.

46 Kom tiu šuñ šifwa in  
mwoswela šiuwewel; ā mutan  
si iñi el mwoswela niuk ke  
me akmusra.

47 Ke ma iñi Ña fwak nu  
šum, Ma koluk lal, ma pus-  
pis, nunok munas nu sel; tu



el luñsi ma lulap; ā nu sin  
 ſu nunok munas ma sisik,  
 el luñsi ma sisik.

48 Ā El fwak nu sel, Ma  
 koluk lom nunok munas nu  
 ſum.

49 Ā elos ſu oelul foñyuñ  
 nu ke tabel mutamwauk in  
 fwak inſielos, Met ſuſu si  
 iñi ſu nunok munas ke ma  
 koluk pe?

50 Ā El fwak nu sin mu-  
 tan, Lalalfuñi lom moli kom;  
 kom ſom eñun.

## SAPTER 8.

**A** MA te oru tuk tu El  
 fwas nu in siti ā an sisik  
 met mutu we tiu sisla sie,  
 kaskas ā luti mwo ſaſu lun  
 togusañ lun God: ā sie-ñul-  
 luo elos oelul; 2 ā kutu mu-  
 tan ſu kela met ke ñun  
 koluk ā munas, Meri pañpañ  
 Magdalen ā devil itkos ſom  
 luk el, 3 ā Joanna mutan  
 kiel ſuza, met tutaſpo lun  
 Erod, ā Susanna, ā ma pus-  
 pis pe, ſu oru nu sel ke ma  
 lalos.

4 ¶ Ā ke met puspis elos  
 takeni, ā tuku nu yurol liki  
 siti nu kemwu, El kaskas ke  
 sie pupulyuk: 5 Sie met  
 takunalik el ſom in takuna-  
 lik fute lal; ā ke el takuna-  
 lik, kutu putatla nu pupa-  
 neku; ā loñya mao, ā mwen  
 yin eñyeñu elos koñla mao.

6 Ā kutu putatla on fwin

eot; ā ke kapak, paoala, tu  
 wañin eou ka.

7 Ā kutu putatla nu yin  
 kokol; ā kokol wi kapak, ā  
 puani mao.

8 Ā kutepe putatla nu in  
 fok mwo, ā kapak, ā isūs  
 fwako sie-fok ka. Ā ke El  
 kaskas ma iñi tari, El fwak,  
 El ſu sra in loñ lela lun loñ.

9 Ā met tumal lutlut elos  
 siyuk Sel, fwakañ, Mea pu-  
 pulyuk si iñi?

10 Ā El fwak, Ma ſiot nu  
 ſumwos in etu ma foñla lun  
 togusañ lun God: ā nu sin  
 kutenu in pupulyuki; tu liye  
 elos a tiu liye, ā loñ elos a  
 tiu etu.

11 Ā pañi ma pupulyuk;  
 Fute kas lun God.

12 Elos pupaneku elos ſu  
 loñ; na devil el tuku, ā esla  
 kas liki inſielos, tu elos in  
 tiu lalalfuñi ā mol.

13 Elos on fwin eot, ke elos  
 loñ, elos es kas ke eñun; ā  
 wañin oka lalos, kutu pal  
 elos lalalfuñi, ā ke pal mel  
 elos putatla.

14 Ā mao putatla nu ke  
 kokol, ke elos loñ, elos ſom,  
 inſie ā gasrup ā eñun ke  
 fwalu sruukeni mao, ā elos  
 tiu isūs fwako mwo.

15 Ā mao on in fok mwo,  
 elos ſu ke inſielos payi ā  
 mwo, elos loñ kas ā sruk-  
 ie, ā isūs fwako ke moñfus-  
 as.

16 Wañin met, ke el ako-

sak lamu, el afwinye mao ye maši, ku filiye ye bed si; ā el likiye ke sikon lamu, tu elos šu ilyuk fwa liye kalem.

17 Tu wañin mao afwinye a fwa tiu igasla; ā mwukunla, ā a fwa tiu etauk ā fwaselik.

18 Ke ma iñi komwos liauñ, fuka komwos loñ; tu kutenu šu os ma la, a fwa šuñ nu sel; ā kutenu šu wañin ma la, fwa esla luk el ma el nunku ma la.

19 ¶ Iñi nine ā met lel elos tuku nu yurol, ā koflanu utyuk nu yurol ke met pus-pis.

20 Ā kutu oru nu Sel fwa-kañ, Nine kīum ā met lium elos tu likin umwe, kenu liye Kom.

21 Ā El tupok ā fwak nu selos, Nine kīuk ā met lik elos šu loñ kas lun God, ā oru mao.

22 ¶ Ā ma te oru ke sie len, tu El wi met tumal lut-lut sroauñ nu fwin oaku; ā El fwak nu selos, Lela kut in šom nu leyeno liki lulu. Ā elos kolot.

23 Ā ke elos kol, El motul; ā eñ lulap tumi nu fwin lulu; ā elos seseslanu ke kof, ā šenšenak.

24 Ā elos tuku nu yurol, ā oksa'lak, fwakañ, Met Luti, met luti, kut a miši. Na El

tukakak, ā kutuñye eñ ā namwot; ā elos tu misla.

25 Ā El fwak nu selos, Paya lalalfuñi lomwos? Ā elos šañeñ lut, fwakañ sie sin sie, Met šusu met šen! tu El šap nu šin eñ ā kof, ā elos aksol.

26 Ā elos tuku nu yin sin met Gadara, an tulon an Galili.

27 Ā ke El srola nu fwal si, sie met lun siti, devil yurol ma patpat, ā el tiu nukomañ nuknuk, tiu mutu in lom, tu inkulyuku, el šun ol.

28 Ā ke el liye'l Jisus, el wowoyuk, ā putatla ye mutal, ā fwak ke pusra lulap, Mea ña oru nu šum, Jisus, Mwen nutin God fulat liki nu kemwu? Ña kenu tu Kom tiu ore yu in keok.

29 (Tu el šap ñun fokfok in fwala liki met si. Tu pal puspis el sruki'lye: ā el kopur ke kapinkoslap ā fetter, ā el otalik me kopur, ā devil sipa'l ot nu yin mesis.)

30 Ā Jisus siyuk sel, fwa-kañ, Ēwošoun? Ā el fwak, Lišion: tu ma puspis devil ilyuk nu in el.

31 A elos siyuknu nu Sel, lun tiu sipa'los wot nu yin luāl.

32 Ā un kusro pig lulap si elos moño fwin eola; ā elos siyuknu nu Sel, tu lela 'e'os

in utyuk nu in elos. Ā El fule'los la.

33 Na devil elos som liki met si, ā utyuk nu in piga; ā un pig si elos kasus ma keku yin oatu nu in lulu, ā ma'l.

34 Ke elos šu kitauñ piga liye ma orala, elos kainla, ā som ā fwakak mao nu in siti ā in anu.

35 Na elos som in liye ma orala; ā tuku nu yurol Jisus, ā konoiook met si, devil som liki met, el mutu ye nien Jisus, nukomañ nuknuk, ā tiu mwul: ā elos šaņeņ.

36 Elos pe šu liye mao fwak nu selos fuka mao el šu devil yurol kela.

37 Na met nu kemwu apneni an sin met Gadara elos siyuknu nu Sel lun fwala luk elos: tu elos šaņeņ ma lulap: ā El sroauk nu fwin oaku, ā siefwil folokla.

38 Ā met si šu devil som luk el met, el siyuknu nu Sel lun mutu yurol: ā Jisus sipa'lot, fwakañ, 39 kom folokla nu lom šum, ā fwakak fuka ma lulap ma God oru nu šum. Ā el šomot, ā luti in siti nu kemwu fuka ma lulap Jisus oru nu sel.

40 ¶ Ā ma te oru, tu ke Jisus folokla, met elos eñun in as El; tu elos nu kemwu mutu šan ol.

41 Ā, liye, sie met tuku, el Jairus, ā el leum lun lolñok; ā el putatla nu ke nien Jisus, ā siyuknu nu Sel lun tuku nu in lom sel: 42 tu an siewunu natal akurun matu yiu sie-ñul-luo, ā el akurun nu miši. Ā ke El som met elos eok Sel.

43 Ā sie mutan mas ke sa širor yiu sie-ñul-luo, šu kitela ma nu kemwu ma lal ke met šatal, ā elos koflanu akkei el la, 44 el tuku tuk'ol, ā kalye sissen nuknuk lal; a kitin misiñi sa'l širor wañinla.

45 Ā Jisus el fwak, Šu kal yu wi? Ke elos nu kemwu laflafwekin, Piter ā elos šu oelul fwak, Met Luti, met puspis apinkom weni ā eokis kom, ā kom fwak, Šu kal yu wi?

46 Jisus el fwak, Sienu kal yu wi; tu Na etu tu mwo fwas liki yu.

47 Ā ke mutan liye tu el tiu mwukin, el tuku rarrar, ā putatla ye mutal, el fwak nu Sel ye mutun met nu kemwu, ke ma el kal'ilye ka, ā fuka el kela kitin misiñi.

48 Ā El fwak nu sel, An, kom eñun, tu lalalfuñi lom orek kom in kela; kom som in misla.

49 Ke El kaskas, sie met el tuku in lom mi sin leum lun lolñok, fwak nu sel, An nu-

tum miši; tiu lokoluki Met Luti.

50 Ā ke Jisus loñ, El tupok nu sel, fwakañ, Nik kom šaṇeñ; lalalfuñi mugenu, ā el tufwa kela.

51 Ā ke El tuku nu in lomwu, El lela met in tiu utyuk, Piter, ā Jemes, ā Jon, ā papa ā nine lun tulig elos mugenu.

52 Ā elos nu kemwu tuñ, ā asro'l. Ā El fwak, Nik komwos tuñ; el tiu miši, tu motul.

53 Ā elos isasunkusa nu Sel, etu tu el miši.

54 Ā El lus elos la nu kemwu, ā es paul, ā pañon, fwakañ, Mutan fwus, tukakak.

55 Ā ñunal siefwil tuku, ā kitin mišiñi el tukakak: ā El šap in šuñ ma nel.

56 Ā kiel tumal eltal lut. Ā El kaiyuk nu seltal tu eltal in tiu fwak nu sin met ma orala.

## ŠAPTER 9.

**N**A El paññōni nu sie met tumal lutlut sie-ñul-luo, ā šuñ nu selos ku, ā šap ke devil nu kemwu, ā in akkeiela mas.

2 Ā El sipa'los wot in luti togusaī lun God, ā in akkeiela met mas.

3 Ā El fwak nu selos, Komwos tiu es mao ke fwas,

tiu sikal, tiu nuk, tiu bred, tiu muni; tiu kais luo koat.

4 Ā kutenu lom komwos ilyuk nu we, mutu we, ā šom liki.

5 Ā kutenu šu tiu es komwos, ke komwos šom liki siti si iño, fotoñla fok ke niumwos ke sie akul lain alos.

6 Ā elos šomla, ā fwas sasla an met mutu we, luti mwo šašu, ā akkeiela yin nu kemwu.

7 ¶ Ā Erod tetrark el loñ ma nu kemwu ma El oru: ā el toninfoñ, tu kutu fwak, Jon el molyuk yin miše mi; 8 ā kutu, Elaias el sikmi: ā kutenu, sie sin met palu el siefwil molyuk.

9 Ā Erod el fwak, Ña tala šiufwin Jon; ka šu iñi, sin šu ña loñ kutu ma. Ā el kenu liye'l.

10 Ā met šap, ke elos folokla, elos fwak nu Sel ma nu kemwu elos oru. Ā El es elos, ā šom muku yin mesis, an lun siti pañpañ Betsaida.

11 Ā met, ke elos etu, elos fwas tuk ol; ā El es elos, ā kaskas nu selos ke togusaī lun God, ā akkei elos la elos šu enenu in kela.

12 Ā ke len mutamwauk in foñuni, sie-ñul-luo elos tuku ā fwak nu Sel, Kom sipaot metu, tu elos fwa šom nu yin met mutu we ā an

apneni, ā mutu we, ā es ma nelos; tu kem mutu yin mesis.

13 Ā El fwak nu selos, Komwos šuñ ma nelos. Ā elos fwak, Srukwalun nu bred limikos ā ik lugue mugu yuros; kut nikin kut ā la šom mol me moño nun met iñi nu kemwu.

14 Tu met elos akurun tausan limikos. Ā El fwak nu sin met tumal lutlut, Ora'los in mutu kais lum ñaul srupin met.

15 Ā elos oru ou iñi, ā ora'los nu kemwu in mutu.

16 Na El es srukwalun nu bred limikos ā ik lugue, ā ñetak nu in kosao, El ali ke mao, ā kunšalik, ā šuñ nu sin met lutlut in filiye ye mutun metu.

17 Ā elos moño, ā nu kemwu kūp; ā elos srukak kuom sie-ñul-luo luin me moño ma on yurolos.

18 ¶ Ā ma te oru, ke El muku pre, met tumal lutlut elos oelul; ā El siyuk selos, fwakañ, Met elos mu, Ña šu?

19 Elos tupokoañ fwak, Jon Baptist; ā kutu Elaias; ā kutenu mu, sie sin met palu umet el siefwil molyuk.

20 El fwak nu selos, Ya komwos mu šu Ña? Piter el tupokoañ fwak, Kom Kraist lun God.

21 Ā El kaiyuk nu selos ma lulap, ā šap elos in tiu fwak ma iñi nu sin sienu met; 22 fwakañ, Mwen nutin met keokiuñ ke ma pus-pis, ā met elder ā leum tol ā met šim elos tufwa sis El la, ā uniye, ā siefwil molyuk len si aktolu.

23 Ā El fwak nu selos nu kemwu, Sienu fwin luñši fwas tukuk, lela lun šifwanu laflafwekun al, ā srukak šaksiñ sugo lal piñanu len, ā fwas tukuk.

24 Tu kutenu met šu luñši laño mol lal tufwa tūla mao: ā kutenu met šu luñši tūla mol lal keik, El iñi tufwa laño mao.

25 Tu mea mwo sin met, el fwin es fwal nu kemwu, ā el šifwanu tūla, ku sisila?

26 Tu kutenu met a fwa mekin sik ā ke kas luk, Mwen nutin met fwa mekin sel ke El a fwa tuku in ma mwowo lal, ā ma lun Papa, ā ma lun lipufon mutal.

27 Ā Ña fwak nu šumwos payi, kutu šu tu iñi, elos tiu pulakin miši nu ke pal si elos liye togusañ lun God.

28 ¶ Ā ma te oru akurun len oalkos tukin kas iñi, El es Piter ā Jon ā Jemes, ā fwasyuk nu fwin eola in pre.

29 Ā ke El pre, mutal ekla, ā nuknuk lal fwošfwos ā šarom.

30 Ā liye, met luo, Moses ā Elaias, eltal oelul kaskas; 31 eltal sikini in ma mwowo ā kaskas ke miši El tufwa oru nu Jerusalem.

32 Ā Piter ā elos šu oelul toas ke metkel. Ā ke elos nūtalik, elos liye ma mwowo lal, ā met luo šu tu yurol.

33 Ā ma te oru, ke eltal som luk El, Piter el fwak nu sin Jisus, Met Luti, mwo nu šes in mutanu iñi; ā lela kut in muša lom sra tolu; sie šum, ā sie sin Moses, ā sie sin Elaias: el nūkin ma el fwak.

34 Ke el kaskas ou iñi, sie pukunieñ tuku, ā lololosi; ā elos šaṇeñ ke elos ilyuk nu in pukunieñ.

35 Ā pusra si tuke liki pukunieñ, fwakañ, El iñi Mwen kulu nutig; komwos loñ ol.

36 Ā ke pusra šomla tari, Jisus mugenu mutu. Ā elos mwukin mao, ā tiu fwak nu sin sie met in len iño ke mao ma elos liye.

37 ¶ Ā ma te oru, ke len si tuk ke elos oatu fwin eola mi, met puspis elos šun ol.

38 Ā, liye, sie met yurols el wowoyuk, fwakañ, Met Luti, Na siyuknu nu sum, kom in netañ nu sin mwen nutig; tu el tulig siewunu nutig.

39 Ā, liye, sie nūn el es el,

ā kitin misiñi el wowoyuk; ā el ora'l lun lulek ā atinfu-lak; ā el tupurpurelik, upa in šom luk el.

40 Ā na siyuknu nu sin met tumom lutlut in sis el la, ā elos kofflanu.

41 Ā Jisus tupokoan fwak, O fwil silalafuñi ā koluk, putaka Na mutu yurumwos, ā mutañ komwos? wisi mwen nutom.

42 Ā ke el fwasu devil el sisi'lye nu in foko, ā ora'l lun lulek. Ā Jisus kaiyuk nu sin nūn fokfok, ā El akkei el la tulig, ā siefwil asa'lañ nu sin papa tumal.

43 Ā elos nu kemwu lut ke ku lulap lun God. Ā ke elos nu kemwu lut ke ma nu kemwu ma Jisus el oru, El fwak nu sin met tumal lut-lut, 44 Lela kas iñi in utyuk nu in sreumwos, tu Mwen nutin met a fwa etūkyuñ nu in pon metu.

45 Ā elos tiu etu kas si iñi, ā mao mwukmwuk ke'los tu elos tiu etu mao: ā elos ša-ñeñ in siyuk Sel ke kas si ino.

46 ¶ Na elos tukeni asiuki sie sin sie, šu selos fwa yok liki.

47 Ā Jisus, etu ma asiuki inšielos, El es sie tulig, ā fili'lye yurol, 48 ā fwak nu selos, Kutenu met šu es tu-lig si iñi in Ēk el es yu; ā

el šu es yu, es El šu sipe yu mi: tu el šu srikliki yurumwos, el iñi fwa yok.

49 Ā Jon el tupokoan ā fwak, Met Luti, kem liye sie sisle devil in Ēum; ā kem mu lun tiu ou iñi, tu el tiu wi kem fwas.

50 Ā Jisus el fwak nu sel, Nik kom ou iñi nu sel; tu el šu tiu lain kit el wi kit.

51 ¶ Ā ma te oru, ke pal si a fwol a fwa utūkyuk El nu lun, El nunkol šumwos in šom nu Jerusalem, 52 ā El sipaot met šap ye mutal: ā elos šom, ā ilyuk nu yin sisik lun met Samaria, tu elos in ako ke'l.

53 Ā elos tiu es El, tu mutal oanu El kenu šom nu Jerusalem.

54 Ā ke met tumal lutlut Jemes ā Jon liye ma iñi, eltal fwak, Leum, kom luñ-šom tu ketal šap e in tuku in kosaoe mi, ā fur'elos yuk, oanu Elaias el oru met?

55 Ā El tapnlla, ā kai'el-tal, ā fwak, Komtal tiu etu nūnumtal.

56 [Tu Mwen nutin met el tiu tuku in kanaosla mol lun met, tu in mol elos la.] Ā elos šom nu sienu an sisik.

57 ¶ Ā ma te oru, tu, ke elos fwas inganeku, sie met el fwak nu Sel, Leum, űa tufwa fwas tukum yin nu kemwu kom fwas nu we.

58 Jisus el fwak nu sel, Inluf lun fok, ā añ kien mwon yin eñyeñu; ā Mwen nutin met wañin an El likiye šiufwel on we.

59 Ā El fwak nu sin sienu, Kom fwas tukuk. Ā el fwak, Leum, lela űa'n šom met ā pukinye papa tumak.

60 Jisus El fwak nu sel, Lela met miši in pukinye met miši lalos: ā kom šom ā luti togusañ lun God.

61 Ā sienu el pe fwak, Leum, űa tufwa fwas tukum; ā lela űa'n šom met šuñ mwilkas nu selos mutu in lom sik.

62 Ā Jisus El fwak nu sel, Met si fwin likiye paul nu ke plau, ā tapulla, el tiu fwol nu ke togusañ lun Go.

## ŠAPTER 10.

**T**UKIN ma iñi Leum El filiye kutenu met it-ñul pe, ā sipa'los wot kais luo fwas ye mutal, nu in siti nu kemwu ā an, a El fwa ši-fwanu tuku nu we.

2 Ke ma iñi El fwak nu selos, Payi kapak masla ma lulap, ā pu met orekma; ke ma iñi komwos pre nu sin Leum lun ma kapak masla, tu El sipaot met orekma nu yin ma kapak masla Lal.

3 Komwos šom; liye, űa sipe komwos la oanu kosro lam nu yurin kosro wolf.

4 Komwos tiu wis nukin muni, tiu nuk ke fwafasyis, tiu faluk; ā tiu paiñ met in-ganeku.

5 Ā in kutenu lom komwos ilyuk nu we, komwos fwak met, Mislā nu ke lom si iñi.

6 Ā mwen nutin misla el fwin mutu iño, misla lomwos fwa mutu fwe; fwin tiu ou iñi, fwa siefwil foloko nu yurumwos.

7 Ā komwos mutanu in lom si iñi, moño ā nim mao elos ašiot. Tu mwo in šuñ me mol nu sin met orekma. Komwos tiu šom liki lom iñi nu lom iño.

8 Ā in kutenu siti komwos ilyuk nu we, ā elos es komwos, moño mao ma elos likiye ye mutomwos; 9 ā akkei el la met mas šu mutu we, ā fwak nu selos, Togusañ lun God tuku apkurun nu šumwos.

10 Ā in kutenu siti komwos ilyuk nu we, ā elos tiu es komwos, komwos fwasot nu in inek lun siti si iñi, ā fwak, 11 Aok pukpuk lun siti lomwos, ma fulful ke nius, kem ělla lain komwos; ā ouyape komwos etenu ma iñi, tu togusañ lun God apkurun nu šumwos.

12 Ā ña fwak nu šumwos, tu in len si iño an Sodom mwo liki siti si iño.

13 We nu šum Koresin! we nu šum Betsaida! tu fwin orek me orek ma lulap in Tair ā Saidon met, ma orek yin šumtal iñi, eltal au-liyuk u-met in nuknuk mwa šeñšeñ ā apat.

14 Ā an Tair ā Saidon in ošun mwo liki šumtal.

15 Ā kom Keperneum, ma akfulatye nu in kosao, fwa sisyyikla nu in hell.

16 El šu loñ komwos, loñ yu; el šu sruñe komwos, sruña yu; ā el šu sruña yu, sruñ el šu sipe yu mi.

17 Ā it-ñul elos siefwil folokla ke eñun, fwakañ, Leum, aok devil elos akos kem ke Ē'um.

18 Ā El fwak nu selos, Ña liye Setan el putatla in kosae mi oanu šarom.

19 Liye, Ña šiot nu šumwos ku in loñye fwin serpent ā skorpion, ā ke ku nu kemwu lun lokwalok; ā wa-ñinu ma ku in akkoluki komwos.

20 Ā tu ke ma iñi komwos tiu eñun, tu ñun elos akos komwos; ā tu komwos eñun ke ma iñi, tu ěumwos šimla in kosao.

21 ¶ In auu si iño Jisus el eñun in ñun, ā fwak, Ña kulu nu Šum, O Papa, Leum in kosao ā fwalu, tu Kom mwukin ma iñi liki lalmetmet ā lalkuñ, ā oaliñalik



mao nu sin kitin tulig; aok  
O Papa, tu ou iñi mwo ye  
mutom.

22 [Ā el forla nu sin met  
tumal lutlut ā fwak,] Papa  
tumuk El aši nu Eik ma nu  
kemwu; ā wañin inet etu šu  
Mwen, tu Papa mugenu; ā  
šu Papa, tu Mwen mugenu,  
ā nu sin šu Mwen tufwa  
fwakulak.

23 Ā El šifwanu tapulla  
nu sin met tumal lutlut mu-  
ku ā fwak, Inši mwowo mu-  
talos šu liye mao ma ko-  
mwos liye.

24 Tu Ņa fwak nu šumwos,  
ma puspis met palu ā togusa  
elos kenu liye mao ma ko-  
mwos liye, ā elos tiu liye; ā  
in loñ mao ma komwos loñ,  
ā elos tiu loñ.

25 ¶ Ā, liye sie met manu  
el tuyuk, ā srifwel, fwakañ,  
Met luti, mea ña oru tu ña  
fwa es mol ma patpat?

26 El fwak nu sel, Mea  
šimusla in manu? fuka kom  
rid?

27 Ā el tupokoañ fwak,  
Kom luñšom Jeova God lom  
ke inšium kemwu, ā ke ñu-  
num kemwu, ā ke ku lom  
kemwu, ā ke nunkom ke-  
mwu; ā met tulon lom oanu  
kom šifwanu.

28 Ā El fwak nu sel, Payi  
ma kom tupok; oru ma iñi,  
ā kom tufwa mol.

29 Ā ke el luñšel šifwanu

payikunal, el fwak nu sin  
Jisus, Ā šu met tulon luk?

30 Ā Jisus tupokoañ fwak,  
Sie met el oatu Jerusalem  
mi nu Jeriko, el tuku nu  
yurin met iñunyar, šu šaru-  
kla nuknuk lal, ā kunta'lye  
ā fili'lye akurun nu miši,  
šomla.

31 Ā ma te oru tu sie met  
tol el oatu nu in inek iño;  
ā ke el liye'l el fwas alukela  
nu leyeno.

32 Ā ouyape sie met Livait,  
ke el mutu iño, el tuku ā  
ñetañ nu sel, ā fwas alukela  
nu leyeno.

33 Ā sie met Samaria, ke  
el fwafwasyis, el tuku yin el  
mutu we; ā ke el liye'l el  
pakomuta'l, 34 ā tuku nu  
yurol, ā lolūni kinit ke'l,  
okūye kaki ā wain nu ke, ā  
fili'lye fwin kosro natal, ā  
wis el nu in imwen met  
fwas, ā liye'lañ.

35 Ā lutu ke el šomla, el  
es akurun kwater si in šuñ  
nu sin šu liye'lañ, ā fwak nu  
sel, Kom liye'lañ; ā kom  
fwin siefwil es kutepe, ke ña  
siefwil tuku, ña fwa mol nu  
šum.

36 Kom nunku šu ka met  
tolu iñi met tulon lal, šu  
fwas nu yurin met iñunyar?

37 Ā el fwak, El šu pako-  
muta'l, Na Jisus el fwak nu  
sel, Kom fwasot, ā oru ou-  
yape.

38 ¶ Ā ma te oru ke elos fwafwasyis tu El utyuk nu in sie an sisik met mutu we; ā sie mutan ē Marta el es El nu in lom sel.

39 Ā sie tāel pañpañ Meri, šu muta pe ke nien Jisus, ā loñ kas lal.

40 Ā Marta el kafofo ke orek ma lulap, ā el tuku nu yurol, ā fwak, Leum, ya kom pulesu tu ma tāik el fili yu wi mugenu in oru? ke ma iñi kom sipa'l lun kase yu.

41 Ā Jisus el tupok ā fwak nu sel, Marta, Marta, kom nunkauk ā lokolok ke ma puspis: 42 ā sie me enenu; ā Meri el šulūla ma mwo, ma a tiu etūkla luk el.

### ŠAPTER 11.

**A** MA te oru, tu ke El pre in sie an, ke pre tari, sie sin met tumal lutlut el fwak nu Sel, Leum, luti nu šes in pre, oanu Jon el lute pe tumal lutlut lal.

2 Ā El fwak nu selos, ke komwos pre, fwak, Papa tumus šu in kosao, Ē'los oul payi. Togusaī Lalos tuku. Lela Elos luñselos in oru, ou in kosao, ouyape nu fwalu.

3 Kite kit mi me mono piñanu len.

4 Ā nunok munas nu šes ke ma koluk las; tu kut pe nunok munas nu selos nu kemwu šu tiu payi nu šes.

Ā tiu kol kit kut in mel; [tu es kitla liki ma koluk.]

5 Ā El fwak nu selos, Šu šumwos fwa sie met kawuk lal, ā fwa šom nu yurol infulwin foñ, ā fwak nu sel, Met kawuk, si nu sik srukwal tolu; 6 tu sie met kawuk luk ke el fwafwasyis tuku nu yuruk, wañin nu ma n'un likiye ye mutal.

7 Ā el šu lomwu fwa tupokoan ā fwak, Kom tiu lokoluki yu; mutun oaoa kauli, ā tulig nutig elos on yuruk fwin kŭlŭs; Na koflanu tukakak in šiot nu šum.

8 Na fwak nu šumwos, El fwin tiu tukakak ā šuñ nu sel tu el met kawuk lal, ā tu ke siyuknu siyuknu el tufwa tukakak ā šuñ nu sel yikas el enenu.

9 Ā ña fwak nu šumwos, Siyuk, ā a fwa šiot nu šumwos; šuk, ā komwos tufwa konoioik; tomwolak, ā a fwa igasla nu šumwos.

10 Tu elos šu siyuk es; ā el šu šuk konoioik; ā nu sin šu tomwolak a fwa igasla.

11 Sie mwen el fwin siyuk bred sin sie šumwos šu papa, ya el fwa šuñ eot nu sel? ku el fwin siyuk ik, ya el fwa šuñ serpent nu sel in aolla, ik?

12 Ku el fwin siyuk atro, ya el fwa šuñ skorpion nu sel?

13 Ke ma iñi komwos met koluk fwino etu in šuñ ma mwowo nu sin tulig nutu-mwos; fuku ma yoknu Papa tumomwos šu in kosao a fwa šuñ Nun Mutal nu selos šu siyuk sel.

14 ¶ Ā El sisle devil liki, ā El sikas. Ā ma te oru, ke devil el šom liki, ma sikas el kaskas; ā met elos lut.

15 Ā kutu selos fwak, El sisle devil like ke Beelzebul leum lun devil.

16 Ā kutenu srifwel, elos siyuk Sel akul si in kosaoe mi.

17 Ā El etu nunkolos ā fwak nu selos, Togusaī nu kemwu šifwanu aes tufwa wañinla; ā lom šifwanu aes iguri.

18 Ouyape Setan el fwin šifwanu aes, fuka togusaī lal tufwa tu? tu komwos mu Āa sisle devil liki ke Beelzebul.

19 Ā Āa fwin sisle devil liki ke Beelzebul, ke šu mwen nutomwos sis elos la? ke ma iñi elos tufwa met nununku lomwos.

20 Ā Āa ke kufin paul God fwin sisle devil liki, payi togusaī lun God tuku nu yuromwos.

21 Ke met ku šifweni me meun el liauñ lom sel, ma lal on misla: 22 ā ke sie ku luk el tuku nu fwel, a kutñu'l

la, el esla luk el nu kemwu me meun lal ma el lalalfuñi ke, ā kitelik ma el es.

23 El šu tiu wi yu el lain yu; el šu tiu wi yu wiseni el luselik.

24 Ke nūn fokfok fwala liki met si, el fwafwasyis sasla an paoala, šuk moñla; ā tiu nu konoioik, el fwak, Āa fwa folokla nu lomsik yin ña fwas we mi.

25 Ā ke el tuku, el konoioik la imom ā yinla.

26 Na el šom, ā es kutenu nūn itkos koluk luk el; ā elos ilyuk ā mutu we: ā ma tuk lun met si iñi koluk liki ma meta.

27 Ā ma te oru, ke El kas-kas ma iñi, sie mutan yurin met puspis tukeni el srukak pusral, ā fwak nu Sel, Inši mwowo inšien su oswe kom la, ā mutun titi ma kom titi ka.

28 Ā El fwak, Aok, mwo pe elos šu loñ kas lun God, a liauñ mao elos inši mwowo liki.

29 ¶ Ā ke met puspis tu-keni tiñtiñi, El mutamwauk in fwak, Fwil si iñi fwil koluk. Elos šuk sie akul; ā wañin akul fwa šiot nu ka, tu akul si lun Jonas met palu.

30 Tu oanu Jonas el sie akul nu sin met Nineva, ouyape Mwen nutin met fwa nu sin fwil si iñi.

31 Kosoa yin eur el fwa tuyuk yin oşun yurin met lun fwil si iñi, ā lus elos la; tu el tuku yin tafwun fwale mi in loñ lalmetmet lun Solomon; ā liye, sie yok luk el Solomon mutu iñi.

32 Met Nineva elos tufwa tuyuk in oşun yurin fwil si iñi, ā fwa lusla mao: tu elos auliyuk ke ma luti lun Jonas; ā, liye, sie yok luk el Jonas mutu iñi.

33 Ā wañin met, ke el akosyuk lamu, el filiyen niin mwukma, tiu ye tup si, tu on fwin sikon lamu, tu elos şu utyuk fwa liye kalem.

34 Kalem lun mano muta: ke ma iñi ke mutom mwo, monum nu kemwu tiñtiñinu ke kalem; ā ke koluk, monum pe tiñtiñinu ke los.

35 Ke ma iñi liauñ tu kalem ma in kom a tiu los.

36 Ke ma iñi fwin monum nu kemwu tiñtiñinu ke kalem, wañin an los ke, ma nu kemwu fwa tiñtiñinu ka kalem, oanu ke lam akkalemye kom mwo.

37 ¶ Ā ke El kaskas, sie met Farisi siyuknu sel lun oelul moño; ā El utyuk nu lñ, ā foñyuñ.

38 Ā ke met Farisi liye, el lut tu El tiu tanla met moño tuk.

39 Ā Leum el fwak nu sel, Iñi komwos met Farisi orek

likin kup ā pulet in nasnas; ā inşiumwos tiñtiñinu ke kanaosten ā koluk.

40 Komwos lalfon, ya El şu orek ma lik El tiu orek ma lñ pe?

41 Mwo tu komwos şuñ me pakomutu ke kutu ma os yurumwos; ā, liye, ma nu kemwu fwa nasnas yurumwos.

42 Ā we nu şumwos met Farisi: tu komwos aksieñu-lye miñt ā ru, ā şak keñ kemwu, ā aksitoiyela ma nunuku ā luñ lun God: mwo tu komwos in oru ma iñi, ā tiu sisle ma iño.

43 We nu şumwos met Farisi! tu komwos luñşomwos me mutu fulat in lol-ñok, ā paiñ niin kitakot.

44 We nu şumwos [met şim ā met Farisi mwosounkas!] tu komwos oanu luf kiin mas, wañin akulinye, ā met şu fwafwasyis fwe elos tiu etu mao.

45 Na sie sin met manu el tupok ā fwak nu Sel, Met Luti, ke kas si iñi kom kas ko pe ke's.

46 Ā El fwak, We nu şumwos pe, met manu! tu komwos likiye mao fwin met ma toas lanu in wis, ā komwos şifwanu tiu kal ma elos wis ke sie kufin poumwos.

47 We nu şumwos! tu ko-

mwos muša inkulyuk lun met palu, ā papa tumomwos elos on'elos la.

48 Ke ma iñi komwos orek ma lo tu komwos mu payi me orekma lun papa tumomwos: tu payi elos on'elos la, ā komwos muša inkulyuk lalos.

49 Ke ma iñi pe lalmetmet lun God fwak, Ña tufwa sipaot met palu ā met šap, nu selos, ā kutu selos elos tufwa uniye ā kolyai.

50 Tu sa lun met palu nu kemwu ma širor ke mutamwauk fwalu nu iñi, fwa siyuk fwil si iñi ka; 51 sa lun Ebel mi nu ke sa lun Zakarias, šu miši infulwin lañ ā tempel: Payinu Ña fwak nu šumwos, a fwa siyuk fwil si iñi ke mao.

52 We nu šumwos met manu! tu komwos esla ki lun lalmetmet; komwos šifwanu tiu ilyuk, ā elos šu ilyuk komwos igulye.

53 Ā ke El kaskas ma iñi nu selos, met šim ā met Farisi elos mutamwauk in ora'l ma lulap, ā in akmu lun kaskas ke ma puspis; 54 elos mutu šan ol, ā šuk in srukie kutu ma ke oalul, tu elos fwa kas lain ul.

## SAPTER 12.

**I**NFULWIN pal sa, ke met puspis nu puspis elos tu-

keni, oanu tu elos loñye sie sin sie, El mutamwauk umet in fwak nu sin met tumal lutlut, Komwos liauñ me pulolak lun met Farisi, ma mwošounkas.

2 Tu wañin kutu ma afwin ma a fwa tiu igakla; ā mwukin, ma a tiu etauk.

3 Ke ma iñi, kutenu ma komwos kaskas in los a fwa loñ in kalem: ā ma kaskas nu in sre in fukil a fwa fwakak fwil mañon lomwu.

4 Ā Ña fwak nu šumwos met kawuk luk, Nik komwos šañeñ selos šu uniye mano, ā tuk wañin kutenu ma elos ku in oru.

5 Ā Ña luti nu šumwos šu komwos fwa šañeñ: Komwos šañeñ Sel, šu tukin pal si El uniye El ku in sisla nu in hell; aok, Ña fwak nu šumwos, komwos šañeñ nu Sel.

6 Ya tiu kuko kitin mwon sisik linikos ke kitin muni luo, ā sie selos tiu mulkunla ye mutal God?

7 Aok tu aun šiufwomwos nu kemwu oaoala. Ke ma iñi nik komwos šañeñ; komwos mwo liki mwon sisik puspis.

8 Ouyape Ña fwak nu šumwos, kutenu met šu tufwa fwak yu yuk ye mutun met, Mwen nutin met el tufwa

fwakulak ye mutun lipufon lun God.

9 Ā el šu lafwekin yu ye mutun met, fwa lafwekunal ye mutun lipufon lun God.

10 Ā el šu kaskas sie kas lain Mwen nutin met, a fwa nunok munas nu sel: ā el su kaskas ko lain Ānun Mutal a fwa tiu nunok munas nu sel.

11 Ā ke elos wis komwos nu niin lolñok, ā nu niin leum sisik, ā ma ku, komwos tiu nunkauk fuka ā mea ma komwos tufwa tupok, ku ma komwos tufwa fwak; 12 tu Ānun Mutal el fwa luti nu šumwos ke auu ša, ma mwo komwos tufwa fwak.

13 ¶ Ā sie sin un met el fwak nu selos, Met Luti, kom fwak nu sin ma lik, tu el wi yu kitelik mwurinpunu.

14 Ā El fwak nu sel, Met šu ore yu met nununku, ku met kitelik nu šumtal?

15 Ā El fwak nu selos, Komwos liauñ ā sismouk ma rapku; tu mol lun met tiu ke ma puspis ma lal.

16 Ā El kaskas sie pupul-yuk nu selos fwakañ, Fwal sin sie met gasrup kapak ma puspis: 17 ā el nunkauk in-šiel, fwakañ, Mea ña fwa oru, tu wañin an ña likiye ma kapak luk on we?

18 Ā el fwak, Ña fwa oru ma iñi; Ña tufwa kanaosla imwen ma kapak luk, ā mu-ša yok liki; ā iño ña tufwa filiye nu kemwu ma kapak luk ā ma luk.

19 Ā ña tufwa fwak nu sin ñunik, Ānun, ma puspis ma lom on nu ke yiu puspis; es moñla lom, moño, nim ā eñu-nak.

20 Ā God fwak nu sel, Kom lalfon, foñ si iñi elos siyuk šum ke ñunum: na lun šu ma iño, ma kom likiye?

21 Ou iñi el šu likiye ma lal ke'l šifwanu, ā tiu gasrup nu ke'l God.

22 Ā El fwak nu sin met tumal lutlut, Ke ma iñi Ña fwak nu šumwos, Komwos tiu nunkauk ke mol lomwos, ma komwos fwa moño; tiu ke monumwos, ma komwos a nukomañ.

23 Mol mwo liki me moño, ā mano mwo liki nuknuk.

24 Komwos nunkauk mwon reven; tu elos tiu takunalik tiu kosrōni; wañin lom sin ma lalos ā sin ma kapak; ā God kiti nu selos: ā fuka komwos a yok ā mwo liki mwon?

25 Ā šu šumwos ke nunkauk el fwa aklūsye ke sie kubit?

26 Ke ma iñi komwos fwin tiu ku in oru kutu ma ke

ma sisik, efwo komwos ku nunku ke kutenu?

27 Komwos nunku ke kiuf, elos kapak fuka: elos tiu orekma, elos tiu isap; a Na fwak nu sumwos, tu Solomon in nu kemwu ma mwowou lal el tiu yinla oanu sie selos.

28 Na God el fwin akkapye ma ouiñye, ma on in ima si misiñi, a lutu sista nu in fwunyou; mea yok El tufwa nukom komwos yuñ, O komwos lalalfuñi ma sisik?

29 A komwos tiu suk ma komwos a moño, a ma komwos a nim, a komwos tiu fosña.

30 Tu metu lun fwal nu kemwu elos suk ke ma iñi; a Papa tumomwos El etu tu komwos enenu ma iñi.

31 A mwo tu komwos suk togusaí lun God; a ma iñi nu kemwu tufwa siot pe nu sumwos.

32 Nik komwos sañeñ, u sisik; tu Papa tumomwos El kenu siot togusaí nu sumwos.

33 Komwos kuko ma lomwos, a kitala me pakomutu; komwos orek nu sumwos nukin muni ma tiu matula, ma mwowo in kosao ma a tiu wañinla, yin wañin met pusupas utyuk nu we, a mwotil tiu akkoluki.

34 Tu yin ma mwowo lo-

mwos on we, iño pe inñiu-mwos fwa on we.

35 ¶ Lela komwos in loseni kapinñiomwos, a lam lomwos in fururiuk; 36 a komwos šifwanu oanu met šu mutu šano leum lalos, ke el šom nu ke akonkon tuku; tu ke el tuku a tomwolak, elos šilaklak in igasla nu sel.

37 Inñi mwowo met kulanšap iño, šu ke leum tuku el fwa konoioik la šano. Payinu na fwak nu sumwos, el a fwa losi'lye, a ora'los in foñyuñ nu ke tebue, a el tufwa tuku a kulanšap alos.

38 A el fwin tuku in šano akluo, ku tuku in šano akto-lu, a konoiolosyuk ou iñi, inñi mwowo met kulanšap iño.

39 A etu ma iñi, tu met kato el fwin etu auu šu met pusupas a tuku, el tufwa šano, a in tiu pulesu lom sel in mušalla.

40 Ke ma iñi komwos in ako pe; tu Mwen nutin met el tuku auu si ke komwos tiu nunku.

41 ¶ Na Piter el fwak nu Sel. Leum; kom kaskas pupulyuk si iñi nu ke's, ku nu ke kewanu?

42 A Leum fwak, Na šu met tataŋpo mwo a lalmetmet, šu leum lal el tufwa ora'l lun liauñ sou lal, in ašuñ nu selos me moño nelos ke pal mwo si?

43 Inši mwôwo met tutaſpo iño, ſu leum lal ke el tuku el fwa konoïok in oru ou iñi.

44 Payi Na fwak nu ſumwos, el a fwa ora'l lun liauñ ma nu kemwu ma lal.

45 Ā met kulanſap iño el fwin fwak inſiel, Leum luk patlanu in tuku; ā el fwa mutamwauk in poukol met kulanſap mogul ā mutan, ā in moño ā nim, ā in srui; 46 Leum lun met kulanſap iño el tufwa tuku in len si ke el tiu ſan ol, ā in auu si ke el tiu etu, ā el a fwa otalalik ā a fwa likiye ma lal yurin ma silalalfuñi.

47 Ā met kulanſap iño, ſu etu ma luñſi lun leum lal, ā tiu ako, ā tiu oru ma luñſi lal, tufwa poukol ka pūſpis.

48 Ā el ſu tiu etu, ā oru ma pūſpis ke popo, tufwa poukol ka pu. Tu nu sin ſu aſuñ ma lulap, tufwa ſuk ma lulap ke'l; ā nu sin ſu met filiye ma pūſpis yurol elos tufwa ſiyuk yok liki ke'l.

49 ¶ Na tuku in sis e nu fwalu; ā mea Na luñsik, fwin ma tanak iñi?

50 Ā sie baptais luk in baptaisla ka; ā fuka Na keokiun nu ke pal si orek tari!

51 Ya komwos nunku tu Na tuku in sipaot misla nu

fwalu? Na fwak nu ſumwos, Mo; tu in eselik.

52 Tu tuko met limikos in sie lom elos eselik, tolu lain luo, ā luo lain tolu.

53 Papa tufwa eselik lain mwen, ā mwen lain papa; nine lain an, ā an lain nine; sienu nine lain sienu an, ā sienu an lain sienu nine.

54 ¶ Ā el fwak pe nu sin un met si, Ke komwos liye pukunieñ si ſikyuk kepin kosao, kitin miſiñi komwos fwak, lañ kakla; ā ma ouyape.

55 Ā ke eñ eur tu mi, komwos mu, Tufwa fwol: ā tufwa ouyape.

56 Komwos mwoſounkas, komwos ku in etu mutun kosao ā fwalu; ā fuka tu komwos tiu etu pal si iñi?

57 ¶ Āok, ā efwo komwos ku ſifwanu tiu nunkauk kutu ma payi?

58 Ke kom wi met añañ lom fwas nu sin leum sisik, ke fwas ineku, kom sriki ma lulap tu el in tula kom la; fwin tiu ou iñi el fwa wis kom nu sin met nununku, ā met nununku el fwa es kom yuñ nu sin met roſo, ā met roſo el sis kom yuñ nu in prison.

59 Na fwak nu ſum, kom koſlanu fwala liki, nu ke pal si kom ſuñ mol nu ke kitin muni sisik utuko.



ŠAPTER 13.

**K**UTU met mutaiñi ke pal si iño šu fwak nu Sel ke met Galili, sa'n šu Pailat el toeni nu ke kiše lalos.

2 Ā Jisus tupokoañ fwak nu selos, Ya komwos nunku mu tu met Galili iñi elos koluk liki met Galili nu kemwu, tu elos keokiun ke ma iñi?

3 Na fwak nu šumwos, Mo: tu komwos fwin tiu auliyuk, komwos nu kemwu tufwa miši ou iñi.

4 Ku elos met sie-ñul-oalkos imwen šan Sailoam putatla nu fwe, ā on'elos la, Ya komwos nunku mu tu elos koluk liki met nu kemwu šu mutu Jerusalem?

5 Na fwak nu šumwos, Mo: tu komwos fwin tiu auliyuk, komwos nu kemwu tufwa miši ou iñi.

6 ¶ El kaskas pe pupulyuk si iñi; Sie met el eoki šak fig in ima fain si lal; ā el tuku ā šuk fwako ka, ā tiu konoioik.

7 Na el fwak nu sin met liaun ima fain si lal, Liye, yiu tolu iñi na tuku in šuk fwako on wulin šak iñi, ā tiu konoioik; kom pokiye mao; efwo el ku akkoluki foko?

8 Ā el tupokoañ fwak nu Sel, Leum lela in on ke yiu

si iñi pe, nu ke pal si na fwa pukpuk apneni, ā šun fok mwo nu ke; 9 ā el fwin isus fwako, tari: ā fwin wainin, tuko kom tufwa pokiye mao.

10 ¶ Ā El luti in sie imwen lolnok ke len sabat.

11 Ā, liye, sie mutan iño el mas ke nun munas yiu sie-ñul-oalkos, ā el foiñyuk, ā el kofflanu šifwanu keyuk.

12 Ā ke Jisus liye'l, El pañol mu, ā fwak nu sel, Mutan, mas lom tulala liki kom.

13 Ā El filiye paul fwel; ā kitin misiñi el šumwoselik, ā kakšakin God.

14 Ā leum lun lolnok el tupokoañ ke mulat, tu Jisus akkei el la ke len sabat, ā el fwak nu sin metu, Len onkos len orekma lun metu; ke ma iñi komwos tuku in len iño in kela, ā tiu ke len sabat.

15 Na Leum tupok nu sel, ā fwak, Mwošounkas, ya komwos nu kemwu ke len sabat tiu tulala kau mogul natal ku ass liki an el moño we, ā kolol nu yin el nim kof we?

16 Ya tiu mwo tu mutan si iñi, an nutin Ebrean, šu Setan el loseni, liye, yiu sie-ñul-oalkos iñi, in tula'l la liki me kopur iñi ke len sabat?

17 Ā ke El fwak ma iñi tari,

met añañ lal nu kemwu elos mekin; ã met e nu kemwu elos eñun ke mwo nu kemwu ma El oru.

18 ¶ Na El fwak, Togusaï lun God oanu mea? pupulyuk šu Ña tufwa polyauk ka?

19 Ma oanu futin mustard si, ma met si es, ã sisla nu in kolkol lal; ã ma kapak, ã tufwa šak lulap; ã mwon yin eñyeñu elos mutu fwin lešak ka.

20 ¶ Ā El siefwil fwak, Ke pupulyuk šu Ña fwapolyauk togusaï lun God?

21 Ma oanu me pulolak, ma mutan si es ã mwukin nu in me srigusrok flour tolu, nu ke pal si ma nu kemwu pulolak.

22 ¶ Ā El fwas sasla siti ã an sisik met mutu we, luti, ã fwafwasyis nu Jerusalem.

23 Na sie el fwak nu Sel, Leum, ya met pu fwa mol? Ā El fwak nu selos, 24 Komwos kaifwauñ in ilyuk nu in mutun oaoa ousriksrik; tu Ña fwak nu šumwos, ma puspis elos sriki in ilyuk, ã koflanu.

25 Ke met kato el tuyuk, ã kaliye mutun oaoa tari, ã komwos mutamwauk in tu likin umwe, ã in tomwolak sruñul, fwakañ, Leum, Leum, igasla nu šes; ã el tufwa tupok ã fwak nu šu-

mwos, Ña tiu ete komwos an komwos tu we mi.

26 Na komwos tufwa mutamwauk in fwak, Met kem moño ã niin ye mutom, ã met kom luti in inganek las.

27 Ā El tufwa fwak, Ña fwak nu šumwos, Ña tiu ete komwos an komwos tu we mi; fwala liki yu, Komwos nu kemwu šu orek ma koluk.

28 Iño tufwa tuñnu ã ña-ñorñor in mwusi, ke komwos tufwa liye Ebrean ã Aisaak, ã Jakob, ã met palu nu kemwu, in togusaï lun God, ã komwos sisila liki.

29 Ā elos tufwa tuku yin kutulap tu we mi, ã yin roto tu we mi, ã yin epuñ tu we mi, ã yin eur tu we mi, ã fwa foñyuñ yin tebue in togusaï lun God.

30 Ā, liye, masi tuko elos fwa metla, ã masi meta elos fwa tukla.

31 ¶ Ā len si iñi kutu sin met Farisi tuku, fwak nu Sel. Kom tuyuk liki, ã fwasot; tu Erod el kenu uni kom wi.

32 Ā El fwak nu selos, Komwos fwasot, ã fwak nu sin alopeksi'ño, Liye, Ña sisla devil liki; ã Ña akkeiala misini ã lutu, ã len si aktolu Ña orek tari.

33 Ā mwo tu Ña fwafwasyis misini, ã lutu, ã mwulila: tu ma koflanu oru tu

met palu uniye likin Jerusalemin.

34 O Jerusalem, Jerusalem, su uniye met palu, a tuñ lalos su sipeyuku nu sum; fuka pal puspis Na luñsik suloini tulig nutum nu sie, oanu mwonyen el suloini trokrok natu ye paul, a komwos siluñsi!

35 Liye, lom sum on wañin karwuñinye: a payi Na fwak nu sumwos, Komwos tufwa tiu liye yu tuk, nu ke pal si ke komwos a fwak, Inñi mwowo el su tuku in El Leum.

#### SAPTER 14.

**A** MA te oru, tu ke El utyuk nu in lom sin sie leum lun met Farisi in moño bred ke len sabat, elos san ol.

2 A liye, sie met ye mutal su mas pulunsron.

3 A Jisus el tupokoan fwak nu sin met manu a met Farisi, fwakañ, Ya oul ku tiu oul in kela ke len sabat?

4 A elos misla. A El asal, a akkeiel la, a lela lun som; 5 a tupok nu selos, fwakañ, Su sumwos ass nata ku kau mogul putatla nu inluf si, a el tiu silaklak in sruklulak ke len sabat?

6 A elos koflanu siefwil tupokoan nu sel ke ma inñi.

7 ¶ A El fwakak sie pupulyuk nu selos suloimu, ke El

liye fuku elos suli an fulat: fwakañ nu selos, 8 Ke sienu met el suli kom nu ke akonkon, kom tiu mutu yin fulat liki nu kemwu; tu el fwin suloimu sie met fulat liki kom; 9 a el su suli komtal tuku a fwak nu sum, Tuyuk el lun in mutu inñi; a kom mutamwauk ke mekin in mutu yin pusisel.

10 Tu ke kom suliukmi, kom som mutu yin pusisel lanu; tu ke el su suli kom mi tuku, el tufwa fwak nu sum, Met kawuk, fwasu nu meta; na elos su wi kom moño tufwa sunakin kom.

11 Tu el su sifwanu akfulatye'l el tufwa pusisel: a'el su sifwanu akpusiselye el tufwa fulat.

12 Na el ouyape fwak nu sel su suloilmu, Ke kom orek dinner ku supper, kom tiu suloimu met kawuk lom, ku ma lium, ku met sou lom, ku met gasrup tulon lom: tu elos pe tufwa siefwil suli kom, a tufwa moli kom ka.

13 Tu ke kom orek kofwo, kom suloimu met sigasrup, met fuka, met ul, met kun, 14 a kom tufwa inñi mwowoka; tu elos koflanu moli kom la; tu kom tufwa es mol ke molyuk lun met payi.

15 ¶ A ke sie selos su

oelul foñyuñ nu ke tebue loñ ma iñi, el fwak nu Sel, Inši mwowo el šu tufwa moño in togusañ lun God.

16 Na El fwak nu sel, Sie met el orek supper lulap, ā šuloimu ma puspis.

17 Ā ke pal si supper el sipaot sie met kulanšap lal in fwak nu selos šu el šuli, Fwasu, tu ma nu kemwu ako iñi tari.

18 Ā elos nu kemwu mutamwauk in fwak ma igololosi. Masi meta el fwak nu sel, Na mol sie an tari, na kenu šom liye; Na kenu tu kom igul yu wi.

19 Ā sie pe el fwak, Na mól kais limikos kau mogul, ā na šom srik alos: na kenu tu kom igul yu wi.

20 Ā sienu el fwak, Na mari mutan kiuk, ā ke ma iñi na koflanu tuku.

21 Ā met kulanšap iñi tuku, ā fwakak ma iñi nu sin leum lal. Na met kato el mulat ā fwak nu sin met kulanšap lal, Kom šilaklak in šom nu inek lulap ā ma sisik lun siti ā wisalmu met sigasrup, ā met fuka, ā met ul, ā met kun.

22 Ā met kulanšap el fwak, Leum na oru oanu kom šap, ā kutenu an fwos.

23 Ā leum el fwak nu sin met kulanšap, Kom fwala nu inek lulap ā ma sisik, ā

kaifwe'los in tuku, tu lom sik tufwa tiñtiñinu.

24 Tu na fwak nu šumwos, Tu wañin sie sin met šu na šuloimu elos tufwa pulakin supper nuk.

25 ¶ Ā un met lulap si oelul fwas: ā El tapulla, ā fwak nu selos, 26 Met sinu fwin tuku nu yuruk, ā tiu sruñu papa tumal, ā nine, ā mutan kiēl, ā tulig, ā lel, ā loul, aok, ā mol lal pe, el koflanu met tamuk lutlut.

27 Ā el šu tiu wis šaksiñ sugo lal, ā fwas tukuk, el koflanu met tamuk lutlut.

28 Tu šu šumwos, el nunku in muša imwen šan, el tiu mutanu met ā nunkauk me mol in orek, el la os ku tiu os?

29 Fwin tiu ou iñi, tukin pal si el mutamwauk, ā tiu ku in orek tari, elos nu kemwu šu liye, mutamwauk in aksruksrukak, fwakañ, 30 Met si iñi el mutamwauk in muša lom, ā el tiu ku in orek tari.

31 Ku togusa šu, ke el šom in meun lain sienu togusa, el tiu mutanu met, ā papu el a la ku ke sie-ñul tausan in šun ol šu tuku lain ul ke lo-ñul tausan?

32 Fwin tiu ou iñi, ke sienu el lūs lanu luk el, el sipaot met eumwel, ā kenu etu ma ora'l lun misla.

33 Ke ma iñi ouyape, el šu šumwos tiu aliki ma nu kemwu ma lal, el koflanu met tumak lutlut.

34 ¶ Sol mwo : ā solu fwin tiu emak, ā fwa solela ya ?

35 Ma a fwa tiu mwo ke an, ā tiu mwo ke elosak fok lun kau ; ā met elos sisla. El šu sra in loñ lela lun loñ.

## SAPTER 15.

**N**A met rošo ā met koluk elos nu kemwu fwas apkurun nu yurol in loñ ol.

2 Ā met Farisi ā met šim elos torkaskas, fwakañ, Met si iñi El es met koluk, ā oelulos moño.

3 Ā El kaskas pupulyuk si iñi nu selos, fwakañ, 4 Met šu šumwos šip sie-fok nata, el fwin tūla sugo selos, ya el tiu likiye eu-eu yin mesis, ā fwas tukin ma sugo tūla, nu ke el konoilok ?

5 Ā ke el konoilok, el eñun likiye on fwinpisel.

6 Ā ke el tuku nu yin sel, el pañnoini nu sie met kawuk lal ā met tulon, fwakañ nu selos, Komwos wi yu eñun ; tu ña konoioik sugo šip nutig ma tūla.

7 Ña fwak nu šumwos, tu ouyape fwa eñun in kosao ke sie met koluk šu auliyuk, yokliki ke met payi eu-eu šu tiu fwos ke auliyuk.

8 ¶ Ku mutan šu ipen silver sie-ñul yurol, sie ip fwin tūla, ya el tiu akosyuk lamu, ā immomla lomwu, ā šuknu šuknu nu ke el konoioik ?

9 Ā ke el konoioik, el pañon mu met kawuk, ā met tulon nu sie, fwakañ, Komwos wi yu eñun ; tu ña konoioik ip si tūla.

10 Ouyape Ña fwak nu šumwos, eñun ye mutun lipufon lun God ke sie met koluk šu auliyuk.

11 ¶ Ā El fwak, Sie met mwen luo natal.

12 Ā el šu fwus seltal fwak nu sin papa tumal, Papa, kom si nu sik ma luk ke mao. Ā el eselik nu seltal ma lal.

13 Ā tiu len puspis tuk, mwen fwus si el orani nu sie ma nu kemwu, ā el šom nu yin lūsila ā sinunte ma lal nu kemwu in orek ma koluk.

14 Ā ke el kitala nu kemwu, sral ma lulap tuku nu fwal si iño ; ā el mutamwauk in lis ma lal.

15 Ā el šom mutu yurin sie met lun an si iño ; ā el sipa'l la nu in ima lal lun kite piga.

16 Ā el kenu koñ kutu pus nun pig lun kúp ; ā wañin met kite'l.

17 Ā ke el šifwanu mutu nunku, El fwak, Fuka met orekma puspis yurin papa os

me moño yurolos ā sisi kutu, ā nā miši ke musinsral!

18 Nā a tuyuk ā som nu yurol papa tumak, ā a fwak nu sel, Papa nā orek ma koluk lain kosao ā ye mutom, 19 ā tiu mwo tuk in pañon yu mwen nutum: ore yu oanu sie sin met orekma lom.

20 Ā el tuyuk, ā tuku nu yurin papa tumal. Ā ke el iño mi lūsila, papa tumal el liye'l, ā pakomutu, ā kasus, ā keiyuñ nu in kaiwel, ā ñok ol.

21 Ā mwen el fwak nu sel, Papa, nā orek ma koluk lain kosao, ā ye mutom, ā tiu mwo tuk in pañon yu mwen nutum.

22 Ā papa el fwak nu sin met kulanšap lal, Komwos usi nuknuk kato ma mwo lanu, ā nukmu'lañ; ā šuñ riñ nu ke paul, ā faluk nu ke niel; 23 ā usi sūgo kaf puspusunu, ā uniye; ā lela kut in moño, ā eñun; 24 tu mwen si nutig iñi el miši, ā siefwil mol; el tūla, ā siefwil lo. Ā elos mutainwauk in eñun.

25 Iñi mwen matu natal el os in ima si; ā ke el tuku ā apkurun nu lomwu, el loñ on ā srosro.

26 Ā el pañon mu sie sin met kulanšap, ā siyuk, mea ma iñi?

27 Ā el fwak nu sel, Mālium el tuku; ā papa tumom el uniye kaf puspusunu, tu el es el mol ā mwo.

28 Ā el mulat, ā tiu luñsel in utyuk nu lū: Ke ma iñi papa el tuke liki, ā siyuknu nu sel.

29 Ā el tupokoan fwak nu sin papa tumal, Liye, yiu puspis nā kulanšipe kom, ā wañin palsi nā folokunla šap lom; ā wañin pal si kom ši nu sik tulig nutin goat, tu nā fwa orek eñun yurin met kawuk luk; 30 ā kitin mi-siñi ke mwen nutum iñi tuku šu aknunta me mol lom yurin met kosro, kom uniye kaf puspusunu ke'l.

31 Ā el fwak nu sel, Mwen, kom mutu yuruk ma patpat, ā ma nu kemwu ma luk ma lom.

32 Mwo tu kut orek eñun ā inšimwowo; tu el iñi mālium el miši, ā siefwil mol; ā el tūla, ā siefwil lo.

## · ŠAPTER 16.

Ā EL fwak pe nu sin met tumal lutlut, Sie met gasrup, šu met tutafpo lal; ā kutu met tukakunulañ nu sel, tu el sinuntei ma lal.

2 Ā el pañol mu ā fwak nu sel, Fuka ma iñi ma nā loñ ke'um? fwakak ma kom oru ke tutafpo lom; tu nā'n nūkin kom a la tutafpo tuk.

3 Na met tutafpo el fwak nu inšiel, Mea ña oru? tu leum el asla tutafpo liki yu; ña koflanu pukpuk: ã ña mekin in ñus.

4 Ña nunkauk ma ña oru, tu, ke el sis yu la liki tutafpo, elos tufwa es yu nu in lom selos.

5 Na el pañon mu met nu kemwu šumwe mol lun leum lal, ã fwak nu sin el meta, Ma yikas yurum lun leum luk?

6 Ā el fwak, srigusrok in oil sie-fok. Ā el fwak nu sel, Es peper lom, ã šilaklak in mutu, ã šimusla lum-ñaul.

7 Na el fwak nu sin sie pe, Ā ma yikas yurum šumwe mol? Ā el fwak, Srigusrok in wit sie-fok. Ā el fwak nu sel, Es peper lom, ã šimusla oal-ñul.

8 Ā leum lun met tutafpo sito el kaksakin al, tu el oru lalmetmetnu: tu tulig nutin fwalu in fwil lalos elos lalmetmet liki tulig nutin kalem.

9 Ā ña fwak nu šumwos, Komwos oru nu šumwos met kawuk ke mamon ma sito: tu ke ma wañinla, elos tufwa es komwos nu in lom kamwul.

10 El šu payi ke ma sisik, el payi pe ke ma lulap; ã el šu sito ke ma sisik, el sitoe pe ke ma lulap.

11 Ke ma iñi komwos fwini tiu payi ke mamon sito, šu a fwa šiot nu šumwos in liauñ ma payi?

12 Ā komwos fwini tiu payi ke ma lun sienu met, šu a fwa šiot nu šumwos ma lomwos?

13 Wañin met kulanšap ku in oru nu sin luo leum; tu el a fwa sruñu sie, ã luñši sienu; fwini tiu ou iñi el a fwa sruk sie, ã sisila sienu. Komwos koflanu oru nu sin God ã mamon.

14 ¶ Ā met Farisi pe šu rapku, loñ ma iñi nu kemwu; ã elos aksruksruk al.

15 Ā El fwak nu selos, Komwos elos šu akšumwosyi komwos ye mutun metu; ã God etu inšumwos; tu ma mwolanu yurin met, ma koluklanu ye mutal God.

16 Manu ã ma palu nu ke'l Jon: tukin pal si iño luti ma togusañ lun God, ã met e nu kemwu eoigusyuk nu la.

17 Ā kosao ã fwalu wañinla fusas liki kitin ma sisik lun manu in wañinla.

18 El šu sisila mutan kiel, ã mari sienu, el orek kosro: ã el šu mari el šu met tumal sis el la, el orek kosro.

19 ¶ Sie met gasrup, šu nukomañ nuknuk sienu sisa ã linen srik eñu, ã el eñu nel piñanu len.

20 Ā sie met sigasrup e

Lazarus, šu likiye nu ke mutun oaoa lal, tiñtiñinu ke ruf, 21 ā kenu elos in šuñ nel kutkut in moño ma putatla liki tebu lun met gasrup; ā kutepe, kosro ñaliñul elos tuku ā lou ruf ke'l.

22 Ā ma te oru, tu met sigasrup el miši, ā lipufon elos wis el nu in ūmwel Ebream: met gasrup el miše pe, ā pukpuki.

23 Ā in hell el ñetak mutal, mutu yin mwaioknu, ā liye Ebream lūsela, ā Lazarus in ūmwel.

24 Ā el wowoyuk ā fwak, Papa Ebream, pakomutuk, ā sipa'nu Lazarus, tu el isuñye mutun kufin paul nu in kof, ā in eou lo'k; tu ña ñalnu in furur iñi.

25 Ā Ebream el fwak, Mwen, esam tu ke pal kom mol kom es ma mwo lom, ā ouyape Lazarus ma koluk; ā iñi el mwo oi el, ā kom koluk oi yum.

26 Ā kutepe yok liki ma iñi nu kemwu, maslo kotal elik, sie an lual lulap on; oanu tu elos šu luñši šom iñi mi nu yurum koflanu; ouyape elos koflanu fwas nu yuros šu luñši fwas iño mi.

27 Na el fwak, ke ma iñi ña pre nu šum, papa, tu kom sipa'lot nu lom sin papa tumuk; 28 tu met limikos lik; tu el fwa orek ma lo nu

selos, fwin tiu ou iñi elos pe tuku nu yin si iñi lun ñalnu.

29 Ebream el fwak nu sel, Moses ā met palu yurolos: lela elos in loñ olos.

30 Ā el fwak, Mo, papa Ebream, tu fwin sie šom nu yurolos yurin miše mi, elos tufwa auliyuk.

31 Ā el fwak nu sel, Elos fwin tiu loñ Moses ā met palu, ouyape fwin sie mol-yuk yurin miše mi el koflanu kutoñ olosi.

## ŠAPTER 17.

**N**A El fwak nu sin met tumal lutlut, Ma koflanu oru tu ma tugulkul a tiu tuku; ā we nu sel, ke šu elos a tuku!

2 Fwin sripsrip eot in tete in kaiwel ā sisella nu mwea, mwo liki tu el aktugulkulye sie sin ma sisik iñi.

3 Komwos liye komwos yuñ; Ma lium el fwin orek ma koluk nu šum, kom kaiyuk nu sel; ā el fwin auliyuk, kom nunok munas nu sel.

4 El fwin orek ma koluk nu šum pal itkos ke len si, ā pal itkos ke len si el fwin siefwil forla nu šum fwakañ, Ā auliyuk; kom fwa nunok munas nu sel.

5 Ā met šap elos fwak nu sin Leum, Kom aklapye lal-fuñi las.



6 Ā Leum el fwak, Lalalfuñi lom fwini oanu futin mustard si, komwos ku in fwak nu sin šak sikemain iñi, Kom fwusak ke oka, ā eoki nu mwea, ā a fwa akos komwos.

7 ¶ Ā šu šumwos met kulanšap lom orek ima, ku kitaun kau, fwa fwak nu sel piyañu, ke el tuku in ima si, Kom šom ā foñyuñ nu ke tebue?

8 Ku kom a la fwak nu sel, Kom akoala supper nuk, ā los kom weni, ā oru nu sik, nu ke ña moño ā nim tari, ā tuk kom tufwa moño ā niun?

9 Ya el kulu nu sin met kulanšap iño tu el oru me šap? Ña mu mo.

10 Ā ouyape komwos, ke komwos tufwa oru ma iño nu kemwu ma šap nu šumwos, komwos fwak, Kem met kulanšap tiu mwo, Kem orenu ma mwo simem in oru.

11 ¶ Ā ma te oru, ke El šom nu Jerusalem, tu El fwas sasla Samaria ā Galili.

12 Ā ke El ilyuk nu in sie an sisik met mutu we, Met leper sie-ñul, šu tu u-iño elos šun ol.

13 Ā elos srukak pusralos ā fwak, Jisus, Met Luti, pakomutas.

14 Ā ke El liye'los, El fwak nu selos, Komwos šom ā luti komwos nu sin met tol.

Ā ma te oru, tu, ke elos šom elos nasnas.

15 Ā sie selos, ke el liye tu el kela, el folokla, ā ke pusra lulap el kakšakin God, 16 ā el putatla fokšiuñwi nu ke niel, šuñ kulu nu Sel. Ā el met Samaria.

17 Ā Jisus tupokoan fwak, Ya tiu ma sie-ñul nasnasla? ka pa ya eu?

18 Ma a tiu konoioñ šu folokla in kakšakin God, metsa iñi mugenu.

19 Ā El fwak nu sel, Kom tuyuk ā šom; lalalfuñi lom moli komla.

20 ¶ Ā ke met Farisi elos siyuk Sel, pal ña togusañ lun God a fwa tuku, El tupokoan nu selos ā fwak, Togusañ lun God tiu tuku ke ma lik.

21 Elos a tiu fwak, Liye iñi! ku, liye iño! tu, liye, togusañ lun God inšiumwos.

22 Ā El fwak nu sin met lutlut, Len a fwa tuku, ke komwos fwa kenu liye sie sin len lun Mwen nutin met, ā komwos a tiu liye.

23 Ā elos a fwak nu šumwos, Liye iñi; ku, liye iño: nik komwos šom tuk olos, tiu fwas tuk olos.

24 Tu oanu šarom sikmi ye kusra iñi ā akkalemye ye kusra iño; Mwen nutin met a fwa ouyape in len lal.

25 Ā umet El keokiuñ ke

ma puspis ā fwil si iñi sis El la.

26 Ā oanu ke len lun Noa, fwa ouyape ke len lun Mwen nutin met.

27 Elos moño, elos nim, elos mari, elos šuñ in mari, nu ke len si Noa el ilyuk nu in oaku, ā šaloñla tuku, ā kanaos elos la nu keñwu.

28 Ā ouyape ke len lun Lot; elos moño elos nim, elos kuko, elos kitala, elos eoki, elos muša : 29 ā ke len si Lot el šom liki Sodom ma eaf e ā brimston in kosaoe mi, ā kanaos elos la nu ke-mwu.

30 Fwa ouyape ke len si Mwen nutin met a fwa sikmi.

31 In len si iño, el šu on fwin mañon lomwu, ā ma lal on in lomwu, lela lun tiu fwuni in esla mao; ā el šu in ima si, lela el pe lun tiu folokla.

32 Komwos esam mutan kiēl Lot.

33 El šu šuk in laño mol lal, fwa tūla mao; ā el šu tūla mol lal fwa laño mao.

34 Ņa fwak nu šumwos, in foñ si iño met luo on fwin kŭlŭs si; esla sie, ā sie fwa on.

35 Mutan luo takeni ilil, esla sie, ā sie mutu.

36 Met luo mutu in ima si; esla sie, ā likiye sie.

37 Ā elos tupok ā fwak nu Sel, Leum, oiya? Ā El fwak nu selos, Iño yin mano on we, mwon igul elos tuke-ni šokšok.

## ŠAPTER 18.

**A** EL kaskas sie pupulyuk nu selos ke ma iñi, tu mwo met pre pal e nu ke-mwu, ā tiu tutola ke; 2 fwakañ, Sie met nununku el mutu in sie siti, el tiu šaņeñ sin God, ā tiu šunakin ke met.

3 Ā sie kotinmas mutu in siti si iño; ā el tuku nu yu-rol, fwakañ, Kom akšumwos-ye yu ke met añañ luk.

4 Ā el tiu luñsel ke kutu pal; ā tuk el fwak inšiel, Ā űa fwin tiu šaņeñ sin God, ā tiu šunakin met: 5 ā tu kotinmas si iñi el lokoluki yu, űa fwa akšumwosye'la, fwin tiu ou iñi ke pal puspis el tuku, el aktutoye yu.

6 Ā Leum El fwak, Komwos loñ ma met nununku sito fwak.

7 Ya God el tiu akšumwos-ye met El šulŭla lal, šu woyuk nu Sel len ā foñ, ā el šan olos ma patpat?

8 Ņa fwak nu šumwos El šilaklak in akšumwosy'elos la, ā tu ou iñi, ke Mwen nutin met a tuku, ya El konoiook lalalfuñi on fwalu?

9 ¶ Ā El kaskas pupulyuk

si iñi nu sin kutu šu šifwanu  
foñyuñ nu selos tu elos met  
payi, ā sruñu kutenu.

10 Met luo eltal utyuk nu  
in imwen tempel in pre; sie  
met Farisi, ā sienu met rošo.

11 Met Farisi el tu ā pre ou  
iñi inšiel, God, ña kulu nu  
Šum, tu ña tiu oanu kutenu  
met, met iñunyar, met tiu  
payi, met kosro, ku tiu oanu  
met rošo iñi.

12 Ña lālo pal luo ke wik  
si, ña kitela aksie-ñulle ke  
ma nu kemwu ma luk.

13 Ā met rošo tu lūsila el  
tiu keyuk mutal nu in kosao,  
tu el tuk inumwel, fwakañ,  
O God, pakomutuk ña met  
koluk.

14 Ña fwak nu šumwos,  
met iñi el oatu nu lom sel,  
payi liki sienu: tu elos nu  
kemwu šu šifwanu akfu-  
latye, tufwa pusisel: ā el šu  
šifwanu akfwokpapye'l, el a  
tufwa fulat.

15 ¶ Ā elos wis pe nu yurol  
kitin tulig, tu El fwa ka-  
'elosi; ā ke met tumal lutlut  
elos liye, elos kai elos yuk.

16 Ā Jisus el pañnos mi,  
ā fwak, Lela kitin tulig in  
tuku nu yurak, ā tiu igulo-  
losi; tu sin ma ou iñi ma lun  
togusañ lun God.

17 Payinu Ña fwak nu šu-  
mwos, El šu tiu es togusañ  
lun God oanu kitin tulig el  
koflanu ilyuk nu lā.

18 ¶ Ā sie leum el siyuk  
Sel, fwakañ, Met Luti Mwo,  
Mea ña oru tu mol mu pat-  
pat fwa usru luk?

19 Jisus El fwak nu sel,  
Efwo kom ku pañon yu  
Mwo? Wañin mwo, siewu-  
nu, God.

20 Kom etu ma šap, Nik  
kom kosro, Nik kom akmus,  
Nik kom pusupas, Nik kom  
kikiap, oru mwo nu sin papa  
tumom ā nine kñum.

21 Ā el fwak, Ma iñi nu  
kemwu ña liauñ ke ña tulig  
nu iñi.

22 Ā ke Jisus el loñ ma  
iñi, El fwak nu sel, Ā sie  
ma sito šum; kom kuko ma  
nu kemwu ma lom, ā kite-  
lik nu sin met sigasrup, ā a  
fwa os ma lom in kosao; ā  
fwasu, fwas tukuk.

23 Ā ke el loñ ma iñi el  
pakomutu ma lulap: tu el  
met gasrup lanu.

24 Ā ke Jisus el liye tu el  
pakomutu ma lulap el fwak,  
Fuka ma upa nu selos šu  
gasrup fwa ilyuk nu in to-  
gusañ lun God!

25 Tu kosro kamel el fwas  
sasla kor ke nilel fusas liki  
met gasrup ilyuk nu in togu-  
sañ lun God.

26 Ā elos šu loñ mao, elos  
fwak, Na šu ku tu el tufwa  
mol?

27 Ā El fwak, Mao met elōs  
koflanu oru, God el ku in oru.

28 Na Piter el fwak, Liye, kem likiye ma nu kemwu, ā fwas tukum.

29 Ā El fwak nu selos, Payinu Na fwak nu sumwos, Wañin met šu likiye lom, ku kietuma, ku lel, ku kien natu, ku tulig, ke togusañ lun God, 30 el a tiu es ma pusliki ke pal si iñi, ā in fwal fwa tuku mol ma patpat.

31 Na El es sie-ñul-luo, ā fwak nu selos, Liye, kut fwas yuk nu Jerusalem, ā ma nu kemwu ma met palu simusla ke Mwen nutin met fwa orek tari.

32 Tu fwa asalañ nu sin met Pegan, ā aksruksrukal, ā aknuntal, ā anel : 33 ā elos tufwa sruñlul, ā uni'lye : ā len si aktolu el fwa siefwil molyuk.

34 Ā wañinu ma iñi elos etu : ā kas si iñi mwukla luk elos, ā elos tiu etu ma iñi ma kaskas ke.

35 ¶ Ā ma te oru, ke El fwas apkurun nu Jeriko, sie met kun el mutu pupaneku ñus.

36 Ā ke el loñ met puspis fwas alukela, el siyuk, Mea si iñi.

37 Ā elos fwak nu sel, Jisus lun Nazaret fwas alukela.

38 Ā el wowoyuk, fwakañ, Jisus Mwen nutin Devid, pakomutuk.

39 Ā elos šu fwas met kaiyuk nu sel lun misla ; ā el wowoyuk yokliki, Mwen nutin Devid, pakomutuk.

40 Ā Jisus, tu ā šap elos in wis el nu yurol. Ā ke el tuku apkurun, El siyuk sel, 41 fwakañ, Mea kom luñšom Na'n oru nu sum ? Ā el fwak, Leum, tu ña'n ñutalik.

42 Ā Jisus el fwak nu sel, Kom ñutalik : lalalfuñi lom moli kom.

43 Ā kitin misiñi el ñutalik, ā fwas tuk ol, kaksakin God : ā met e nu kemwu ke elos liye, elos on nu sin God.

## ŠAPTER 19.

**A** JISUS el utyuk ā fwas sasla Jeriko.

2 Ā liye, sie met ē Zakeus, šu leum yurin met rošo, ā el iñi met gasrup.

3 Ā el šuk in liye'l Jisus, šu El ; ā koflanu ke met puspis, tu el met futoto.

4 Ā El kasus nu met, ā fwunyuk nu wulin šak sikamor in liye'l ; tu El tufwa fwas alukela.

5 Ā ke Jisus tuku nu yin si, El ñetak, ā liye'l, ā fwak nu sel, Zakeus, kom silaklak in fwuni : tu misiñi Na mutu in lom šum.

6 Ā el silaklak, ā fwuni, ā eñun as El.

7 Ā ke elos liye, elos nu kemwu torkaskas, fwakañ, Tu El som in kawuk sin sie met šu koluk.

8 Ā Zakeus el tu, ā fwak nu sin Leum, Liye, Leum, tafwu ma luk ña šuñ nu sin met sigasrup; ā ña fwin es kutu ma liki sienu met, ke ma sito, ña aolla pe ā šuñ nu sel ma akosle ka.

9 Ā Jisus fwak nu sel, Len si iñi ma laño tuku nu lom si iñi, tu el ouyape mwen nutin Ebream.

10 Tu Mwen nutin met El tuku in šuk ā mol ma tula.

11 ¶ Ā ke elos loñ ma iñi, El laesla ā kaskas sie pupul-yuk, tu El apkurun nu Jerusalem, ā tu elos nunku mu tu togusañ lun God fwa sikmi kitin misiñi.

12 Ke ma iñi El fwak, Sie leum el som nu yin lūsila in šifwanu es mwulal togusañ, ā tufwa foloko.

13 Ā el pañon mu met kulansap sie-ñul lal, ā šuñ nu selos muni paun sie-ñul, ā fwak nu selos, Komwos kukakin nu ke pal si ña tufwa tuku.

14 Ā met yin sel elos sruñ al, ā sipaot sie kas tuk ol, fwakañ, Kem sañes tu met si iñi togusa lumem.

15 Ā ma te oru, tu ke el foloko, el es togusañ lal tari,

na el šap in pañon mu met kulansap iño nu sel, nu sin šu el šuñ muni nu sel met, tu el fwa etu ma yikas elos nu kemwu laesla ke kuko.

16 Ā masi meta tuku, fwakañ, Leum, paun si lom laesla paun sie-ñul.

17 Ā El fwak nu sel, Mwonu, kom met kulansap mwo; tu kom payi ke kitin ma sik, kom tufwa es mwol lun siti sie-ñul.

18 Ā masi akluo tuku, fwakañ, Leum, paun si lom laesla paun limikos.

19 Ā el fwak ouyape nu sel, Kom pe mwol lun siti linikos.

20 Ā sienu tuku, fwakañ, Leum, liye, pa iñi paun si lom ma ña liauñ likiye on in napkin; 21 tu ña šañoñ šum, tu kom met upa si; kom srukak ma kom tiu likiye, ā kosroini ma kom tiu takunalik.

22 Ā el fwak nu sel, Likin olum ña tufwa nununke kom, kom met kulansap koluk. Kom etu tu ña met upa si, srukak ma ña tiu likiye, ā kosroini ma ña tiu takunalik; 23 ke ma iñi, efwo kom ku tiu šuñ muni luk nu in bank, tu ke ña foloko ña tufwa es ma luk wi kutepe?

24 Na El fwak nu selos šu tu apkurun, Esla luk el

paun si, ā šuñ nu sel šu paun sie-ñul ma lal.

25 (Ā elos fwak nu sel, Leum, paun sie-ñul yurol.)

26 Tu ña fwak nu šumwos, Nu selos nu kemwu šu os ma la, šuñ pe; ā el šu wañin ma lal esla ma lal luk el.

27 Ā tu met lokwalok iño luk, šu sañes tu ña togusa lalos, wis elos mi, ā onelosi ye mutuk.

28 ¶ Ā ke El kaskas ma iñi tari, El fwas met, fwas-yuk nu Jerusalem.

29 Ā ma te oru, ke El tuku apkurun nu Betfes ā Betani, nu ke eol pañpañ Oliv, El sipaot luo tumal lutlut, 30 fwakañ, Komtal fwasot yin sisik meto: ke komtal utyuk nu lū komtal tufwa konoio kolt kopuri, wañin met mutu fwe met; tula'l la, ā usi.

31 Ā fwin sienu met siyuk šumtal, Efwo komtal ku tula'l la? komtal fwak nu sel ma iñi, Tu Leum luñsi el.

32 Ā eltal šu El sipaot, eltal šomot, ā konoio k oanu El fwak nu seltal.

33 Ā ke eltal tulala kolt, elos šu ma natu fwak nu seltal, Efwo komtal ku tula-la kolt?

34 Ā eltal fwak, Tu Leum el luñsi el.

35 Ā eltal wis el nu yurin Jisus; ā elos fili'ye nuknuk

lalos on fwin kolt, ā elos liki'lye Jisus fwe.

36 Ā ke El šom, elos lakunalik nuknuk lalos ineku.

37 Ā ke El fwas apkurun nu yin oatu fwin eol Oliv mi, elos nu kemwu sin met lutlut mutamwauk in eñun ā on nu sin God ke pusra lulap ke ma nu kemwu me orek ma lulap ma elos liye met; 38 fwakañ, Inši mwowo Togusa šu tuku in ē Jeova; misla nu in kosao, ā mwolanu yin fulat liki nu kemwu.

39 Ā kutu sin met Farisi yurin met puspis tukeni elos fwak nu Sel, Met Luti, kaiyuñ met tumom lutlut.

40 Ā El tupokoañ ā fwak nu selos, Ña fwak nu šumwos, tu elos iñi fwin misla, kitin misiñi eot elos tufwa wowoyuk.

41 ¶ Ā ke El fwas apkurun, El liye siti, ā tuñ nu ke, 42 fwakañ, Kom fwino etū met, aok kom, aok in len si iñi len lom, ma oma lun misla lom! pa iñi mwuknulos la liki mutom.

43 Tu len tufwa tuku nu fwom, ke met lokwalok lom elos tufwa orauk niin san apin komweni, ā mutu apin kom la, ā kulus kom la apneni nu kemwu.

44 Ā elos fwa akfwelye kom la nu ke fok, ā tulig

nutum wi kom lā; ā in kom  
elos tiu likiye sie eot fwin  
sie: tu kom tiu etu pal si  
Lenm el tuku nu yurum.

45 Ā El utyuk nu in tem-  
pel, ā mutamwauk in sisle  
elos šu kitala ā elos šu kuko;  
46 fwakañ nu selos, Ma ši-  
musla, Lom Sik imwen pre,  
ā komwos orala ma inluf lun  
met iñunyar.

47 Ā El lutlut piñanu len  
nu in tempel. Ā met tol  
fulat ā met šim ā leum lun  
metu, elos šuk in uni'lye,  
48 ā elos koflanu konoioik  
ma elos fwa oru; tu met e  
nu kemwu kenu ma lulap in  
loñ ol.

## ŠAPTER 20.

Ā MA te oru, ke sie sin len  
iño, ke El luti nu sin  
met nu in tempel, ā luti  
mwo šašu, met tol fulat ā  
met šim wi met elder elos  
tuku nu yurol, 2 ā kaskas  
nu Sel, fwak añ, Kom oru  
nu šes, ke šap šu kom oru  
ma iñi? ku šu šiot nu Šum  
šap si iñi?

3 Ā El tupokoañ ā fwak  
nu selos, Na pe siyuk šu-  
mwo ke masi; ā tupok mu  
nu sik.

4 Baptais lun Jon, ya in  
kosaoe mi, ku yurin met mi?

5 Ā elos šifwanu asiuki sie  
sin sie, fwakañ, Kem fwin  
fwak, In kosaoe mi; El tu-

fwa fwak, Ke ma iñi efwo  
komwos ku tiu lalalfuñ ol.

6 Ā kem fwin fwak yurin  
met mi; met e nu kemwu  
tufwa tuñal kit; tu elos  
nunku mu Jon el met palu.

7 Ā elos tupok, elos koflanu  
fwak ma ya.

8 Ā Jisus el fwak nu selos,  
Na pe tiu oru nu šumwos ke  
šap šu Na oru ma iñi.

9 ¶ Na El mutamwauk in  
kaskas nu sin met pupulyuk  
si iñi; Sie met el'eok ima  
fain si, ā filauñ nu sin met  
ima, ā šom nu yin lūsila ke  
pal lūlis.

10 Ā ke pal fwol el sipaot  
met kulansap nu sin met in  
ima si, tu elos sipamu nu sel  
fwako in ima fain si; ā met  
in ima si elos sruñlul, ā si-  
pa'lot pusinpo.

11 Ā el siefwil sipaot sie pe  
met kulansap; ā elos sruñlul  
pe, ā ora'l koluk, ā sipa'lot  
pusinpo.

12 Ā el siefwil pe sipaot  
ma si aktolu; ā elos konta-  
'lye pe, ā sis el la liki.

13 Na leum lun ima si el  
fwak, Mea ña fwa oru? Na  
tufwa sipaot mwen kulu si  
nutig; elos a la šunakunal  
ke elos liye'l.

14 Ā ke met in ima si liye'l,  
elos šifwanu asiuki sie sin  
sie, fwakañ, El iñi met usru;  
fwasu, kut in uni'lye, ā usru  
tufwa las.

15 Ā elos sis el la liki ima fain si, ā uni'lye. Ke ma iñi, mea leum lun ima fain si tufwa oru nu selos ?

16 El a fwa, tuku ā on'elos la met in ima fain si, ā el tufwa šuñ ima fain si nu sin kutenu. Ā ke elos loñ, elos fwak, Mo, tiu ou iñi.

17 Ā El šo elosi ā fwak, Ke ma iñi, mea ma iñi ma šimusla ? Eot si ma met muša sisila met, ma iñi on in srumwosrik in eot.

18 El šu tufwa putatla fwin eot si iñi tufwa mušala ; ā on fwin šu mao fwa putatla, tufwa ili'lye nu ma sisik.

19 ¶ Ke auu si iñi met tol fulat ā met šim olos sriki in filiye paolos fwel ; ā elos ša-ñeñ sin metu : tu elos etu tu El kaskas pupulyuk si iñi lain alos

20 Ā elos šan ol, ā sipaot met kwakas šu šifwanu sri-fwe in ora'los met payi, tu tufwa srukke kas lal, ou tu elos tufwa asalañ nu in ku ā nu šap lun leum.

21 Ā elos siyuk Sel, fwa-kañ, Met Luti, kem etu tu kom fwak ā luti payi, ā tiu pulesu metu, tu kom luti inek lun God ma šumwos.

22 Ya oul ku tiu oul kut in šuñ kiše nu sin Sisar ?

23 Ā El etu sruf lalos, ā fwak nu selos, Efwo komwos ku sriewe yu ?

24 Luti nu sik penni si, mutun šu, ā šim šu on ke ? Ā elos tupokoañ ā fwak, Lun Sisar.

25 Ā El fwak nu selos, Ke ma iñi, šuñ nu sel Sisar ma lun Sisar, ā nu sin God ma lun God.

26 Ā elos koflanu srukke kas lal ye mutun metu : ā elos lut ke ma El tupok, ā elos misla.

27 ¶ Na kutu sin met Sad-dusi elos tuku nu yurol, šu fwak wañin siefwil molyuk ; ā elos siyuk Sel, 28 fwakañ, Met Luti, Moses el šim nu šes, Met sinu fwin met lel miši, mutan kiel, ā mogul miši wañin tulig, tu met lel el es mutan kiel, ā orek fute nu sin met lel.

29 Ke ma iñi tamulel itkos ; ā masi meta el es mutan kiel, ā miši wañin tulig.

30 Ā masi akluo es el pe kiel, ā el miši wañin tulig.

31 Ā masi aktolu es el ; ā ouyape met itkos ; ā elos tiu likie tulig, ā elos miši.

32 Ā tuk olos mutan el miše pe.

33 Ke ma iñi ke pal molyuk el mutan kien šu selos ? tu met itkos as al mutan kielos.

34 Jisus el tupokoañ fwak nu selos, Tulig nutin fwalu elos mari ā šuñ in mari : 35 ā tu elos šu mwo ou tu elos fwa es fwal iño ā molyuk



yin miše mi, elos tiu mari, ā tiu šuñ in mari.

36 Tu elos koflanu siefwil miši; tu elos oanu lipufon; ā elos tulig nutin God, ā tulig nutin siefwil molyuk.

37 Ā tu met miši siefwil molyuk, aok Moses el luti nu ke tušak, ke el pañon Jeova, God lun Ebrean, ā God lun Aisaak, ā God lun Jekob.

38 Tu El tiu God lun met miši, tu lun met mol: tu met nu kemwu mol nu Sel.

39 Na kutu sin met šim elos tupokoan fwak, Met Luti, kom kaskas mwo.

40 Ā tukin ma iñi elos tiu pulaik in siyuk Sel kutu mao.

41 Ā El fwak nu selos, Fuka elos Fwak Kraist Mwen nutin Devid?

42 Ā Devid el šifwanu fwak in buk in Psalm, Jeova el fwak nu sin Leum luk, Kom mutu on le pouk leyut, 43 nu ke pal si Na orek met lokwalok lom me lañon nium.

44 Ke ma iñi Devid El pañol Leum, na fuka El mwen natal?

45 Na ke met e nu kemwu loñ, El fwak nu sin met tumal lutlut, 46 Komwos liauñ met šim, šu kenu fwafwasyis in nuknuk lulis, ā luñši paiñuk in imwen kutakot, ā niin mutu fulat in imwen

lolñok, ā ye op niin kofwo: 47 šu kanaosla lom sin kotinmas, ā ke kiapun pre lulis: elos iñi es lusla ma lulap.

## SAPTER 21.

Ā EL ñetak, ā liye met Ā gasrup šuñ kiše lalos nu in niin fwil tatū.

2 Ā El liye pe sie kotinmas sigasrup el šuñ nu lū kitin muni sisik luo.

3 Ā El fwak, Payi Na fwak nu šumwos, tu kotinmas sigasrup iñi el šuñ nu lū yok luk elos nu kemwu.

4 Tu elos iñi nu kemwu ke ma puspis lalos šuñ nu ke kiše lun God; ā el ke sigasrup lal šuñ nu lū ma nu kemwu me mol lal.

5 ¶ Ā ke kutu kaskas ke tempel, fuka ma yinla ke eot mwo ā me kiše El fwak, 6 ke ma iñi ma komwos liye, len a fwa tuku in len sa sie eot fwa tiu on fwil sie, mao a moguklanu.

7 Ā elos siyuk Sel, fwakañ, Met Luti, ā ma iñi a orek ña? ā akal šu ke ma iñi tufwa orek?

8 Ā El fwak, Liauñ tu met tiu kiape komwos la; tu met puspis fwa tuku in Ek, fwakañ, Na Kraist; ā apkurun pal si: [ke ma iñi] komwos tiu šom tuk olos.

9 Ā ke komwos loñ meun

ā mogōku, nik komwos sā-  
neñ; tu ma iñi fwa tuku  
met; tu tiu kitin misiñi  
safla.

10 Na El fwak nu selos,  
Sie an, tufwa tuyuk lain sie  
an, ā togusañ lain togusañ.

11 Ā rarrar ma lulap, in  
kutu an, ā sral, ā lolo; ā me  
aklañuñ lulap ā akul lulap  
sikmi in kosaoe mi.

12 Ā met ma iñi tuk, elos  
tufwa likiye paolos on fwo-  
mwos, ā kolyañ komwos, in  
es komwos yuñ nu ke lolñok,  
ā nu in prison, ā in kol ko-  
mwos la ye mutun togusa ā  
leum ke Ēk.

13 Ā ma iñi fwa oru nu  
sumwos ke ma lo.

14 Ke ma iñi, komwos oru  
inšiumwos, in tiu nunkauk  
met ma komwos tufwa tupok  
tuk.

15 Tu Na fwa siot nu su-  
mwos oalu ā lalmētmet, ma  
met lokwalok nu kemwu  
lomwos elos koflanu mu sito,  
ā koflanu tupuk ka.

16 Ā kie tuma, ā met lili, ā  
met sou, ā met kawuk, elos  
tufwa tukakin komwos yuk;  
ā elos fwa oru tu katu su-  
inwos fwa miši.

17 Ā met e nu kemwu tu-  
fwa sruñe komwos la ke Ēk.

18 Ā sugo aunsñufwomwos  
a fwa tiu wañinla.

19 Komwos mol nūnumwos  
ke moñfusas lomwos.

20 Ā ke komwos a fwa liye  
un met meun apneni Jeru-  
salem, na komwos etu tu  
apkurun in mušal lanu mao.

21 Na lela elos su mutu in  
Judea in kasus nu fwin  
eola; ā lela elos su mutu  
infulwe fwala liki; ā lela  
elos su mutu in kutenu an  
in tiu fwas utyuk nu lū.

22 Tu len iñi len in anwuk,  
tu ma nu kemwu ma simus-  
la met fwa payikin.

23 Ā we nu selos su pute-  
te, ā nu selos su katiti in len  
iño! tu a fwa mwaiok ma  
lulap in fwalu, ā siluñ nu  
fwin met iñi.

24 Ā elos a fwa putatla ke  
mutun kutlas, ā a fwa kol  
komwos la met srou nu in  
an nu kemwu; ā met Pegan  
elos tufwa loñye Jerusalem,  
nu ke pal si lun met Pegan  
tufwa payikin.

25 Ā a fwa akul in fwatu,  
ā malem, ā itu; ā on fwalu  
fosña lun metu wi toninfoñ;  
mwea ā nua nūrñur; 26 in-  
sien met munasla ke sañeñ,  
ā ke šukuk ma a tuku nu  
fwalu: tu ku in kosao a fwa  
kusus.

27 Ā na elos fwa liye  
Mwen nutin met tuku in  
pukunieñ ke ku ā ma mwo-  
wou ma lulap.

28 Ā ke ma iñi mu-  
tamwauk in te oru, na  
komwos fietak, ā keyuk siu-

fwomwos; tu me mol lo-  
mwos apkurun.

29 Ā El fwak nu selos sie  
pupulyuk; Liye šak fig, ā  
šak nu kemwu; 30 iñi ke  
elos srunak, komwos liye ā  
šifwanu etu tu akurun pal  
fwol.

31 Ouyape komwos, ke ko-  
mwos liye ma iñi te oru, ko-  
mwos etu tu togusañ lun God  
akurun.

32 Payinu Na fwak nu  
šumwos, Fwil si iñi a tiu  
wañinla, nu ke ma nu ke-  
mwu fwa payikin.

33 Kosao ā fwalu a wañin-  
la, ā kas luk a tiu wañin-  
la.

34 Ā komwos liye komwos,  
fwin tiu ou iñi inšiumwos  
tufwa toas ke srital koluk, ā  
sruñ, ā inšie ke mol si iñi, ā  
len si iño fwa tuku nu fwo-  
mwos komwos nūkin ka.

35 Tu oanu sruf el a fwa  
tuku on fwelos nu kemwu  
šu mutu on fwin mutun  
fwal e nu kemwu.

36 Ke ma iñi komwos šano,  
ā pre pal e nu kemwu, tu  
komwos fwa mwo in fwala  
liki ma nu kemwu fwa te  
oru, ā in tu ye mutun Mwen  
nutin met.

37 Ā ke len El luti nu in  
tempel; ā ke foñ El šomot,  
ā mutu fwin eol pañpañ  
Oliv.

38 Ā met e nu kemwu elos

tuku u-lutue nu yurol nu in  
tempel, tu in loñ ol.

## ŠAPTER 22.

INI kurun kofwo lun bred  
I tiu pulolak, pañpañ Alu-  
kela.

2 Ā met tol fulat ā met  
šim elos šuk fuka elos tu-  
fwa uni'lye; tu elos šañeñ  
sin metu.

3 Na Satan el ilyuk nu in  
Judas mwulal Iskariot, el sie  
sin sie-ñul-luo.

4 Ā el šomot, ā papu yurin  
met tol fulat ā kaptin, fuka  
el tufwa tukakunulak nu  
selos.

5 Ā elos eñun, ā mwuleuñ  
in šun muni nu sel.

6 Ā el tukakunañ ā šuk  
pal mwo in tukakunulak nu  
selos, ke wañinu met si.

7 Na len si lun bred tiu  
pulolak tuku, ke uniye me  
alukela.

8 Ā El sipaot Piter ā Jon,  
fwakañ, Komtal šom ā ako  
alukela nu šes, tu kut fwa  
moño.

9 Ā elos fwak nu Sel, An  
ya kom luñšom tu ketal  
ako?

10 Ā El fwak nu selos,  
Liye ke komtal utyuk nu in  
siti, sie met el wis ale in kof  
si el tufwa šun komtal;  
komtal fwas tukol nu in  
lom el tufwa utyuk nu we.

11 Ā komtal tufwa fwak

nu sin met kato lun lomwu, Met Luti el fwak nu šum, Pa ya fokil sin metsa, yin Na tufwa moño alukela yurin met tumuk lutlut?

12 Ā el tufwa luti nu šumtal sie fokil lulap lūn ako tari; komtal ako iño.

13 Ā eltal šom ā konoioik oanu El fwak nu seltal: ā eltal akoa alukela.

14 Ā ke auu si tuku, El foñyuñ nu ke tebuie, ā met šap sie-ñul-luo oelul.

15 Ā El fwak nu selos, Na kenu ma lulap in moño alukela iñi yurumwos met Na keokjuñ tuk: 16 Tu Na fwak nu šumwos, Na tiu siefwil moño ma iñi tuk, nū ke pal si fwa payikin in togusañ lun God.

17 Ā El es kup, ā šuñ kulu, ā fwak, Komwos es ma iñi, ā kitelik yurumwos; 18 tu Na fwak nu šumwos, Na a fwa tiu nim fok in fain, nu ke pal si togusañ lun God a fwa tuku.

19 ¶ Ā El es bred, ā šuñ kulu, ā kunšalik, ā šuñ nu selos, fwakañ, Ma iñi monuk, ma šiot ke komwos; oru ma iñi in esam yu.

20 Ouyape kup tukin super, fwakañ, Kup si iñi mwilkas šašu ke sa'k, ma širor ke umwos.

21 Tu, liye, pon šu tukakin yu yuk wi yu on fwin tubue.

22 Ā payi Mwen nutin met el šom, oanu ma papu met; tu we nu sin met iño šu tukakunulak!

23 Ā elos mutamwauk in siyuk nu selos sie sin sie, šu selos a fwa oru ma iñi.

24 ¶ Ā ouyape sie akukain tuku nu yurolos, šu selos fwa fulat liki nu keinwu.

25 Ā El fwak nu selos, Togusa lun met Pegan elos leum lalos; ā elos šu leum lalos elos pañpañ leum kulañ.

26 Ā komwos tiu ou iñi; tu el šu fulat yurumwos, lela lun oanu met fwus; ā el šu leum oanu el šu kulansap.

27 Ka šu yok, el šu foñyuñ nu ke tebuie, ku el šu kulansap? ya tiu el šu mutu moño? ā Na yurumwos oanu el šu kulansap.

28 Komwos elos šu wi yu mutu ke mel luk.

29 Na šiot mwol nu šumwos ke togusañ oanu Papa tumak El si mwol nu Sik; 30 tu komwos tufwa moño ā nim fwin tebu luk in togusañ luk, ā mutu fwin me mutu lun leum, ā nununku sruf sie-ñul-luo lun Israel.

31 ¶ Ā Leum El fwak, Saimon, Saimon, liye, Setan el luñsel es kom, tu el likliki kom oanu wit: 32 Ā Na pre ke kom, tu lalalfuñi lom tiu wañinla: tu ke kom

forla, kom akkeiela met lili lom.

33 Ā el fwak nu Sel, Leum, ña ako in wi Kom nu in prison ā nu ke miši.

34 Ā El mu, Ña fwak nu šum, Piter, mwon sisa tiu kakla misiñi, nu ke pal si kom fwa lafwekin pal tolu tu kom tiu ete yu.

35 Ā El fwak nu selos, Ke Ña sipe komwosla wañin nukin muni, ā tiu nuk ke fwafwasyis, ā tiu faluk, ya kutu fwas yurumwos? Ā elos mu, Wañin.

36 Na El fwak nu selos, Tu iñi, el šu nukin muni yurol, lela lun es, ā ouyape nuk ke fwafwasyis: ā el šu wañin kutlas ma lal, lela lun kukakin nuknuk lal, ā moli sie.

37 Tu Ña fwak nu šumwos, tu ma iñi ma šimusla a fwa payikin ke Ña, Ā elos oakulañ nu ke met koluk: tu maq keik a fwa payikin.

38 Ā elos fwak, Leum, liye, kutlas luo iñi. Ā El fwak nu selos, Tari.

39 ¶ Ā El fwas liki ā šom, oanu El oru met, nu ke eol Oliv, ā met tumal lutlut pe fwas tuk ol.

40 Ā ke El suku nu an si, El fwak nu selos, Komwos pre tu komwos tiu ilyuk nu in mel.

41 Ā El šom luk elos oanu

eot sisiwot, ā sikukmutunti, ā pre, 42 fwakañ, Papa, kom fwin luñšom, esla kup si iñi liki yu; ā tiu ou Ña luñsik, tu ou kom luñšom.

43 Ā sie lipufon sikmi in kosaoe mi nu yurol, in akkui El.

44 Ā El keokiuñ, ā inšiauñ pre ma lulap, ā fwiol oanu sa tul lulap nu in foko.

45 Ā ke El tuyuk liki pre, ā suku nu yurin met tumal lutlut, El kono i olos yuk la motul ke asor, 46 ā El fwak nu selos, Efwo komwos ku motul? tukakak ā pre, fwin tiu ou iñi komwos ilyuk nu in mel.

47 ¶ Ā iñi ke El kaskas, liye elun met si, ā el šu pañpañ Judas, sie sin sie-ñul-luo, el fwas met elos tuk, ā kolikiuñ nu yurin Jisus in ñok ol.

48 Ā Jisus El fwak nu sel, Judas, ya kom tukakunak Mwen nutin met ke ñok?

49 Ā ke elos šu tu apnu- 'laini liye ma fwa te oru, elos siyuk Sel, Leum, ya kem poki ke kutlas?

50 Ā sie selos, el poki met kulanšap lun met tol fulat, ā otala sral leyut.

51 Ā Jisus tupokoañ ā fwak, Tarinu ma iñi. Ā El kalye sral, ā akkei el la.

52 Na Jisus fwak nu sin met tol fulat, ā kaptin lun

tempel, ā met elder, su tuku nu yurol, Ya komwos tuke liki. oanu lain met iñunyar, ke kutlas ā saku ?

53 Ke Ña wi komwos in tempel piñanu len, komwos tiu sralmu pomwos lain yu ; tu iñi auu lomwos, ā ku lun los.

54 ¶ Na elos es El, ā kol ol, ā wis El nu in lom sin met tol fulat. Ā Piter el fwas lūsela tuk.

55 Ā ke elos tanak e infulwin lomwu, ā tukeni mutu, Piter el oelulos mutu.

56 Ā sie mutan fwus el liye'l ke el mutu mutun e, ā el sui'lye, ā fwak, Met si iñi el pe oelul.

57 Ā el lafwekunal, fwakañ, Mutan, ña tiu eta'l.

58 Ā kitin pal tuk sie pe el liye'l, ā fwak, Kom pe sie selos. Ā Piter el fwak, Met, mo.

59 Ā akurun auu si tuk, sie pe el fwaknu fwakañ, Payinu el iñi pe oelul ; tu el met Galili.

60 Ā Piter el fwak, Met, ña tiu etu ma kom fwaku. Ā kitin misiñi ke el kaskas, mwon sisa kakla.

61 Ā Leum El tapulle, ā ñetañ nu sel Piter. Ā Piter el esam kas lun Leum fuka ma El fwak nu sel, Met mwon sisa kakla tuk, kom tufwa laflafwekin yu pal tolu.

62 Ā Piter el som, ā tuñ ma lulap.

63 ¶ Ā met su sruki'lye Jisus, elos aksruksruk al, ā pook ol.

64 Ā ke elos nukomla mutal tari, elos pukil mutal, ā siyuk Sel, fwakañ, Kom polyauk su pouk kom.

65 Ā ma puspis pe ma koluk lanu elos kaskas lain ul.

66 Ā ke lenelik, met elder lun met ā met tol fulat ā met sim elos tukeni, ā kol ol nu in mwolil lalos, fwakañ,

67 Ya kom Kraist ? fwak nu ses. Ā El fwak nu selos, Ña fwon fwak nu sumwos, komwos a tiu lalalfuñi.

68 Ā Ña fwon siyuk pe nu sumwos, komwos a tiu tupok mu nu sik, tiu lela tu Ña in som.

69 Tuko Mwen nutin met El tufwa mutu on le paul leyut lun ku lun God.

70 Na elos nu kemwu fwak, Ke ma iñi, ya kom Mwen nutin God ? Ā El fwak nu selos. Komwos fwak tu Ña el.

71 Ā elos fwak, Efwo kem ku suk kutepe ma lo ? tu kem siřwanu loñ ke oalul.

## ŠAPTER 23.

Ā ELUN met nu kemwu elos tuyuk, ā kol ol nu sel Pailat.

2 Ā elos mutamwauk in ko

al, fwakañ, Kem konoioik met si iñi El aksito'yela met an sa, a oru lun tiu suñ kiše nu sin Sisar, fwakañ, Tu El šifwanu Kraist sie togusa.

3 A Pailat el siyuk Sel, fwakañ, Ya kom Togusa lun met Ju? A El tupokoañ nu sel a fwak, Kom fwak mao.

4 Na Pailat el fwak nu sin met tol fulat, a nu sin metu, Wañin ma sito ña konoioik ke met si iñi.

5 A elos fwaknu, fwakañ, El kaifwinu metu, luti an Ju nu kemwu, mutamwauk Galili mi nu yin si iñi.

6 Ke Pailat El loñ ke Galili, el siyuk El la met Galili ku sito.

7 A ke el etu tu El ma lun an sin Erod, el sipa'lot nu sin Erod su šifwanu muta pe nu Jerusalem ke pal si iño.

8 A ke Erod liye'l Jisus, el eñun ma lulap; tu ma patpat el kenu liye'l, tu el loñ ma puspis ke'l; a fwensok lal in liye kutu menmen ma El oru.

9 Na el siyuk Sel ke kas puspis; a wañin ma El tupok nu sel.

10 A met tol fulat a met šim elos tu a kaskas lain ul ma lulap.

11 A Erod wi met meun lal orek ma koluk lanu nu Sel, a aksruksruk al, a nuk-

mulañ ke nuknuk mwolanu, a siefwil sipa'lot nu sel Pailat.

12 A len si iño Pailat a Erod eltal kawukin sie sin sie; tu met eltal eokasei sie sin sie.

13 ¶ A Pailat, ke el pañon mu nu sie met tol fulat a leum a metu, 14 el fwak nu selos, Komwos wis met si iñi nu yuruk, oanu sie su aksitoeye metu; a, liye, ña siyuk ol met ye mutomwos, a wañin ma sito ña konoioik ke met si iñi, ke mao komwos kaskas lain ul.

15 Aok, Erod ouyape; tu ña sipe komwos nu yurol: a, liye wañinu ma El oru tu El miši.

16 Ke ma iñi ña tufw sruñlul, a tula'l la.

17 (Tu ke tupek el tulala sie nu selos ke kofwo.)

18 A elos tukeni nu sie wowoyuk, fwakañ, Eslanu met si iñi, a tula'l la Barabbas nu šes.

19 Ke sie meun in šiti, a ke akmus elos sis el la nu in prison.

20 Ke ma iñi Pailat, tu el luñsel tula'l la Jisus, el siefwil kaskas nu selos.

21 A elos wowoyuk, fwakañ, Uni'lye on ke šaksiñ sugo, uni'lye on ke šaksiñ sugo.

22 A el fwak nu selos pal

si aktolu, Efwo, mea ma koluk ma El oru? Wañinu ma ña konoioke ke'l tu El miši. Ke ma iñi ña fwa sruñlul, ā lela lun šom.

23 Ā elos oru ma lulap ke pusra lulap tu El miši on šaksiñ sugo; ā pusralos ā pusren met tol fulat elos penla.

24 Ā Pailat el šap in oru oanu elos siyuk.

25 Ā el tulala nu selos el šu ke sie meun ā akmus sisila nu in prison, šu elos siyuk ka; ā el asalañ Jisus nu ke ma luñši lalos.

26 ¶ Ā ke elos kololot, elos srukke sie Saimon, met Kurene, ke el tuke liki an si, ā elos likiye šaksiñ on fwel, tu el wis mao tukin Jisus.

27 Ā elun met ma lulap fwas tuk ol, ā mutan, šu ašor ā tuñnu ke'l.

28 Ā Jisus el tapulla nu selos fwak, An nutin Jerusalem, komwos tiu tuñ ke Ña, tu tuñ ke komwos, ā ke tulig nutumwos.

29 Tu, liye, len a fwa tuku, in len šu elos tufwa fwak, Inši mwowo mutan mwuskul, ā inšie šu tiu putete, ā titi šu tiu katiti.

30 Na elos fwa mutamwauk in fwak nu ke eol, Komwos putatla nu fwus; ā nu kq eol sisik, Komwos afwin kit la.

31 Tu elos fwini oru ma iñi ke šak mol, fuka ke šak masla?

32 Ā ouyape luo pe, met koluk, oelul kokoot in anwuki.

33 ¶ Ā ke elos tuku nu an si pañpañ Kalvari, iño elos uni'lye on ke šaksiñ sugo, ā met koluk, sie on le paul leyut, ā sie on lesi.

34 Na Jisus el fwak, Papa nunok munas nu selos, tu elos tiu etu ma elos oru. Ā elos eselik nuknuk lal, ā šuk fwo.

35 Ā met elos tu liye. Ā met leum pe oelulos aksruk-sruk al, fwakañ, El molula kutenu, lela lun šifwanu mol El la, El fwini Kraist, ma šulū lun God.

36 Ā met meun elos ouyape aksruksruk al, tuku nu yurol, ā šuñ finegar nu Sel, 37 ā fwakañ, Kom fwini Togusa lun met Ju, Kom šifwanu moli kom.

38 Ā ma šimula pe elos šim, yetal ke letter lun Grik, ā Roma, ā Hebru, **EL INI TOGUSA LUN MET JU.**

39 ¶ Ā sie sin met koluk, šu sripsripyuk, el kas ko nu Sel, fwakañ, Kom fwini Kraist, kom šifwanu moli kom ā ketal.

40 Ā sienu tupokoan kaiyuk nu sel, fwakañ, Ya kom tiu šaṇeñ sin God, tu kom lisyikla ouyape?

41 Ā kital fwol ka; tu ki-



tal es mol ke me orekma las; a met si ini wañin ma koluk ma El oru.

42 A el fwak nu sin Jisus, Leum, esam yu ke kom fwa tuku nu in togusaí lom.

43 A Jisus el fwak nu sel, Payinu Na fwak nu sum, Len si ini kom wi yu mutu in Paradais.

44 A akurun auu akonkos, a los on fwal nu kemwu nu ke auu akeu.

45 A fwatu los, a nuknuk lisne in tempel misalik infulwe.

46 ¶ A ke Jisus El wowoyuk ke pusra lulap, El fwak, Papa, Na likiye nunik in pou! a ke El fwak ma ini El misi.

47 A ke senturion el liye ma orala, el kaksakin God, fwakañ, Payinu El ini met payi si.

48 A met e nu kemwu su tukeni nu sie nu ke mao, ke elos liye ma orala, elos tuk inumwolos, a folokla.

49 A elos nu kemwu su eta'l, a mutan su fwas tuk ol Galili mi, tu lusila, liye ma nu kemwu.

50 ¶ A, liye, sie met, e Josef, met papu: el met mwo, a met payi: 51 (el ini tiu oelulos ke papu a ma elos oru;) el met Arimatea, sie siti lun met Ju; el sifwanu sano ke togusaí lun God.

52 Met si ini el som nu yurol Pailat, a nuse manol Jisus.

53 A el wis il ye, a nukmula in linen, a liki'lye nu in lufin mas si, ma tufia in eotsi, wañin met on lu met.

54 A len si ino len ako a akurun len Sabat.

55 A mutan pe, su oelul tuku Galili mi, elos fwas tuk, a liye lufin mas si, a fuka ke manol likiye.

56 A elos folokla, a ako fokin sak keñ a me akmusra; a moñla ke len sabat, oanu ke ma sap.

## SAPTER 24.

A LEN si umet ke wik, ke lu-tutañ, elos tuku nu ke lufin mas si, a wis fokin sak keñ ma elos ako met, a kutenantu oelulos.

2 A elos konoioek eot si epusla liki lufin mas si.

3 A elos utyuk nu lu, a tiu konoioek manol Leum Jisus.

4 A ma te oru, ke elos toninfoñ ka, liye met luo tu yurolos in nuknuk saromrom.

5 A ke elos sañeñ, a fokakinye mutalos nu in foko, eltal fwak nu selos, Efwo komwos ku sukun met mol yurin met misi?

6 El tiu os ini, tu El mol-yuk. Komwos esamak fuka ma El kaskas nu sumwos

ke El mutu in Galilī met, 7 fwakañ, Mwen nuṭin met fwa etūkyuñ nu in pon met koluk, ā anwuki on ke šaksiñ sugo, ā len si aktolu siefwil molyuk.

8 Ā elos esamak kas lal, 9 ā folokla liki lufin mas si, ā luti ma nu kemwu ma iñi nu sin sie-ñul-sie, ā nu selos nu kemwu šu lūla.

10 Ā Meri Magdalen, ā Joanna, ā Meri nine kiel Jemes, ā kutenu mutan oelulos, šu fwakak ma iñi nu sin met šap.

11 Ā kas lalos oanu kas lusroñten nu selos, ā elos tiu lalalfuñ olos.

12 Na Piter el tuyuk ā kasus nu lufin mas si; ā šumwoli el liye nuknuk linen on yin selos, ā el šomla, ā lut in šiel ke ma te oru.

13 Ā, liye, luo selos eltal šom len si iñi nu sie an sisik pañpañ Emeus, ma lūs liki Jerusalem akurun furloñ on-ñul.

14 Ā eltal tukeni kaskas ke ma nu kemwu ma oralā.

15 Ā ma te oru, tu, ke eltal tukeni kaskas ā asiyuki, Jisus el šifwanu fwas apkurun, ā oelultal fwas.

16 Ā mutaltal srou tu eltal tiu eta'l.

17 Ā el fwak nu seltal, Kaskas šu komtal kaskas-

kin sie sin sie, ke komtal fwafwasyis ā ašor?

18 Ā sie seltal, šu ē Kleopas, tupokoañ fwak nu Sel, Ya kom metsa mugenu in Jerusalem, ā tiu etu ma te oru iño in len iñi?

19 Ā El fwak nu seltal, Ka mea? Ā eltal fwak nu Sel, Ke Jisus lun Nasaret, šu met palu ku ke me orekma ā kas ye mutal God ā met e nu kemwu.

20 Ā fuka met tol fulat ā leum las elos asalañ nu ke paani lun mas, ā uni'lye on ke šaksiñ sugo.

21 Ā fwensok lumem tu El iñi El šu tufwa molūla met Israel. Ā kutepe wi ma iñi, len si iñi len si aktolu tukin ma iñi orekla.

22 Aok, ā kutu mutan ouyape šu wiyus orek kem in lut, šu taño lufin mas si ke lututañ: 23 ā ke elos tiu konoiook manol, elos tuku, fwakañ, tu elos pe liye arurumu lipufon, šu fwak mu El mol.

24 Ā kutu selos šu wi kem šom nu lufin mas si, ā konoiook mao oanu ma mutan fwak; tu elos tiu liye'l.

25 Na El fwak nu selos, O met lalfon, ā matoltol inšiumwos in lalalfuñi ma nu kemwu ma met palu elos kaskas; 26 Ya tiu mwo tu Kraist el keokiuñ ke ma iñi,

ā in ilyuk nu in ma mwowou lal?

27 Ā mutamwauk mi ke Moses ā met palu nu kemwu, el akkalemye nu selos ma nu kemwu ma šimusla ke'l.

28 Ā elos fwas apkurun nu an si, yin eltal šom nu we: ā El oru oanu tu El fwas nu met kutu.

29 Ā eltal igolol, fwakañ, Kom mutanu yurital; tu ma akurun enkela, ā len foñuni. Ā El ilyuk in mutu yuroltal.

30 Ā ma te oru ke El foñyuñ nu ke tebue yuroltal, El es bred, ā pre, ā kunšalik, ā šuñ nu seltal.

31 Ā mutaltal igakla, ā eltal eta'l; ā El efla ye mutalos.

32 Ā eltal fwak sie sin sie, Ya inšius tiu furur inšius, ke El wi ketal kaskas ineku, ā ke El akkalemye Baibel nu šes?

33 Ā eltal tuyuk ke auu si iñi, ā folokla nu Jerusalem, ā konoioik sie-ñul-sie tukeni mutu, ā elos šu oelulos, 34 fwakañ, Payinu Leum El molyuk, ā sikmi nu sel Saimon.

35 Ā eltal fwakak ma oru inganeku, ā fuka eltal eta'l ke kunšalik bred.

36 Ā ke elos kaskas ou iñi, Jisus el šifwanu tu infulwe-

los, ā fwak nu selos, Mislal nu šumwos.

37 Ā elos šañeñ ā mutok ā nunku mu elos liye sie ñun.

38 Ā El fwak nu selos, Efwo komwos ku toninfoñ ā efwo ku silalalfuñi fwasyuk inšiumwos?

39 Komwos liye po'k ā niuk, tu Ñanu iñi: kal yu wi ā liye; tu ñun wañin ikwe ā sri, oanu komwos liye keik.

40 Ā ke el kaskas ou iñi tari, El luti nu selos paul a niel.

41 Ā iñi ke elos silalalfuñi ke eñun, ā lut, El fwak nu selos, Ya os me moño yurumwos yinu?

42 Ā elos šuñ nu Sel ipen ik munmun, ā ipen huni komb.

43 Ā El es ā moño ye mutalos.

44 Ā El fwak nu selos, Ma iñi kas ma Ña fwak nu šumwos, ke Ña mutu yurumwos met, tu ma nu kemwu payikin, ma šimusla in manu lun Moses, ā in ma palu, ā in psalm ke Ña.

45 Na El igasla etu lalos, tu elos in etu Baibel: 46 Ā fwak nu selos, Ou iñi ma šimusla ā ou iñi mwo tu Kraist in keokiuñ, ā in molyuk yurin miše mi ke len si aktolu: 47 ā tu auliyuk ā ella ma koluk fwa lutiyuk in El

yin an nu kemwu, mutamwauk in Jerusalem.

48 Ā komwos met lo ke ma iñi.

49 Ā liye, Ña sipaot mwuleuñ lun Papa tumuk nu fwomwos: ā komwos mutanu nu in siti Jerusalem, nu ke pal si komwos tufwa nuknukyuñ ke ku tu luñ mi.

50 Ā El kololos wot nu ke

Betani, ā El srukak paul, ā akinšimwowoye'los la.

51 Ā ma te oru ke El akinšimwowoye'los la, etūkla El luk elos, ā utūkyuk nu in kosao.

52 Ā elos ali nu Sel, ā folokla nu Jerusalem ke eñun lulap.

53 Ā pal nu kemwu elos os in tempel kaksakin ā kulunu nu sin God. Amen.

## MWO ŠAŠU MA JON EL ŠIM.

### ŠAPTER 1.

**K**E mutamwauk Kas, ā Kas yurol God, ā Kas God.

2 El iñi ke mutamwauk yurol God.

3 El orala ma nu kemwu; ā wañin nu ma el tiu orala, ke ma oreklae.

4 In el mol; ā mol ma kalem lun metu.

5 Ā kalem kalemalik in los, ā losu tiu etu ma.

6 ¶ God el sipamu met si, ēl Jon.

7 El iñi tuku ke met lo, in orek ma lo ke Kalem, tu met e nu kemwu fwa lalalfuñi k'el.

8 El tiu ma Kalem iño, tu in orek ma lo ke ma Kalem iño.

9 El Kalem payi, šu kalme-lik met e nu kemwu šu tuku nu fwalu.

10 El os fwalu, ā el orek fwalu, ā fwalu tiu etal.

11 El tuku nu ke ma lal, ā ma lal tiu as al.

12 Ā elos šu as al, el šuñ ku in oru oanu Mwen nutin God, nu selos šu lalalfuñi in ēl:

13 Šu isūsła, tiu ke sa, tiu ma ke ikū, tiu ma ke met, tu ke God.

14 Ā orala Kas ikū, ā mutu yuros, (ā kut liye ma mwowo lal, ma mwowo oanu siewunu isūsła nutin Papa,) tiñtiñinu ma luñ ā ma payi.

15 Jon el orek ma lo k'el, ā wowoyuk, fwakañ, El iñi šu ña fwak met, El šu tuku

tukuk mwoliki ña; tu el met ña tuk.

16 Ā kut nu kemwu es ke ma tiñtiñinu lal, ā luñ ke luñ.

17 Tu Moses el asi manu, tu luñ ā ma payi tuku ke Jisus Kraist.

18 Wañin met liyel God ke palsi; Mwen siewunu isūsla, šu in imwel God, el fwakulak.

19 Ā ma iñi ma lo luñ Jon, ke Jus elos sipamu met tol, ā met Lifait Jerusalem mi in siyuk sel, Šu komwun?

20 Ā el fwakak, ā tiu lafwekin, ā el fwakak, Ña tiu Kraist.

21 Ā elos siyuk sel, Ka šu? Kom Ilaias? Ā el fwak, Ña tiu el. Kom ma Met Palu? Ā el tupokoan, Mo.

22 Na elos fwak nu sel, Šu komwun? tu kut fwa tupokoan šuñ nu selos šu sipe kit mi. Mea kom fwak ke ium?

23 El fwak, Ña pusren šu wowoyuk yin mesis, Akšumwosye inek lun Jeova, oanu Esaias met palu el fwak.

24 Elos ma lun met Farisi šu sipeyuku.

25 Ā elos siyuk sel ā fwak nu sel, Ka efwo kom ku baptaisla, kom fwini tiu ma Kraist, tiu Elaias, tiu ma met palu?

26 Jon el tupokoan nu selos fwakan, Na baptais ke kof; ā sie yurumwos, komwos nukin šu:

27 El sie tuku tukuk mwoliki ña, ña tiu mwo in tulala au los yin faluk lal.

28 Elos oru ma iñi yin Betabera likin yeno Jordan, an Jon el baptaisla we.

29 ¶ Len si tuko Jon el liye'l Jisus tuku nu yurol, ā fwak, Liye, lun God šu esla ma koluk lun fwalu!

30 El iñi šu ña fwak, Met si fwa tuku tukuk šu mwoliki ña; tu el met ña tuk.

31 Ā ña tiu eta'l; tu ou iñi ña tuku in baptaisla ke kof, tu Israel fwa eta'l.

32 Ā Jon el orek ma lo, fwakan, Ña liye Ñun sikmi in kosaoemi oanu mulioa, ā on fwel.

33 Ā ña tiu eta'l met: tu el šu sipe yu mi in baptais ke kof, el iñi fwak nu sik, On sin šu kom fwa liye Ñun sikmi nu we ā on fwel, el iñi el šu baptais ke Ñun Mutal.

34 Ā ña liye, ā orek ma lo tu el iñi Mwen nutin God.

35 ¶ Siefwilpe len si tuko Jon el tu, ā met tumal lute luo;

36 Ā ñetan nu sel Jisus ke el fwafwasies, el fwak, Liye Lam lun God!

37 Ā met tumal lute luo

loñol kaskas, ā eltal fwas tukol Jisus.

38 Ā Jisus el tapulla, ā liye eltal fwas tuk, el fwak nu seltal, Mea komtal šuk? Eltal fwak nu sel, Rabbai, (oanu ma kaskas, tafwu met luti,) kom mutu ya?

39 El fwak nu seltal, Fwasu ā liye. Eltal tuku ā liye an el mutu we, ā mutu yurol len si iño: tu pal si akurun auu aksiñul.

40 Sie seltal šu loñ Jon, ā fwas tukol, el Antru, ma lel Saimon Piter.

41 Ma si metu el konoilok tamulel Saimon, ā fwak nu sel, Kut konoilok Messaias, šu elos tafwu, Kraist.

42 Ā el wis el na yurol Jisus ā ke Jisus el liye'l, el fwak, Kom Saimon Mwen nutin Jonas: met fwa pañun kom Sifas, oanu tafwu ma Eot si.

43 ¶ Len si tuko Jisus el luñsel šomla nu yin Galili, ā el konoilok Filip ā fwak nu sel, Fwas tukuk.

44 Ā Filip met Betsaida, yin seltal Antru ā Piter.

45 Filip el konoilok Natanael, ā fwak nu sel, Kut konoilok Jisus lun Nasaret, Mwen nutin Josef, el šu Moses in manu, ā met palu simisla met.

46 Ā Natanael fwak nu sel, Ya kutu mwo tuku yin

Nasaret mi? Filip el fwak nu sel, Fwasu ā liye.

47 Ke Jisus liyel Natanael tuku nū yurol, ā fwak nū k'el, Liye met Israel payi si, sin šu wañin nū ma sito!

48 Natanael fwak nu sel, Kom ete yu ya? Jisus el tupokoañ ā fwak nu sel, Met ke Filip el pañun kom, ke kom mutu ye lulin šak fig, Ā liye kom.

49 Natanael tupokoañ ā fwak nu sel, Rabbai, kom Mwen nutin God; kom Togusa lun Israel.

50 Jisus el tupokoañ ā fwak nu sel Tu ña fwak nu šum, Ā liye ye lulin šak fig, ya kom lalalfuñi? kom tufwa liye yokliki ma iñi.

51 Ā el fwak nu sel, Payinu, payinu ña fwak nu šumwos, Tuko komwos fwa liye in kosao igasla, ā lipufon lun God šokaak ā towi fwin Mwen nutin met.

## SAPTER 2.

**A** LEN si aktolu elos orek payuk yin Kena lun Galili; ā nine kiel Jisus os we.

2 Ā elos pañnolmu Jisus, ā met tamul lutlut pe, nu ke payuk.

3 Ā ke wain lis, nine kiel Jisus fwak nu sel, Wain lis.

4 Jisus el fwak su sel, Mutan, mea na oru nu šum? auu si luk tiu tuku iñi.

5 Nine kīel fwak nu sin met kulanšap, Ma el fwak nu šumwos, oru.

6 Tup eot onkos on we, oanu ma tetela lun Jus, buket onkos ku oalkos nekla sie.

7 Jisus el fwak nu selos, Nakla tup ke kof. Ā elos nakla nu kemwu sesesla:

8 Ā el fwak nu selos, Okoila iñi, ā wisla nu yurin leum lun kofwo. Ā elos wis.

9 Ke leum lun kufwo el pulakin kof wainla, ā el tiu etu ma ya: (ā met kulanšap šu okoila kof elos etu;) leum lun kofwo pañonmu met pušla.

10 Ā fwak nu sel, Met e nu kemwu wis wain mwo met; ā ke elos srui kutu, el fwa wis ma koluk kutu: kom likie wain mwo nu ke iñi.

11 Jisus el mutamwauk in oru kutu menmen iñi yin Kena lun Galili, ā lotōuñ ma mīwowo lal; ā met tumal lutlut lalalfuñi k'el.

12 ¶ Tukin ma iñi oatui nu yin Keperneum, el, ā nine kīel, ā ma lel, ā tumal lutlut: ā elos mutu we tiu len puspis.

13 Ā alukela lun Jus aku-run tuku, ā Jisus el šumwak nu yin Jerusalem,

14 Ā el konoiolosyuk in imwen ali elos šu kuko kauu

ā šip ā mulioa, ā met aola moni mutu we:

15 Ā ke el oru kiten au me sriñsriñ, el lusedlosla nu kemwu likin imwen ali, ā šip, ā kauu mogule; ā okoila moni lun met aola, ā topkakunla tepue;

16 Ā el fwak nu selos šu kuko mulioa, Wisla ma iñi; tiu orek lem sin Papa tumuk imwen kuko.

17 Ā met tumal lutlut esamak tu ma šimisla met, Moniyuk ke lom šum koñyu a.

18 Na Jus elos tupokoañ ā fwak nu sel, Akul šu kom luti nu šes, tu kom oru kutu ma iñi?

19 Jisus el tupokoañ ā fwak nu selos, Kanaoselik imwen ali si iñi, ā ke len tolu ña siefwil mišaela.

20 Na Jus elos fwak, elos miša imwen ali si iñi ke yiu añ ñaul onkos, ya kom fwa mišaela ke len tolu?

21 Ā el kaskas ke imwen ali sin manol.

22 Tu ou iñi ke Jisus el moliyuk yin miše mi tak, met tumal lutlut esamak tu el fwak ma iñi nu selos; ā elos lalalfuñi ma šimisla, ā ma kas ma Jisus el fwak.

23 ¶ Ā ke el os Jerusalem pal si kofwo lun alukela, ma puspis lalalfuñi in ēl, ke elos liye menmen ma el oru.

24 Ā Jisus el šifwanu oral

tiu foñyuñ nu selos, tu el ete nu kemwu,

25 Ā el tiu luñsel tu kutu met orek ma lo lun met: tu el etu ma in met.

### ŠAPTER 3.

**M**ET si lun met Farisi, el Nikodimus, leum lun Jus.

2 El iñi tuku nu yurol Jisus ke foñ, ā fwak nu sel, Rabbai, kem etu tu kom met luti tuku nu yurol God mi: tu wañin met oru menmen iñi ma kom oere, God el fwini tiu oelul.

3 Jisus el tupokoañ ā fwak nu sel, Payinu, payinu, ña fwak nu sum, Met fwini tiu siefwilpe isūsła, el koflanu liye togusañ lun God.

4 Nikodimus el fwak nu sel, Met ā isūsła fuka ke matwe? ya el pal si akluo ilyuk in šien nine kielu, ā fwa isūsła?

5 Jisus el tupokoañ, Payinu, payinu, ña fwak nu sum, Met el fwini tiu isūsła ke kof ā ke Nun, el koflanu ilyuk nu yin togusañ lun God.

6 Ma isūsła ke ikū ikū; ā ma isūsła ke Nun ñun.

7 Tiu lut tu ña fwak nu sum, Kom siefwilpe isūsła.

8 Eñ ā tu yin el luñsel, ā kom loñ eñu ke kaskasu, ā kom ninukunla an tu we mi, ā an ā fwas nu we: ou iñi

met e nu kemwu šu isūsła ke Nun.

9 Nikodimus el tupokoañ ā fwak nu sel, Fuka ma iñi?

10 Jisus el tupokoañ ā fwak nu sel, Ya kom met luti lun Israel, ā tiu etu ma iñi?

11 Payinu, payinu, ña fwak nu sum, Kem kaskas ma kem etu, ā kem orek ma lo ma kem liye; ā komwos tiu es ma lo las.

12 Ña fwini luti nu sumwos kutu ma fwalu, ā komwos tiu lalalfuñi, fuka komwos fwa lalalfuñi ña fwini luti nu sumwos kutu ma in kosao, ma?

13 Ā wañinnu met fwas-yuk nu in kosao, tu el mugenu šu tuku in kosao emi, Mwen nutin met šu in kosao.

14 Ā oanu Moses el srukak mwet sugo yin masrasra, ouyape fwa srukak Mwen nutin met:

15 Tu met e ku kemwu šu lalalfuñi k'el elos tiu miše, ā mol lalos mapatpat.

16 Tu God el luñsel fwalu ou iñi, tu el kitamu Mwen siewunu isūsła natal, tu met e nu kemwu šu lalalfuñi k'el elos tiu miše, ā mol lalos mapatpat.

17 Tu God el tiu sipamu Mwen nutin nu fwalu iñi lusła fwalu; ā tu fwalu fwa mol ke el.



18 El šu lalalfuñi k'el tiu lusla: ā el šu tiu lalalfuñi k'el lusla iñi, tu el tiu lalalfuñi ke ēl Mwen siewunu isūsła nutin God.

19 Ā ma iñi lusla, tu kalem tuku nu fwalu, ā metu luñ si losu mwoliki kalem, tu ma elos oru koluk.

20 Tu met e nu kemwu šu orek ma koluk elos sruñu kalem, elos tiu tuku nu ke kalem, tu elos fwa etu ma koluk ma elos oru ā mekin.

21 Ā et šu orek ma payi tuku nu ke kalem, tu el fwa etu ma el oru nu sel God la payi ku sito.

22 ¶ Tukin ma iñi Jisus el tuku nu yin Judea ā met tumal lutlut oelul; ā el mutu iño yurolos, ā baptaisla.

23 Ā Jon onyape baptaisla yin Inon apkurun nu Selim, tu kof lulap on we: ā elos tuku, ā baptaisla.

24 Tu palsiñi Jon el tiu os in prison.

25 Na met tumal lutlut lun Jon ā kutu Jus elos tukeni asiyuki ke ma tetela.

26 Ā elos tuku nu yurol Jon, ā fwak nu sel, Rabbai, el šu wi kom likin yeno Jordan, nu sin šu kom orek ma lo, liye, elnu baptaisla, ā nu kemwu tuku nu yurol.

27 Jon el tupokoañ ā fwak, Wañin met ku in esla kutu

ma, fwın tiu asi nu sel in kosao emi.

28 Komwos šifwanu orek ma lol nu sik, tu ña fwak, Ña tiu Kraist, ā tu sipe yu mi met el tuk.

29 El šu mutan pusla lal el met pusla: ā met kawuk lun met pusla, šu tu ā loñol, el eñun ma lulap ke pusren met pusla: ou iñi tiñtiñinu eñun luk.

30 El fwa yokoilik, ā ña srikeni.

31 El šu tuku lūñ mi fulat liki nu kemwu: el šu lun fwalu ma fwalu, ā kaskas ke ma fwalu: el šu tuku in kosao emi fulat liki nu kemwu.

32 Ā ma el liye ā loñ, ma iño el orek ma lo ka; ā wañinu met es ma lo lal.

33 El šu es ma lo lal orek ma akul lal tu God el payi.

34 Tu el šu God el sipamu el kaskas lun God: tu God el šuñ Ñun tiñtiñinu nu sel.

35 Papa el lunsel Mwen, ā el šuñ ma nu kemwu nu in paul.

36 El šu lalalfuñi ke Mwen mol ma patpat lal: ā el šu tiu lalalfuñi ke Mwen el tiu liye mol; tu siluñ lun God mutu fwe'l.

#### ŠAPTER 4.

OU iñi ke Leum el etu tu met Farisi elos loñ tu

Jisus el oru ā baptaisla met lutlut pusliki Jon,

2 (Ā tu Jisus el šifwanu tiu baptaisla, tu met tumal lutlut,)

3 El fwas liki an Judea, ā siefwil šom nu yin Galili.

4 Ā el luñsel fwas sasla nu an Samaria.

5 Na el tuku nu yin mutu we lun Samaria, pañpañ Sai-kar, apkurun kutu fwal ma Jakob el asi nu sel Josef Mwen nutin.

6 Ā lufwin kof lun Jakob on we. Jisus el makoko ke fwafwasius, tu ou iñi el mutu fwin lufwin kof: pal si akurun auu akonkos.

7 Mutan si Samaria el tuku in akak kof: Jisus el fwak nu sel, Akmu nimuk.

8 (Tu met tumal lutlut elos šom nu yin met mutu we in mol me moño.)

9 Na mutan si Samaria fwak nu sel, Efwo kom ku met Ju ñuse yu kof, ña mutan Samaria? Tu met Jus ā met Samaria elos tiu tuki kaskas.

10 Jisus el tupokoan ā fwak nu sel, Kom fwino etu ma šuñ lun God, ā šu fwak nu sum iñi, Akmu nimuk; kom a siyuk sel, ā el fwa šiot nu šum kof mol.

11 Mutan si fwak nu sel, Leum, wañin buket lom in

akmu, ā lufwin kof lāl: pa ya kof mol lom?

12 Ya kom yok liki Jakob papa tumas, šu aši lufwin kof nu šes, ā el šifwanu numla, ā Mwen nutin, ā kosro nutin?

13 Jisus el tupokoan ā fwak nu sel, Nu kemwu šu nim kof iñi ā siefwil malu.

14 Ā el šu nim kof ma ña šuñ nu sel tiu siefwil malu ma patpat: tu kof ma ña šuñ nu sel fwa on insiel lufwin kof unon nu ke mol ma patpat.

15 Mutan si fwak nu sel, Leum, si nu sik kof iñi, tu ña tiu siefwil malu, tiu siefwil tuku nu yinu in akak.

16 Jisus el fwak nu sel, Fwasot, pañonmu met tumon, ā tuku nu yinu.

17 Mutan el tupokoan ā fwak nu sel, Wañin met tumuk. Jisus el fwak nu sel, Mwo ma kom fwak, Wañin met tumuk:

18 Tu met met limikos tumom; ā el šu os yurom iñi tiu met tumom: ke ma iñi payinu ma kom fwak.

19 Mutan si fwak nu sel, Leum, ña liye tu kom met palu.

20 Met papa tumas elos ali fwin eol si iñi; ā komwos fwak tu yin Jerusalem an met ali nu we.

21 Jisus el fwak nu sel,

Mutan, lalalfuñi yu, auu si tuku, ke komwos tiu fwin eolsi iñi, tiu yin Jerusalem; komwos ali nu sin Papa.

22 Komwos tiu etu ma komwos ali: kem etu ma kem ali: tu mol os yurin met Jus.

23 Tu auu si tuku, ā iñi, ke met ali ma payi elos ali nu sin Papa in ñun ā in ma payi: tu Papa el šuknu met ou iñi in ali nu sel.

24 God el Ñun: ā elos šu ali nu sel fwa ali in ñun ā in ma payi.

25 Mutan si fwak nu sel, Ña etu tu Mesaias el ā tuku, šu pañpañ Kraist: ke el tuku el fwa luti ma nu kemwu nu ses.

26 Jisus el fwak nu sel, Ña šu kaskas nu šum el.

27 Ā ke iñi met tumal lutlut tuku, ā elos lut tu el kaskas nu sin mutan si: ā wañin met in fwak, Mea kom šuk? ka Efwo kom ku kaskas nu sel ella?

28 Ña mutan si filiye tipen kof si lāl, ā šom nu yin met mutu we, ā fwak nu sin met,

29 Fwasu liye met si, šu luti nu sik ma nu kemwu ña oru: ya el tiu Kraist payi?

30 Ña elos fwas liki an met mutu we, ā tuku nu yurol.

31 Ke maslon pal si met tumal lutlut siyuk nu sel, fwakan, Rabbai, moño.

32 Ā el fwak nu selos, Me

moño nuk in moño ma komwos tiu etu.

33 Tu ou iñi met tumal lutlut tukeni fwak, Ya kutenu met wis kutu me moño nel?

34 Jisus el fwak nu selos, Me moño nuk in oru ma el luñsel šu sipe yu mi, ā in oru me orek ma lāl tari.

35 Ya komwos tiu fwak, Malem akos sruk fwos, ā pal si tuko sifweni tuku? liye, ña fwak nu šumwos, Ñetak mutomwos, ā liye kutu ima; tu elos fwošfwos iñi in si-fweni.

36 Ā el šu kosrūni es mol, ā eseni fwako nu ke mol ma patpat: tu el šu takunalik ā el šu kosrūni eltal tukeni eñun.

37 Ā ma iñi kaskas payi si, Sie takunalik, ā sienu kosrūni.

38 Ña sipe komwos wot in kosrūni kutu ma komwos tiu orek nu we: kutenu met orek ma, ā komwos iliyuk nu yin me orek ma lalos.

39 Ā met Samaria ma pus-pis an si iñi met mutu we elos lalalfuñi k'el tu ma kaskas lo lun mutan šu fwak, El luti nu sik ma nu kemwu ña oru.

40 Ou iñi met Samaria ke elos tuku nu yurol, elos siyuk sel lun mutu yurolas; ā el mutu we len luo.

41 A kutepe met. puspis lalalfuñi k'el ke kas läl;

42 Ā elos fwak nu sin mutan, Kein lalalfuñi iñi, tu tiu kaskas lom: tu kem si-fwanu loñ, ā etu tu el iñi Kraist payi, Laño fwalu.

43 ¶ Ā len luo tari el šom liki an si iñi, ā šomla nu Galili.

44 Tu Jisus el si-fwanu orek ma lo, tu wañin mwo lun met palu yin sel.

45 Na ke el tuku nu Galili, met Galili elos esal, tu elos liye ma nu kemwu ma el oru nu Jerusalem ke kofwo si; tu elos šom pe nu ke kofwo.

46 Ou iñi Jisus el siefwil tuku nu yin Kena lun Galili, an si el orek kof wain. Ā sie leum os we mwen natal mas yin Keperneum.

47 Ke el loñ tu Jisus el tuku Judea mi nu Galili, el šom nu yurol, ā siyuk sel in oatui, ā unu el la mwen natal: tu el akurun nu miše.

48 Na Jisus el fwak nu sel, Komwos, fwini tiu liye kutu akul ā kutu menmen komwos ā tiu lalalfuñi.

49 Leum si fwak nu sel, Leum, oatu met Mwen nutig miše tuk.

50 Jisus el fwak nu sel, Fwasot; mwen nutom mol. Ā met si lalalfuñi kas ma

Jisus el fwak nu sel, ā el šomla.

51 Iñi ke el oatu, kutu met kulansap lal šunol, ā luti nu sel, fwakañ, Mwen nutom mol.

52 Na el siyuk selos auu šu ke el kela kutu. Ā elos fwak nu sel, Nyo ke auu si akitkos mas fwol šom luk el.

53 Ou iñi papa el etu tu auu si oanu Jisus el fwak nu sel, Mwen nutom mol: ā el si-fwanu lalalfuñi, ā sou nu kemwu läl.

54 Iñi siefwilpe menmen akluo ma Jisus el oru, ke el tuku Judea mi nu Galili.

## ŠAPTER 5.

**T**UKIN ma iñi kofwo lun Jus; ā Jisus el fawsiyuk nu Jerusalem.

2 In lulu si ma kaskas ĩpru pañpañ Betesda os Jerusalem, apkurun mutun pot lun šip, sraumwalsis limikos on we.

3 Met puspis mas on we, ma munas, ma kunla mutal, ma ul, ma sriila in šano kof unanaeuk.

4 Tu kutu pal lipufon oatui nu in lulu si, ā unanaeuk kof; tuki pal si kof unanaeuk el šu kolūki nu in kof met, el kelanu ke mas läl.

5 Ā sie met os we, el mas yiu toliñul ā oalkos.

6 Ke Jisus el liyel onu, ā etu tu el patlanu ou iñi, el fwak nu sel, Ya kom luñsom in kela?

7 Met mas si tupokoañ nu sel, Leum, wañin met luk, ke kof unanaeuk, in fili yu wi nu in lulu si: ā ke ña tuku, sienu oatui met ña tuk.

8 Jisus el fwak nu sel, Tukakak, srukak kulus kium, ā fwas.

9 Ā kiten misiñi met iñi kelanu, ā srukak kulus kiēl, ā fwas: ā len iñi len sabat,

10 Ā tu ou iñi met Jus elos fwak nu sin met kela, Len sabat: oul ke kom wis kulus.

11 El tupokoañ nu selos, el šu oreyu in kela, elnu fwak nu sik, Srukak kulus kium ā fwas.

12 Na elos siyuk sel, Ka met šu fwak nu šum, Srukak kulus kium, ā fwas?

13 Ā el šu kela tiu etu šu: tu Jisus el šomla, met puspis os we.

14 Tukin ma iñi Jisus el konoilok in imwen ali, ā fwak nu sel, Liye, kom kela: tiu orek ma koluk tuk, fwini ou iñi koluk liki ma iñi os yuroin.

15 Met si el šomla, ā luti nu sin Jus, tu Jisus el oralak in kela.

16 Ā tu ou iñi Jus elos kolya Jisus, ā šuk in unilye,

tu el oru kutu ma iñi ke len sabat.

17 Ā Jisus el tupokoañ nu selos, Papa tumuk el orek nu iñi, ā ña orek.

18 Tu ou iñi Jus elos šuk osliki in unilye, tu el tiu kanaosla sabat mugenu, el fwak pe tu God el Papa tumal, el šifwanu oralak oanu God.

19 Na Jisus el tupokoañ ā fwak nu selos, Payinu, payinu ña fwak nu sumwos, Mwen el koflanu šifwanu oru kutu ma, el fwini tiu liye Papa oru: tu ma nu kemwu ma el oru, ma iñi Mwen fwa ore pe.

20 Tu Papa el luñsel Mwen, ā luti nu sel ma nu kemwu ma el šifwanu oru: ā el fwa luti nu sel me orekina yok liki ma iñi, tu komwos fwa lut.

21 Tu oanu Papa el okasak met miši, ā akmol elos yuk; ouyape Mwen El fwa akmoli elos yuk šu el luñsel.

22 Tu wañin met Papa el nununku, ā el likiye nununku nu kemwu nu sin Mwen.

23 Tu met e nu kemwu oru mwo nu sin Mwen, oanu elos oru mwo nu sin Papa. El šu tiu oru mwo nu sin Mwen tiu oru mwo nu sin Papa šu sipaelmu.

24 Payinu, payinu, ña fwak nu sumwos, El šu loñ ma

kas luk, ā lalalfuñi ke'l su sipe yu mi, mol ma patpat ma lal, ā el tiu tuku nu ke lusla tuk; tu el fwas liki miše nu ke mol.

25 Payinu, payinu, ña fwak nu šumwos, Auu si fwa tuku, ā iñi, ke met miše fwa loñ pusren Mwen nutin God; ā elos su loñ fwa mol.

26 Tu oanu mol lun Papa in el šifwanu: ouyape el šuñ mol lun Mwe in el šifwanu;

27 Ā ouyape el šuñ nu sel ma šap in orek ma nununku, tu el Mwen nutin met.

28 Tiu lut ke ma iñi: tu auu si fwa tuku, ke met e nu kemwu on inkuiyuk fwa loñ pusral,

29 Ā fwa take liki; elos su oru mwo, nu ke molyuk lun mol; ā elos su orek koluk, nu ke molyuk lun lusla.

30 Ña koflanu šifwanu oru kutu ma: oanu ña loñ, ña nununku, ā nununku luk payi; tu ña tiu šuk kutu ma ña luñsik, tu kutu ma Papa luñši su sipe yu mi.

31 Ña fwin orek ma lo ke ña, ma lo luk tiu payi.

32 Sienu orek ma lo ke ña, ā ña etu tu ma lo ma el oru ke ña payi.

33 Komwos sipaot nu sel Jon met, ā el orek ma lo nu ke ma payi.

34 Ā ña tiu es ma lo yurin met mi: tu ña fwak ku-

tu ma iñi, tu komwos fwa mol.

35 El lam fururur ā šaromrom: ā kutu pal komwos luñsomwos in eñunak ke kalem lal.

36 Ā ma lo luk yok liki ma lo lun Jon: tu me orekma ma Papa el asi nu sik in orek tari, me orek iñi ma ña oru, orek ma lo ke ña, tu Papa el sipe yu mi.

37 Ā Papa šifwanu, su sipe yu mi, el orek ma lo ke ña. Wañin palsi ke komwos loñ pusral, ā liye ma ouka lal.

38 Ā ma kaskas lal tiu on inšiomwos: tu komwos tiu lalalfuñol su el sipamu.

39 Šuknu in ma simisla; tu komwos nunku mu mol ma patpat lomwos os ke: ā ma iñi orek ma lo ke ña.

40 Ā komwos tiu luñšomwos in tuku nu yuruk in es mol lomwos.

41 Ña tiu es ma mwo yurin met mi.

42 Tu ña ete komwos, tu luñ lal God tiu on inšiomwos.

43 Ña tuku in ē Papa tumuk, ā komwos tiu es yu: sienu fwin šifwanu tuku in ē lal, komwos fwa es al.

44 Komwos lalalfuñi fuka, komwos su es ma mwo nu sin sie sie, ā tiu šuk ma mwo yurol God mi mugenu?

45 Nik komwos nunku tu ña fwa sis nu fwomwos nu

sin Papa: Moses šu komwos foñyuñ nu sel, el sis nu fwomwos.

46 Tu komwos fwini lalal-fuñol Moses met komwos fwa lalalfuñi yu: tu el simisla ke ña.

47 Ā komwos fwini tiu lalal-fuñi ma el simisla, fuka komwos fwa lalalfuñi ma kaskas luk?

### ŠAPTER 6.

**T**UKIN ma iñi, Jisus el šom nu leyei mwea Galili, ma Taibirius.

2 Ā met puspis tukeni šom tukol, tu elos liye menmen lal ma el oru nu sin met mas.

3 Ā Jisus el fwasyuk nu fwini eolu, ā iño el ā met tumal lutlut tukeni mutu.

4 Ā alukela, kofwo lun Jus, akurun iñi.

5 Na ke Jisus el ñetak mutal, ā liye met puspis tuku nu yurol, el fwak nu sel Filip, kut ā mol bred oiya, tu elos fwa moño?

6 Ā el fwak ma iñi srik'el: tu el šifwanu etu ma el fwa oru.

7 Filip el tupokoañ nu sel, Muni loñul oakos srikla in mol bred nelos, tu elos nu kemwu fwa es ma sisik.

8 Sie nu sin met tumal lutlut, Andru, ma lel Saimon Piter, el fwak nu sel,

9 Mwen mogul si yinu, sru-kwal un barli limikos yurol, ā kiten ik lugue: tu ma iñi ā fuku nun met puspis?

10 Ā Jisus el fwak, oru met in mutu. Ā ma ma puspis yin si iñi. Tu ou iñi met elos mutu oaoa oanu limu.

11 Ā Jisus el es srukwal; ā ke el šuñ kulu, el kitalik nu sin met lutlut; ā met lutlut nu sin met mutu: ā k ouyape lupanu ma elos luñselos.

12 Ke elos nu kemwu kūp, el fwak nu sin met tumal lutlut, Šifweni luwen moño, nik tula kutu.

13 Tu ou iñi elos šifweni ā nakla kuom si ñul luo ke luwen srukwal un barli limikos, ma on yok liki ma elos moño.

14 Na met iño ke elos liye menmen iñi ma Jisus el oru, elos fwak, El iñi payinu met palu si šu tuku nu fwalu.

15 Ou iñi ke Jisus el etu tu elos luñselos tuku ā aruki-lye, in ora'l lun togusa, el šifwanu šom nu fwini eolu muku.

16 Ā ke eukela, met tumal lutlut elos oatu nu mwea,

17 Ā sroauk nu in oaku, ā šom nu mwea nu Keperneum. Ā iñi losrūni, ā Jisus el tiu tuku nu yurols.

18 Ā nūa lulap ke eñ upa.

19 Tu ou iñi ke elos kol

mail tolu ku akos, elos liye'l Jisus fwafwasyius nu mwea, ā fwas apkurun nu ke oaku: ā elos šaṇeñ.

20 Ā el fwak nu selos, Ņa; nikmit šaṇeñ.

21 Na elos luṇselos in esal nu fwin oaku: ā kiten misi-ñi oaku on fwin meše yin elos šom nu we.

22 ¶ Len tuko, ke met šu tu leo nu mwea, elos tiu liye sienu oak os we, oak siewu- nu met tumal lutlut sroauk nu fwe, ā tu Jisus el tiu wi met tumal lutlut nu in oaku, tu met tumal lutlut mugenu šomla;

23 (Tu kutenu oak tuku Taibirias mi, apkurun an si elos moño bred nu we, tukin palsi Leum el šuñ kulu:)

24 Tu ou iñi met elos liye tu Jisus el tiu os we, ā met tumal lutlut onyape, ā elos sroauk nu in kutu oaku, ā tuku nu Keperneum, in šukol Jisus.

25 Ā ke elos koñoilok nu leo mwea, elos fwak nu sel, Rabbai, kom tuku nu yinu ña?

26 Jisus el tupokoan nu selos ā fwak, Payinu, payi- nu, ña fwak nu šumwos, Komwos tiu šuki yu tu ko- mwos liye menmen, ā tu ko- mwos moño srukwal, ā fwa kūp.

27 Tiu orek ma nu ke me

moño ma sikamwul, tu nu ke me moño ma kamwul nu ke mol ma patpat, ma Mwen nutin met fwa šiot nu so- mwos: tu God Papa el Akulini'lye.

28 Na elos fwak nu sel, Mea kut a oru, tū kut fwa oru me orekma lun God?

29 Jisus el tupokoan ā fwak nu selos, Ma iñi me orekma luñ God, tu komwos lalal- fuñi ke'l šu el sipamu.

30 Tu ou iñi elos fwak nu sel, Ka akul šu kom luti, tu kut fwa liye, ā lalalfuñi kom? mea koin orek ma?

31 Papa tumus met elos moño manna yin musrasra; oanu ma simisla, El šuñ ne- los bred in kosaoe mi.

32 Na Jisus el fwak nu se- los, Payinu, payinu, ña fwak nu šumwos, Moses el tiu šiot nu šumwos ma bred in kosaoe mi: tu Papa tumuk el šiot nu šumwos bred payi in kosaoe mi.

33 Tu el šu oatu in kosaoe mi bred lun God, ā šuñ mol nu fwalu.

34 Na elos fwak nu sel, Leum, aši nu šes bred iñi ma patpat.

35 Ā Jisus el fwak nu se- los, Ņa bred mol: el šu tuku nu yuruk fwa tiu musinsral nu tuk; ā el šu lalalfuñi ke ña fwa tiu malu nu tuk.

36 Tu ña fwak nu šumwos



met, tu komwos liye yu pe, ā tiu lalalfuñi.

37 Ma nu kemwu Papa el si nu sik fwa tuku nu yuruk: ā el šu tuku nu yuruk ña tianu sisle.

38 Tu na oatu in kosaoe mi, tiu in oru ma luñsi luk, tu ma luñsi lal šu sipe yu mi.

39 Ā ma iñi ma luñsi lun Papa šu sipe yu mi, tu ma nu kemwu ma el si nu sik ña fwa tiu tula kutu, tu ña fwa akomolye'lak ke len si safla.

40 Ā ma iñi ma luñsi lal šu sipe yu mi, tu elos nu kemwu šu liye Mwen, ā lalalfuñi ke'el, fwa mol ma lalos ma patpat: ā ña fwa akmolye'losyuk ke len si safla.

41 Na Jus elos torkaskas nu ke'l, tu el fwak, Ña bred oatu in kosaoe mi.

42 Ā elos fwak, Ya Jisus iñi el tiu Mwen nutin Josef, papa šu ā nine kut etu? ka efwo el fwak, Ña oatu in kosaoe mi?

43 Tu ou iñi Jisus el tupokoan ā fwak nu selos, Komwos tiu tukeni torkaskas.

44 Wañin met ku in tuku nu yuruk, Papa šu sipe yu mi el fwin tiu amakun'al: ā ña fwa akmolyelak ke len si safla.

45 Met palu elos simisla met, Ā God el fwa lotolos nu

kemwu. Tu ou iñi met e nu šu loñ, ā lutlut ma lun Papa, elos fwa tuku nu yuruk.

46 Tu tiu kutu met liye'l Papa, el mugenu liye'l Papa, šu tuku yurol God mi.

47 Payinu, payinu, ña fwak nu šumwos, el su lalalfuñi ke ña mol ma patpat ma lal.

48 Ña bred si iño mol.

49 Papa tumomwos elos moño manna yin musrasras, ā elos miše.

50 Bred iñi šu tuku in kosaoe mi, tu met si fwa moño ke, ā el tiu mise.

51 Ña bred mol šu tuku in kosaoe mi: sienu met fwin moño bred iñi, el fwa mol ma patpat: ā bred ma ña fwa šiot ikūk, ma ña fwa šiot ke mol lun fwalu.

52 Tu ou iñi Jus elos tukeni akukuin, fwakañ, Met si iñi kiti nu šes ikül in moño fuka?

53 Na Jisus el fwak nu selos, Payinu, payinu, ña fwak nu sumwos, Komwos fwin tiu moño iküen Mwen nutin met, ā nim sa'l, wañin mol yuromwos.

54 El šu moño ikūk, ā nim sa'k, mol ma patpat ma lal; ā ña fwe akmolyelak ke len si safla.

55 Tu ikūk me moño payi, ā sak me nim payi.

56 El šu moño ikūk, ā nim

sa'k, mutu in ña, á ña in el.

57 Oanu Papa mol el sipe yu mi, á ña inol ke Papa: ouyape el su moño ña, elnu fwa inol ke ña.

58 Ma iñi bred su tuku in kosaoe mi: tiu oanu papa tumomwos elos moño man-na, á miše: el su moño bred iñi fwa mol ma patpat.

59 Ma iñi ma el fwak in lolñok, ke el luti in Keper-neum.

60 Tu ou iñi kutu ma pus-pis met tumal lutlut, ke elos loñ ma iñi, elos fwak, Kas-kas iñi upala, su ku in loñ ma?

61 Ke Jisus el šifwanu etu tumal lutlut elos torkaskas ke mao, el fwak nu selos, Ya ma iñi tugulkuli komwos?

62 Ka fuka á komwos fwin liye Mwen nutin met el šumak nu yin el mute we met?

63 Ma ñun orauk molyuk; ikū tiu oru mwo: kas ma na kaskas nu šumwos, elos ñun, á elos inol.

64 Tu kutu šumwos tiu lalalfuñi. Tu Jisus el etu ke mutamwauk nu iñi elos su lalalfuñi, á el su fwa tukakunulak.

65 Á el fwak, Tu ou iñi ña fwak nu šumwos, tu wañin met ku in tuku nu yuruk,

Papa tumuk el fwin tiu suñ ma nu sel.

66 Tukin pal si iñi kutu ma puspis met tumal lutlut folokla, á tiu oelul fwas nu tuk.

67 Na Jisus el fwak nu sin ma siñul luo, Ya komwos fwa šompe?

68 Na Šaimon Piter el tupokoañ nu sel, Leum, kem šom nu yurin su? ma kas lun mol ma patpat ma lom.

69 Á kem lalalfuñi á etenu tu kom Kraist Mwen nutin God mol.

70 Jisus el tupokoañ nu selos, Ya ña tiu sulū komwos la siñul luo, á sie šumwos devil?

71 El fwak ke Judas Iska-riot nutin Šaimon: tu el sie lun siñul luo, fwa tukakunulak.

## ŠAPTER 7.

**T**UKIN ma iñi Jisus el fwafwasyis yin Galili: tu el tiu luñsel fwafwasyis nu yin Juri, tu Jus elos šuk in uni'lye.

2 Á kofwen lom sra lun Jus akurun iñi.

3 Tu ou iñi met lili elos fwak nu sel, Fwas liki an si iñi, á šom nu yin Judea, tu met tumom lutlut elos fwa liye pe me orekma ma kom oru.

4 Tu wañin met in oru

kutu ma in lukma, ā el si-  
fwanu suk in oru lemtu-  
laiuk. Kom fwin oru kutu  
ma iñi, kom luti kom nu  
fwalu.

5 Tu wañin ma lel lalal-  
fuñi ke'l.

6 Na Jisus el fwak nu se-  
los, Pal si luk tiu tuku iñi:  
ā pal si lomwos in ako pal e  
nu kemwu.

7 Fwalu tiu ku in sruñe  
komwos; ā fwalu sruñe yu,  
tu ña orek ma lo ke mao, tu  
me orekma ma lal koluk.

8 Komwos fwafwasyuk nu  
ke kofwa si iñi: ña tiu fwa-  
fwasyuk iñi nu ke kofwa si  
iñi; tu pal si luk sumwe  
tuku iñi.

9 Ke el fwak nu selos ma  
kas iñi tari, el mutu yin  
Galili.

10 Ā ke ma lel elos fwas-  
yuk met, el fwasyuk pe tuk  
nu ke kofwo, tiu lemtulai-  
yuk, tu oanu ma in lukma.

11 Na Jus elos sukol nu  
ke kofwo, ā fwak, El a ya?

12 Ā met elos torkaskas  
malulap ke'l; tu kutu fwak,  
El met mwo, ā kutenu fwak,  
Mo; tu el kutasrik nu sin  
metu.

13 Payi, wañin met kaskas  
lemtulaiuk nu ke'l, tu elos  
sañeñ sin Jus.

14 Ā iñi akurun infulwin  
kofwo, Jisus el fwasyuk nu  
in imwen tempel, ā luti.

15 Ā Jus elos lut, fwakañ,  
Met iñi wañin pal si el lut-  
lut, el etu me lutlut fuka?

16 Jisus el tupokoañ nu  
selos, ā fwak, Me lutlut luk  
tiu ma luk, tu ma lal šu  
sipe yu mi.

17 Met sinu fwin luñsel  
oru ma luñsi lal, el fwa etu  
ke me lutlut, la ma lun God,  
ku ma kaskas ke ña.

18 El šu kaskas ke elnu  
šuk ma mwomwo ma lal: ā  
el šu šuk ma mwowo lal šu  
sipa el mu, el iñi payi, ā wa-  
ñinu ma sito in el.

19 Ya Moses el tiu šiot nu  
šumwos manu, ā wañin su-  
mwos in orek manu? Efwo  
komwos ku šuki yu wi in  
uni yu wi?

20 Met elos tupokoañ ā  
fwak. Devil wi kom, šu  
šuk kom in uni kom?

21 Jisus el tupokoañ ā fwak  
nu selos. Ña oru sie me  
orekma, ā komwos nu ke-  
mwu lut.

22 Tu ou iñi Moses el šiot  
nu somwos ma kosraok;  
(Moses el tiu šiot, tu tumus;)  
ā ke len sabat komwos kos-  
rōla met si.

23 Ke len sabat met si  
fwin es kosraok, tu elos tiu  
kanaosla manu lun Moses:  
ya komwos mulat nu sik, tu  
ña oru met si in kela nu  
kemwu ke len sabat?

24 Tiu nununku oanu ma

liye, tu nununku oanu nunok payi.

25 Na kutu selos met Jerusalem fwak, Ya tiu el iñi šu elos suk in uniye?

26 Ā liye, el kaskas pulaik, ā elos tiu fwak nu sel. Ya payi leūm elos etu tu el iñi Kraist payi?

27 Tu kut etu met si iñi an el fwas we mi: ā ke Kraist el tuku, wañin met etu an el fwas we mi.

28 Na Jisus el wowoyuk in imwen tempel ke el luti, fwakañ, Komwos ete yu, ā komwos etu an ña fwas we mi: ā ña šifwanu tiu tuku, tu el payi šu sipe yu mi, komwos tiu eta'l.

29 Ā ña eta'l: tu ña tuku yurol mi, ā el sipe yu mi.

30 Na elos šokol in sru-ki'lye: ā wañin met fliye pao fwel, tu auu si lal sumwe tuku iñi.

31 Ā met puspis lalalfuñi ke'l, ā fwak, Ke Kraist el tuku, ya el oru menmen pus liki ma iñi ma met si iñi oru?

32 Met Farisi elos loñ tu met torkaskas kutu ma iñi ke'l; ā met Farisi ā met tol fulat elos sipaot met rošo in sruki'lye.

33 Na Jisus el fwak nu selos, Piyañ sisik si kutu ña os yuromwos, ā ña fwa šom nu yurin šu sipe yu mi.

34 Komwos fwa suk yu, ā tiu konoï yu yuk: ā yin ña mutu we komwos koffanu tuku.

35 Na Jus elos tukeñi kaskas, An ya el fwa šom nu we, tu kut ā tiu konoïlok? Ya el fwa šom nu yurols sin met Greek putakasi, ā luti met Greek?

36 Fuka kaskas iñi ma el fwak, Komwos fwa suk yu, ā tiu konoï yu yuk: ā yin ña mutu we, komwos koflanu tuku?

37 ¶ In len si safla, len lulapsi lun kofwo. Jisus el tu ā wowoyuk, fwakan, Met enu fwin malu, lela lun tuku nu yuruk, ā nim.

38 El šu lalalfuñi ke ña oanu ma Simisla fwak met, Infwal lun kof mol ā širorla liki inšiel.

39 (Ā el kaskas iñi ke Ñun, šu elos fwa es šu lalalfuñi ke'l: tu Ñun mutal tiu tuku iñi; tu mwolanu ma lun Jisus sumwe orek iñi.)

40 Tu ou iñi met puspis ke elos loñ ma kas iñi, elos fwak, El iñi Met Palu payi.

41 Kutenu fwak, El iñi Kraist. Ā kutenu fwak, Ya Kraist el fwa tuku yin Galili mi?

42 Ya ma Simisla tiu fwak met, Tu Kraist el tuku ke fute lun Devid ā an Betleem

mi, an Devid el mutu we met?

43 Tu ou iñi met elos oru unkas lugwe ke'l.

44 A kutu selos luñsi sru-ki'lye; tu wañin met filiye pao fwe'l.

45 Na met rošo elos tuku nu yurin met tol fulfat a met Farisi; a elos fwak nu selos, Ka efwo komwos ku tiu wis el?

46 Met rošo elos tupokoañ, Wañin met kaskas oanu met si iñi u met nu iñi.

47 Na met Farisi elos tupokoañ nu selos, Ya komwos ouyape kutasrik?

48 Ya kutu sin met mwol ku met Farisi elos lalalfuñi ke'l?

49 Tu met iñi, su tiu etu manu, laalosla.

50 Nikodimus, (el su tuku nu yurol Jisus ke foñ, sie selos) el fwak nu selos.

51 Ya manu las nununkauk met si met, a loñol tuk, a etu ma el oru?

52 Elos tupokoañ a fwak nu sel, Ya kom pe tuku Galili mi? Šuk a liye, tu met palu tiu sik mi Galili mi.

53 A met nu kemwu šom nu lom selos.

## ŠAPTER 8.

**J**ISUS el fwasiyuk nu fwin eol Olifs.

2 A lenelik lutue el siefwil

tuku nu in imwen tempel, a met e nu kemwu tuku nu yurol; a el mutu, a luti nu selos.

3 A met šim a met Farisi elos wis nu yurol mutan si es in orek kosro; a ke elos fili'lye in fulwe,

4 Elos fwak nu sel, Met luti, kut es mutan si iñi in orek kosro, ke el oru.

5 A Moses el šap nu šes in manu, tu kut tuñol met ou iñi: tu mea kom fwak?

6 Elos fwak ma iñi in sri-fwel, tu elos fwa sis nu fwel. A Jisus el šumoli, a suñ kufinpaul simisla fok *Oanu el tiu lon.*

7 A ke elos ekisripi nu sel, el šifwanu keyuk, a fwak nu selos. El su šumwos tiu orek ma koluk tuñ-lal met.

8 A el siefwilpe šumoli, a suñ kufinpaul simisla fok.

9 A elos su loñ ella'los luti nu selos tu elos koluk, elos sio ku sie šom liki, mutamwauk ke matu, nu ke safla: a Jisus el mugenu mutu, a mutan tu in fulwe.

10 Ke Jisus el šifwanu keyuk, a liye wañin, mutan mugenu, el fwak nu sel, Mutan ka pia met sis nu fwom? ya wañin met in lis kom la?

11 A el fwak, Leum wañin. A Jisus el fwak nu sel, Na

tiu lis kom la: fwasot, ā tiu orek ma koluk tuk.

12 ¶ Na Jisus el siefwilpe kaskas nu selos, fwakañ, Ña kalem fwalu: el šu fwas tukuk tiu fwafwasyis in los, tu kalem mol ma lal.

13 Tu ou iñi met Farisi elos fwak nu sel, Kom šifwanu orekma lo ke ium; ma lo lom tiu payi.

14 Jisus el tupokoañ ā fwak nu selos, Ña fwin orek ma lo ke ña, ma lo luk payi: tu ña etu an ña tu we mi, ā an ña fwas nu we; ā komwos koflanu luti an ña tu we mi, ā an ña fwas nu we.

15 Komwos nununku ke ikū; wañin met ña nununku.

16 Ā na fwin nununku, ma nununku luk payi: tu tiu ña mugenu, tu ña ā Papa šu sipe yu mi.

17 Ā ma simisla in manu lomwos, tu ma lo lun met luo payi.

18 Ña sie šu orek ma lo ke ña, ā Papa šu sipe yu mi el orek ma lo ke ña.

19 Na el fwak nu sel, Oiya Papa tumom? Jisus el tupokoañ, Komwos tiu ete yu, tiu Papa tumuk: komwos fwin ete yu met, komwos fwa ete pe Papa tumuk.

20 Jisus el kaskas ma kas iñi niin fwil tatū, ke el luti in imwen tempel: ā wañin

met fliye pao on fwel; tu auu si lal sumwe tuku iñi.

21 Na Jisus el siefwil fwak nu selos, Ña šomnu, ā komwos ā šuki yu, a fwa miše in ma koluk lomwos: yin ña šom nu we komwos koflanu tuku.

22 Na Jus elos fwak, Ya el šifwanu uni'lye? tu el fwak, Yin ña šom nu we, komwos koflanu tuku.

23 Ā el fwak nu selos, Komwos tuku ten mi; Ña tu lūñ mi: komwos met fwalu; Ña tiu met fwalu.

24 Tu ou iñi ña fwak nu šumwos, tu komwos fwa miše in ma koluk lomwos: tu komwos fwin tiu lalal-fuñi tu ña el, komwos fwa miše in ma koluk lomwos.

25 Na elos fwak nu sel, Šu komwun? Ā Jisus el fwak nu selos, Ā el šu ña fwak nu šumwos ke mutamwauk.

26 Ma puspis ma luk in kaskas ā in nununke komwos: tu el payi šu sipe yu mi; ā ña fwak nu sin fwalu kutu ma ña loñ ke'l.

27 Elos tiu etu tu el fwak nu selos ke Papa.

28 Na Jisus el fwak nu selos, Ke komwos fwa srukak nu lūñ Mwen nutin met, na komwos fwa etu tu ña el, ā ña šifwanu tiu oru kutu ma; tu oanu Papa tu-

muk el luti nu sik, ma iñi ña kaskas.

29 Æ el šu sipe yu mi wi yu : Papa el tiu fili yu wi muge-nu ; tu pal e nu keinwu ña oru ma iño ma el luñsel.

30 Ke el kaskas ma iñi, ma puspis lalalfuñi ke'.

31 Na Jisus el fwak nu sin Jus iño šu lalalfuñi ke', Komwos fwini oru ma kaskas luk iñi nu tuk, komwos met tumuk lutlut payinu ;

32 Æ komwos fwa etu ma payi, ã ma payi fwa orek komwos šugušok.

33 Elos tupokoan nũ sel, Kem fute lun Abream, ã wañin met orek kit in koš ; fuka kom fwak, Komwos ã šugošok ?

34 Jisus el tupokoan nu selos, Payinu, payinu ñafwak nu šumwos, El šu orek ma koluk el met kulansap lun ma koluk.

35 Æ met kulansap tiu mutu in lomwu ma patpat : Mwen el mutu ma patpat.

36 Tu ou iñi Mwen fwini orek komwos šugušok, komwos fwa šugušok payi.

37 Ña etu tu komwos fute lun Abream : tu komwos suki yu in uni yu wi, tu kaskas luk tiu on inšiomwos.

38 Ña kaskas kutu ma ña wi Papa tumuk liye : ã komwos oru kutu ma komwos wi papa tumomwos liye.

39 Elos tupokoan ã fwak nu sel, Abream papa tumus. Jisus el fwak nu selos, Komwos fwini mwen nutin Æbream, komwos ã oru me orekma lun Abream.

40 Æ iñi komwos šuk in uni yu wi, met šu kaskas nu šumwos ma payi, ma ña loñ sel God mi : ma iñi Abream el tiu oru.

41 Komwos oru me orekma lun papa tumomwos. Na elos fwak nu sel, Kem tiu isũsla ke kosro ; Papa siewu-nu tumas, God.

42 Jisus el fwak nu selos, God el fwini Papa tumomwos, komwos fwa luñšomwos ña : tu ña fwas liki ã tuku yurol God mi ; ña ši-fwanu tiu tuku, tu el sipe yu mi.

43 Efwo komwos ku tiu etu ma kaskas luk ? tu komwos tiu ku in loñ ma kas luk.

44 Komwos lun papa tumomwos, devil, a ma luñši lun papa tumomwos komwos luñšomwos oru : el met ak-mus ke mutamwauk mi, ã tiu mutu yin payi, tu wañin ma payi in el. Ke el kaskas ma kikiap, el kaskas ma lal : tu el met kikiap, ã papa tuma.

45 Æ tu ña luti komwos ma payi, komwos tiu lalalfuñi yu.

46 Šu šumwos sifwosikla sik ke ma koluk? Ā ña fwin fwak nu šumwos ma payi, efwo komwos ku tid lalalfuñi yu?

47 El šu yurol God loñ ma kas lun God: tu ou iñi komwos tiu loñ, tu komwos tiu ma lun God.

48 Na Jus elos tupokoan, ā fwak nu sel, Ya kem tiu kaskas mwo tū kom met Samaria, ā devil lom?

49 Jisus el tupokoan, Wañin devil luk; tu ña oru mwo nu sin Papa tumuk, ā komwos orek ma koluk nu sik.

50 Ā ña tiu šuk ma mwowo luk: sie šuk ā nunuku.

51 Payinu, payinu, ña fwak nu šumwos, met fwin srukke ma kas luk, el a tiu liye miše nu tuk.

52 Na Jus elos fwak nu sel, Iñi kem etu tu devil lom. Abream el miše, ā met palu; ā kom fwak, Met fwin srukke ma kas luk, a tiu pulakin miše nu tuk.

53 Ya kom yok liki Abream papa tumus, šu miše? ā met palu šu miše: ka šu kom orek kom?

54 Jisus el tupokoan, Ña fwin oru mwo nu sik, mwo luk wañin: Papa tumuk el oru mwo nu sik; komwos fwakul tu el God lomwos.

55 Ā komwos tiu eta'l; ā ña eta'l; ā ña fwin fwak, Ña tiu eta'l, ña fwa met kikiap ou komwos: tu ña eta'l, ā srukke ma kas lal.

56 Abream papa tumomwos el eñun tu el liye len luk: ā el liye, ā eñunak.

57 Na Jus elos fwak nu sel, Kom tiu yiu lum ñaul matu, ya kom liye'l Abream?

58 Jisus el fwak nu selos, Payinu, payinu ña fwak nu šumwos, Ña met Abream tuk.

59 Ña elos srukak eot in tuñ lal: ā Jisus el mwukmwuk, ā el šom liki imwen tempel, fwas sasla lukalos, ā ou iñi fwas alukela.

## ŠAPTER 9.

**K**E Jisus el fwas alukela, el liye met si nono kun mutu ke isūsia.

2 Met tumal lutlut siyuk sel, fwakañ, Rabbai, šu orek ma koluk, met si iñi, ku met kiēl tumal, tu el nono kun mutal ke isūsia?

3 Jisus el tupokoan, Tiu el orek ma koluk, tiu kiēl tumal: tu me orekma lun God fwa luti nu šes ke'l.

4 Ña orek ma nu me orekma lal šu sipe yu mi, ke len: foñ tuku, ke wañin met ku in orek ma.

5 Ke ña os fwalu, ña kalem lun fwalu.



6 Ke el kaskas ma iñi, el aniye foko, ā oraук sruk-srukiyuk ke ani, ā moswela mutun met kun ke fok,

7 Ā el fwak nu sel, Fwasot, elak in lulu Siloam (ma tafwu Sipu). Tu ou iñi el somla, ā elak, ā tuku liye.

8 Na met tulong, ā elos šu etal met tu el met kun, elos fwak, Ya el iñi tiu el šu mutu ā ŋus?

9 Kutu fwak, El iñi: kute-nu, el oanu el: el fwak, Ŋa el.

10 Ou iñi elos fwak nu sel, Mutom ŋutalik fuka?

11 El tupokoan ā fwak, Met si pañpañ Jisus el orek fok, ā moswela mutuk, ā fwak nu sik, Fwasot nu lulu Siloam, ā elak: ā ŋa som ā elak, ā ŋa liye.

12 Na elos fwak nu sel, El aiya? El fwak, ŋa nikin.

13 Elos wis el šu met kun met nu sin met Farisi.

14 Ā len sabat ke Jisus el orek fok, ā igasla mutal.

15 Na met Farisi elos siefwil siyuk sel fuka el liye. El fwak nu selos, El šuñ fok on ke mutuk, ā ŋa elak, ā liye.

16 Tu ou iñi kutu met Farisi fwak, Met iñi tiu ma lun God, tu el tiu liauñ len sabat. Kutenu fwak, Met koluk si oru kutu menmen

ou iñi fuka? Ā. elos oru unkas lugwe.

17 Siefwilpe elos fwak nu sin met kun, Mea kom fwak ke'l tu el igasla mutom? El fwak, El met palu.

18 Tu Jus elos tiu lalalfuñi ke'l, tu el met kun met, ā liye iñi, nu ke pal si elos pañon mu met kiel tumal met liye.

19 Ā elos siyuk seltal, fwa-kañ, Ya el iñi mwen nutom-tal, šu komtal fwak tu el nono kun ke isūsia? na fuka el liye iñi?

20 Met kiel tumal tupokoan nu selos ā fwak, Ketal etu tu el iñi mwen netital, ā tu el nono kun ke isūsia:

21 Ā el liye iñi fuka, ketal tiu etu; ā šu igasla mutal, ketal tiu etu: el matu kutu: siyuk sel: ā el ā šifwanu kaskas.

22 Ma iñi met kiel tumal fwak, tu eltal šañeñ sin met Jus; tu Jus elos iñi oru unkas sugo, tu met sinu fwin fwakak tu el Kraist, elos fwa sis ella likin imwen lolñok

23 Tu ou iñi met kiel tumal fwak, El matu kutu; siyuk sel.

24 Na elos siefwilpe pañon-mu met kun met, ā fwak nu sel, Kom oru ma mwowo nu sel God: kut etu tu met si iñi met koluk si

25 El tupokoan̄ ā fwak, El fwin met koluk si n̄a tiu etu la payi ku sito: ma siwunu n̄a etu, tu met n̄a met kun, iñi n̄a liye.

26 Ā elos siefwilpe fwak nu sel, Mea el oru nu šum? El igasla mutom fuka?

27 El tupokoan̄ nu selos, N̄a fwak nu šumwos met, ā komwos tiu loñ: efwo komwos luñšomwos siefwilpe loñ? ya komwos luñšomwos pe met tumal lutlut lal?

28 Na elos kolya el ā fwak, Kom met tumal lutlut lal; ā kut met tumal lutlut lal Moses.

29 Kut etu tu God el kaskas nu sel Moses: ā el iñi, kut tiu etu an el fwas we mi.

30 Met el tupokoan̄ ā fwak nu selos, tu ma iñi ma šokuruk si, tu komwos tiu etu an el fwas we mi, ā el igasla mutuk.

31 Kut etu tu God el tiu loñ met koluk: tu met sinu fwin ali nu sel God, ā oru ma luñši lal, el loñol.

32 Ke sroas fwalu nu iñi kut tiu loñ tu met sinu igasla mutan met nono kun ke isūsia.

33 Met si iñi fwin tiu yurol God mi, el koflanu oru kutu ma.

34 Elos tupokoan̄ ā fwak nu sel, Kom isūsia ke. ma

koluk mukewunu, ya kom luti nu ses? Ā elos sis ella liki.

35 Jisus el loñ tu elos sis el la liki; ā ke el konoilok, el fwak nu sel, Ya kom lalalfuñi ke Mwen nutin God?

36 El tupokoan̄ ā fwak, Leum, Ka el šu, tu n̄a fwa lalalfuñi ke'l?

37 Ā Jisus el fwak nu sel, Ā kom liye'l, ā el šu kaskas nu šum el.

38 Ā el fwak nu sel, Leum, N̄a lalalfuñi. Ā el ali nu sel.

39 Ā Jisus el fwak, N̄a tuku nu fwalu ke ma nununok, tu elos šu tiu liye fwa liye; ā elos šu liye fwa met kun.

40 Ā kutu met Farisi šu oelul loñ ma kaskas iñi, ā elos fwak nu sel, Ya kem met kun pe?

41 Jisus el fwak nu selos, komwos fwin met kun, wañin ma koluk lomwos; ā iñi komwos fwak, Kem liye; tu ou iñi ma koluk lomwos onu.

## ŠAPTER 10.

**P**AYINU, payinu, n̄a fwak nu šumwos, el su tiu iliyuk ke mutun pot nu in kolkol sin šip, 'tu tupalak kutu an in kolkolu, el met pusupas ā met iñunyar.

2 Ā el šu iliyuk ke mutun pot met sropu šip.

3 Met liye mutun pot el igasla nu sel; ā šip elos loñ pusrāl: ā el pañon ē šip natal, ā kololosla.

4 Ā ke el esla šip natal liki, el fwas ye mutalos, ā šip fwas tukol: tu elos etu pusrāl.

5 Ā elos tiu fwas tukin metsa, tu elos kaiñla lukel: tu elos tiu etu pusren metsa.

6 Papulyuk si iñi ma Jisus el fwak nu selos: ā elos ninkunla ma iñi ma el kaskas nu selos.

7 Na Jisus el siefwil fwak nu selos, Payinu, payinu, ña fwak nu šumwos, Na mutun pot lun šip.

8 Elos nu kemwu šu tuku met elos met pusupas ā met iñunyar: tu šip tiu loñolos.

9 Na mutun pot: met sinu fwin iliyuk aliki yu yuk, el fwa molla, ā el ā fwafwasyis lū lik, ā konoiook me moño.

10 Met pusupas tuku in pusrala, ā in uniye, ā in konaoselik: ña tuku tu elos fwa molla, ā mol lulap malalos.

11 Na met sropu mwo: met sropu mwo el šuñ mol lal nu sin šip.

12 Ā el šu met kūnokon, ā tiu met sropu, ā šip tiu malal, el liye kosro wulf tuku, ā filiye šip, ā kaiñla: a wulf srokolosi, ā luselik šip.

13 Met kūnokon kaiñla, tu

el met kūnokon, ā tiu karwuñuñañ šip.

14 Na met sropu mwo, ā ña etu ma nutig, ā elos ete yu.

15 Oanu Papa el ete yu, ouyape ña etu Papa: ā ña filiye mol luk ke šip.

16 Kutenu šip nutig, tiu ma lun kolkol si iñi: ña fwa wis alos mepe, ā elos fwa loñ pusrek, ā fwa kolkol siewunu, a met sropu siewunu.

17 Tu ou iñi Papa tumuk el luñsel ña, tu ña filiye mol luk, tu ña siefwil srukak.

18 Wañin met esla ma liki yu, tu ña šifwanu likiye. Na ku in filiye, ā ña ku in siefwil srukak. Na es ma šap si iñi lun Papa tumuk.

19 Tu ou iñi siefwilpe unkas lugwe selos Jus ke kutu kaskas iñi.

20 Ā ma puspis selos fwak, Devil lal, ā el mwul: efwo komwos ku loñol?

21 Kutenu fwak, Kutu kaskas iñi tiu malal šu devil lal. Ya devil el ku in oaliñalik mutun met kun?

22 ¶ Ā kufwo isisou nu yin Jerusalem, ā pal eou si.

23 Ā Jisus el fwafwasyis in imwen tempel in sraumwal-sis lun Solomon.

24 Na Jus elos tuku nu apnulaiñi, ā fwak nu sel, Putaka kom srukak ma kut

nunku? Kom fwin Kraist, fwak nu šes lemtulaiyuk.

25 Jisus el tupokoan nu selos, Na fwak nu šuinwos, a komwos tiu lalalfuñi: me orekma ma na oru in el Papa tumuk,elos orek ma lo ke na.

26 A komwos tiu lalalfuñi, tu komwos tiu ma lun šip nutig, oanu na fwak nu šumwos.

27 Šip nutig elos loñ pusrek, a na.eta'los, a elos fwas tukuk:

28 A na šuñ mol kamwul nu selos; a elos tiu miše nu tuk, a wañin met ku in es elos la liki in pok.

29 Papa tumuk šu aši nu sik, el yok liki nu kemwu; a wañin met ku in es elos la liki in pon Papa tumuk.

30 Na a Papa siewunu.

31 Na Jus elos siefwilpe srukak kutu eot in tuñlal.

32 Jisus el tupokoan nu selos, Na luti nu šumwos ma puspis mwo me orekma lun Papa tumuk; ka šu orek ma iñi komwos ku tuñalyu?

33 Jus elos tupokoan nu sel fwakañ, Kem tiu tuñal kom ko mwo me orekma; tu ke enum; a tu kom, met si šifwanu, orek kom God.

34 Jisus el tupokoan nu selos, Ya tiu simisla in manu lomwos, Na fwak, Komwos godu?

35 El fwin pañnolos godu,

nu selos šu kaskas lun God tuku, a kut koflanu kanaosla ma Simisla:

36 Ya komwos fwak ke'l, šu Papa el oru mutal, a si-paot nu fwalu Kom enum; tu na fwak, Na Mwen nutin God?

37 Na fwin tiu oru me orekma lun Papa tumuk, komwos tiu lalalfuñi yu.

38 A na fwin oru komwos fwim tiu lalalfuñi yu, mwo komwos lalalfuñi me orekma: ou iñi komwos fwa etu, a lalalfuñi, tu Papa in na, a na in el.

39 Tu ou iñi elos siefwilpe šokol in uni'lye; a el kainla liki paulos,

40 A el siefwilpe šom nu likin yeno Jordan nu yin Jon el baptaisla we met: a el mutanu iño.

41 A ma puspis fwas nu yurol, a fwak, Jon el tiu oru menmen: a ma nu kemwu ma Jon el fwak ke met si iñi payinu.

42 A ma puspis iño lalalfuñi ke'l.

## ŠAPTER 11.

I NI sie met mas, e Lasurus, lun Beteni, an sel Meri a tael Marta.

2 (Meri iñi el šuñ kwair moswel Leum, a ella nial ke aun šiufwel, met Lasurus mas ma loul.)

3 Tu ou iñi ma loul eltal šapot nu sel, fwakañ, Leum, liye, el šu kom luñšom mas.

4 Ke Jisus el loñak, el fwak, Mas si iñi tiu miše, ā tu ma mwowo lun God; tu Mwen nutin God tufwa mwola ke ma iñi.

5 Jisus el luñsel Marta, ā tāel, ā Lasurus.

6 Ā ke Jisus el loñ tu el mas, el mutu len luo anšenu el mutu we met.

7 Tukin ma iñi el fwak nu sin met tumal lutlut, Kut siefwil šom nu Judea.

8 Met lutlut elos fwak nu sel, Rabbai, akurun iñi Jus elos šuk in tuñal kom; ya kom siefwil šom nu iño?

9 Jisus el tupokoañ, Ya tiu auu siñul luo len si? Met sinu fwin fwafwasyis ke len el tiu tugulkul, tu el liye kalem lun fwalu.

10 Ā met si fwin fwafwasyis ko foñ, el tugulkul, tu wañin kalem in el.

11 El fwak ma iñi: ā tuko el fwak nu selos, Lasurus, met kawuk las el motul; tu ña šom in oksalak.

12 Na met tumal lutlut fwak, Leum el fwin motul, el fwa kela.

13 Ā Jisus el kaskas ke miše lal: ā elos nunku mu tu el fwak ke moñle in motul.

14 Na Jisus el fwak nu

selos lemtulaiuk, Lasurus el miše.

15 Ā na eñun šumwos tu ña tiu os we, ou iñi komwos lalalfuñi; tu lela kut in šom nu yurol.

16 Na Tomas, pañpañ Didimus fwak nu sin met lutlut lal, Mwo kut wi pe šom, tu kut oelal miše.

17 Na ke Jisus el tuku, el konoiook tu el on inkulyuk len ekos.

18 Ā Beteni apkurun Jerusalema, oanu furloñ siñul limikos lūše.

19 Ā Jus ma puspis tuku nu yuroltal Marta ā Meri, in asor mwowo nu seltal ke met loultal.

20 Na Marta, kiten misiñi ke el loñ tu Jisus el fwasue, el šom ā šunol: ā Meri el mutanu in lomwu.

21 Na Marta el fwak nu sel Jisus, Leum, kom fwino mutu yinu, ma lauk el tiu miše.

22 Ā ña etu, tu ma kom siyuk sel God iñi, God el fwa šiot nu sum.

23 Jisus el fwak nu sel, Ma loun el ā siefwil tukakak.

24 Marta el fwak nu sel, Na etu tu el siefwil tukakak in molyuk ke len si safla.

25 Jisus el fwak nu sel, Na me molyuk, ā me mol: el šu lalalfuñi ke ña, el fwin miše, fwa mol.

26 Ā el šu mol ā lalalfuñi ke ña el tiu miše. Ya kom lalalfuñi ma iñi ?

27 El fwak nu sel, Ao Leum; ña lalalfuñi tu kom Kraist, Mwen nutin God, šu tuku nu fwalu.

28 Ke el fwak ma iñi, el šom, ā pañonmu Meri tāel lukma, fwakañ, Met luti tuku, ā pañon kom.

29 Ā ke el loñak el tukakak kiten misiñi, ā tuku nu yurol.

30 Ā Jisus el šumwe tuku nu in an si, el srak mutu yin si Marta el šunol.

31 Na Jus šu oelul nu in lomwu, ā ašor mwowo nu sel, ke elos liye'l Meri, tu el silaklak in tukakak ā šom liki, elos fwas tukol, fwakañ, El šom nu inkulyuko in tuñ we.

32 Ā ke Meri el tuku yin Jisus el mutu we, ā liye'l, el putatla nu ke nial, fwakañ nu sel, Leum, kom fwino os yinu, ma lauk el tiu miše.

33 Ā ke Jisus el liye'l tuñnu, ā Jus šu oelal tuñpe, el šašaoela in ñunal, ā toninsoñ,

34 Ā fwak, Komwos fililye ya ? Elos fwak nu sel, Leum, fwasu ā liye.

35 Jisus el tuñ.

36 Na Jus elos fwak, Liye, fuka el luñši el !

37 Ā kutu selos fwak, Met si iñi šu oaliñalik mutun met kun, Ya el koflanu oru tu met iñi tiu miše ?

38 Tu ou iñi Jisus el siefwilpe šašao in el tuku nu yin kulyuku. Ma inlufu, ā eotsi likie on fwe.

39 Jisus el fwak, Komwos esla eot si liki. Marta, met si loul miše, el fwak nu sel, Leum, ke pal si iñi el pusos: tu el miše len akos.

40 Jisus el fwak nu sel, Ya ña tiu fwak nu sum, tu, kom fwini lalalfuñi, kom fwa liye ma mwowo lun God ?

41 Na elos esla eotsi liki yin met miše on we. Ā Jisus el ñetak mutal, ā fwak, Papa, ña kulu nu sum tu kom loñ yu.

42 Ā ña etu tu kom loñ yu ma patpat: ā tu met puspis tu apneninu ña fwak, tu elos fwa lalalfuñi tu kom sipe yu mi.

43 Ā ke el fwak ma iñi, el wowoyuk ma lulap pusral, Lasurus, fwas nu yinu.

44 Ā el šu miše tuku, lolüni nial ā paul inkulyuku; ā mutal nukla ke napkin. Jisus el fwak nu selos, Tulalla, ā lela lun šom.

45 ¶ Na Jus puspis šu tuku nu yurol Meri, ā liye ma iñi ma Jisus el oru, elos lalalfuñi ke'l.

46 Ā kutenu selos šom nu

yurin met Farisi, ā fwak nu selos ma Jisus el oru.

47 Na met tol fulat ā met Farisi tukeni mwolil, ā fwak, Mea kem oru? tu met si iñi orek menmen puspis.

48 Kem fwino lela el ou iñi, nu kemwu fwa lalalfuñi ke'l: ā met Rom elos fwa tuku ā esla an šes ā met las.

49 Ā sie selos, pañpañ Kaiefas, el met tol fulat yiu si iñi, el fwak nu selos, Komwos tiu etu kiten mea sisik,

50 Ā tiu nunku mu tu mwo nu šes, tu sie met muše met, ā tu tiu met e nu kemwu miše.

51 Ā el kaskas ma iñi tiu ke'l: tu el met tol fulat yiu si iñi, polyauk tu Jisus el muše met iño;

52 Ā tiu met iño mugenu, ā tu el fwa eseni in sie tulig nutin God os putakasi.

53 Na len si iño nu tuk elos tukeni kaskas fuka in uni'lye.

54 Tu ou iñi Jisus el tiu fwafwasyis lemtulaiuk nu sin met Jus tuk: tu el fwasot nu yin apkurun musrasra, yin met mutu we pañpañ Efreim, ā el mutu iño yurin met tumal lutlut.

55 Ā kofwo alukela lun Jus akurun iñi: ā ma puspis fwas liki an si iñi nu Jerusalem elos met alukela tuk, in tetela selos.

56 Na elos sukol Jisus, ā tukeni kaskas, ke elos tu in imwen tempel, Mea komwos nunku, tu el fwa tiu tuku nu ke kofwo?

57 Ā met tol fulat ā met Farisi pe eltotal šapot, tu, met sinu fwin etu an el mutu we, el ā luti, tu elos fwa sruki'lye.

## ŠAPTER 12.

**N**A len onkos met alukela tuk, Jisus el tuku nu Beteni, yin Lasurus met miše mutu we, šu el akmol-yelak yin miše mi.

2 Iño elos oru supper nel; ā Marta el kulanšap: ā Lasurus sie selos šu oelal munin tebue.

3 Na Meri el es paun si me akmusra spaiknar, yoklanu molo, ā el moswela nial Jisus, ā ělla nial ke aunšiu-fwel: ā lom tiñtiñinu me akmusra keñ.

4 Na sie sin met tuma lutlut, Judas Iskariot, nutin Saimon, šu tukakunulak, el fwak,

5 Efwo ku tiu kukakin me akmusra iñi in mol muni añ ñaul, ā šuñ nu sin met sigasrup?

6 El tiu fwak ma iñi, tu el nunkauk met sigasrup; el ou iñi tu el met pusupas, ā nuk os yurol, ā el wis ma on lā.

7 Na Jisus el fwak, Nimit ora'l : el likeye ma iñi nu ke len si pukpuki ña.

8 Tu met sigasrup mutu yuromwos ma patpat; ã ña tiu mutu yuromwos ma-patpat.

9 ¶ Tu ou iñi met puspis Jus elos etu tu el iño: ã elos tiu tuku ke'l Jisus mugenu, ã tu elos fwa liye'l pe Lasurus, su el akmolyauk yin miše mi.

10 Æ met tol fulat elos tukeni papu tu elos fwa uni'lye pe Lasurus;

11 Tu ke'l met Jus puspis šom liki, ã lalalfuñi ke'l Jisus.

12 Ke len si tuko met puspis šu tuku nu kofwo, ke elos loñ tu Jisus el tuku nu Jerusalem,

13 Elos es lešak ulin sak pam, ã šom in šuñol, ã wo-woyuk, Hosana! Insimwo-wo Togusa lun Israel šu tuku in El Leum.

14 Æ Jisus ke el konoioke ass fwos si, el mutu fwe; oanu ma simisla,

15 Tiu šañeñ, an nutin Sai-on; liye, Togusa lom tuku, mutu on fwini kolt nutin ass.

16 Met tumal lutlut tiu etu ma iñi met: ã tuk ke Jisus el mwowo lanu, na elos esamak tu ma iñi simisla ke'l ã tu elos oru ma iñi nu sel.

17 Tu ou iñi met šu oelal ke el pañnolmu Lasurus liki lufin mas si lal, ã akmolye-lak yin mišemi olos orek ma lo.

18 Æ tu ou iñi met elos šu-nol, tu elos loñ tu el oru menmen si iñi.

19 Met Farisi elos tukeni kaskas ou iñi, Liye etu tu komwos tiu oru kutu mwo? liye fwal nu kemwu šom tukol.

20 ¶ Æ kutu met Grik oelulos šu tuku in ali nu ke kofwo:

21 Æ elos iñi tuku nu yurol Filip, met Betsaida lun Galili, ã siyuk sel, fwakañ, Leum, kut kenu liye'l Jisus.

22 Filip el tuku ã fwak nu sel Andru: ã Andru ã Filip eltal siefwil pe fwak nu sel Jisus.

23 Æ Jisus el tupokoan nu selos, fwakañ, auu si tuku, tu Mwen nutin met ã mwowo lanu.

24 Payinu, payinu, ña fwak nu šumwos, Fokin wit si fwini tiu putatla in foko ã miše, el mugenu muku: ã fwini miše, fwako puspis kapak we.

25 El šu luñši mol lal fwa tula mao; ã el šu sruñu mol lal fwalu, el fwa likiye mao nu ke mol ma patpat.

26 Sienu met fwini oru nu sik, lela lun fwas tukuk; an



ya ña mutu we, an ya pe  
met tutaſpo luk mutu we:  
met sinu fwin oru nu sik,  
Papa el fwa oru mwo nu  
sel.

27 Iñi ñunik añañ; ã mea  
ña fwak? Papa, moli yu  
mi ke auu si iñi: ã tu ke  
ma iñi ña tuku nu ke auu si  
iñi.

28 Papa, oru mwolanu ãum.  
Na pusra si tuku in kosaoe  
mi, fwakañ, Ña oru mwola-  
nu mao met, ã ña siefwil pe  
oru mwolanu tuk.

29 Tu ou iñi met šu tu we,  
ã loñ, elos fwak, we pulal:  
kutenu fwak, Lipufon kas-  
kas nu sel.

30 Jisus el tupokoañ ã  
fwak, Pusra si iñi tiu tuku  
ke ña, tu ke komwos.

31 Iñi nunuku ke fwalu:  
iñi sisle leum fwalu liki.

32 ã elos fwin sruk yu yuk  
fwale mi, ña fwa amakin  
met nu kemwu nu yuruk.

33 El fwak ma iñi, in aku-  
linye fuka ke el fwa miše.

34 Met elos tupokoañ nu  
sel, Kem loñ ke manu tu  
Kraist el mutu ma patpat:  
ã fuka kom fwak, Elos fwa  
srukulak Mwen nutin met?  
šu Mwen si iñi nutin met?

35 Na Jisus el fwak nu  
selos, ã kiten pal sisik ka-  
lem wi komwos. Fwafwas-  
yis ke kalem os yuromwos,  
fwin tiu ou iñi los tuku nu

yuromwos: el su fwafwasyis  
in los tiu etu an el fwas nu  
we.

36 Ke kalem os yuromwos  
lalalfuñi ke kalem, tu ko-  
mwos fwa tulig nutin ka-  
lem. Jisus el kaskas ma  
iñi, ã fwasot, ã mwuknalosla.

37 ¶ Tu ke el oru kutu  
menmen puspis ye mutalos,  
elos tiu lalalfuñi ke'l;

38 Tu kas lun Isaias met  
palu fwa payikin, ma el  
fwak, Leum, šu lalalfuñi ma  
kas las? Jeova lumak paul  
nu sin šu?

39 Tu ou iñi elos tiu ku in  
lalalfuñi, tu Isaias el siefwil-  
pe fwak.

40 El konūla mutalos, ã  
oru upa inšielos; tu elos ã  
tiu liye ke mutalos, ã tiu etu  
inšielos, ã tufwa forla, ã ña  
ora'los in kela.

41 Ma iñi ma Isaias el  
fwak, ke el liye ma mwowo  
lal, ã kaskas ke'l.

42 ã ke ma iñi ma puspis  
selos mwol elos lalalfuñi  
ke'l; ã tu ke met Farisi,  
elos tiu fwakulak, tu fwin  
ou iñi fwa sis elos la liki  
imwen lolñok:

43 Tu elos luñselos kullu  
lun met mwo liki kullu lun  
God.

44 ¶ Jisus el wowoyuk ã  
fwak, el šu lalalfuñi ke ña,  
tiu lalalfuñi ke ña, tu ke'l šu  
sipe yu mi.

45 Ā el šu liye yu liye'l šu sipe yu mi.

46 Na kalem tuku nu fwalu, tu el šu lalalfuñi ke ña a tiu mutu in los.

47 Ā met sinu fwin loñ ma kas luk, ā tiu lalalfuñi, ña tiu nununkal: tu ña tiu tuku in nununku fwalu, tu in molūla fwalu.

48 El šu sis yu la, ā tiu es ma kaskas luk, sie lal šu nununkal: ma kas ma ña kaskas, ma iñi fwa nununkal ke len si safla.

49 Tu ña tiu kaskas ke ña: tu ke Papa šu sipe yu ini, el si nu sik me šap, kutu ma ña a fwak, ā kutu ma ña ā kaskas.

50 Ā ña etu tu me šap lal mol ma patpat: tu ou iñi ma nu kemwu ña kaskas, oanu Papa el luti nu sik, ou iñi ña kaskas.

### ŠAPTER 13.

**A** MET ke kofwo. lun alu-kela, ke Jisus el etu tu auu si lal tuku tu el a šom liki fwalu nu sin Papa, el luñsel met lal šu os fwalu, el luñsel elos nu ke safla.

2 Supper tari, iñi devil el likie inšiel Judas Iskariot, nutin Saimon, in tukakunulak,

3 Jisus el etu tu Papa el ašun ma nu kemwu in paul,

ā tu el tuku yurol God mi, ā šom nu yurol God:

4 El tukakak liki supper, el filiye nuknuk lal; ā el es tawel si, ā losi'lye.

5 Tukin ma iñi el okoila kof in ale si, ā mutamwauk in tetekunla nien met tumal lutlut, ā in ela ke tawel si ma el šun losi'lye.

6 Na el tuku nu yurol Saimon Piter: ā el fwak nu sel, Leum, ya kom tetekunla niyuk?

7 Jisus el tupokoan a fwak nu sel, Kom tiu etu ma ña oru iñi; ā tukin ma iñi kom fwa etu.

8 Piter el fwak nu sel, Kom tiu tetekunla niyuk iñi nu tuk. Jisus el tupokoan nu sel, Na fwin tiu tetekin kom la, wañinu ma luk os yurom.

9 Saimon Piter fwak nu sel, Leum, tiu niyuk muge-nu, tu pok pe ā šufwuk.

10 Jisus el fwak nu sel, El šu yiyila met a nasnas lanu, tiu tanla nial tuk: ā komwos nasnas, ā tiu nu kemwu.

11 Tu el etu šu tukakunulak; tu ou iñi el fwak, Tiu komwos nu kemwu nasnas.

12 Ou iñi ke el tanla nialos tari, ā es nuknuk lal, ā siefwil mutu, el fwak nu selos, Ya komwos etu ma ña oru nu šumwos?

13 Komwos pañon yu, Met luti ā Leum; ā komwos kaskas mwo; tu ña ou iñi.

14 Na ña Leum ā Met luti fwin tanla niumwos; mwo komwos tukeni tanla niumwos sie sin sie.

15 Tu na šiot nu šumwos ma lumlumu, tu komwos fwa oru oanu ña oru nu šumwos.

16 Payinu, payinu, ña fwak nu šumwos, Met kulansap tiu yok liki leum lal; ā met šap tiu yok liki el šu sipa el mu.

17 Komwos fwino etu na iñi, inšimwowo lomwos komwos fwin oru ma iñi.

18 Ña tiu kaskas ke yumwos nu kemwu: ña etalos šu ña sulula: ña ou iñi tu ma simisla fwa payikin, El šu wi yu moño bred srukak kapinnial lain yu mi.

19 Iñi ña fwak nu šumwos met ma te oru tuk, tu, ke ma te oru tuk, komwos a lallafuñi tu ña el.

20 Payinu, payinu, ña fwak nu šumwos, El šu esa'l šu ña sipaot esyu pe: ā el šu esyu esa'l šu sipe yu mi.

21 ¶ Ke Jisus el fwak ma iñi, el toninfoñ in ñunal, ā orek ma lo, ā fwak, Payinu, payinu, ña fwak nu šumwos, tu sie šumwos fwa tukakin yu yuk.

22 Na met lutlut elos tu-

keni ñetani nu sie, ninukunla šu ke selos el fwak.

23 Ā sie selos met tumal lutlut, šu Jisus el luñsel, el fuñla in imwel Jisus.

24 Tu ou iñi Saimon Piter el ponsit el in siyuk šu ke el fwak.

25 Ā el šu fuñla in imwel Jisus fwak nu sel, Leum, el šu ?

26 Jisus el tupokoañ, El šu, nu sin ña fwa šuñ sop ke ña tenya. Ā ke el tenya sop, el šuñ nu sel Judas Iskariot, natal Saimon.

27 Ā tukin sop Setan el iliyuk nu in el. Na Jisus el fwak nu sel, Ma kom oru, oru akpuspusye.

28 Ā wañin met ke tebu etu efwo el ku fwak ou iñi nu sel.

29 Tu kutu nunku, tu nuk os yurol Judas, tu Jisus el fwak nu sel, Moli kutu mā las nu ke kofwo; ka, el fwa šuñ kutu ma nu sin met sigasrup.

30 Na el, ke el es sop, kiten misiñi šomla: ā foñ.

31 Tu ou iñi ke el šomla, Jisus el fwak, Iñi Mwep nutin met mwolanu, ā God el mwolanu in el.

32 Ā God el fwin mwolana in el, God el fwa šifwanu mwolapanu el, ā fwa mwolanu el kiten misiñi.

33 Kiten tulig kiten pal

sisik ña wi komwos. Komwos ā suki yu : ā oanu ña fwak nu sin Jus, ouyape ña fwak nu šumwos, Yin ña fwas nu we, komwos koflanu tuku.

34 Ma šap šašu ña siot nu šumwos, Tu komwos luñšomwos sie sin sie. Tu oanu ña luñsik komwos met, komwos ouyape luñši sie sin sie.

35 Ke ma iñi met e nu kemwu fwa etu tu komwos met tumuk lutlut, fwini ma luñši lomwos sie sin sie.

36 Saimon Piter el fwak nu sel, Leum, kom šom nu ya ? Jisus el tupokoan nu sel, Yin ña šom nu we, kom tiu ku in fwas tukuk iñi ; ā tuk kom a fwas tukuk.

37 Piter el fwak nu sel, Leum, efwo ña ku tiu in fwas tukum iñi ? Ña fwa filiye mol luk ke yum.

38 Jisus el tupokoan nu sel, Ya kom filiye mol lom ke ik ? Payinu, payinu, ña fwak nu sum, Mwon sisa tiu kakla nu ke kom a laflafwekin yu pal tolu.

#### ŠAPTER 14.

**K**OMWOS tiu taos inšiomwos : komwos fwini lalalfuñi ke God, lalalfuñipe ke ña.

2 In lom sin Papa tumuk fokil puspis : fwini tiu ou iñi

ñā fwak nu šumwos met. Ña šom in ako an šumwos.

3 Ā ña fwini šom ā ako an šumwos, ña siefwil tuku ā es komwos ye nu yuruk ; tu yin ña mutu we, komwos ā mutu we pe.

4 Ā yin ña šom nu we komwos etu, ā inganek komwos etu.

5 Tomas el fwak nu sel, Leum, kem tiu etu yin kom fwas nu we ; ā fuku kem etu inganek ?

6 Jisus el fwak nu sel, Ña inganek, ā payi, ā mol : wañin met tuku nu yurin Papa, fwini tiu ke ña.

7 Komwos fwino ete yu met, komwos ete pe Papa tumuk : ā iñi nu tuk komwos eta'l, ā liye'l.

8 Filip el fwak nu sel, Leum lotöl nu šes Papa, ā tari nu šes.

9 Jisus el fwak nu sel, Ya ña mutu yuromwos lusa nu iñi, ā kom tiu ete yu Filip ? el šu liye yu liye'l Papa ; ā fuka kom fwak, Lotöl nu šes Papa ?

10 Ya kom tiu lalalfuñi tu ña in Papa, ā Papa in ña ? kas ma ña kaskas nu šumwos ña šifwanu tiu kaskas : ā Papa šu mutu in ña, el oru me orekma.

11 Lalalfuñi yu tu ña in Papa, ā Papa, in ña : fwini

tiu ou iñi lalalfuñi yu ke me orekma.

12 Payinu, payinu, ña fwak nu šumwos, El šu lalalfuñi ke ña, me orekma ma ña oru el fwa ore pe; ā yokliki ma iñi el fwa oru; tu ña šom nu yurin Papa tumuk.

13 Ā ma nu kemwu komwos siyuk in ěk ma iñi ña fwa oru, tu Papa el fwa mwolanu in Mwen.

14 Komwos fwin siyuk kutu ma nu kemwu in ěk, ña fwa oru.

15 Komwos fwin luñšomwos ña, liauñ ma šap luk.

16 Ā ña fwa siyuk sin Papa, ā el fwa sipa el mu sienu Akmwoyauk nu šumwos, tu el a mutu yuromwos ma patpat;

17 Nun payi: šu fwalu koflanu es, tu fwalu tiu liye'l, tiu eta'l; ā komwos eta'l, tu el wi komwos matu, ā fwa in komwos.

18 Ña a tiu fili komwos ye met mukaintal: ña fwa tuku nu yuromwos.

19 Tuko kut, ā fwalu tiu liye yu nu tuk; ā komwos liye yu: tu ña mol, ā komwos mol pe.

20 Ke len si iño komwos fwa etu tu ña in Papa tumuk, ā komwos in ña, ā ña in komwos.

21 El šu ma šap luk os yurol, ā liauñ mao, el met

šu luñši ña: ā el šu luñši ña Papa tumuk fwa luñši el, ā ña fwa luñsik el, ā ña luti yu nu šel.

22 Judas, tiu Iskariot, el fwak nu sel, Leum, fuka kom luti kom nu šes, ā tiu nu fwalu?

23 Jisus el tupokoañ ā fwak nu sel, Met si fwin luñši ña, el fwa liauñ ma kas luk: ā Papa tumuk fwa luñši el, a kut fwa tuku nu yurol, ā oelul mutu.

24 El šu tiu luñši ña tiu liauñ ma kas luk: ā kas ma komwos loñ tiu ma luk, tu ma lun Papa šu sipe yu mi.

25 Ma iñi ña kaskas nu šumwos, ke ña wi komwos mutu.

26 Ā Akmwoyauk, oanu Nun Mutal, šu Papa fwa sipamu in ěk, el fwa luti komwos ma nu kemwu, ā akesmakiye ke ma nu kemwu ma ña fwak nu šumwos.

27 Ña filiye misla yuromwos, misla luk ña šiot nu šumwos: ña šiot nu šumwos, tiu oanu fwalu šiot. Nikmit toas inšiomwos, nikmit šañeñ.

28 Komwos loñ fuka ña fwak nu šumwos, Ña šomla, ā siefwil tuku nu yuromwos. Komwos fwin luñšomwos ña, komwos fwa eñun, tu

ña fwak, Na som nu yurin Papa; tu Papa tumuk el yokliki yu.

29 Å iñi ña fwak nu sumwos met ma te oru tuk, tu, ke ma te oru, komwos fwa lalalfuñi.

30 Ña tiu wi komwos kaskas puspis tuk: tu mwol lun fwalu el tuku, a wañin ma lal in ña

31 Ña ou iñi tu fwalu fwa etu tu ña luñsik Papa a oanu Papa el aši nu sik ma šap ou iñi ña oru. Tuiyuk, kut som liki an si iñi.

### ŠAPTER 15.

**N**A šak fain payi, a Papa tumuk el met kato.

2 Lešak nu kemwu in ña fwin tiu isūs fwako el esla: a nu kemwu fwin isūs fwako, el luslusla tu el fwa isūsla fwako pusliki.

3 Iñi komwos nasnas ke me kas ma ña kaskas nu sumwos.

4 Komwos mutu in ña, a ña in komwos. Lešak kaflanu šifwanu isūs fwako, fwin tiu on wulin šak fain; komwos ouyape, komwos fwin tiu mutu in ña.

5 Ña fain, komwos lešak: el šu mutu in ña, a ña in el, elnu isūs fwako puspis: tu ña fwin wañin komwos kaflanu oru kutu ma sisik.

6 Met si fwin tiu mutu

in ña, tufwa sis el la oanu lešak, a paoala; a met si-fweni, a sis elos la nu in e, a elos fururiuk.

7 Komwos fwin mutu in ña a ma kas luk mutu in komwos, ma nu kemwu ma komwos luñšomwos in siyuk, a fwa oru nu sumwos.

8 Ma iñi mwolanu lun Papa tumuk, tu komwos isūs fwako puspis; ou iñi komwos fwa met tumuk lutlut.

9 Oanu Papa el lunsel ña, ouyape ña luñsik komwos: mwo komwos mutu in ma luñ luk.

10 Komwos fwin liauñ ma šap luk, komwos fwa mutu in ma lun luk; oanu ña liauñ ma šap lun Papa tumuk, a mutu in ma lun lal.

11 Ma iñi ña kaskas nu sumwos, tu eñun luk fwa mutu in komwos, a eñun lomwos fwa tiñtiñinu.

12 Ma iñi ma šap luk, tu komwos luñšomwos sie sin sie, oanu ña luñsik komwos.

13 Wañin lun yokliki ma iñi, tu met filiye mol lal nu ke met kawuk lal.

14 Komwos met kawuk luk, komwos fwin oru ma nu kemwu ma ña šap nu sumwos.

15 Tuku ña tiu pañun komwos met kulanšap; tu met kulanšap tiu etu ma leum

lal oru : ā nā pañun komwos met kawuk : tu ma nu kemwu ma nā loñol Papa tumuk nā luti nu šumwos.

16 Komwos tiu šuli yu la nā, tu nā suli komwos la ā šuñ mwo'lomwos, tu komwos fwa šom ā isūs fwako, ā fwa-ko lomwos on : tu ma nu kemwu ma komwos siyuk sin Papa tumuk in ēk, el fwa siot nu šumwos.

17 Ma iñi nā šap nu šumwos, tu komwos luñšomwos sie sin sie.

18 Fwalu fwin sruñe komwos, komwos etu tu fwalu sruñe, yu met ā komwos tuk.

19 Komwos fwin ma lun fwalu, fwalu fwa luñši ma lal ; ā tu komwos tiu ma lun fwalu, tu nā šuli komwos la liki fwalu ; tu ou iñi fwalu sruñe komwos.

20 Esamye kas ma nā fwak nu šumwos, Met kulansap tiu yokliki leum lal. Elos fwin kolyaiyuk met, elos fwa kolyai komwos tuk ; Elos fwin liauñ ma kas luk, elos fwa liauñpe ma kas lomwos.

21 Tu ou iñi ma nu kemwu ma iñi elos fwa oru nu šumwos ke ēk, tu elos tiu eta'l šu sipe yu mi.

22 Nā fwin tiu tuku ā kas-  
kas nu selos, elos in tiu koluk : ā iñi wañin kutu ma afnani ma koluk lalos.

23 El šu sruñe yu sruñal pe Papa tumuk.

24 Nā fwin tiu oru me orek-  
ma nu selos ma kutenu met koflanu oru, elos in tiu koluk : ā iñi elos liye ā sruñu nā ā Papa tumuk.

25 Ma iñi te oru, tu kas ma simisla in manu lalos fwa payikin, elos sruñe yu ke wañin.

26 Ā ke Akmwoyauk tuku, šu nā fwa sipa mu nu šumwos yurol Papa mi, el fwa orek ma lo ke nā :

27 Ā komwos orek pe malo, tu komwos wi yu ke mutamwauk nu iñi.

## ŠAPTER 16.

**M**A iñi nā kaskas nu šumwos, tu komwos ā tiu tugulkul.

2 Elos fwa sis komwos la liki imwen lolñok : aok, pal si ā tuku, ke elos šu uni komwos ye nunku mu tu elos orek ma ali nu sin God.

3 Ā ma iñi, elos fwa oru nu šumwos, tu elos tiu etu Papa ā nā.

4 Tu ma iñi nā kaskas nu šumwos, tu ke pal si ā tuku komwos fwa asamak ma nā fwak nu šumwos. Ā ma iñi nā fwak nu šumwos ke mutamwauk, tu nā wi komwos.

5 Ā iñi nā šom nu yurin šu sipe yu mi ; ā wañiñ šu-

mwos siyuk sik, Kom šom nu ya?

6 Ou iñi tu ña kaskas ma iñi nu šumwos, tiñtiñinu pokamutu inšiomwos.

7 Ā ou iñi ña fwak payi nu šumwos; mwo nu šumwos tu ña šoinla; tu ña fwini tiu šoinla, Akmwoyauk el ā tiu tuku: ā ña fwini šom, ña fwa sipa el mu nu yuromwos.

8 Ā ke el tuku el tupokia fwalu ke ma koluk, ā ke ma payi ā ke ma nununku:

9 Ke ma koluk, tu elos tiu lalalfuñi ke ña;

10 Ke ma payi, tu ña šom nu yurin Papa tumuk, ā komwos tiu liye yu nu tuk;

11 Ke ma nununku, tu a fwa nununkauk mwol lun fwalu.

12 Ma puspis luk in fwak nu šumwos tuk, tu komwos tiu ku in etu iñi.

13 Ā ke el, Nun payi, tuku, el fwa kol komwos nu ke ma payi nu kemwu: tu el ā tiu kaskas ke'l; tu ma el fwa loñ, el fwa kaskas: ā el fwa luti komwos kutu ma tuku tuk.

14 El ā ore yu mwolanu: tu el fwa es ma luk, ā luti nu šumwos.

15 Ma nu kemwu ma lun Papa ma luk: tu ou iñi ña fwak, tu el fwa es ma luk, ā luti nu šumwos.

16 Kiten pal, ā komwos a tiu liye yu: ā siefwil pe, kiten pal, ā komwos fwa liye yu, tu ña šom nu yurin Papa.

17 Na kutu sin met tumal lutlut tukeni fwak, Mea ma iñi ma el fwak nu ses, Kiten pal, ā komwos a tiu liye yu: ā siefwil pe, kiten pal, ā komwos fwa liye yu: ā, tu ña šom nu yurin Papa?

18 Tu ou iñi elos fwak, Mea ma iñi ma el fwak, Kiten pal? kut koflanu etu ma el fwak.

19 Na Jisus el etu tu elos luñselos in siyuk sel, ā el fwak nu selos, Ya komwos siyuk šumwos ke ma ña fwak, Kiten pal, ā komwos a tiu liye yu: ā siefwil pe, kiten pal, ā komwos fwa liye yu?

20 Payinu, payinu, ña fwak nu šumwos, Tu komwos fwa tuñnu, ā wowoyuk, ā fwalu fwa eñun: ā komwos fwa pakoauk mutu, tu pakoauk lomwos fwa eñunak.

21 Mutan si ke el akurun isūsia el pakoauk mutu, tu auu si lal tuku: ā kiten misiñi ke tulig isūsia, el tiu esamak ma ñal tuk, ke eñunak tu mwen si isūsia nu fwalu.

22 Ā ou iñi pakoauk lomwos iñi: ā ña fwa siefwil pe liye komwos ā inšiomwos



fwa eñunak, ā wañin met esla eñun lomwos liki komwos.

23 Ā ke len si iño komwos a tiu siyuk sik kiten ma sisik. Payinu, payinu, ña fwak nu šumwos, Ma nu kemwu ma komwos fwa siyuk sin Papa in ěk, el fwa siot nu šumwos.

24 Nu ke iñi komwos tiu siyuk kiten ma sisik in ěk; siyuk, ā komwos fwa es, tu komwos fwa tiñtiñinu ke eñun lomwos.

25 Ma iñi ña kaskas nu šumwos ke pupulyuk: tu pal si a tuku, ke ña tiu kaskas nu šumwos ke pupulyuk nu tuk, tu ña fwa luti nu šumwos lemtulaiuk' ke'l Papa.

26 Len si iño komwos fwa siyuk in ěk: ā ña tiu fwak nu šumwos, tu ña fwa pre nu sin Papa ke iumwos:

27 Tu Papa el šifwanu luñsel komwos tu komwos luñšomwos ña, ā komwos lalalfuñi tu ña tuku yurol God mi.

28 Ña tuku yurol Papa mi, ā ña tuku nu fwalu: siefwil pe ña likiye fwalu, ā šom nu yurol Papa.

29 Met tumal lutlut fwak nu sel, liye, iñi kom kaskas lemtulaiuk, ā tiu kaskas ke pukulyuk.

30 Iñi kut etu tu kom ete

nu kemwu, ā tiu enenu tu kut in siyuk šum: ke ma iñi kut lalalfuñi tu kom tuku yurol God mi.

31 Jisus el tupokoan nu selos, Ya komwos lalalfuñi iñi?

32 Liye, auu si a tuku, aok, tuku iñi, tu komwos a fwaselik, sie nu yin sin sie, ā fwa liki yu wi mugenu; ā tiu ña mugenu muku, tu Papa el wi yu.

33 Ña kaskas ma iñi nu šumwos, tu ke ña tufwa misla lomwos. Nu fwalu tufwa toninfoñ lomwos, tu komwos eñunak: ña kutunla fwalu.

## ŠAPTER 17.

**M**A iñi ma Jisus el kaskas, ā ñetak mutal nu in kosao, ā fwak, Papa, auu si tuku; oru mwolanu sin Mwen nutom, tu Mwen nutom fwa ore pe mwolanu nu šum.

2 Oanu kom ašun nu sel ku ke ikū nu kemwu, tu el fwa šun mol ma patpat nu selos šu kom ašun nu sel.

3 Ā ma iñi mol ma patpat, tu elos fwa ete kom God payi mugenu, ā Jisus Kraist, šu kom sipa mu.

4 Ña oru mwolanu nu šum on fwalu: me orekma kom aši nu sik in oru, ña orek tari.

5 Ā iñi, O Papa, oru mwo-

lanu nu sik, šifwanu wi kom, ke mwolanu luk wi kom met sroas fwalu tuk.

6 Ña lotaun eum nu sin met šu kom aši nu sik liki fwalu: elos ma lom met, ā kom asalosmi nu sik; ā elos liauñ ma kas lom.

7 Iñi elos etu tu ma nu kemwu ma kom aši nu sik tu yurom mi.

8 Tu ña ašuñ nu selos kas ma kom aši nu sik; ā elos es, ā etenu tu ña tuku yurom mi, ā elos lalalfuñi tu kom sipe yu mi met.

9 Ña pre k'alos: ña tiu pre ke fwalu, tu k'alos šu kom aši nu sik; tu elos ma lom.

10 Ā ma nu kemwu ma luk ma lom, ā ma lom ma luk; ā ña mwolanu k'alos.

11 Ā ña tiu os fwalu tuk, ā elos os fwalu, ā ña tuku nu yurom. Papa Mutal, liauñ in eum nu los šu kom aši nu sik, tu elos fwa sie, oanu kut.

12 Ke ña oelalos os fwalu, ña liyelosyuñ in eum: elos šu kom aši nu sik ña liauñ, ā wañin sie selos tula, ā mwen tinyinu mugenu; tu ma simisla fwa payikin.

13 Ā iñi ña tuku nu yurom; ā ma iñi ña kaskas nu fwalu, tu eñun luk tiñtiñinu nu selos.

14 Ña a šuñ kaskas lom nu selos; ā fwalu sruñ'alos-

la, tu elos tiu ma lun fwalu, oanu ña tiu mu lun fwalu.

15 Ña tiu pre tu kom esalosla liki fwalu, tu kom in liye'alos mi ke ma koluk.

16 Elos tiu ma lun fwalu, oanu ña tiu ma lun fwalu.

17 Oralos in mutal ke ma payi lom: tu kas lom ma payi.

18 Oanu kom sipe yu mi nu fwalu, pa ña fwa sipa'los me pe nu fwalu.

19 Ā k'alos ña ore yu in mutal, tu elos fwa mutal pe ke ma payi.

20 Ña tiu pre k'alos mugenu, tu k'alospe šu lalalfuñi ke ña ke ma kas lalos;

21 Tu elos nu kemwu fwa sie; 'oanu kom, Papa, in ña, ā ña in kom, tu elos pe fwa sie in kut: tu fwalu fwa lalalfuñi tu kom sipe yu mi.

22 Ā mwolanu ma kom aši nu sik ña šuñ nu selos; tu elos fwa sie oanu kut sie:

23 Ña in elos, ā kom in ña, tu elos fwa šumwoswos lanu in sie; ā tu fwalu fwa etu tu kom sipe yu mi, ā luñšom elos, oanu kom luñšom ña.

24 Papa, ña kenu tu elos pe šu kom aši nu sik, fwa wi yu yin ña mutu we; tu elos fwa liye ma mwolanu luk ma kom aši nu sik: tu kom luñšom ña met sroas fwalu tuk.

25 O Papa payi, fwalu tiu ete kom : ā nā ete kom, ā elos iñi etu tu kom sipe yu mi.

26 Ā nā luti nu selos ĕum met, ā fwa luti tuk : tu luñ ma kom luñšom nā ke fwa in elos, ā nā in elos.

### ŠAPTER 18.

**K**E Jisus el fwak ma iñi, el wi met tumal lutlut šomwot likin yeno suñonya Kedron, yin kolkol we, yin el, ā met tumal lutlut, iliyuk nu we.

2 Ā Judas, su tukakunulak, el ete pe an si iñi : tu pal puspis Jisus wi met tumal lutlut tuku nu yinu.

3 Na Judas, ke el es elunmet si ā rošo yurolos met tol fulat ā Farisi mi, el tuku nu yinu wis lamnuk ā folōk ā me anwuk.

4 Tu ou iñi Jisus, etenu ina nu kemwu ma a tuku nu yurol, el šom, ā fwak nu selos, Šu komwos šukun ?

5 Elos tupokoan nu sel, Jisus lun Nasaret. Jisus el fwak nu selos, El a nāo. Ā Judas, šu tukakunulak, el pe oelalos tu.

6 Na ke el fwak nu selos, El a nāo, elos totlūkla fwas, ā topla nu in foko.

7 Na el siefwil siyuk nu selos, Šu komwos šukun ? Ā elos fwak, Jisus lun Nasaret.

8 Jisus el tupokoan, Nā fwak nu šumwos met tu El a nāo : komwos fwin suki yu, lela elos in šomla :

9 Tu ma el fwak fwa payikin ; Elos šu kom aši nu sik sie tiu tūla.

10 Na Saimon Piter el fwauk kutlas natal, ā suñ otala sral leyut lun kulanšap lun met tol. Ē met kulansap Malkus.

11 Na Jisus el fwak nu sel Piter, Filiye kutlas nutom in ma nukmaen : ale si ma Papa tumuk el aši nu sik, ya nā tiu numla ?

12 ¶ Na elunmet si ā kapten ā met rošo lun Jus elos es al Jisus ā kopyuri'lye,

13 Ā kololot nu yurol Anas met ; tu Kaiafas, šu met tol fulat yiu si iño, el talapnal.

14 Na Kaiafas iñi el fwak nu sin Jus, tu mwo met si muši metu.

15 Ā Saimon Piter el fwas tukol Jisus, ā sienu met lutlut wi : met tol fulat el etu met lutlut si iñi, ā el oelal Jisus iliyuk nu in lom sin met tol fulat.

16 Ā Piter el tu mutun oaoa likin iumwe. Na met lutlut si iñi, šu met tol fulat el etu, el šom ā fwak nu sel šu karwuñun mutun oaoa, ā wisalak Piter.

17 Na mutan si šu karwu-

ñun mutun oaoa el fwak nu sel Piter, Ya kom pe tiu met tumal lutlut sin met iñi? El fwak. Tiu ña.

18 Æ met kulansap ā met rošo elos tu iño, ā orek e molut; tu musis: ā elos lañluñ, ā Piter oelalos tu lañluñ.

19 Na met tol fulat, el siyuk sel Jisus ke met tumal lutlut, ā ke ma luti lal.

20 Jisus el tupokoan nu sel, Ña kaskas lemtulaiuk nu fwalu; ña luti ma patpat in lolñok, ā in imwen ali, yin Jus fwas nu we pal nu kemwu; ā ña tiu kaskas in lukma.

21 Efwo kom ku siyuk sik? siyuk selos šu loñ yu, ma ña kaskas nu selos: liye, elos etu ma ña fwak.

22 Å ke el fwak ma iñi, sie sin met rošo. šu tu we el puokol Jisus ke paul, fwa-kañ, Ya kom tupokoan sin met tol fulat ou iñi?

23 Jisus el tupokoan nu sel, Ña fwin kaskas koluk, kom orek ma lo ke ma koluk: ā fwin mwo, efwo kom ku puok yu?

24 Na Annas el kopuri'lye sipalot nu sel Kaiafas met kol fulat.

25 Å Saimon Piter el tu lañluñ. Na elos fwak nu sel, Ya kom pe tiu met tu-

mal lutlut? el laflafwekin, ā fwak, Tiu ña.

26 Sie sin met kulansap lun met tol fulat, met si soun met si Piter el otala sra el fwak, Ya ña tiu liye kom oelal in kolkol si?

27 Na Piter el siefwil pe laflafwekin: ā kiten misiñi mwon si kakla.

28 ¶ Na elos kolol Jisus lukel Kaiafas nu in fokil nununku: ā tafwun lutuwe; ā elos tiu šifwanu utyuk nu in fokil nununku, fwin ou iñi elos akpakaiye; ā tu elos fwa moño alukela.

29 Na Pailat el šom nu yurolos, ā fwak, mea komwos pu in lain met si iñi?

30 Elos tupokoan ā fwak nu sel, El fwin tiu met koluk, kem tiu asalot nu šum.

31 Na Pailat el fwak nu selos, Komwos as al, ā nununk al, oanu ke manu lomwos. Tu ou iñi Jus elos fwak nu sel, Oul nu šes in uni'lye metu:

32 Tu ma kas sin Jisus fwa payikin, ma el fwak, in akulin fuka el fwa miše.

33 Na Pailat el siefwil utyuk nu in fokil nununku, ā pañol Jisus, ā fwak nu sel, Ya kom Togusa lun Jus?

34 Jisus el tupokoan nu sel, Ya kom šifwanu fwak ma iñi, tu kutenu met fwak ma iñi nu šum ke ña?

35 Pailat el tupokoan̄, Ya ña met Ju? Met wiyom ā met tol fulat elos wis kom mi nu yuruk: mea kom oru?

36 Jisus el tupokoan̄, Togusaī luk tiu fwala mi: togusaī luk fwin fwala mi, na met luk elos fwa anwuk, tu Jus elos tiu sruk yu yuk: ā iñi togusaī luk tiu iñi mi.

37 Tu ou iñi Pailat el fwak nu sel, Ya payi kom togusa? Jisus el tupokoan̄, Kom fwak tu ña togusa. Ke ma iñi ña isūs̄la met, ā ke ma iñi ña tuku nu fwalu, tu ña fwa orek ma lo nu ke ma payi. Elos nu kemwu šu lun ma payi loñ pusrek.

38 Pailat, el siyuk sel, Mea ma payi? A ke el fwak ma iñi, el siefwil šom nu yurolos met Jus, ā fwak nu selos, Wañin ma sito ña konoiook in el

39 Ā usñuknu lomwos, tu ña tulala sie nu šumwos ke alukela: ya komwos luñšomwos tu ña in tulala nu šumwos Togusa lun Jus?

40 Na elos siefwilpe woyuk, fwakañ. Tiu met si iñi, tu Barabbas. Ā Barabbas el met iñunyar.

## ŠAPTER 19.

**N**A tu ou iñi Pailat el es al Jisus, ā sruñlal.

2 Ā met meun elos orek tefuro otunme si, ā filiye fwin

šiufwel, ā elos nukmulañ nuknuk sisa,

3 Ā fwak Pain, Togusa lun Jus! ā elos puokol ke paulos

4 Na Pailat el siefwil pe šom, ā fwak nu selos, Liye, ña wiselot nu yuromwos, tu komwos fwa etu tu ña tiu konoiook kiten ma sisik ma sito in el.

5 Na Jisus el fwasot liki, tefuro otunme si on fwin šiufwel, a nuknuk sisa si. Ā Pailat el fwak nu selos, Liye met si.

6 Tu ou iñi ke met tol fulat ā met rošo liye'l, elos wowoyuk, fwakañ, Uni'lye on ke šaksiñ sugo, uni'lye on ke šaksiñ sugo. Pailat el fwak nu selos, Komwos esa'l, ā uni'lye on ke šaksiñ sugo: tu ña tiu konoiook kiten ma sisik ma sito in el.

7 Na Jus elos tupokoan̄ nu sel, Manu las, ā ke manu las mwo el miše, tu el šifwanu ora'l Mwen nutin God.

8 Tu ou iñi ke Pailat loñ kas si iñi, el šañeñ pe kutu;

9 Ā el siefwilpe utyuk nu in fokil nununku, ā fwak nu sel Jisus, Kom onya mi? Ā Jisus el tiu siefwil tupokoan̄ nu sel.

10 Na Pailat el fwak nu sel, Ya kom tiu kaskas nu sik? kom tiu etu tu ña ku

in uni kom on ke šaksiñ sugo, ā ku in tula kom la?

11 Jisus el tupokoan, Wañin ku lom in lain yu, fwin tiu ašiot nu šum ma lūñ mi: tu ou iñi el su es yu wot nu šum koluk kutu liki.

12 Ā tuko Pailat el suk in tula' la: ā Jus elos wowoyuk, fwakañ, Kom fwin tula met si iñi, Kom tiu met kawuk luk Sisa: el šifwanu šu oral togusa el fwak lain Sisa.

13 Na ke Pailat el loñ iñi, el wisalot Jisus, ā mutu fwin me muta nununke si, an si pañpañ Fwinsrosrot, ā Ipru Gabata.

14 Ā pal si in ako alukela, ā akurun auu onkos: ā el fwak nu sin Jus, Liye Togusa lomwos!

15 Ā elos wowoyuk, Wis alot, wis alot, uni'lye on ke šaksiñ sugo! Pailat el fwak nu selos, Ya ña uni'lye Togusa lomwos on ke šaksiñ sugo? Met tol fulat elos tupokoan, Wañin togusa las Sisa mugenu.

16 Ke ma iñi el wis alot nu selos lun uni'lye on ke šaksiñ sugo. Ā elos es al Jisus, ā wis el la.

17 ¶ Ā ke el srukak šaksiñ sugo lal el šomot nu an si pañpañ aleinšiuuf, ma Ipru pañpañ Golgota:

18 An si iñi elos uni'lye we on ke šaksiñ sugo, ā met luo pe oelal, sie le sie le, Jisus infulwe.

19 Ā Pailat el makauk akulinye, a fliye on ke šaksiñ sugo. Ā ma in makauk, JISUS LUN NASA-RET TOGUSA LUN JUS.

20 Ā Jus puspis rid akul si iñi: tu an si elos uni'lye Jisus on ke šaksiñ sugo apkurun yin met mutu we: ā makauk simis in Hebru, Greek, ā Rom.

21 Na met tol fulat lun Jus elos fwak nu sel Pailat, Tiu simisla, Togusa lun Jus; ā tu el fwak, Ña Togusa lun Jus.

22 Pailat el tupokoan, Ma ña simisla ña simisla tari.

23 Na met meun ke elos uni'lye Jisu on ke šaksiñ sugo tari, elos es nuknuk lal, ā orek ip akos, ipsi lun sie met meun; ā koat: ā koat tolla nu kemwu, wañin kai tuto.

24 Tu ou iñi elos tukeni kaskas, Mwo kut tiu luselik ma iñi, tu koto srifwe, lut in liye lun šu: ou iñi ma simisla fwa payikin, ke fwak, Elos eselik nuknuk luk lalos, ā ke koat luk olos koto strifwe. Ā tu ma iñi met meun elos oru.

25 Ā nine kiel ā taiñ kiel, Meri lun Kliopas, ā Meri

Magdalin, elos tu ke šaksiñ sugo lun Jisus.

26 Ma ke Jisus el liye nine kīel, ā met lutlut šu el luñ-sel, tu ke, el fwak nu sin nine kīel, Mutan, liye mwen nutom!

27 Na el fwak nu sin met lutlut, Liye nine kīum! Ā tukin auu si iñi met lutlut iñi wis al nu yin sel.

28 Tukin ma iñi, Jisus, ke el etu tu ma nu kemwu orek tari, tu ma sinisla fwa payikin, el fwak, Āa malu.

29 Na ale in finiger sisesla os we; ā elos nakla insral ke finiger, ā fliye on šak his-sup, ā šuñ nu ke oelul.

30 Tu ou iñi ke Jisus el es finiger, el fwak, Ma tari: ā el kupata kaiwel, ā miše.

31 ¶ Na Jus, ke pal si ako, tu manoltotal tiu on ke šaksiñ sugo ke len sabat, (tu sabat iñi len lulap si) elos siyuk sel Pailat lun kotulik niel total, ā tufwa wis elos la.

32 Na met meun elos tuku, ā kotulik nien ma si uetu, ā nien sienu su oelul miše on ke šaksiñ sugo.

33 Ā ke elos tuku nu yurol Jisus, ā liye tu el miše iñi elos tiu kotulik niel:

34 Tu sie sin met meun el fokisi la siel ke musra, ā kiten misiñi sa ā kof širorla.

35 Ā el šu liye orek ma lo,

ā ma lo lal payi; ā el etu tu el fwak payi, tu komwos fwa lalalfuñi.

36 Tu ma iñi oru, tu ma simisla fwa payikin, Wañinu sugo srel koptalik.

37 Ā siefwilpe sienu ma simisla fwak, Elos fwa ñetañ nu sel šu elos fokisi.

38 ¶ Ā tukin ma iñi Josef lun Arimetia, met lutlut tumal Jisus, ā lukma tu el ša-ñeñ sin Jus, el siyuk sin Pailat tu el fwa esla manol Jisus: ā Pailat el šuñ. Na el tuku, ā wisla manol Jisus.

39 Ā Nikodimus el tukepe, el šu umet tuku nu yurol Jisus ke foñ, ā el wis mur ā alos toeni nu sie, akurun paun siefok.

40 Na eltal es manol Jisus, ā srukmulani ke nuknuk linen kutu ma keñ wi oanu Jus ke elos pukpuki.

41 Na an kolkol si yin el miše we on ke šaksiñ sugo; ā in kolkol si iñi lufin mas šašu on we, wañinu met on lū met.

42 Na yin si iñi elos fili'lye Jisus pal si ako lun Jus: tu inluf si apkurun.

## ŠAPTER 20.

**L**EN si umet ke wik Meri Magdalin el tuku tafwun lutuwe, ke los, nu inkulyuk, a liye eot si esla liki lufin mas si.

2 Na el kasus ā tuku nu yurol Sainon Piter, ā nu yurol sienu met lutlut, šu Jisus el luñsel, ā fwak nu seltal, Elos esla Leum liki lufin mas si, ā kut niken an elos liki'lye we.

3 Na Piter ā met lutlut si iño eltal šom ā tuku nu lufin mas si.

4 Ā eltal tukeni kasus: ā sienu met lutlut mula lukel Piter, ā tuku met nu lufin mas si.

5 Ā el, sumwoli, liye nuknuk linen on we; ā el tiu iliyuk nu we.

6 Na Saimon Piter el tuku tukul ā iliyuk nu lufin mas si ā liye nuknuk linen on we.

7 Ā napkin si, ma nukmen šiufwel, tiu on ke nuknuk linen, tu lumani on sienu an.

8 Na sienu met lutlut, šu tuku nu lufin mas si met el iliyuk pe nu we, ā liye, ā lalalfuñi.

9 Tu ini elos tiu ma simisla, tu el a siefwil mol yuk yin miše mi.

10 Na met lutlut eltal siefwil šom nu yin seltal.

11 ¶ Ā Meri el tu la liki lufin mas si tuñnu: ā ke el tuñ, sumwoli nu lufin mas si.

12 Ā liye lipufon luo in fwošwos mutanu, sie ke šiufwel, ā sie ke niel, yin manol Jisus on we met.

13 Ā' etal fwak nu sel, Mutan, efwo kom ku tuñ? El fwak nu seltal, Tu elos wis la Leum luk, ā ña tiu etu an elos liki'lye we.

14 Ā ke el fwak ou iñi, el tapula nu tuk, ā liye'l Jisus tu, ā el nikin la Jisus.

15 Jisus el fwak nu sel, Mutan, efwo kom ku tuñ? šu kom šukun? El nunku mu el met karwuñunyuk, el fwak nu sel, Leum, kom fwini wis el la, kom luti nu sik an kom likiye we, ā na fwa wis el la.

16 Jisus el fwak nu sel, Meri. El tapula, ā fwak nu sel, Rabbonai; oanu ma fwak Met luti.

17 Jisus el fwak nu sel, Nikmit kal yu wi; tu ña tiu šomwak iñi nu yurin Papa tumuk: ā kom šom nu yurolos ma lik, ā fwak nu selos, ña šomwak nu yurin Papa tumuk, ā Papa tumomwos, ā nu sin God luk, ā God lomwos.

18 Meri Magdalin el tuku ā luti nu sin met lutlut tu el liye'l Leum, ā el fwak ma iñi nu sel.

19 ¶ Na len si iñi oyuku, len si umet ke wik, ke mutun oaoa kauli yin met lutlut mutu we tu elos šašeni sin Jus, Jisus el tuku, ā tu infulwe, ā fwak nu selos, Misla nu šumwos.



20 Ā ke el fwak ou iñi, el luti paul ā la siel nu selos. Na met lutlut eñun, ke elos liye'l Leum.

21 Na Jisus el siefwil fwak nu selos, Mislā nu šumwos: oanu Papa el sipe yu mi, ouyape nā sipe komwos la.

22 Ā ke el fwak ma iñi, el moñyuñ nu selos, ā fwak nu selos, Komwos es Nūn Mutal:

23 Komwos fwin nunok munas ke ma koluk lun metu, fwa nunok munas ke ma koluk lalos; komwos fwin tiu nunok munas, fwa tiu nunok munas ke ma koluk lalos.

24 Ā Tomas, sie sin sinul luo, pañpañ Didimus, el tiu oelulos ke Jisus el tuku.

25 Tu ou iñi kutenu met lutlut fwak nu sel, Kut liye'l Leum. Ā el fwak nu selos, Nā fwin tiu liye an musra patikiye in paul, a filiye kufin pok in an musra patikiye we, ā šuñ pok nu le siel, nā a tiu lalalfuñi.

26 Ā tukin leñ oalkos, met tumal lutlut siefwilpe mutu lū, ā Tomas oelulos: Jisus el tuku, mutun oaoa kauili, ā tu infulwe, a fwak, Mislā nu šumwos.

27 Na el fwak nu sel Tomas, Sralmu kufin pom, ā liye pok; ā sralnu pom, ā šuñ nu ke le siyuk: ā tiu si lalalfuñi, tu lalalfuñi.

28 Ā Tomas el tupokoāñ ā fwak nu sel, Leum luk ā God luk.

29 Jisus el fwak nu sel, Tomas tu kom liye yu, kom lalalfuñi: inšimwowo selos šu tiu liye ā lalalfuñi.

30 ¶ Ā kutenu akul pus-pis payi ma Jisus el oru ye mutun met tumal lutlut, ma tiu simisla in buk si iñi:

31 Ā simisla ma iñi, tu komwos fwa lalalfuñi tu Jisus el Kraist, Mwen nutin God; ā tu, lalalfuñi ma mol fwa lomwos ke ēl.

## SAPTER 21.

**T**UKIN ma iñi Jisus el siefwilpe siřwanu lotōl nu sin met lutlut nu mwean an Taibirias; ā el lotōl ou iñi.

2 Saimon Piter, ā Tomas pañpañ Didimus, ā Natanael met Kena yin Galili, ā nutin Zebedi, ā luo pe selos met tumal lutlut, elos tukeni inutu.

3 Saimon Piter fwak nu selos, Nā šom kwa. Elos fwak nu sel, kut wi kom pe. Elos šom, ā kiten misiñi sroauk nu fwin oaku; ā foñ si iñi elos pusinpo.

4 Ā ke lututan Jisus el tu fwin meši: ā met lutlut elos tiu etu la Jisus.

5 Na Jisus el fwak nu selos, Tulig kutu me moño

yuromwos? Elos tupokoañ nu sel, Mo.

6 Ā el fwak nu selos, Sisla neku nu yem, ā komwos fwa konoioik. Tu ou iñi elos sisla, ā iñi elos koflanu amakin tu ik puspis.

7 Tu ou iñi met lutlut šu Jisus luñši el fwak nu sel Piter, We Leumwu. Ā ke Saimon Piter el loñ tu el Leum, el šuñ nuknuk nukmulla, (tu el koflufol) el šifwanu srola nu in kofwo mwea.

8 Ā wiyu met lutlut tuku nu fwin oak sisik; (tu elos tiu lusla nu fwin me i, oanu ñeñu lum ñaul) amakin nek ik wi.

9 Ā ke elos tuku nu fwin meši, elos liye e molut, ā ik on fwe, ā bred.

10 Jisus el fwak nu selos, Usi kutu ik ma komwos srukie.

11 Saimon Piter el fwa-siuk, ā amakin nek nu fwin meši tiñtiñinu ik lulap, siefok lun ñaul tolu: ā tu ik puspis nek tiu mišalla.

12 Jisus el fwak nu selos, Fwas umoño. Ā met lutlut elos šañeñ in siyuk sel, Šu komwun? elos etu tu el Leum.

13 Na Jisus el tuku, ā es bred, ā šuñ nelos, ā ik ou-yape.

14 Iñi pal si aktolu ma

Jisus el lotöl nu sin met tumal lutlut, tukin pal si ke el molyuk yin mišemi.

15 ¶ Ou iñi ke elos moño tari, Jisus el fwak nu sel Saimon Piter, Saimon, nutin Jonas, kom luñšom ña yoklukelos? El fwak nu sel, Ao, Leum; kom etu tu ña luñsik kom. El fwak nu sel, Kiteuñ lam nutig.

16 El siefwil fwak nu sel pal si akluo, Saimon, nutin Jonas, kom luñšom ña? El fwak nu sel, Ao, Leum; kom etu tu ña luñsik kom. El fwak nu sel, Kiteuñ šip nutig.

17 El fwak nu sel pal si aktolu, Saimon, nutin Jonas, kom luñšom ña? Piter el pakomutu tu el fwak nu sel pal si aktolu, Kom luñšom ña? Ā el fwak nu sel, Leum, kom etu ma nu kemwu; kom etu tu ña luñsik kem. Jisus el fwak nu sel, Kiteuñ šip nutig.

18 Payinu, payinu, ña fwak nu šum, ke kom met fwus, kom šifwanu los kom eni, ā fwas yin kom luñšom fwas nu we: ā ke kom fwa matu, kom fwa sralot pom, ā sienu fwa los kom eni, ā wis kom yin kom tiu luñšom fwas nu we.

19 El fwak ma iñi, in akulinye miše šu el fwa oru mwolanu sel God. Ā ke el

## OREKMA, 1.

fwak ma iñi, el fwak nu sel,  
Fwas tukuk.

20 Na Piter tapula, liye  
met lutlut šu Jisus el luñsel,  
fwas tuk; ā el šu fuñla nu  
in imwel ke supper, ā fwak,  
Leum, el šu fwa tukakin  
kom yuk?

21 Ke Piter liye'l, el fwak  
nu sel Jisus, Leum, mea met  
iñi oru?

22 Jisus el fwak nu sel,  
Na fwin luñsik tu el mutanu  
nu ke ña tuku, mea nu šum?  
Kom fwas tukuk.

23 Na kas iñi šom nū yurin  
ma lel, tu met lutlut iñi fwa  
tiu miše; ā Jisus el tiu fwak  
nu selos, El a tiu miše; tu,  
Na fwin luñsik tu el mutanu  
nu ke ña tuku, mea nu šum?

24 ¶ El iñi met lutlut šu  
orek ma lo ke ma iñi, ā el  
simisla ma iñi: ā kut etu tu  
ma lo lal payi.

25 Ā kutenu ma puspis pe  
ma Jisus el oru, ma kut fwin  
simisla nu kemwu, ña menu  
mu fwalu tiñtiñinu buk ma  
simisla. Amen.

## OREKMA LUN MET ŠAP.

### ŠAPTER 1.

**O** TEOPILUS, buk si meta  
ña oru ke ma nu kemwu  
ma Jisus el mutamwauk in  
oru ā luti, 2 nu ke len si  
utukiuk el, tukin pal si El  
šap tari ke Nun Mutal nu  
sin met šap šu El es meta.

3 Ā tukin pal si ke el miši  
El šifwanu luto'l nu selos ke  
akul puspis šumwos, elos  
liye'l len añaul, ā El kaskas  
kutu mao ke togusañ lun  
God: 4 ā elos tukeni nu yu-  
rol, El šap nu selos tu elos  
in tiu šom liki Jerusalem, ā  
tupon tukakunañ lun Papa,  
ma komwos loñ keik.

5 Tu payi met Jon el bap-  
taisla ke kof; ā komwos a  
fwa baptaisla ke Nun mutal  
tiu len puspis tuk.

6 Tu ou iñi ke elos tuke-  
ni, elos siyuk Sel, fwakañ,  
Leum, ya ke palsi'ñi Kom  
siefwil folokunak togusañ lun  
Israel?

7 Ā El fwak nu selos. Tiu  
ma lomwos in etu pal ā pulon  
ma Papa el likiye in kuenu  
Lal.

8 Ā komwos fwa es ku tu-  
kin pal si Nun Mutal tukunu  
fwomwos; ā komwos a fwa  
met lo sik nu in Jerusalem,  
ā yin Judea nu kemwu, ā yin  
Samaria, ā yin lūsella fwalu.

## OREKMA, 1.

9 Ā ke elos kaskas ma iñi tari, ke elos liye, utukiuk El; ā pukunieñ si as al liki mutalos.

10 Ā ke elos suiye nu in kosao ke El šom, liye met luo tu yurolos in nuknuk fwošfwoš; ā etal fwak, 11 Komwos met Galili, efwo komwos ku tu suiye nu in kosao? Jisus iñi etukiuk liki komwos nu in kosao, El a fwa tuku oanu komwos liye'l šom nu in kosao.

12 ¶ Na elos foloko nu Jerusalem liki eol pañpañ Olivet, apkurun Jerusalem oanu fwas ke len sabbat.

13 Ā ke elos tuku nu lū tari, elos utyuk nu in sie fokil lāñ yin Piter, ā Jemes, ā Jon, ā Andru, Filip, ā Tomas, Bartolomu, ā Mattu, Jemes nutin Alfeus, ā Saimon Zelotes, ā Judas ma lel Jemes elos mutu we.

14 Elos nu kemwu nunok-sugo-wunnu ke šikalaninu siukye, wi mutan, ā Meri kīel Jisus, ā wi met lel.

15 Ā in len iño Piter el tuyuk in maslon met tumun luti, ā fwak, (oaoa elos šu, tukeni oanu siefok-loñol).

16 Met lili, enenu tu ma šinusla iñi payikin, ma Nun Mutal ke olin Devid fwak met ke Judas, el šu kol olos šu es El Jisus.

17 Tu el wi kit oaoala, ā es kutu me orekma iñi.

18 Tu ke ma iñi met si iñi el mol ima si ke kukakin ma koluk; ā putatla wis šiufwe, el fugūlik siel, ā kwanon nu kemwu raki.

19 Elos nu kemwu šu mutu Jerusalem etu ma iñi, oanu tu elos pañpañ ima si iño, in kaskas lalos, Aseldama, oanu ma fwak, Ima lun sa.

20 Tu šimla in buk Psalm, Lela lom sel in pusin ma, ā lela tu wañin met mutu lū; ā, lela sienu met es me orekma lal.

21 Ke ma iñi šu sin met iñi šu wi kit pal e nu kemwu ke Leum Jisus fwa-fwasysus lū lik yuros, 22 mutamwauk ke baptais mi lun Jon, nu ke len si utakla El liki kit, mwo kut pokiye sie tu el met lo yuros lun ma siefwil molyuk.

23 Ā elos šulūla luo, Josef pañpañ Barsabas, šu mwulal Justus, ā Mattaias.

24 Ā elos pre, ā fwak Leum, Elos etu inšien met e nu kemwu, luti šu ke seltal Elos es, 25 tu el fwa es kutu me orekma iñi ā me šap iñi, ma Judas el putatla liki ke koluk, tu el fwa šom nu yin sel.

26 Ā elos šuñ fwo lalos; ā oayun nu sel Mattaias; ā Elos oakulañ nu ke sie-nul-sie met šap.

ŠAPTER 2.

**A** KE len Pentekost fwol-  
nu, elos nu kemwu tu-  
keni nu sie an nunok sugo  
wunu.

2 Ā pusra si tiku in ko-  
saoemi pūspūs oanu kušan  
eñ lulap, ā tiñilyenu lom elos  
mutu we.

3 Ā lo siñalik oanu e sikini  
nu selos, ā mutu fwin sie sin  
sie.

4 Ā elos nu kemwu se-  
seslanu ke Nūn Mutal, ā  
mutamwauk in kaskas ke  
kutenu lo, oanu Nūn oru nu  
selos in kas.

5 Ā met Ju, met mwo,  
mutun an nu kemwu ye ko-  
saoemi, elos mutu Jerusa-  
lem.

6 Ke pusra si iñi kašak,  
met puspis tukeni, ā elos  
toninfoñ, tu met nu kemwu  
loñ olos kaskaskin kas lalos.

7 Ā elos nu kemwu lut, ā  
mañolqola, fwak nu sin sie  
sin sie, Liye, ya elos nu  
kemwu šu kaskas tiu met  
Galili?

8 Ā fuka kem nu kemwu  
loñ in lo lumem, yin kem  
isūsia we?

9 Met Partia, ā met Media,  
ā met Elam, ā elos šu mutu  
yin Mesopotamia, ā yin Ju-  
dea, ā Kapadosia, yin Pon-  
tus, ā Asia, 10 Prišia, ā  
Pampulia, yin Išip ā yin

kutu an Libia apneni Kure-  
ne, ā metša lun Roma, met  
Ju ā met forla, 11 met Kret,  
ā met Arabia, kem loñ olos  
kaskas in lomem me orekma  
lulap lun God.

12 Ā elos nu kemwu lut, ā  
ninukunla, fwakañ nu sin  
sie sin sie. Mea si iñi?

13 Kutenu aksriksrik ā  
fwak, Met iñi elos kūp ke  
wain šašu.

14 ¶ Ā Piter, ke el tuiuk  
yurin sie-ñul-sie, el srukak  
pusral, a fwak nu selos, Ko-  
mws met Judea, ā nu ke-  
mwu šu mutu Jerusalem,  
mwo komws etu ma iñi, ā  
poroño kusak: 15 tu elos iñi  
tin spuī, oanu komws nun-  
ku, tu auu si aktolu ke len.

16 Tu ma iñi ma Joel, met  
palu, el kaskas ka; 17 ā  
God el fwak, Ma iñi te oru  
in len safla, Na a fwa okoiot  
Nunik nu fwin ikwe nu ke-  
mwu; ā mwen nutum ā an  
nutum Elos a fwa polyi, ā  
met mogul fwus lomws elos  
a fwa liye arurumu, ā met  
matu lomws elos a fwa me-  
mei memi.

18 Ā in kutu len iño Na  
tufwa okoiot Nunik on fwin  
met kulanšap mogul luk, ā  
met kulanšap mutan luk, ā  
elos tufwa polyi.

19 Ā na tufwa oru menmen  
in kosao lūñ, ā akul on fwalu  
ten: sa ā e, ā okun kulas.

20 Ā fwatu a fwa ekla los, ā malem ekla sa, met len lulap si ā menmen si lun Jeova a fwa tuku tuk.

21 Ā a fwa ma iñi, tu el šu ali nu ke Ēl Jeova el a fwa mol.

22 Komwos, met Israel, loñ kas iñi; Jisus lun Nazaret, met si God El aksumwosyeot nu yuromwos ke kuu ā menmenu ā akulu, ma God El oru ke'l in maslomwos, oanu komwos sifwanu etu; 23 Tule'lot ke papu ā etenu lun God, komwos as el, ā ke pon koluk uni on ke šaksiñ sugo ā onela.

24 God El akmolye'lak, ke tulala mwaiokun miši met, tu a tiu ku in sruki'lye.

25 Tu Devid el kaskas ke'l, Na liye Jeova pal e nu kemwu ye mutuk; tu El on le pok leyut, tu nūn tiu mogūkū.

26 Ke ma iñi išiuk eñunak, ā louk inšimwowo; kutepe tu ikuk ā fwa moñla in fwensok.

27 Tu Kom ā tiu likie nūnik in hell, ā tiu fuleot Ma Mutal Lom in liye ma kolak.

28 Met Kom luti nu sik inganek mol; Kom a fwa ore yu tiñtiñinu eñun ke mutoun.

29 Met lili, lela nā in kaskas nu šumwos lemtulaiuk ke papa Devid, tu el miši ā

pukpuki, ā inkulyuk sel os yuros nu ke len si iñi.

30 Ke ma iñi el met palu, ā etu tu God el fulak ke fulak nu sel, tu ke futen inšiel ke ikwe, El fwa akmolye'lak Kraist, tu El mutu on niin mutu lal; 31 ke liye ma iñi met, el kaskas ke molyuk lun Kraist, tu nūnal tiu fili nu in hell, ā ikwe'l tiu liye kolak.

32 God El akmolye'lak Jisus iñi, ā kut nu kemwu met lo ke'l.

33 Ke ma iñi le paul leyut sin God srukulak, ā El es sin Papa mwuleuñ lun Nūn Mutal, El okoiot ma iñi, ma komwos liye ā loñ iñi.

34 Tu Devid el tiu utiuk nu in kosao; ā el šifwanu fwak, Jeova el fwak nu sin Leum luk, Kom mutu on le pok leyut, 35 nu ke pal si nā orek met mwesral laño ye nium.

36 Ke ma iñi lela sou lun Israel nu kemwu in etu ma šumwos, tu God el oru Jisus iñi, šu komwos uni'lye on ke šaksiñ sugo, tu El Leum ā Kraist.

37 ¶ Ā ke elos loñ ma iñi šuñ inšielos, ā elos fwak nu sel Piter ā nu sin kutenu sin met šap, Met lili, mea kem a oru?

38 Na Piter el fwak nu selos, Komwos auliyuk, ā

baptaisla koinwos nu kemwu in Ēl Jisus Kraist ke sista ma koluk, ā komwos tufwa es ma šuñ lun Nun Mutal.

39 Tu mwuleuñ ma nu šumwos, ā nu sin tulig nutumwos, ā nu selos nu kemwu šu mutu lūsia, ā nu selos nu kemwu šu Leum God las El tufwa pañon.

40 Ā ke kutenu kas puspis el luti ma lo ā kaiyuk, fwakañ, Komwos šifwanu moli komwos liki fwil koluk si iñi.

41 Na elos šu eñun in es kas lal, elos baptaisla; ā ke len si iñi elos šifwauk oanu met tol-šin.

42 Ā elos mutu ku in luti ā luñ lun met šap, ā in kunšalik bred, ā in pre.

43 Ā šaṇeñ tuku nu fwelos nu kemwu; ā met šap elos orek menmen ā akul puspis.

44 Ā elos nu kemwu šu lalalfuñi tukeni mutu, ā toeni nu kemwu ma lalos.

45 Ā elos kukakunla fwal lalos ā ma lalos, ā kitelik nu selos nu kemwu, oanu met e nu kemwu enenu.

46 Ā piñanu len ke nunok sugo wunu in tempel, ā kunšalik bred in lom lalos, elos moño me monó nelos ke eñun ā payi inšielos, 47 kaksakin God; ā luñ lun met e nu kemwu yurolos. Ā

Leum El filfil nu ke šurs piñanu len elos šu fwa mol.

### ŠAPTER 3.

**K**E sie pal Piter ā Jon eltal tukeni fwasyuk nu in tempel ke auu si lun pre, auu akeu.

2 Ā sie met nuno ul ke isūsia utukla ā elos fili'lye piñanulen nu ke mutun oaoa lun tempel pañpañ Mwonu, tu el siyuk me pakomutu nu selos šu utiuk nu in tempel.

3 Ke liye'ltal Piter ā Jon, apkurun utiuk nu in tempel, el siyuk seltal me pakomutu.

4 Ā Piter el sui'lye wi Jon, ā fwak Netmu nu sital.

5 Ā el loñ oltal, nunku mu el tufwa es kutu ma seltal.

6 Na Piter el fwak nu sel, Wañin silver ā gol yuruk, ā ma nu luk ña siot nu šum; In Ēl Jisus Kraist lun Nazaret kom tuyuk ā fwas.

7 Ā el srukile le paul leyut, ā sruklulak; ā kiten misiñi niel ā sri in akonkonon niel kela.

8 Ā el sroauk tu, ā fwas, ā oelultal utiuk nu in tempel, fwas, srosro, ā kaksakin God.

9 Ā elos nu kemwu liye'l fwafwasyis ā kaksakin God:

10 ā elos eta'l tu el iñi el šu mutu ke pakomutu nu ke mutun oaoa mwonu lun tempel; ā elos tiñtiñinu ke

fwefwela ā lut ke ma te oru nu sel.

11 ¶ Ā ke el šu ul kela sruki'lye Piter ā Jon, met e nu kemwu kasus tukeni nu yurolos in sraunwalsis pañ-pañ Solomon; fwefwela ma lulap.

12 Ā ke Piter el liye, el tu pokoan nu sin metu; Komwos met Israel, efwo komwos ku fwefwela ke ma iñi? ka efwo komwos ku šui kiti, oanu tu ke ku ā mutal las kut orek met si iñi in fwas?

13 God lun Abraam, ā lun Aisaak, ā lun Jakob, God lun papa tūnas, El akmolye-lak Mwen natal Jisus; šu komwos as'ot, ā lafwekun al ye mutal Pailat, ke el nunku in tula'la.

14 Ā komwos lafwekin Ma Mutal ā Ma Payi, ā kenu lun as'ot met akmus nu yurumwos; 15 ā komwos uniye Leum lun mol, šu God el akmolyauk yin miše mi, kem met lo ke.

16 Ā Ēl, ke lalalfuñi in Ēl, orek met si iñi ku, šu komwos liye ā etu: aok lalalfuñi ke Ēl ašun nu sel ku nu šumwosmwos ye muto-mwos nu kemwu.

17 Ā iñi ma lili, ña etu tu komwos oru ma iñi ke ninukin, oapanu leum lomwos.

18 Ā ma iño ma God El

polyi met ke olin met palu nu kemwu lal, tu Kraist El tufwa keok, o iñi El payikin.

19 Ke ma iñi komwos auliyuk, ā forla, tu ma koluk lomwos fwa Ella, ke pal in mwola a fwa tuku ye mutun Leum mi; 20 ā El tufwa sipaot Jisus Kraist, šu luti-yuk nu šumwos met; 21 šu kosao fwa es nu ke pal lun akmolyauk ma nu kemwu, ma God El kaskas ke olin met palu mutal lal nu kemwu, yin mutamwauk fwalu nu iñi.

22 Tu payi ma Moses el fwak nu sin papa, Jeova God lomwos El tufwa akmolyauk Met Palu nu šumwos sin ma liumwos oanu ña; komwos tufwa loñ ol ke ma nu kewwu El tufwa fwak nu šumwos.

23 Ā ma fwa te oru, tu ñunin met nu kemwu, šu a tiu loñ Met Palu iño, fwa kanawis la liki metu.

24 Ā met palu nu kemwu ke Samuel mi ā elos šu tukol, aok elos šu kaskas, elos polye pe ke len iñi.

25 Komwos tulig nutin met palu, ā nutin mwuleuñ ma God El oru nu sin papa tumus, ke El fwak nu sel Abraam, Ā in fute lom ña fwa orek sou nu kemwu fwalu inši mwowo.

26 Nu šumwos met, God



El akmolyauk Mwen natal Jisus tari, El sipaot in ak-mwoye komwos, ke furok komwos la nu kemwu liki ma koluk lomwos.

### SAPTER 4.

**A** KE elos kaskas nu sin metu, met tol, ā kaptin lun tempel, ā met Saddusi, elos tuku nu fwelos, 2 mulat tu elos luti nu sin metu, ā tafwu ke Jisus molyuk yin miše mi.

3 Ā elos sruk elosi ke pa-ulos, fule'losi nu in prison nu lutu, tu pal si iñi ekela.

4 Ā ma puspis selos šu loñ kas elos lalalfuñi; ā pišen metu oanu limu.

5 Ā ma te oru ke lutu, tu met leum lalos, ā met elder, ā met šim, 6 ā Annas met tol fulat, ā Kaiafas, ā Jon, ā Aleksander, ā elos lun sou lun met tol fulat, elos tukeni nu Jerusalem.

7 Ā ke elos file'losi inful-we, elos siyuk, Ka ku šu, ka ē šu, komwos orek ma iñi?

8 Na Piter, tiñtiñinu ke Nun Mutal, el fwak nu selos, Komwos leum lun metu, ā met elder lun Israel, 9 komwos fwini siyuk šes len si iñi ke mwo oru nu sin met ul, ke mea el kelanu; 10 lela komwos nu kemwu, ā met nu kemwu lun Israel in

etu, tu ke Ēl Jisus Kraist lun Nazaret, šu komwos uni'lye on ke šaksiñ sugo, šu God El akmolyauk yin miše mi, aok ke El met si iñi el tu ye mutomwos kelanu.

11 El iñi eot si ma komwos met muša sisila, El mutun srumwosrik.

12 Ā wañin me mol ke sienu; tu wañin sienu Ē ye kosao eyeyuñ nu sin metu, kut tufwa mol ka.

13 Ā ke elos liye pulaik lun Piter ā Jon, ā etu tu eltal tiu lutlut ā met silal-kuñ, elos lut; ā elos etu tu eltal yurin Jisus met.

14 Ā elos liye met si kela tu yuroltal, elos koflanu fwak lain mao.

15 Ā ke elos šap tu elos šom liki mwolil, elos šifwanu papu, 16 fwakañ, Mea kut oru nu sin met iñi? tu men-men lulap si elos orala, met nu kemwu šu mutu Jerusa-lem elos etu; a kut koflanu fwak sito.

17 Ā tu ma iñi tiu fwaselik kutu yurin metu, mwo tu kut kañ elos la me šumwos-mwos, tu elos in tiu kas tuk nu sin sie met in Ē iñi.

18 Ā elos pañnoltal, ā šap nu seltal in tiu fwak kiten ma sisik ā luti in Ēl Jisus.

19 Ā Piter ā Jon eltal tupokoñ ā fwak nu selos, Komwos nununku la payi

ku sito tu ketal loñ komwos yokliki God.

20 Tu ketal koflanu tiu fwak kutu ma ketal liye met ā loñ.

21 Ā ke elos siefwil pe kai elos tari, elos tula'los la, tu ke metu elos koflanu konoio k fuka ma in unelos la: tu met e nu kemwu kakša-kin God ke ma orekla.

22 Tu met si yutunyuk yiu añaul matu, šu kela ke menmen si iñi.

23 ¶ Ā ke tulala tari elos som nu yurin met lalos, ā fwakak ma nu kemwu ma met tol fulat ā met elder fwak nu selos.

24 Ā ke elos loñ ma iño, elos srukak pusalos nu sie nu sin God, ā fwak, Leum, Elos God, šu orala kosao, ā fwalu, ā mwea, ā ma nu kemwu lu; 25 šu fwak met ke olin met lolos Devid, Efwo met Pegan ku koskusok, ā met elos nunku ma pusa?

26 Togusa lun fwalu elos tuiuk, ā leum elos tukeni lain Jeova, ā lain Kraist lun.

27 Tu payinu, Herod, ā Pontius Pailat, wi met Pegan, ā met Israel, elos tukeni lain tulig mutal natolos Jisus, šu Elos mwolak, 28 tu elos oru ma paulos ā papu lolos nunku u-met in oru.

29 Ā iñi, Leum, Elos liye kaiiyuk lalos; ā oru nu sin

met lolos, tu ke pulaiik lulap elos in fwak kas lolos, 30 ke sralot paulos tu in kela; ā tu akul ā menmen fwa orala ke tulij mutal natolos Jisus.

31 Ā ke elos pre tari, an elos tukeni we kusšsyuk; ā elos nu kemwu tiñtiñinu ke Ānun Mutal, ā elos pulaik in fwak kas lun God.

32 Ā ma puspis selos su tukeni lalalfuñi ā inšie siewunu, ā Ānun siewunu, tu wañin sie selos fwak kutu ma lal, ma lal mugenu, tu ma nu kemwu ma lalos.

33 Ā ke ku lulap met šap elos lo ke molyuk lun Leum Jisus; ā luñ lulap on fwelos nu kemwu.

34 Tu wañin sie selos wañin ma la: ā elos šu fwal lalos ku lom selos elos kuka-kin, ā wis me mol ma kuka-kin ka, 35 ā likiye mao nu ke niel met šap: ā elos kite-lik nu sin met nu kemwu oanu elos enenu.

36 Ā Joses, šu met šap elos mwulal Barnabas, (ma tafwu, mwen nutin akmwo yauk,) met Livai, ma yin Saiprus, 37 fwal lal, el kuka-kinla, ā wis moni, ā likiye mao nu ke nien met šap.

## ŠAPTER 5.

**A** SIE met ē Ananias, wi Sapfaira mutan kiel, el-

tal kukakunla sie an, 2 ā mwukunla kutu me mol, mutan kiel ete pe, ā wis kutenu, ā likiye nu ke nien met šap.

3 Ā Piter el fwak, Ananaias, Efwo Setan el ku nakla inšium tu kom kiapala Nun Mutal, ā mwukunla kutu me mol lun annu?

4 Ya ke onnu tiu ma lom? ā tuki pal si kukakunla yatiu in ku lom? efwo kom ku nunkauk ma iñi inšium? kom tiu kiapala nu sin met, tu nu sin God.

5 Ā Ananaias ke el loñ kas iñi el putatla, ā miše. Ā šaŋeñ lulap tuku nu fwelos nu kemwu šu loñ ma iñi.

6 Ā met fwus elos tuyuk, srukmulani, ā wis el la, ā pukini'lye.

7 Ā oanu auu tolu tuko, kemutan kiel, ninūkin ma orala, el ilyuk.

8 Ā Piter el tupokoan nu sel, Oramu nu sik komtal la kukakunla an ke ma iñi ku sito? Ā el fwak, Aok, ke ma iñi.

9 Na Piter el fwak nu sel, Efwo komtal ku tukeni nunku in srifwe'l Nun lun Leum? liye, nielos šu puki ni'lye met tumom pu mutun oaoa, ā a fwa wis kom la.

10 Na kiten misiñi el putatla ke niel, ā miši: ā met fwus elos ilyuk, ā elos kono-

lok la miši, ā wis al ot, pukini'lye nu ke met tumal.

11 Ā šaŋeñ lulap tuku nu fwin šurš nu kemwu, ā nu fwelos nu kemwu šu loñ ma iñi.

12 Ā met šap elos oru akul ā menmen puspis ke paolos yurin metu. (Ā elos nu kemwu mutu in sraunwal sis lun Solomon ke nunok sugo wunu.

13 Ā sin kutenu wañin met pulaik in šifwanu oelulosyūñ: tu met kaksakin olos.

14 Ā kutepe met lalalfuñi oeuñ nu sin Leum, ma puspis sin mogul ā sin mutan.)

15 Oanu tu elos wis met mas nu inganeku, ā fil'elosi on fwin kilūs, ā me mutu, tu nūnūnal Piter ke el fwas alukela fwa luliye kutu selos.

16 Ā ma .puspis pe elos tuke liki siti apneni Jerusalem, wis met mas, ā elos šu keok ke nūn fokfok; ā elos nu kemwu kela.

17 ¶ Na met tol fulat tuyuk, ā elos nu kemwu šu oelul (un met lun Saddusi) ā elos tiñtiñinu ke mulat. 18 ā sruuk olosi met šap, ā fil'elosi nu in prison.

19 Ā lipufon lun Leum ke foñ el igasla mutun oaoa lun prison, ā wis elos la, ā fwak, 20 Komwos šom, tu a kas kas in tempel nu sin metu kas nu kemwu lun mol iñi.

21 Ā ke elos loñ ma iñi, elos ilyuk nu in tempel ulutue, ā luti. Ā met tol fulat el tuku, ā elos šu oelul, ā paññūni met papu, ā met matu nu kemwu sin nutin Israel, ā sipaot nu prison in wis elos mi.

22 Ā ke met rošo elos tuku, ā tiu konoī'losyuk nu in prison, elos folokla, ā luti, 23 fwakañ, Payi kem konoioik prison kauli ku, ā met šan elos tu likin mutun oaoa: ā ke kem igasla, kem tiu konoioik sie met lū.

24 Ā ke met tol fulat ā kaptin lun tempel ā met tol elos loñ ma iñi, elos nūkin ke'los ma kapak ia ma iñi.

25 Na sie tuku ā oraūñ nu selos, fwakañ, Liye, met šu komwos likiye nu in prison, elos tu in tempel ā luti nu sin metu.

26 Na kaptin wi met rošo elos šom, ā wis elos tiu upa; tu elos šañeñ sin metu a fwa tuñla'los.

27 Ā ke wis elos mi, elos mutañ olosi ye mutun met papu; ā met tol fulat el siyuk nu selos, 28 fwakañ, Ya kem tiu šap nu šumwos nu šumwosinwos, tu komwos in tiu luti in Ē iñi? ā, liye, komwos nakla Jerusalem ke lutlut lomwos, ā nunku tu komwos wisi sa'n met si iñi nu fwes.

29 Na Piter ā kutenu met šap elos tupokoan ā fwak, Mwo tu kem akoš God yok liki metu.

30 God lun papa tumus El akmolyauk Jisus, šu komwos uniye ā sripusak on ke šaku.

31 God El orañlak ke le paul leyut tu El Leum ā Laño, tu El šuñ aaliyuk nu sin Israel, ā nunok munas ke ma koluk.

32 Ā kem met lo lal ke ma iñi; ā ouyape Nun Mutal, šu God El šuñ nu selos šu akoš.

33 Ke elos loñ ma iñi, fokisie inšielos, ā elos papu in unelos la.

34 Na sie tuyuk in un met papu, el met Farisi, ē Gaimael, met luti ke manu, met nu kemwu kaksaknal, el oru lun sipala met šap kiten pal; 35 ā fwak nu selos, Komwos met Israel, komwos šifwanu liye komwos yuñ ma komwos nunku in oru nu sin met iñi.

36 Tu met len iñi, Teudas el sikyuk, šifwanu kaksakunal; oanu met añ foko elos oelulañ: el anwuki; ā nu kemwu šu lalalfuñol elos fwaselik ā wañinla.

37 Tukin met si iñi Judas lun Galili el sikyuk ke len oaoa, ā el painla met puspis tukol: el pe anwuki; ā nu

kemwu šu lalalfuñol, elos fwaselik.

38 Ā iñi ña fwak nu šumwos, Fwas liki met iñi, nimit oru nu zelos; tu fwin papu iñi ku me orekma iñi ma lun metu, ma tufwa wañinla: 39 ā fwin ma lun God, komwos koflanu kanawisla; fwin ou iñi komwos tufwa meun lain God.

40 Ā elos nunka'l pe: ā ke elos pañolos mi met sap, ā sruñlulos tari, elos sap tu elos in tiu kas in Ēl Jisus, ā tula'losla.

41 Ā ke ma iñi elos fwas liki ye mutun met papu, eñun tu fule'losyuñ in keok ke Ēl.

42 Ā piñanu len in tempel, ā in lom nu kemwu, elos tiu sisla luti ā fwakulak Jisus Kraist.

## SAPTER 6.

**A** IN len iño, ke oaoala met lutlut pusliki, met Grik elos torkaskas lain met Heberu, tu elos tiu liauñ met kotinmas lalos ke kitakot piñanu len.

2 Na met sie-ñul-luo elos pañon mu met lutlut puspis, ā fwak, Ā tiu mwo tu kem likiye kas lun God ā oru nu ke tebue.

3 Ke ma iñi, ma lili, komwos, šokak kutu šumwos met itkos ma met fwak

mwo, tiñtiñinu ke Ēn Mutal ā lalmetmet, šu kem fuleuñ nu ke me orekina iñi.

4 Ā kem šifwanu orek kem nu ke pre, ā nu ke orekma ke kas.

5 Ā elos nu kemwu eñun ke kas si: ā elos srella Stefen met si tiñtiñinu ke lalalfuñi ā Ēn Mutal, ā Filip; ā Prokorus, ā Nikenor, ā Timon, ā Parmenas, ā Nikolas met forla lun Antiok; 6 elos fule'losi ye mutun met sap: ā ke elos pre tari, elos fliye po nu fwelos.

7 Ā kas lun God yokoilik; ā oaoala met lutlut pusliki ma lulap in Jerusalem; ā met puspis sin met tol elo akoš ma lalalfuñi.

8 ¶ Ā Stefen, tiñtiñinu ke lalalfuñi ā ku, el orek akul ā menmen lulap yurin metu.

9 Na kutu sin imwen loñok, pañpañ Libertins, ā sin met Šairinia, ā sin Aleksandria, ā elos sin Silišia, ā sin Ašia, elos akukain yurol Stefen.

10 Ā elos tiu ku in fwunkulla lalmetmet ā ñun ma el kaskas ka.

11 Na elos akkiap elos la kutu met šu fwak, Kem loñol in kas kutu kas ko lain Moses, ā lain God.

12 Ā elos pauk metu, ā met elder, ā met šim, ā tuku

nu fwe'l, ā sruki'lye, ā wis el la yurin met papu, 13 ā elos orauk met lo sito, šu fwak, Met si iñi el tiu misla in kas ko lain an mutal si iñi, ā manu; 14 tu kem loñ ol fwak, tu Jisus iñi lun Nasaret El tufwa kanawis la an si iñi, ā fwa aola manu ma Moses el aši nu šes.

15 Ā elos nu kemwu šu mutu in mwolil ñetañ šu-ilye, liye mutal oanu mutun lipufon.

### ŠAPTER 7.

**N**A met tol fulat el fwak, Ya ou ma iñi?

2 Ā el fwak, Met lili, ā papa, komwos poroño; God mwolanu El sikmi nu sin Abraam papa tumas, ke el mutu yin Mesopotamia met el mutu Karran tuk, 3 ā fwak nu sel, Kom fwala liki an šum, ā liki sou lom, ā tuku nu fwal si Na fwa luti nu šum.

4 Na el tuke liki fwal lun met Kaldea, ā el mutu yin Karran: ā iño mi, ke papa tumal miši tari, El wis al la nu in fwal si iñi, yin komwos mutu we iñi.

5 Ā El tiu ašun nu sel kutu ma we, tiu an fwol kul on we: ā El mwuleuñ tu El fwa šun nu sel tu ma lal, ā nu sin fute lal tukol, ke pal si wañin tulig natal.

6 Ā God El fwak ou iñi, Tu fute lal fwa mutu yin fwal ša; ā elos fwa ora'los in koš, ā orek ma koluk nu selos yiu añfuko.

7 Ā togusañ šu ora'los in koš God El mu, Na fwala elos la: ā tukiñ palša elos tufwa fwas liki, ā oru nu sik yin si'ñi.

8 Ā El ašun nu sel mwuleuñ lun kosraok: ā ke ma iñi Abraam el oswela Aisaak, ā kosroela ke len si ak oalkos; ā Aisaak el oswela Jakob, ā Jakob el oswela masie-ñul-lus met lupu.

9 Ā met lupu, ke elos šok sel, elos kukakunul la Josef nu yin Išipt: ā God el oelul, 10 ā as al liki añnol nu kemwu, ā aši nu sel lun ā lalalmet ye mutal Faro togusa lun Išipt; ā el ora'l in Leum lun Išipt ā ma nu kemwu in lom sel.

11 Ā sral tuku on fwal nu kemwu Išipt ā Kanaan, ā añañ lulap: ā papa tumas elos tiu konoiook kutu me moño.

12 Ā ke Jakob el loñ tu os korn in Išipt, el sipaot papa tumas met.

13 Ā ke pal si akluo lutauñ Josef nu sin met lel; ā lotauñ sou lal Josef nu sin Faro.

14 Na Josef el sipaot, ā pañnol mu Jakob papa tu-

mal, ā sou lal nu kemwu, met itñul-limikos.

15 Ou iñi Jakob el oatu nu Işıpt, ā mişı, el, ā papa tumas, 16 ā utukla elos nu Saikem, ā filiye nu inkulyuk ma Abraam el molūla sin mwen nutin Emmor tumun Saikem ke kutu monni.

17 Ā ke pal si lun mwuleuñ a tuku, ma God el fulak nu sin Abraam, met elos kapak ā puspisla in Işıpt, 18 na ke sienu togusa sikyuk šu tiu eta'l Josef.

19 El iñi srifwenu met las, ā orek ma koluk nu sin papa tumas, oanu tu elos sislanu tulig fwus natalos, ou tu elos in tiu mol.

20 Ke pal si'ño Moses el isūsła, ā el mwo lanu, ā katitiuk el in lom sin papa tumal malem tolu.

21 Ā ke sis el la, an nutin Faro el sruklulak, ā liye'lañ oanu tulig natal.

22 Ā Moses el lalmetmet ke lalmetmet nu kemwu lun met Işıpt, ā ku ke kas ā ke me orekma.

23 Ā ke el oanu yiu añaul matu, ma on inşiel tu el som nu sin met lel ma nutin Israel.

24 Ā ke el liye sie selos el keok ke tiu payi, el wilein el šu munas, ā uni'lye met Işıpt.

25 Tu el nunku tu met lel

elos fwa etu fuka ma God ke paul fwa šuñ in es elos la; ā elos tiu etu.

26 Ā len si tuko el šifwanu lotō'l nu selos ke elos anwuk, ā kenū ora'los in misla, fwa-kañ, Met, komtal tamulel; efwo komtal ku orek koluk sie sin sie?

27 Ā el šu orek ma koluk nu sin ma lel, el šinakunal, fwakañ, Šu orek kom leum ā met nununku fwe kit?

28 Ya kom luñšom uni yu wi ou kom uni'lye met Işıpt ñyo?

29 Na Moses el kaiñla ke kas si'ñi, ā el metša yin fwal Midian, yin el oswela mwen luo.

30 Ā ke yiu añaul som tari, lipufon lun Leum sikmi nu sel yin musrasra lun eol Sainai in e furur in kupo.

31 Ke Moses el liyauk, el lut ke mao: ā ke el kolikiuñ in liye, pusren Leum tuku nu yurol, 32 fwakañ, Na God lun papa tumom, God lun Abraam, ā God lun Aisaak, ā God lun Jakob. Na Moses el rarrar, ā tiu pulaik in liye.

33 Na Leum el fwak nu sel, Esla faluk liki nium, tu yin kom tu wean, fwal mutal.

34 Na liye, Na liye ma añañ lun met luk šu mutu Işıpt, ā Na loñ šao lalos, ā

Na oatuwi in as alos la. - Ā inī fwasu, Na sipe kom la nu Işıpt.

35 Moses inī ū elos sañes, fwakañ, Šu orek kom leum ā met nununku? el inī God El sipaot tu el leum ā met laño ke pon lipufon ū sikmi nu sel in kupo.

36 El wis elos la, tukin pal si ke el orek menmen ā akul in fwal Işıpt, ā in mwea sisa, ā yin an mesis yiu añaul.

37 Moses inī el ū fwak nu sin tulig in Israel, Leuin God lomwos El tufwa oraunk sie Met Palu nu ūmwos sin ma liumwos, oanu ña; komwos tufwa loñol.

38 El inī El ū in šurs yin mesis yurin lipufon ū fwak nu sel fwın eol Sainai, ā yurin papa tumas: ū es kas mol in aşı nu šes.

39 Papa tumas elos tiu aksol, ā sis el la luk elos, ā inşielos siefwil folokla nu in Işıpt, 40 fwakañ nu sel Aron, Kom orek god nu šes in fwas ye mutas: tu Moses inī ū wis kit la liki fwal Işıpt, kut nukin el aiya.

41 Ā in len ino elos orek kaf, ā aşı kišeella nu sin aidol, ā elos eñun ke me orekma lun paulos.

42 Na God El forla, ā as alos in ali nu sin u ma in kosao; oanu ma šim in buk

lun, met palu, O komwos met Israel, ya komwos aşı nu Sik kosro uniye ā kiše ke yiu añaul yin mesis?

43 Aok, komwos srukak lom lun Molok, ā itu lun god lomwos Remfan, me srulela ma komwos oru in ali nu ka: ā Na fwa wis komwos la likin yen Babulon.

44 Lom lun ma lo yurin papa tumas yin mesis, oanu El oru met ke El fwak nu sel Moses, tu el fwa orala mao oanu lumun el liye met.

45 Ma papa tumas ū tuku tuk elos wi Joşua wis nu ke an sin met Pegan, ma God el lusla ye mutun papa tumas, nu ke ten lun Devid; 46 ū konoiook lun ye mutun God, ā el kenu konoiook lom lun God lun Jekob.

47 Ā Solomon el muşa lom Sel.

48 Tu Fulat Lanu El tiu mutu in tempel ma po oru; oanu met palu fwak, 49 Kosao niin mutu Luk, ā fwalu niin faluk Luk: lom ū komwos tufwa muşa Sik? Leuin El fwak: ku an ya Na moñla we?

50 Ya pok tiu oru ma inī nu kemwu?

51 Komwos keiki kaiwumwos ā tiu kosroala inşiumwos ā sreumwos, pal nu kemwu komwos folokin Nun



Mutal: oanu Papa tumomwos, komwos ouyape.

52 Met palu šu papa tumomwos tiu kolyaĩ? ā elos onelosi elos šu polyi Met Payi si šu tuku; komwos iĩi met tak ā met akmus ke'l; 53 šu es manu ke me orekma lun lipufon, ā komwos tiu liauñ.

54 ¶ Ke elos loñ ma iĩi fokišie inšielos, ā elos ñaliseni mwuselos ke'l.

55 Ā el tiĩtiĩinu ke Nun Mutal, šuiye nu in kosao, ā liye mwolanu lun God, ā Jisus El tu fwin la po leyut sin God, 56 ā fwak, Liye, ña liye in kosao igakla, ā Mwen nutin met El tu fwin la po leyut sin God.

57 Na elos wowoyuk ke pusra lulap, ā fonosye sralos, ā kasus nu fwel nunok sugo wunu, 58 ā sis el la liki siti, ā tuñ lal; ā met lo elos likiye nuknuk lalos, ye niin met fwus si, el Soul.

59 Ā elos tuñ la'l Stefen ke el pre nu sin God, ā fwak, Leum Jisus, es ñunik.

60 Ā el sikukmutuntiyuk ā wowoyuk ke pusra'l lulap, Leum, tiu šuñ ma koluk iĩi nu selos. Ā ke el fwak ma iĩi tari, el motul.

## ŠAPTER 8.

Ā SOUL el nunok oanu ke miši lal. Ā ke pal si

iĩo kolya lulap lain šurš in Jerusalem; ā elos nu kemwu fwaselik nu yin Judea ā Samaria, met šap tiu wi.

2 Ā met mwo elos wis Stefen nu inkulyku, ā elos orek asor lulap nu ke'l.

3 Ā Soul el kanaosla šurš, ilyuk nu in lom nu kemwu, el amakin met mogul ā mutan ā fule'losi nu in prison.

4 Ke ma iĩi elos šu fwaselik šom yin nu kemwu in luti kas.

5 Na Filip el oatui nu in siti lun Samaria, ā lotoil Kraist nu selos.

6 Ā met puspis tukeni elos loñ ke nunok sugo wunu ma iĩo ma Filip kaskas ka, loñ ā liye menmen ma el eru.

7 Tu ñun fokfok, wowoyuk ke pusra lulap, elos tuke liki met puspis; ā met puspis mas inatoltol, ā ul, elos kela.

8 Ā eñun lulap in siti si iĩo.

9 Ā sie met, pañpañ Saimon, šu orek šatal umet in siti si iĩo, ā aklutye met lun Samaria, el šifwanu ora'l tu el sie met lulap.

10 Elos nu kemwu, ke elos srik nu ke elos matu, loñ ol, fwakañ, Met si iĩi ku lulap lun God.

11 Ā elos loñ ol, tu ma pátpat el akluti elos ke šatal.

12 Ā ke elos lalalfuñol Filip, ke el lotaun ma lun

togusaī lun God, ā ma lun Ēl Jisus Kraist, elos baptaisla, met mogul ā mutan.

13 Na Saimon el šifwanu lalalfuñi; ā ke el baptaisla tari, el mutu yurol Filip, ā lut ke el liye akul ā menmen lulap ma orala.

14 Ā ke met šap, šu mutu Jerusalem, elos loñ tu Samaria es kas lun God, elos sipaot nu selos Piter ā Jon.

15 Ke eltal oatu tari, eltal pre ke'los, tu elos fwa es Nun Mutal.

16 Tu nu ke pal si iñi El tiu putatla nu ke sie selos: elos baptaisla in Ēl Leum Jisus inugenu.

17 Na eltal filiye paultal nu fweelos, ā elos es Nun Mutal.

18 Ā ke Saimon el liye tu ke filiye pon met šap, Nun Mutal etikiuñ, el šuñ monni nu seltal, 19 fwakañ, Si nu sik pe ku iñi, tu on fwin šu ña filiye pok, el ā fwa es Nun Mutal.

20 Ā Piter el fwak nu sel, Monni lom wi kom nu miši, tu kom nunku tu ma šuñ lun God fwa kukakin ke monni.

21 Wañin kutu ma ā wañin sie fwo lom in kas si iñi: tu inšium tiu payi ye mutal God.

22 Ke ma iñi kom auliyuk ke ma koluk lom iñi, ā pre

nu sin God, El a la ma koluk lom fwa nunok munas nu šum ku sito.

23 Tu ña liye tu kom in a menlanu, ā in lolūni koluk.

24 Na Saimon el tupokoañ, ā fwak, Komtal siyuk sin Leum ke ña, tu wañin ma iñi ma komtal kas ka fwa tuku nu fwuk.

25 Ā ke elos orek ma lo a luti kas lun Leum tari, elos folokla nu Jerusalem, ā luti mwo šašu inkal sisik puspis lun met Samaria.

26 ¶ Ā lipufon lun Leum el kaskas nu sel Filip, fwakañ, Kom tuyuk ā šom nu yin Eur, nu inganek oatui Jerusalem mi nu Gaza, ma an mesis.

27 Ā el tuyuk ā šom: ā liye, sie met Etopia, el yunuk leum sropu puspis sran Kandase kosoa lun met Etiopia, el liauñ niin fok nu kemwu ma lal, el tuku nu Jerusalem in ali tari, 28 el folokla; ā mutu fwin šariot lal el rid Esaias met palu.

29 Na Nun El fwak nu sel Filip, Kom kolikiuñ, ā šifwanu wi fwas ke šariot iñi.

30 Ā Filip el kasus nu yurol, ā loñ ol rid met palu Esaias, ā fwak, Ya kom etu ma kom rid?

31 Ā el fwak, Na ku fuka, fwin wañin met luti yu? Ā

el kenu tu Filip lun sroauk  
ā mutu yurol.

32 An in Baibel ma el rid  
ma iñi, El kol la oanu šip  
ke uni; ā oanu lamb el šu-  
loñkas ye mutun met kolkil,  
ouyape el tiu oaliñalik oalul.

33 Ke fwokpap lal nu-  
nunku lal as la: ā šu fwa-  
kot fwil lal? tu mol lal asla  
liki fwalu.

34 Ā yunuk el tupok Filip,  
ā fwak, Ā siyuk šum ke  
šu met palu kaskas ma iñi?  
ke'l, ku ke sienu met?

35 Na Filip oaliñalik oalul,  
ā mutamwauk ke ma šimla  
iñi, ā luti Jisus nu sel.

36 Ā ke eltal šom inek,  
eltal tuku nu ke an kof on  
we: ā yunuk el fwak, Liye,  
kof iñi, mea sruki yuwi in  
tiu baptaisla?

37 Ā Filip el fwak, Kom  
fwin lalalfuñi inšium ke-  
mwu, mwo. Ā el tupok ā  
fwak, Ā lalalfuñi tu Jisus  
Kraist Mwen natal God.

38 Ā el šap šariot in tui,  
ā eltal oatu nu in kofo,  
Filip ā yunuk; ā el baptais  
el la.

39 Ā ke eltal fwasyuk liki  
kofo, Nun lun Leum el wis el  
la Filip, tu yunuk el tiu liye'l  
tuk. Ā el šom ineku eñun.

40 Ā konoiook Filip nu  
Azotus. Ā fwas sasla el  
luti in siti nu kemwu, nu  
ke el tuku nu Sesarea.

## ŠAPTER 9.

SOUL, ou meta oswek  
A kas ko ā akmus lain met  
tumul lutlut lun Leum, el  
šom nu yurin met tol fulat,  
2 ā siyuk sel letter nu Da-  
maskus nu imwen lolñok, tu  
el fwin konoiook kutu lun  
inek si iñi, la mogul ma  
mutan, el fwa kopuriye ā  
wis elos nu Jerusalem.

3 Ā ke el šom, el tuku  
apkurun nu Damaskus; ā  
kiten misiñi kalem in ko-  
saoe mi šarom apnulaiñi.

4 Ā el putatla nu in foko,  
ā loñ pusra si fwak nu sel,  
Soul, Soul, efwo kom ku  
kolyaï yu?

5 Ā el fwak, Leum, šu  
elos an? Ā Leum el fwak,  
Ā Jisus el šu kom kolyaï:  
upa nu šum tu kom futoñ  
nu ke ma kosro.

6 Ā el rarrar ā mañolñol  
fwak, Leum, mea Elos lun-  
selos laut in oru? Ā Leum  
El fwak nu sel, Kom tuyuk,  
ā šom nu in siti, ā a fwa luti  
nu šum, ma kom fwa oru.

7 Ā met šu oelul fwas, elos  
tu misla, loñ pusra si, ā tiu  
liye met.

8 Ā Soul el tuyuk in foke-  
yuk; ā ke el ñutalik, el tiu  
liye met. Ā elos kol ol ke  
paul, ā wis el nu Damaskus.

9 Ā ke len tolu el tiu liye,  
ā tiu moño ā tiu nim.

10 Ā sie met lutlut mutu Damaskus, ēl Ananaias; Leum el fwak nu sel in arurumu, Ananaias. Ā el fwak, Leum, liye, elu ņao.

11 Ā Leum el fwak nu sel, Kom tuyuk, ā som nu sie inek pañpañ Šumwos, ā siyuk in lom sel Judas ke sie met ēl Soul lun Tarsus: tu, liye, el pre; 12 ā el liye ke arurumu met si ēl Ananaias utyuk, ā filiye paul on fwel, tu el a siefwil liye.

13 Na Ananaias el tupok, Leum, laut loñ sin met puspis ke met si iñi, fuka ma koluk ma el oru nu sin met mwo lolos nu Jerusalem.

14 Ā šap lun met tol fulat yurol lun kopur elos ye nu kemwu šu pre in Ēlos.

15 Ā Leum el fwak nu sel, Kom fwala: tu el kufwensroas emun luk, in wis Ēk ye mutun met Pegan, ā togusa, ā tulig nutin Israel.

16 Tu ņa fwa luti nu sel fuka el keokiuñ ma puspis lulap ke Ēk.

17 Ā Ananaias el šomot, ā ilyuk nu in lomwu; ā filiye paul on fwel el fwak, Soul, ma lili, Leum, Jisus šu sikmi nu yurum ineku ke kom tuku, El sipe yu mi tu kom fwa liye, ā seseslanu ke ņun Mutal.

18 Ā kiten misiñi putatla liki mutal oanu unin ik: ā

kiten misiñi el liye, ā tuyuk, ā baptaisla.

19 Ā ke el es me moño tari, el keyuk. Na kutu len Soul el wi met lutlut šu mutu Damaskus.

20 Ā kiten misiñi el luti Kraist in lolñok tu El Mwen nutin God.

21 Ā elos nu kemwu šu loñ ol lut ka, ā fwak; Ya el iñi tiu el su onelosla šu pre ke Ēl iñi in Jerusalem, ā tuku nu yinu ke ma iñi, tu el fwa kopur elos ye ā wis nu sin leum tol?

22 ¶ Ā Soul el yokyokak, el akmisi elos la met Ju šu mutu Damaskus, ā akfwol-yel la tu el iñi Kraist pa-yinu.

23 ¶ Ā tukiñ len puspis tari, met Ju elos papu in uni'lye: 24 ā Soul el etu papu lalos. Ā elos šano mutun pot len ā foñ in uni'lye.

25 Na met lutlut elos as al ke foñ ā koel la pe potu in kuompal si.

26 Ā ke Soul el tuku nu Jerusalem el sriki in oeuñ met lutlut; ā elos šañoñ sel, ā tiu lalalfuñi tu el met lutlut.

27 Ā Barnabas el as al ā wis el nu yurin met šap, ā fwak nu selos fuka el liye Leum in neku, ā tu el kas-kas nu sel, ā fuka el lutlut

pulaik nu Damaskus in El Jisus.

28 Ā el oelulos fwas lū lik nu Jerusalem.

29 Ā el kaskas pulaik in El Leum Jisus, ā akukain yurin met Grek: ā elos srumsrumwunmael in uni-lye.

30 Ke ma fili etu elos wis-ilye nu Sesarea, ā sipa'lot nu Tarsus.

31 Na šurš elos moūla nu yin Judea nu kemwu ā Galili ā Samaria, ā elos mušai-yuk: ā orekma ke šaŋeñ sin Leum, ā ke par sin Nun Mutal, ā yokoilik.

32 Ā ma te oru ke Piter el fwas sasla yin nu kemwu, el ouyape oatu nu sin met mwo šu mutu Lidda.

33 Ā iño el konoiook sie met el Eneas, šu on kilūs kiel yiu oalkos, ā mas ke matoltol.

34 Ā Piter el fwak nu sel, Eneas, Jisus Kraist El orek kom kelanu: kom tuyuk ā orek kilūs kium. Ā kiten misiñi el tuyuk.

35 Ā elos nu kemwu šu mutu Lidda ā Saron liye'l, ā forla nu sin Leum.

36 Sie met lutlut mutu Joppa el Tabita, ma ke tafwu pañpañ Dorkas: mutan si iñi seseslanu ke me orekma mwo ā me pakoten ma el oru.

37 Ā ma te oru ke len iño, tu el mas, ā misi; šu ke elos tetekunla tari, elos filiye fokil lūñ.

38 Ā tu Lidda apkurun nu Joppa, ā met loñ tu Piter el os-we, elos sipaot met.luo nu sel, kenu tu el tiu pat in tuku nu yurolos.

39 Na Piter el tuyuk oelul-tal šom. Ke el tuku tari, elos wis el nu in fokil lūñ: ā kotinmas tu yurol tuñ, ā elos luti koat ā nuknuk ma Dorkas oru, ke el mutu yurolos.

40 Ā Piter el sipa'los la nu kemwu; ā sikukmutuntiyuk, ā pre: ā el ella nu ke manol fwak, Tabita, tukakak. Ā el nūtalik: ā ke el liye'l Piter, el tukakak mutu.

41 Ā el šuñ paul nu sel, ā tulokunulak; ā ke el pañon-mu met mwo ā kotinmas, el fwakulañ la molyuk.

42 Ā ma iñi eteyuk elik Joppa nu kemwu: ā ma puspis lalalfuñi ke Leum.

43 Ā ma te oru tu el mutu len puspis nu Joppa yurol Saimon met tanner.

## ŠAPTER 10.

SIE met in Sesarea el Kor-nilius, el met senturion si un met meun si pañpañ Italia, 2 met oawi, ā el ša-ñeñ sin God wi sou lal nu kemwu, šu šuñ me pako-

mutu ma lulap nu sin metu, ā pre nu sin God pal e nu kemwu.

3 El liye ke arurumu ma malem, akurun auu eu ke len, lipufon lun God ilyuk nu yurol ā fwak nu sel, Kornilius.

4 Ā ke el ñetañ nu sel, el šañeñ ā fwak, Measi Leum? Ā el fwak nu sel, Pre lom ā me pakomutu lom šumwak me esmakin ye mutal God.

5 Ā iñi sipaot met nu Joppa, ā pañol Saimon, mwulal Piter.

6 El mutu yurol sienu Saimon met tanner, lom sel leyen nu mwea; el a kaskas nu šum ma mwo ma kom fwa oru.

7 Ā ke lipufon, šu kaskas nu sel Kornilius, el šom tari, el pañon mu luo met kulansap lal, ā sie met meun oawi selos šu kulansipal ma patpat; 8 ā ke el fwakak ma nu kemwu ma iñi nu selos tari, el sipa'loswot nu Joppa.

9 Ā lutu, ke elos šom, ā apkurun nu siti, Piter el fwasyuk nu fwin mañon lomwu in pre ke auu akonkos.

10 Ā el musinsral ma lulap, ā kenu moño; ā ke elos ako, el putatla nu in arurumu, 11 ā liye kosao igakla, ā maši sikmi nu yurol, oanu me katou lulap si ol orekla

ke srumwosrik akos, kukla nu in foko.

12 Ma on lū kain nu kemwu kosro nie akos fwalu, ā kosro lemnok, ā ma mwurakrak, ā mwon yin eñeñu.

13 Ā pusra si tuku nu yurol, *fwak*, Piter, tuyuk; uni ā moño.

14 Ā Piter el fwak, Tiu ou iñi, Leum; tu ña tiu moño ma oul, ā ma tiu mutal.

15 Ā pusra si siefwil kas nu sel pal si akluo, Ma God el aknasnasye, kom tiu pañon oul.

16 Ma iñi oru pal tolu: ā maši siefwil utukyuk nu in kosao.

17 ¶ Na Piter el šifwanu ninukunla fuka arurumu iñi ma el liye, liye, met šu Kornilius el sipamu elos siyuk ke lom sin Saimon, ā tu ye mutun oaoa, 18 ā pañon, ā siyuk la Saimon, mwulal Piter, mutu yinu ku tiu mutu.

19 Ke Piter el nunku ke arurumu, Nun el fwak nu sel, Liye, met tolu šuk kom.

20 Ke ma iñi kom tuyuk, ā oatu nu ten, ā oelulos šom, tiu allolo; tu Na sipa'los mu.

21 Na Piter el oatu nu yurolos, šu Kornilius sipamu nu sel; ā fwak, Liye, ña el šu komwos šuk: komwos tuku ke mea?

22 Ā elos fwak, Kornilius met senturion, met payi si, ā el šaṇēñ sin God, ā met Ju nu kemwu elos kas mwo nu ke'l lipufon mutal el oraūñ nu sel šap ma nu šum nu in lom sel, ā i loñ kušom.

23 Ke ma iñi el šulu'los yuk, ā karwuñun alos. Ā lutu Piter el oalulos šom, ā kutu ma lili lun Joppa oelul.

24 Ā mwulili elos utyuk nu in Sesarea. Ā Kornilius tañ elos, ā el pañnoni tari met sou lal ā met kawuk kulu.

25 Ā ke Piter el utyuk, Kornilius el šuñ ol ā putatla nu ke niel, ā ali.

26 Ā Piter el tulokunulak, fwakañ, Kom tuyuk; ña met pe.

27 Ā ke el kaskas nu sel, el utyuk, ā konoiook met puspis šu tukeni.

28 Ā el fwak nu selos, Komwos etu fuka ma oul ke met Ju tukeni mutu, ā fwas nu yurin kutenu met; ā God El luti yu tu ña tiu pañon kutu met oul, ā tiu nasnas.

29 Ke ma iñi ña ša in tuku nu yurumwos, ke komwos sipeyu mi. Ke ma iñi ña siyuk, komwos šuli yu insika?

30 Ā Kornilius el fwak, Len akos met ña lālo nu ke auu si iñi; ā ke auu akeu

ñā pre in lom sik, ā, liye, met si tu ye mutuk in nuk-nuk fwosfwos, 31 ā fwak, Kornilius, pre lom loñ, ā me pakomutu lom in esmakinye ye mutun God.

32 Ke ma iñi sipaot, ā pañon mu Saimon mwulal Piter; el mutu in lom sin sie Saimon met tanner leyen nu mwea: ke el tuku el tñfwa kaskas nu šum.

33 Kiten misiñi ke ma iñi ñā sipaot nu šum; ā kom oru mwo tu kom tuku. Iñi ke ma iñi kem nu kemwu mutu iñi ye mutun God, in loñ ma nu kemwu ma God el oru nu šum.

34 ¶ Na Piter el mañalik, ā fwak, Payinu ña liye tu God el tiu wiwikas; 35 tu yurin met nu kemwu el šu šaṇēñ sin, ā orek ma payi, El mu mwo.

36 Kas ma God el sipaot nu sin tulig nutin Israel, luteuñ misla ke Jisus Kraist; El Leum lun nu kemwu.

37 Kas iñi komwos etu, ma lutlutelik yin Judea nu kemwu, ā mutamwauk Galili mi, tukin baptais ma Jon el luti ka; 38 fuka God el armwul Jisus lun Nazaret ke Nun mutal ā ke ku: šu fwa-fwasysis in orek mwo, ā akkei elos la nu kemwu šu devil el akkoluki; tu God yurol.

39 Ā kem met lo ke ma nu kemwu ma El oru in fwal lun met Ju, ā in Jerusalem; šu elos uni'lye ā sripusak ulin šaku.

40 God el akmolye'lak len si aktolu, ā lotō'el lemtulai-yuk; 41 tiu nu sin met nu kemwu, tu nu sin met lo ma God šulūla met, aok nu šes, šu moño ā nim yurol tukin pal si El molyuk yin miše mi.

42 Ā El sipe kit in luti nu sin metu, ā in orek ma lo, tu El iñi El šu God filiye in nununku sin mol ā sin misi.

43 Met palu nu kemwu elos orek ma lo ke'l, tu ke Ēl elos šu lalalfuñi in Ēl fwa es ella ke ma koluk.

44 Ke Piter el kaskas kas iñi, Nūn Mutal putatla nu fwelos nu kemwu šu loñ kas.

45 Ā elos sin met kosraok šu lalalfuñi lut, tu ma ašūñ lun Nūn Mutal okoima pe nu fwin met Pegan.

46 Tu elos loñ olos kaskas ke loa, ā kakšakin God.

47 Na Piter el tupok, Ya kutenu met ku in tiu suñ kof tu elos iñi tiu baptais, šu es Nūn Mutal oanu kem?

48 Ā el šap in baptais elos la in Ēl Leum. Na elos pre siyuk sel lun mutanu kutu len.

## ŠAPTER 11.

**A** MET šap ā ma lili šu mutu Judea elos loñ tu met Pegan es pe kas lun God.

2 Ā ke Piter el fwasyuk nu Jerusalem, met sin kos-raok elos akukain nu yurol, 3 fwakañ, Kom utyuk nu yurin met tiu kosraok, ā mo-ño yurolos.

4 Na Piter el nekauñ mao ke mutamwauk, ā fwakak ma šumwos nu selos, fwa-kañ, 5 Na mutu in siti Joppa ā pre; ā na arurumu ā liye, Sie mao sikmi, oanu me ka-toat, ma kukla in kosaoe mi ke srumwosrik akos; ā tuku nu yuruk.

6 Ke na šuwiye nu ke, na nunkauk, ā liye kosro nie akos lun fwalu, ā kosro lem-nok, ā ma inwurakrak, ā mwon yin eñeñu.

7 Ā na loñ pusra si fwak nu sik, Tuyuk, Piter; uniye ā moño.

8 Ā na fwak, Tiu ou iñi Leum: tu wañin nu ma oul ā tiu mutal fwas nu in olik.

9 Ā pusra si siefwil tupok nu sik in kosaoe mi, Ma God el orek nasnas, kom tiu fwak oul.

10 Ā ma iñi orek pal tolu, ā ma nu kemwu siefwil amauk nu in kosao.

11 Ā, liye, kiten misiñi met



tolu tuku tari nu yin lom ña mutu we, sipeyuk Sesarea mi nu sik.

12 Ā Nun fwak nu sik in oelulos som, tiu allolo. Ā ke ma iñi met lili onkos iñi wi yu, ā kem ilyuk nu in lom sin met sa; 13 ā el luti nu šes fuka el liye met lipufon si in lom sel, šu tu ā fwak nu sel, Sipaot met nu Joppa, ā pañon mu Saimon mwulal Piter; 14 El fwa oru nu šum kas, ma kom, ā sou lom nu kemwu fwa mol la ka.

15 Ā ke ña mutamwauk in kas, Nun Mutal putatla fwelos, oanu fwus ke mutamwauk.

16 Na ña esamak kas lun Leum, fuka ma El fwak, Payi Jon el baptaisla ke kof; ā komwos fwa baptais ke Nun Mutal.

17 Na ke ma iñi tu God el šuñ nu selos me kiša, oanu nu šes, šu lalalfuñi ol Jisus Kraist, fuka ña, ya ña ku in igulye God?

18 Ke elos loñ ma iñi, elos misla, ā kakšakin God, fwakañ, Na God el šuñ nu sin met Pegan auliyuk nu ke mol.

19 ¶ Iñi elos šu fwaselik ke kolyaī ma tuku ke Stefan, elos fwas nu Finis, ā Saiprus, ā Antiok, luti kas tiu nu sin sienu met, tu nu sin met Ju mugenu.

20 Ā kutu selos met Saiprus ā Sairene, ke elos tuku nu Antiok, elos kaskas nu sin met Grik lutlut kunul Leum Jisus.

21 Ā pon Leum oelulos; ā ma puspis lalalfuñi ā forla nu sin Leum.

22 Na kas ke ma iñi tuku nu sren šurš šu mutu Jerusalem; ā elos sipa'lot Barnabas, tu el som nu Antiok:

23 Ke el tuku el liye kulañ lun God, el eñun, ā kaiuñ nu selos nu kemwu, tu ke ku inšielos elos fulsöl Leum.

24 Tu el met mwowo, ā seseslanu ke Nun Mutal ā ke lalalfuñi: ā met puspis oeuñ Leum.

25 Na Barnabas el som nu Tarsus, in šuk Soul: 26 ā ke el konoñ'lok, el wis el nu Antiok. Ā ma te oru tu yiu fon si elos šifwanu tukeni nu in šurš, ā luti met puspis. Ā in Antiok pañpañ met lutlut kristin met.

27 ¶ Ā in len iñi met palu elos tuku Jerusalem mi nu Antiok.

28 Ā sie selos tuyuk el Agabus, ā el polyi ke Nun tu pal pao ma lulap yin fwal e nu kemwu; ma te oru ke len lun Klaudius Sisar.

29 Na met lutlut, elos nu kemwu oanu elos ku, nunkauk in sipaot me kasu nu

sin ma lili šu mutu in Judea.

30 Ā elos oru ma iñi, ā sipaot mao nu yurin met elder ke pon Barnabas ā Soul.

## SAPTER 12.

**A** KE pal si iño Herod togusa sralot paul in akkolukye kutu lun šurš.

2 Ā el uni'lye Jemes tamulel Jon ke kutlas.

3 Ā tu el liye tu ma iñi akeñunye met Ju, el ora pe in es Piter. Pal si iñi len lun bred tiu pulolak.

4 Ā ke el sruki'lye tari, el fili'lye. nu in prison, ā as al nu sin met meun sie-ñul-onkos in liye'lañ. El nunku tukin alukela in wis el mu nu sin metu.

5 Ke ma iñi sruki'lye Piter nu in prison: ā šurš elos prenu, prenu, nu sin God ke'l.

6 Ā ke Herod nunku in wis el mu, foñ si iñi Piter el motul in maslon met meun luo, koperi ke kapinkaslap luo; ā met sropu ye mutun oaoa elos liauñ prison.

7 Ā, liye, lipufon lun Leum el tuku nu fwe'l, ā kalem si šaromromla nu in prison; ā el puki'lye siel Piter, ā tulok-unulak, fwakañ, Ki tukakak. Ā kapinkaslap lal putatla liki paul.

8 Ā lipufon fwak nu sel, Kom šifwanu šuñ me lol losūni, ā losūni faluk lom; ā el oru ou iñi. Ā el fwak nu sel, Šuñ nuknuk in kato lom nukemañ, ā fwas tukuk.

9 Ā el fwas liki, ā fwas tukol; el nūkin la payi ma lipufon oru; el nunku mutu el liye arurumu.

10 Ke eltal fwas alukela šan si meta ā akluo, eltal tuku nu ke mutun oaoa musra, ma kol nu yin siti; ma iñi šifwanu igakla nu selos: ā eltal fwas liki ā fwas sasla sie inek; ā kiten misiñi lipufon el šom luk el.

11 Ā ke Piter el šifwanu eta'l, el fwak, Iñi ña etenu, tu Leum sipamu lipufon lal, ā es yu la liki pon Herod, ā liki nunke nu kemwu lun met Ju.

12 Ā ke el nunkauk tari, el tuku nu lom sel Meri nine kiel Jon mwulal Mark; yin ma puspis elos tukeni in pre.

13 Ā ke Piter el tumwolak nu ke sriñlin mutun oaoa; mutan fwus si el tuku in loñ, el Roda.

14 Ā ke el etu pusal Piter, ke eñun el tiu igasla sruñul, ā el kasusus lū, ā fwakañ fuka Piter el tu ye mutun oaoa.

15 Ā elos fwak nu sel, Kom mwul. Ā el fwaknu payinu

ma ña fwak. Na elos mu Lipufon lal.

16 Ā Piter el sikalañ tu-mwolye; ā ke elos igasla, ā liye'l, elos lut.

17 Ā Piter el masrik nu selos ke paul tu elos in misla, el fwak nu selos fuka Leum wis el mu liki prison. Ā el fwak, Komwos fwasot ā oru ma iñi nu sel Jemes, ā nu sin ma lili. Ā el som ā fwas nu sienu an.

18 Ā ke lenelik, omwoni ma lulap sin met meun, fuka ke Piter.

19 Ā ke Herod sok ol, ā tiu kono'l'ok, el siyuknu met san, ā sap in onelosla. Ā el oatu Judea mi nu Sesarea, ā mutu we.

20 ¶ Ā Herod el mulat lulap nu selos sin Tair ā Saidon: ā elos nunok sugo wunuuku nu yurol, ā ke elos ora'l Blastus met tutafpo lun togusa, met kaiwuk lalos, elos kenu misla; tu an sin togusa kasu an selos.

21 Ā ke sie len Herod nukomañ nuknuk in togusa, ā mutu fwiniin mutu lal, ā oru kas lulap nu selos.

22 Ā met elos sao fwakañ, Pusra si lun god, tiu ma lun met.

23 Ā kiten misiñi lipufon lun Leum el onel, tu el tiu kakšakin God, ā mwet elos kuñ al la, ā el miši.

24 Ā kas lun God kapak ā yokoilik.

25 Ā Barnabas ā Soul eltal folokē liki Jerusalem, ke eltal payikin me orekma laltal, ā es oelultal Jon mwulal Mark.

### ŠAPTER 13.

Ā KUTU met palu ā met luti lun šurš Antiok; oanu Barnabas, ā Simeon šu pañpañ Naiger, ā Lušius lun. Sairene, ā Manaen šu kapak oelulañ Herod titrak, ā Soul.

2 Ā ke elos oru nu sin Leum, ā lalo, Nun Mutal fwak, Komwos fulela nu sik Barnabas ā Soul nu ke me orekma Na pañnoltal mu ke.

3 Ā ke elos lalo a pre, ā filiye paulos on fwe'ltal, elos sipa'ltalu.

4 Tu Nun Mutal sipa'ltalu, ke ma iñi eltal som nu Seleušia; ā eltal kol iño mi nu Saiprus.

5 Ā ke eltal mutu Salamis, eltal luti kas lun God in lolnok lun met Ju: ā Jon el oelultal pe in orekma.

6 Ā ke elos fwas sasla tuka si nu Pafos, elos konoilok sie met šatal, met palu sito, met Ju, el Bar-jisus.

7 El wi met aol lun anša, Seršius Paulus, met lalmetmet; el pañon Barnabas ā Soul, ā kenu in loñ kas lun God.

8 Ā Elimas met šatal (tu ou iñi tafwa ēl) el tuyuk lain elos, sriki in forokunma met aol liki ma lalalfuñi.

9 Na Soul, pañpañ pe Poul, tiñtiñinu ke Nun Mutal, el šui'lye, 10 ā fwak, O kom tiñtiñinu ke sito nu kemwu ā šilollet nu kemwu, tulig nutin devil, mwusral ke ma payi nu kemwu, ya kom tiu tari in akkuiala inek payi lun Leum?

11 Ā iñi liye, pon Leum on fwom, ā kom fwa kunla, tiu liye fwatu kutu pal. Ā kiten misiñi putatla fwe'l ok ā los; ā el fwafwasyis in šuk kutu in kol ol ke paul.

12 Na met aol, ke el liye ma oru, el lalalfuñi, ā lut ke me lutlut lun Leum.

13 Na ke Poul ā elos oelul šom liki Pafos, elos tuku nu Perga lun Pamfilia: ā Jon el fwas luk elos folokla nu Jerusalem.

14 Ā ke elos šom liki Perga, elos tuku nu Antiok lun Pisidia, ā ilyuk nu in lolñok ke len sabbat, ā mutu.

15 Ā tukin ma rid manu ā ma palu, leum lun lolñok elos sipaot nu seltal, fwakañ, Komtal, met lili, fwin kutu kas in lutlut yurumtal ke metu, fwakak.

16 Na Poul el tuyuk, ā ponsit ke paul fwak, Met

Israel, ā komwos šu šañeñ sin God, porono.

17 God lun met iñi lun Israel šulūla papa tumas, ā ora'losyuk met ke elos metša mutu in Isip, ā ke po fulat El wis elos la liki mao.

18 Ā akurun pal si yiu añaul El kol olos yin mesis.

19 Ā ke El kanaosla an itkos yin fwal Kanan, El kitelik fwal lalos nu selos ke koto srifwe.

20 Ā tukin ma iñi El šuñ nu selos met nununku akurun pal si yiu añfuko ā lumnaul, nu ke pal si Samuel met palu.

21 Ā tuko elos luñselos sie togusa; ā God asi nu selos Soul mwen natal Sis, met si lun sruf Benjamin, ke yiu añaul.

22 Ā ke El es el la, El orauk nu selos Devid in togusa lalos; El šuñ pe ma lo nu sel ā fwak. Na konoioik Devid nutin Jesse, met ou ma inšiuk, el tufwa payikin ma na luñsik nu kemwu.

23 Ke futin met si iñi, God oanu ke mwuleuñ lal, El orauk nu Israel, Jisus Laño.

24 Ke met El tuku tuk, Jon el luti baptais lun auliyuk nu sin met Israel nu kemwu.

25 Ā ke Jon el payikin me orekma lal, el fwak, Komwos nunku šu na? Na tiu El.

Tu liye, sie tuku tukuk, faluk ke niel ña tiu mwo in tulala.

26 Met lili, tulig nutin sou lun Abraam, ã elos šu šumwos šaṇeñ sin God, kas mol si iñi sipeyuku nu šumwos.

27 Tu elos šu mutu Jerusaleml, ã leum lalos, tu elos tiu eta'l, ã tiu etu pusren met palu, ma rid piñanu len sabat, elos payikin mao ke elos paani lun mas.

28 Æ tu elos tiu konoiook kutu ma sripauk ke miši, ã elos kenu Pailat lun mu in uni'lye.

29 Æ ke elos payikin tari ma nu kemwu ma šim ke'l, elos es il ye liki šaku, ã fili'lye nu in lufin mas.

30 Æ God akmolyelak yin miše mi.

31 Æ elos šu oelul fwas-yuk Galili mi nu Jerusalem, liye'l len puspis, ã elos met lo lal nu sin metu.

32 Æ kem luti nu šumwos mwo šašu, fuka ma mwuleuñ ma oru nu sin papa met, 33 God El payikin ma iñi nu šes, tulig natalos, tu El siefwil akmolye'lak Jisus: oanu ma šim in psalm akluo, Kom Mwen nutig, len si iñi Ña oswe kom.

34 Æ tu El akmolye'lak yin miše mi tu El a tiu folokla nu ke punoela, El fwak ou

iñi, Ña tufwa šiot nu šumwos ma mwuleuñ mutal lun Devid.

35 Tu ou iñi El fwak pe in sienu psalm, Kom a tiu lela El šu Mutal nutum tu El liye punoela.

36 Tu Devid tukin pal si el oru ma God oere, el miši ã liki'lye nu yurin papa tumal, ã el liye punoela.

37 Æ el šu God akmolye'lak El tiu liye punoela.

38 Ke ma iñi komwos nu kemwu, met lili, etu tu ke met si iñi kem luti nu šumwos nunok munas ke ma koluk.

39 Æ ke'l elos nu kemwu šu lalalfuñi elos payi ke ma nu kemwu, komwos koflanu payi ke manu lun Moses.

40 Ke ma iñi liauñ, fwintiu ou iñi ma fwa tuku nu yurumwos, ma kaskas in met palu; 41 Liye, komwos šu sruñu, ã lut, ã miši: tu Ña orek me orekma in len lomwos, me orekma ma komwos koflanu lalalfuñi, met si fwintiwak mao nu šumwos.

42 ¶ Æ ke met Ju elos šom liki imwen lolñok, met Pegan elos siyuknu tu kas iñi in lutlut nu selos ke sabat tuko.

43 Æ ke mwolil olalik, ma puspis sin met Ju ã met forla mwo elos fwas tuk ol Poul ã Barnabas; ke kaskas

nu selos, eltal ora'los in fwa-si ma luñ lun God.

44 Ā len sabat tuko aku-run yin siti nu kemwu tuke-ni in loñ kas lun God.

45 Ā ke met Ju elos liye met puspis tukeni, elos tiñ-tiñinu ke šok, ā kaskas lain ma iño ma Poul el kaskas ke, akukain ā kaskas koluk.

46 Na Poul ā Barnabas eltal pulaiknu, ā fwak, Mwo tu kas lun God lutlut met nu šumwos: ā tu komwos nununke komwos in tiu mwo nu ke mol ma patpat, liye, kem forla nu sin met Pegan.

47 Tu ou iñi Leum El šap nu šes, fwakañ, Na fili komwi me kalem lun met Pegan, tu kom fwa me mol nu yin lusela fwalu.

48 Ā ke met Pegan elos loñ ma iñi, elos inšimwowo, ā kaksakin kas lun Leum: ā elos šu God filiyē nu ke mol ma patpat lalalfuñi.

49 Ā kas lun Leum fwase-lik sasla nu kemwu yin si iñi.

50 Ā met Ju elos papani mutan inšie ā kato, ā met leum lun siti, ā orauk me kolya lain Poul ā Barnabas, ā sis eltalū liki siskin an selos.

51 Ā eltal pukula fokun nieltal lain olos, ā tuku nu Ikonium.

52 Ā met lutlut elos tiñ-tiñinu ke eñun, ā ke Nun Mutal.

## ŠAPTER 14.

MA te oru nu in Iko-nium, tu eltal tukeni ilyuk nu in imwen lolñok lun met Ju, ā kaskas ou tu met puspis, met Ju ā met Grik pe elos lalalfuñi.

2 Ā met Ju silalalfuñi elos papani met Pegan, ā ora'los in nunok koluk lain met lili.

3 Tu ou iñi eltal mutu ma patpat kaskas pulaik in Leum, šu šuñ lo nu ke kas šamu lal, ā šuñ akul ā men-men in oru ke paultal.

4 Ā met puspis yin siti un-kas lugwe; ā kutu wi met Ju, ā kutu wi met šap.

5 Ā ke met Pegan, ā met Ju pe wi met leum, elos tu-keni in akkoluki eltal, ā tuñ-la'ltal, 6 eltal etu ā kasus nu Listra ā Derbe siti nu in Laikeonia, ā nu yin apneni.

7 Ā iño eltal luti mwo šašu.

8 ¶ Ā sie met mutu yin Listra, mas ke niel, ulnu ke el isūsła, šu t'una fwas: 9 el iñi loñ Poul el la kaskas; šu šui'lye, ā etu tu lalalfuñi lal in kela, 10 el fwak ke pusra lulap, Kom tuyuk fwin nium. Ā el srosro ā fwas.

11 Ā ke metu liye ma Poul

el oru, elos fuleuk pusralos in kas Laikaonia, fwakañ, Enut elos oatu nu yuros oanu lumun met.

12 Ā Barnabas elos pañpañ Jupiter; ā Poul, Mercurius, tu el kaskas puspis.

13 Na met tol lun Jupiter šu mutu ye mutun siti lalos, el wis kau mogul ā me mwolmwol nu ke mutun pot, ā luñši wi met puspis tukeni orek kiše.

14 Ma ke met šap, Poul ā Barnabas eltal loñ, eltal šelik nuknuk laltal, ā kasus nu infulwin metu, wowoyuk, 15 ā fwakañ, Met, efwo komwos ku orek ma iñi? Ketaltal met pe ou komwos, ā luti nu šumwos tu komwos forla liki ma sito iñi nu sin God mol, šu orek kosao, ā fwalu, ā mwea, ā ma nu kemwu lū: 16 Šu ke pal meta lela met an nu kemwu in fwas yin elos luñselos.

17 Ā tu ke ma iñi El tiu liki'lye ke wañin ma lo, tu El orek mwo, ā aši nu šes eaf in kosaoe mi, ā pal mut seseslanu inšius ke me moño ā eñun.

18 Ā ke kas iñi eltal aku-run tiu igulye met, tu elos orek kiše nu seltal.

19 ¶ Ā kutu met Ju elos tuku nu Antiok mi ā Ikonium mi šu kaifwi metu, ā, ke tuñlol Poul tari, elos amakun

al likin siti, nunku mu tu el miši.

20 Ā ke met lutlut elos tu apnulai, el tuyuk, ā tuku nu yin siti; ā len si tuko el wi Barnabas šom nu Derbe.

21 Ā ke eltal luti mwo šašu nu yin siti si iño, ā oru met lutlut puspis tari, eltal siefwil folokla nu Listra, ā Ikonium, ā Antiok, 22 akkeyela nūnin met lutlut, ā kaifwe'los in srukie ma lalalfuñi, ā tu ke kolya ma lulap kut fwa ilyuk nu in togusañ lun God.

23 Ā ke eltal filiye met elder nu selos in šurš nu kemwu, ā pre wi lālo tari, eltal fule'los yuñ nu sin Leum, ke šu elos lalalfuñi.

24 Ā tukin pal si eltal fwas sasla Pisidia, eltal tuku nu Pamfilia.

25 Ā ke eltal luti kas in Perga tari, eltal oatu nu Atalia.

26 Ā iño mi eltal kol nu Antiok, yin si iño mi met šurš fule'ltalu nu ke luñ lun God ke me orekma eltal akfwolye ke.

27 Ā ke eltal tuku, ā šulāni šurš nu sie tari, eltal fwak ma nu kemwu ma God el oru nu ke'ltal, ā fuka El igasla mutun oaoa lun lalalfuñi nu sin met Pegan.

28 Ā eltal mutu iño ma patpat yurin met lutlut.

ŠAPTER 15.

**A** KUTU met šu oatu Judea mi elos luti met lili, ā fwak, Komwos fwini tiu kosroala ou manu lun Moses, komwos koflanu mol.

2 Tu ou iñi ke Poul ā Barnabas eltal akukain ā kaskasnu yurolos tiu ma sisik, elos nunku mu tu Poul ā Barnabas, ā kutenu selos, elos fwasyuk nu Jerusalem nu sin met šap ā met elder ke me siyuk iñi.

3 Ā tu ou iñi šurs oelulos fwas kutu, elos fwas sasla Finis ā Samaria, fwakañ met Pegan la forla; ā elos ak-eñunye ma lulap met lili nu kemwu.

4 Ā ke elos tuku nu Jerusalem, šurs, ā met šap, ā met elder, elos es elos la, ā elos fwak ma nu kemwu ma God el oru nu ke'los.

5 Ā kutu sin un met Farisi šu lalalfuñi elos tuyuk, fwakañ, Tu mwo elos in kosrao'los la, ā šap elos in liauñ manu lun Moses.

6 ¶ Ā met šap ā met elder elos tukeni in papu ke ma iñi.

7 Ā ke elos kaskasnu ma lulap, Piter el tuyuk, ā fwak nu selos, Met lili, komwos etu fuka u-met, tu God el šulula sin šes, tu ke olik met Pegan fwa loñ kas lun mwo šašu, ā lalalfuñi.

8 Ā God, šu etu inši, El orek ma lo nu selos, šuñ Nun Mutal nu selos, oanu ma nu šes; 9 ā El tiu sielanu šes ā selos, aknasnasye inšielos ke lalalfuñi.

10 Iñi ke ma iñi efwo komwos ku srifwe God, in likiye enu in kaiwen met lutlut, ma papa tumas ā kut koflanu wis?

11 Tu kut lalalfuñi tu ke luñ lun Leum Jisus Kraist kut fwa mol ou elos.

12 Na met puspis tukeni elos kemwu misla, ā loñ seltal Barnabas ā Poul, ke eltal fwak ma menmen ā šokruk ma God oru yurin met Pegan ke'ltal.

13 Ā tukin pal si ke eltal misla, Jeines el tupok, fwakañ, Met lili poroñöyü; 14 Simeon el fwak fuka God el tuku nu sin met Pegan, in es kutu met sin selos ke'l.

15 Ā kas sin met palu fwolnu ke ma iñi, oanu ma šim, 16 Tukin ma iñi Na fwa foloko, ā fwa siefwil muša lom sin Devid, ma putatla; ā Na fwa siefwil muša ma mišalla ke; ā Na siefwil oraok mao, 17 tu met lula ka fwa suk Leum, ā met Pegan nu kemwu, sin šu Ēk pañpañ, ma Leum fwak, šu orek ma iñi nu kemwu.

18 God etu ma nu ke-



mwu me orekma lal ke mutamwauk fwale mi.

19 Ke ma iñi ma nunku luk, tu kut tiu akkoluk elos, šu sin met Pegan forla nu sin God; 20 tu kut šimusla nu selos, tu elos sisila ma koluk lun enut sito, ā ma kosro, ā ma uniye ke sa tiu širor, ā sa.

21 Tu Moses umet yin siti mu kemwu kutu met lal šu lutlut ke'l len sabat nu kemwu.

22 ¶ Na ma iñi mwo sin met šap ā met elder, wi šurš nu kemwu, tu elos sipaot met šilūla sim u lalos nu Antiok wi Poul ā Barnabas; ma Judas mwulal Barsabas, ā Sailas, met kaki yurin inet lili.

23 Ā elos šim leter ke elos ou iñi, Met šap ā met elder ā ma lili elos sipaot luñ nu sin met lili sin met Pegan šu mutu Antiok ā Siria ā Sili-sia; 24 tu ke ma iñi ma kem loñ tu kutu šu šom liki kem elos akkoluki komwos ke kas, ā aksitoiye nūnumwos, fwakañ, Komwos kosroala, ā liauñ manu; kem tiu šuñ šap ou iñi nu selos.

25 Ma mwo nu simem, tu-keni ke nunok sugo, tu kem sipaot met šilūla nu šumwos wi kulu las Barnabas ā Poul, 26 met šu aši mol lalos ke Ē lun Leum las Jisus Kraist.

27 Tu ou iñi kem sipaot Judas ā Sailas, šu a fwak pe ma iñi nu šumwos ke kas.

28 Tu ma mwo nu sin Nūn Mutal, ā nu simem, tu kem likiye nu fwomwos ma tiu toas liki ma iñi mwo; 29 Tu komwos sisila ma kiše lun enut sito, ā ma sa, ā ma miši ke sa tiu širor, ā ma kosro. Komwos fwini fili komwos la liki ma iñi, komwos fwa oru mwo. Komwos mutu.

30 Tu ou iñi ke elos alalik tari, elos tuku nu Antiok; ā ke elos šulōni nu sie met puspis tukeni, elos as'ot leter.

31 Ma ke elos rid tari, elos inši mwowo ke kas in luti.

32 Ā Judas ā Sailas, eltal pe met palu, luti met lili ke kas puspis, ā akkuī elos la.

33 Ā ke eltal mutanu kutu pal, met lili fule'talu ke eñun nu sin met šap.

34 Ā Sailas el mu mwo tu el mutawun.

35 Poul ā Barnabas eltal muta pe nu Antiok, lutlut ā luti kas lun Leum, wi kute pe met puspis.

36 ¶ Ā tukin kutu len, Poul el fwak nu sel Barnabas, Lela kital in siefwil šom ā liye met lili las yin siti nu kemwu yin kital luti kas lun Leum, ā liye fuka ma elos oru.

37 Ā Barnabas el luñsel

in es oelultal Jon, Mwulal Mark.

38 Ā Poul el nunku tiu mwo in es el oelultal, šu som lukeltal liki Pamfilia, ā tiu oelultal som nu ke orekma.

39 Ā eltal akukain oanu tu eltal fwas liki sie sin sie; ā Barnabas el es Mark ā kol nu Saiprus

40 Ā Poul el šilūla Sailas, ā somla, met lili fule'ltalu nu ke luñ lun God.

41 Ā el fwas sasla Siria ā Silisia, akkei elos la šurš.

# ŠAPTER 16.

**N**A el tuku nu Derbe ā Litra. Ā, liye, sie met lutlut iño, ē Timoteus, Mwen nutin sie mutan, šu met Ju, el lalalfuñi; ā papa tumal met Grik.

2 Met lili šu mutu Litra ā Ikonium elos kas mwo ke'l.

3 Poul el luñsel tu el oelul som; ā el es ā kosroa'l la tu ke met Ju šu mutu yin iño; tu elos nu kemwu etu tu papa tumal met Grik.

4 Ā ke elos fwas sasla an siti, elos ašuñ nu selos kas in liauñ, ma met šap ā met elder oru šu mutu Jerusalem.

5 Ā ke ma iñi šurš elos ku in lalalfuñi, ā yoknu fwa-fwaselik piñanu len.

6 Ā ke elos fwas sasla Frišia ā Galasia, ā Nun Mutal

ora'los in tiu luti kas in Asia, 7 ke elos tuku nu Misia tari, elos sriki in som nu yin Bitinia; ā Nun lela elos in tiu ou iñi.

8 Ā elos alukela Misia oatu nu Troas.

9 Ā arurumu sikmi nu sel Poul ke foñ; Sie met Masedonia tu, ā siyuk sel. Kom fwasu nu Masedonia, ā kase kit.

10 Ā ke el liye arurumu tari, kiten misiñi kem sriki in som nu Masedonia, nunku mu tu Leum pañon kem in luti mwo šašu nu selos.

11 ¶ Tu ou iñi ke kol liki Troas, kem tuku šumwos nu Samotrašia, ā len si tuko nu Neapolis; 12 ā iño mi nu Filipai, ma siti maši meta lun kueni an Masedonia, koloni si. Ā kem mutanu yin siti si iñi kutu len.

13 Ā ke len sabat kem som liki siti nu pupon fwal, yin met tukeni pre; ā kem mutu, ā kaskas nu sin mutan šu tukeni iñi.

14 Ā sie mutan ē Lidia, el kuko sienu sralsral, lun siti Taiataira, šu ali sin God, el loñ kem; inšien šu Leum igasla, tu el lalalfuñi ma Poul el kaskas ke.

15 Ā ke el baptais tari, ā sou lal, el siyuknu, fwakañ, Komwos fwini nunku mu tu űa payi nu sin Leum, utyuk

nu in lom sik, ā mutanu. Ā  
el igul kemi.

16 ¶ Ā ma te 'oru ke kem  
tuke ni pre, sie mutan fwus  
nūn susfwe yurol el šuñ  
kem, šu wis nu sin leum lal  
ma puspis ke susfwe.

17 El iñi fwas tuk ol Poul  
ā kem, ā wowoyuk, fwakañ,  
Met iñi met kulansap lun  
God fulat liki nu kemwu, šu  
luti nu šes inek lun mol.

18 Ā el oru mā iñi len pus-  
pis. Ā Poul, ke pakomutu,  
el forla, ā fwak nu sin nūn,  
Na šap nu šum in Ē Jisus  
Kraist in šom luk el. Ā el  
šom luk el ke auu si iñi.

19 Ā ke leum lal elos liye,  
tu fwensok lalos ke es mao  
wañinla, elos srukke Poul ā  
Sailas, ā amakun ultal nu  
yin kutakot nu sin leum,  
20 ā wis eltal nu sin met  
liauñ annu, fwakañ, Met  
iñi, met Ju, eltal lokalok  
ma lulap siti šes, 21 ā luti  
manu ma tiu payi tu kut in  
es ā oru, kut met Roma.

22 Ā met puspis tukeni  
tuyuk lain alos; ā met liauñ  
annu elos šelik nuknuk la-  
los, ā šap in sruñ latal.

23 Ā ke elos sruñ laltal  
ka puspis, elos sis eltal nu  
in prison, kii nu sin met  
liauñ prison lun liye'ltalu  
akmwoye.

24 Šu ke el es šap si iñi,  
sis eltal nu infalwin prison,

ā kopuriye nieltal in maslon  
šaku.

25 Ā ke infalwin foñ Poul  
ā Sailas eltal pre ā on nu  
sin God; ā met prison elos  
loñ oltal.

26 Ā kiten misiñi fwal  
rarrar ma lulap, oanu tu ma  
ekasek prison kususyuk: ā  
kiten misiñi sruñul nu ke-  
mwu igakla, ā me kopur  
lalos nu kemwu tultul la.

27 Ā met liauñ prison nū-  
talik, ā liye sruñul prison  
igakla, el fwauk kutlas  
natal, ā lukuna šifwanu  
uni'lye, nunku mu tu met  
prison kaiñla.

28 Ā Poul el wowoyuk ke  
pusral lulap, fwakañ, Kom  
tiu akkoluki kom, tu kem  
nu kemwu mutae.

29 Na el pañon mu lamp,  
ā sroa nu lū, ā tuku rarrar,  
ā putatla ye mutal Poul ā  
Sailas, 30 ā wis altal ot, ā  
fwak, Leumwu, mea nā oru  
tu nā fwa mol?

31 Ā eltal fwak, Lalalfuñi  
ke Leum Jisus Kraist, ā  
kom fwa mol, ā sou lom.

32 Ā eltal kaskas nu sel  
kas lun Leum, ā nu selos  
nu kemwu in lom sel.

33 Ā el es eltal ke auu si  
iñi foñ ā tanla inke sruñsruñ  
ke'ltalu; ā baptaisla, el ā ma  
lal nu kemwu kiten misiñi.

34 Ā ke el wis eltal nu nu  
in lom sel tari, el filiye me

moño ye mutaltal, ā eñun, lalalfuñi ke God, wi sou lal nu kemwu.

35 Ā ke lenelik, met liauñ annu, elos sipaot met rošo, fwakañ, Tulala met luo iño in šom.

36 Ā met liauñ prison el oru kas si iñi nu sel Poul, Met liauñ annu elos šapot in tulala komtal in šom; iñi ke ma iñi komtal fwasot, ā fwas mwo.

37 Ā Poul el fwak nu selos, Elos srñul ketal lemtulauk ke tiu lusla, ketal met Roma, ā sis ketal nu in prison; ya elos sis ketal la lukma? Sitoenu; tu lela elos in šifwanu tuku ā wis kit la.

38 Ā met rošo elos fwak kas iñi nu sin met liauñ annu; ā elos šañeñ, ke elos loñ tu eltal met Roma.

39 Ā elos tuku ā kaifwe'ltal, ā wis eltal ot, ā siyuknu eltal fwala liki siti.

40 Ā eltal šom liki prison, ā ilyuk nu in lom sin Lidia; ā ke eltal liye met lili tari, eltal lutlut nu selos, ā šomla.

## ŠAPTER 17.

**A** KE eltal fwas sasla Amfipolis, ā Apolonia tari, eltal tuku nu Tesalonika, oiya imwen lolñok lun met Ju.

2 Ā Poul, oanu ma el oru, el ilyuk nu yurolos, ā ke len

Sabat tolu el luti nu selos kutu ma ke Baibel, 3 kalemalik ā fwaknu, tu mwo tu Kraist keokiuk, ā siefwil molyuk yin miše mi; ā tu Jisus iñi, šu ña luti nu šumwos, El Kraist.

4 Ā kutu selos lalalfuñi, ā oelultal Poul ā Sailas; ā sin met Grik inšie ma puspis, ā sin mutan kato tiu pu.

5 Ā met Ju šu tiu lalalfuñi, ke šok, es nu yurolos kutu met šilolel sin met alsañes, ā šulōni sie mwolil nu sie, ā akkoluki siti fwonu, ā kasus nu ke lom sel Jeson, ā sriki in es eltalañ nu sin metu.

6 Ā ke elos tiu konoi'ltalu, elos amakunal Jeson ā kutu met lili nu sin met liauñ siti, wowoyuk, Elos šu luñasla fwalu take pe nu yinnu; 7 ā Jeson el es elos. Ā elos nu kemwu sañesoa nu ke šap lun Sisar, fwak tu sienu togusa, Jisus.

8 Ā elos lokoluki metu ā met liauñ siti, ke elos loñ ma iñi.

9 Ā ke elos es ma suei sin Jeson, ā sin kutenu tari, elos lela elos in šom.

10 Ā kiten misiñi met lili elos sipaot Poul ā Sailas ke foñ nu Berea; ā ke elos tuku elos ilyuk nu in lolñok lun met Ju.

11 Elos iñi mwo luk elos šu in Tesalonika, tu elos

šilaklak in es kas, ā šuk in Baibel piñanu len, ma iñi la payi ku sito.

12 Ke ma iñi ma puspis selos lalalfuñi; ā sin mutan Grik kato, ā sin mogul tiu pu.

13 Ā ke met Ju lun Tesa-lonika elos etu tu Poul el luti kas lun God nu Berea, elos tuke pe nu yinnu, ā purakak metu.

14 Na kiten misiñi met lili elos sipa'l la Poul lun šom oanu nu mwea; ā Sailas ā Timoteus eltal mutanu iño.

15 Ā elos šu atlol Poul wis el nu Atens; ā elos es šap nu sin Sailas ā Timoteus in šilaklak in tuku nu yurol, elos šomla.

16 ¶ Na ke Poul el mutu šan ortal nu Atens, ñunal lañuñuñla, ke el liye siti tiñtiñinu ke enut sito.

17 Tu ou iñi el tukeni kaskas in imwen lolñok yurin met Ju, ā yurin met inšie, ā yin kutakot piñanu len yurolos šu el šunol.

18 Na kutu lalmetmet sin met Epikurus, ā sin met Stoik, elos tukeni kaskas yurol. Ā kutu fwak, Mea olinkas si iñi el fwak? kutenu mu, El oanu el luti enut ša; tu el luti nu selos Jisus, ā siefwil molyuk.

19 Ā elos as al, ā wis el nu Areopagus, fwakañ, Ya

mwo tu kem etu ma lutlut šašu si iñi ma kom kaskas ke?

20 Tu kom wis kutu ma ša nu ke sremem; tu ou iñi kem kenu etu la fuka ma iñi.

21 Tu met Atens nu kemwu muta siewunu, tu in fwakak ā loñ kutu ma šašu.

22 Na Poul el tu infulwin Areopagus, ā fwak, Komwos met Atens, ña liye tu ke ma nu kemwu komwos orek ali.

23 Tu ke ña fwas sasla ā liye enut lomwos, ña konoioik sie lañ ma iñi šimla on ke, **NU SIN GOD KUT NU-KIN.** Tu ou iñi el šu komwos ali ninukin, ña luti nu šumwos.

24 God šu orek fwalu ā ma nu kemwu lū, tu El Leum in kosao ā fwalu, tiu mutu in lom ali orek ke po; 25 ā pon met tiu ali nu Sel oanu tu El luñsel kutu mao, El ašun nu sin nu kemwu mol, ā moñ, ā ma nu kemwu; 26 tu El orek ke sa siewunu met an nu kemwu tu elos mutu fwin mutun fwal e nu kemwu, ā nunkauk tari pal met El oru tuk, ā akul lun an selos: 27 tu elos a šuk Leum, elos fwin kalimun ul, ā konoilok, tu El tiu lus liki kit nu kemwu; 28 tu in El kut mol, ā mogūkū, ā mutu; oanu

kutu šumwos orek on elos fwak, Tu kut tulig nutin pe.

29 Tu ou iñi tu kut tulig nutin God, tiu mwo tu kut nunku mu tu God oanu gol, ku silver, ku eot, srulūla oanu met nunku mu.

30 Ke ma iñi God pulesu pal si nukin iño, ā iñi El šap met e nu kemwu in auliyuk.

31 Tu El orala len si, ke šu El a fwa nununku fwalu ke ma payi ke met šu El filiye; El šuñ ma lalalfuñi nu sin nu kemwu tu El akmolye'lak yin miše mi.

32 Ā ke elos loñ ma siefwil molyuk yin miše mi, kutu aksruksruk: ā kutenu fwak, Kem tufwa siefwil loñ kom ke ma iñi.

33 Tu ou iñi Poul el šomla liki infulwe'los.

34 Ā kutu met fulyuñ nu sel, ā lalalfuñi; sin šu Daionišius met Areopegus, ā sie mutan ē Damaris, ā kutenu oelultal.

### ŠAPTER 18.

**T**UKIN ma iñi Poul el šom liki Atens, ā tuku nu Korint;

2 Ā el konoioik sie met Ju ē Akula, isūsia Pontus, tufwa tuku Italia mi, wi mutan kīel Prisila, (Lutu Klaudius el šap met Ju nu kemwu fwala liki Roma,) ā tuku nu yurolos.

3 Ā tu me orekma lal oanu, el mutu yurolos, ā orekma; tu me orekma lalos lom nuknuk.

4 Ā el kalimalik in imwen lolñok len sabat nu kemwu, ā kaifwi met Ju ā met Grik.

5 Ā ke Sailas ā Timoteus eltal tuku Masedonia mi, Poul el tiñtiñinu in ñunal, ā orek ma lo nu sin met Ju tu Jisus El Kraist.

6 Ā ke elos šifwanu oru lain ul, ā kas nu ko God, el osrokla nuknuk lal, ā fwak nu selos, Samwos on fwin šiu fumwos; ña nasnas; tukin pal si iñi ña šom nu yurin met Pegan.

7 Ā el šomla, ā ilyuk nu in lom sin sie met, ē Justus, šu ali nu sin God, lom sel apkurun imwen lolnok.

8 Ā Krispus, leum in lolnok, el lalalfuñi ke Leum wi sou lal nu kemwu; ā ma puspis sin met Korint elos loñ lalalfuñi, a baptaisla.

9 Na Leum el fwak nu sel Poul in foñ ke arurumu, Nuk kom šañeñ, tu fwak, tiu misla; 10 tu Na wi kom, ā wañin met a tuku nu yurum in akkoluki kom: tu met puspis srak yin siti si iñi.

11 Ā el mutu iñi yiu si ā malem onkos, luti kas lun God yurolos.

12 ¶ Ā ke Gallio el met

liauñ an Akaia, met Ju nunok sugo ewunu nu kasani nu ke'l Poul, a wis el nu niin nununku, 13 fwakañ, El iñi oru met in ali nu sin God tiu ou manu.

14 A ke Poul el akurun mañalik, Gallio el fwak nu sin met Ju, Fwin kutu ma sito, ku ma silollel, O met Ju, mwo tu ña kase komwos: 15 a fwin kutu ma siyuk ke kas, ku e, a manu lomwos, komwos liauñ ke; tu ña tiu luñsik in nununku ke kutu ma iñi.

16 A el sipa'los wot liki niin nununku.

17 Na met Grik nu kemwu elos es Sostenes, leum in lolnok, a srũñ lal ye mutun niin nununku. A Gallio el pulesu ke ma iñi.

18 ¶ Poul el mutu iñi len puspis, tufwa mwilkas nu sin met lili, a kol la nu Siria, a Prisila a Akula oelul; kolkilla siufwel nu Senkrea; tu sie mwuleuñ lal.

19 A el tuku nu Efesus a fule'ltalu iño: a el šifwanu ilyuk nu in lolñok, a kasasnu yurin met Ju.

20 Ke elos luñselos tu el mutawun kutu pal, el sañes; 21 tu el mwilkas nu selos, fwakañ, Mwo lulap sik to ña liauñ kofwa si fwasue nu in Jerusalem: a ña sie-

fwil tuku nu yurumwos, God el fwin luñsel. A el kol la liki Efesus.

22 A ke el srola nu Sesa-rea, a fwasiuk, a pain šurš, tari, el oatu nu Antiok.

23 A ke el mutu iñi kutu pal, tuko el šomla, a fwa-fwasysus šumwos yin Galatia a Frišia, a akkeiela met lutlut nu kemwu.

24 ¶ A sie met Ju e Apolos, isūsia Aleksandria, met etu kas, a lalmetmet ke ma Baibel, el tuku nu Efesus.

25 Met si iñi el lutlut ke inek lun Leum; a tu fwol in ñun, el kaskas a luti ma lulap ke mao lun Leum, el etu baptais lun Jon mugu.

26 A el mutamwauk in kaskas pulaik in lolñok: ke Akula a Prisila eltal loñ ol, eltal es el nu yuroltal, a luti nu sel inek lun God mwo liki.

27 A ke el luñsel šom nu Akaia, met lili šimisla, fwakañ nu sin met lutlut in es el. Ke el tuku el kas'elos ma lulap šu lalalfuñi ke luñ.

28 Tu el akmisyela ma lulap met Ju lemtulaiyuk, in luti ke ma Baibel tu Jisus El Kraist.

## ŠAPTER 19.

A MA te oru tu, ke Apolos el mutu Korint Poul

fwas sasla nu yin lūn tari el tuku nu Efesus; ā ke el konoio kuto met lutlut, 2 el fwak nu selos, Ya komwos es Nun Mutal tukin pal si komwos lalalfuñi? Ā elos fwak nu sel, Kem tiu loñ la Nun Mutal ku tiu Nun Mutal.

3 Ā el fwak nu selos, Ka komwos baptais nu ke mea? Ā elos fwak, Nu ke baptais lun Jon.

4 Na Poul el fwak, Aok Jon el baptais ke baptais lun auliyuk, fwakañ nu sin met, tu elos in lalalfuñi ke' l šu tuku tuk ol, oanu ke Jisus.

5 Ke elos loñ ma iñi elos baptaisla in Ē Leum Jisus.

6 Ā ke Poul el filiye paul fwelos tari, Nun Mutal tuku nu fwe'los; ā elos kaskas ke kutu lo, ā polyi.

7 Ā met nu kemwu oanu sie-nul-luo nu.

8 Ā el ilyuk nu in lolñok, ā kaskas pulaik ke malem tolu, kaskasnu ā kaifwi kutu ma togusañ lun God.

9 Ā ke kutu upala ā tiu lalalfuñi, ā kaskas ko ke inek iño ye mutun ma puspis tukeni, el fwas luk elos, ā sipalik met lutlut, kaskasnu piñanu len in skul lun sie Tiranus.

10 Ā ma iñi orek ke yiu luo; oanu tu elos nu kemwu

šu mutu in Asia loñ kas lun Leum Jisus, met Ju ā met Grik.

11 Ā God el oru menmen šokuruk ke paul Poul; 12 oanu tu wisla hañkersif ku nuknuk apun nu sin met mas, ā mas wañinla luk elos, ā nūn koluk šom luk elos.

13 ¶ Na kutu sin met Ju fwafwasyis, met in sisila, elos sriki in pañpañ Ē Leum Jisus fwin met šu nūn koluk lalos, fwakañ, Kem šap nu šumwos ke Jisus šu Poul el lutlut ke.

14 Ā mwen itkos nutin Siva, met Ju, leum lun met tol šu oru ou iñi.

15 Ā nūn koluk el tupokoañ, ā fwak, Jisus ña etu, ā Poul ña etu; ka šu komwosen?

16 Ā met šu nūn koluk in el, el srola fwe'los, a kutuñ elos la, ā ku luk elos, oanu tu elos kaiñla liki lom iño kolūfol ā kinit.

17 Ā nu kemwu met Ju ā met Grik pe mutu Efesus, elos etu ma iñi; ā šañeñ putatla nu fwe'los nu kemwu, ā Ē lun Leum Jisus kakšakinelik.

18 Ā ma puspis šu lalalfuñi elos tuku, ā fwakak, ā luti me orekma lalos.

19 Ā ma puspis selos šu orek me šokuruk elos wiseni buk natalos, ā furre'losyuk



ye mutalos nu kemwu; ā elos oekla me mol lalos, ā konoioek lum nāul šiu ipen silver.

20 Ou iñi kas lun God kapak ma lulap, ā kuinu.

21 ¶ Tukin ma iñi orek tari, Poul el nunku in nūnal, ke el fwas sasla Masedonia ā Akaia tari, el tufwa fwasjuk nu Jerusalem, fwakañ, Tukin nā mutu iño, nā fwa muta pe nu Roma.

22 Ā el sipaot nu in Masedonia luo selos šu oru nu sel, Timoteus ā Erastus; ā el šifwanu mutu in Asia kutu pal.

23 Ā ke pal si iño akukain tiu ma sisik ke inek si iño.

24 Tu sie met, ē Demetrius, silver smit, šu orek lom silver lun Daiana, el wis tiu ma sisik me mol nu sin met orekma; 25 šu el pañnoloseni wi met orek ou iñi, ā fwak, Met, komwos etu tu ke me orekma iñi kut es ma las.

26 Ā komwos liye ā loñ, tu tiu in Efesus mugenu, tu yin Asia nu kemwu, Poul iñi el kaifwi ā furokla met puspis, fwakañ tu elos tiu god šu orekla ke po.

27 Ke ma iñi tiu orekma las mugenu a tufwa wañinla, tu ouyape imwen godes lulap Daianu fwa sruñala, ā ma mwowo lal kanaosla, ma

Asia nu kemwu ā fwalu ali ke.

28 Ā ke elos loñ ma iñi, elos tiñtiñinu ke koškusok, ā wowoyuk fwakañ, Ma lulap Daiana lun met Efesus.

29 Ā siti nu kemwu tiñtiñinu ke me lūsroñ. Ā srukie Gaius ā Aristarkus, met Masedonia, wi el Poul ke fwafwasyis, elos nunok sugo wunnu kasus nu in imwen srital.

30 Ā ke Poul el luñsel utyuk nu yurin metu, met lutlut elos sañes.

31 Ā kutu sin leum lun Asia, šu met kawuk lal, elos šapot nu sel, kenu tu el tiu šifwanu utyuk nu in imwen srital.

32 Tu ou iñi kutu wowoyuk ke sie, ā kutu ke sienu; tu mwolil lūsroñla; ā ma pusliki elos nukin efwo elos ku tukeni.

33 Ā elos amakun al Aleksander likin met puspis tukeni, met Ju wis el nu met. Ā Aleksander el ponsit ke paul, ā kenu šifwanu aksumwosye'l la nu sin metu.

34 Ā ke elos etu tu el met Ju, ma nu kemwu ke pusra siewunu, akurun auu luo wowoyuk, Ma lulap Daiana lun met Efesus.

35 Ā ke met šim el akmisyela metu, el fwak, Komwos met Efesus, ka met šu nukin

fuka tu siti lun met Efesus ali nu singodes lulap Daiana, ā lumun ma putatla Jupiter mi?

36 Ā tu wañin met ku in fwak lain ma iñi, mwo tu komwos misla, ā tiu orek kutu ma inuñyar.

37 Tu komwos wis nu yinu met iñi, šu tiu pusrala ma lun imwen ali, ā tiu kas ko nu ke godes lomwos.

38 Tu ou iñi fwini Demetrius, ā met orekma šu oelul, kutu ma lalos lain sienu met, manu igakla, ā met liauñ; lela elos in šuñ kas lain sie sin sie.

39 Ā komwos fwini siyuknu ke kutenu mao, fwa akšumwosye mao in mwolil lun manu.

40 Tu kut šaṇeñ elos in siyuk ke lūstroñ misiñi, tu wañinu ma kut fwak ke mwolil si iñi.

41 Ā ke el kaskas ma iñi tari, el sipalik mwolil.

## ŠAPTER 20.

**A** TUKIN lūstroñ wañinla, Poul el pañon mu met lutlut nu yurol, ā aṇokmeti, ā šomla tu in fwas nu in Masedonia.

2 Ā ke el fwas sasla kutu an iño tari, ā kaifwi nu selos ma lulap, el tuku nu in Gris, 3 ā mutu iño malem tolu. Ā ke met Ju elos papu

lain ul, ke el akurun kol nu in Siria, el nunku mu in fulokla sasla Masedonia.

4 Ā oelul nu in Asia Soper met Berea; ā sin met Tessalonika Aristarkus ā Sekundus; ā Gaius met Derbe, ā Timoteus; ā sin met Asia Tikikus ā Trofaimus.

5 Elos iñi šom met šane kit nu Troas.

6 Ā kem kol liki Filippai tukin len lun bred tiu pulolak, ā tuku nu yurolos nu Troas in len limikos; kem mutu iño len itkos.

7 Ā ke len ši umet ke wiki, ke met lutlut elos tukeni in kunšalik bred, Poul el luti nu selos, ako in šom nu luti; ā el kaskas nu ke infulwin foñ.

8 Ā lamp puspis in fokil lūñ yin elos tukeni mutu.

9 Ā sie met fwus, ē Eutikus, el mutu in windo, el motul fulošumwosla: ā tu patlanu lutlut lal Poul, el toasnu ke motul, ā putatla in fokil aktolu, ā toiyuk tu nu miši.

10 Ā Poul el fwuni, ā kuī fwe'l, ā kaukulani el fwak, Nuk komwos tuñ, tu mol lal in el.

11 Ā ke el siefwil utyuk, ā kunšalik bred, ā moño, ā kaskas ma patpat, oanu nu ke lenelik, ou iñi el šomla.

12 Ā elos wis met fwus mol, ā eñun tiu ma sisik.

13 ¶ Ā kem som met ke oaku, ā kol nu Assos, nunku iño kem in es el Poul; tu el oru ou iñi, nunku tu el si-fwanu fwas.

14 Ā ke el šuñ kem nu Assos, kem es el, ā som nu Mitiline.

15 Ā kem kol we mi, ā tuku len si tuko sissen Kaios, ā len si tuko šuñ an Samos, ā mutu nu Troki-lium; ā len si tuko kem tuku nu Mailitus.

16 Tu Poul el nunku in kol alukela Efesus, tu el tiu nunku mutu kutu pal nu in Asia; tu el šilaklak, el fwin ku in mutu nu Jerusalem ke len si Pentekost.

17 ¶ Ā Mailitus mi el sipaot nu Efesus, ā pañon ma met elder lun šurs.

18 Ā ke elos tuku nu yurol, el fwak nu selos, Komwos etu, len si umet mi ke ña tuku nu in Asia, fuka ña wi komwos mutu pal e nu kemwu, 19 oru nu sin Leum ke fwokpap nu in-šiuk, ā ke tuñ puspis, ā srifwe ma tuku nu yuruk ke papu koluk lun met Ju. 20 ā fuka ña tiu mwukin kutu ma mwo nu šumwos, tu ña luti nu šumwos, ā lutlut nu šumwos lemtu-laiuk, ā lom si nu ke lom si,

21 ā orek ma lo nu sin met Ju, ā nu sin met Grik pe, auliyuk nu sin God, ā lal-lafuñi nu sin Leum Jisus Kraist.

22 Ā iñi, liye, ña kopur in ñun som nu Jerusalem, tiu etu ma fwa oru nu sik iño: 23 la sie tu Ñun Mutal orek ma lo in siti nu kemwu, fwakañ, tu me kopur ā onoiye šane yu.

24 Tu ke ma iñi ña mu mansis, ā mol luk tiu šaok sik, tu ña orek tari kasus luk ke eñun, ā me orekina, ma ña es sin Leum Jisus, in orek ma lo ke mwo šašu lun luñ lun God.

25 Ā iñi, liye, ña etu tu komwos nu kemwu, yurin šu ña som in luti togusañ lun God, tiu siefwil liye mutuk tuk.

26 Ke ma iñi ña orek komwos in lo misiñi, tu ña nasnas ke sa lun met e nu kemwu.

27 Tu wañin nu ma ña srukie in tiu luti nu šumwos ke kas nu kemwu ma lun God.

28 Ke ma iñi komwos si-fwanu liye komwos, ā u nu kemwu ma Ñun Mutal fili komwosyi met sropu ke, tu komwos in kiteuñ šurs lun God, ma El mol ke sa'l.

29 Tu ña etu ma iñi, ke ña som tari kosro koluk

kanaosten elos fwa utyuk  
nu yurumwos in tiu likie  
sie u.

30 Ā sin šumwos panu  
kutu met fwa tuyuk, kaskas  
ma sito, in amakunla met  
lutlut tuk olos.

31 Ke ma iñi komwos šano,  
ā esam, tu ke yiu tolu foñ  
nu len ña luti nu kemwu  
ke tuñ.

32 Ā iñi, met lili, ña fili  
komwosi nu sin God, ā nu  
sin kas lun luñ lal, ma ku  
in mušai komwos yuk, ā in  
aš'ot nu šumwos an si yuro-  
los nu kemwu šu mwolanu.

33 Ma silver, ma gol, ma  
nuknuk lun met, wañinu  
ma ña rapkue.

34 Aok komwos šifwanu  
etu, tu po iñi orala nu ke ma  
luk, ā nu selos šu wi yu.

35 Ña luti nu šumwos ma  
nu kemwu, fuka ma ko-  
mwos orek tu komwos kasu  
met munu, ā in esam kas  
lun Leum Jisus, fuka El  
fwak, Ma in šuñ inšimwowo  
liki ma in es.

36 Ā ke el kaskas ma iñi  
tari, el sikukmutunti, ā pre  
yurolos nu kemwu.

37 Ā elos nu kemwu tuñ  
lulap, ā kui nu in kaiwel  
Poul, ā ñokol, 38 pakomutu  
yok liki nu kemwu ke kas  
ma el fwak, tu elos tiu sie-  
fwil liye mutal tuk. Ā elos  
oelul nu ke oaku.

## ŠAPTER 21.

MA te oru ke kem šom  
luk elos, ā kolot tari,  
kem kol šumwos nu Koos,  
ā 'len si tuko nu Rodes, ā  
iño mi nu Patara.

2 Ā tu konoioak oak šugo  
kol nu Finišia, kem sroauk  
ā kolot.

3 Ā ke kem liye Saiprus,  
kem filiye mao on lesi, ā kol  
nu Siria, ā srola nu Tair;  
tu iño oak titila kwano.

4 Ā tu konoioak met lutlut,  
kem mutu iño len itkos, elos  
fwak nu sel Poul ke Nun,  
lun tiu fwasyuk nu Jerusa-  
lem.

5 Ā ke kem mutu len iño  
tari, kem fwasot ā šomla; ā  
elos nu kemwu wi kem fwas,  
mutan kielos ā tulig natalos,  
nu ke kem mutu liki siti;  
ā kem sikukmutunti fwin  
meši, ā pre.

6 Ā ke kem šuñ mwilkas  
sie sin sie tari, kem sroauk  
nu fwin oaku, ā elos fulokla  
nu yin selos.

7 Ā ke kem kolot liki Tair  
tari, kem kol mu nu Tolmeis,  
ā pain met lili, ā mutu yuro-  
los sie len.

8 Ā len si tuko kem šu  
oelul Poul šomla, ā tuku nu  
Sesarea; ā kem utyuk nu  
in lom sel Filip met evanši-  
list, šu sie sin itkos; ā kem  
mutu yurol.

9 A met iñi an akos natal, šu polyi, elos tiu etu met.

10 Ā ke kem mutu iño len puspis, sie met palu, ē Agabus, el oatu Judea mi.

11 Ā ke el tuku nu yuros, el es me lol lun Poul, ā šifwanu kopuriye paul ā niel, ā fwak, Ou iñi Nun Mutal fwak, Oanu iñi met Ju mutu Jerusalem elos tufwa kopuriye met šu me lol iñi lal, ā fwa nu in pon met Pegan.

12 Ā ke kein loñ ma iñi, kem ā elos yin si iño kaifwe'l lun tiu fwasyuk nu Jerusalem.

13 Ā Poul el tupok, Mea komwos oru in tuñnu ā akkoluki inšiuik? tu ña ako in tiu kopuri mugenu, ā tu in miše pe nu Jerusalem ke Ē lun Leum Jisus.

14 Ā ke el sañes in ou iñi, kem misla, fwakañ, Oanu ma Leum el luñsel.

15 Ā tukin len iño kem ako in šom ā fwasyuk nu Jerusalem.

16 Ā kutu met lutlut lun Sesarea elos wi kit pe fwas, ā elos wis oelulos sie Mneson, met lutlut matu, lun Saiprus, yurin šu kem fwa mutu.

17 ¶ Ā ke kem tuku nu Jerusalem tari, met lili elos eñun in es kem.

18 Ā len si tuko Poul el wi kem utyuk nu yuro

Jemes; ā met elder nu kemwu mutu we.

19 Ā ke el paiñ olos tari, el fwak kais sie šumwos ma God el oru yurin met Pegan ke orekma lal.

20 Ā ke elos loñ mao, elos kaksakin Leum, ā fwak nu sel, Kom liye, ma lili, fuka šiu puspis met Ju šu lalalfuñi; ā elos nu kemwu kenu ke manu.

21 Ā elos loñ ke kom, tu kom luti met Ju nu kemwu šu yurin met Pegan in fwala liki Moses, fwakañ tu elos in tiu kosroala tulig natalos, ā in tiu fwas ke manu.

22 Ke ma iñi fuka? met puspis tukeni elos a fwa tukeni; tu elos fwa loñ tu kom tuku.

23 Ke ma iñi mwo tu kom oru ma iñi ma kem fwak nu šum; Met akos yuros kas in mwuleuñ yurolos; 24 kom as alos, ā oelulos šifwanu aknasnasi kom, ā oelulos ke mol, tu elos fwa kolkil šiu-fwelos: ā ma nu kemwu fwa etu, tu sitolanu ma elos loñ ke kom; tu kom šifwanu orek šumwos pe ā liauñ manu.

25 Ā ke met Pegan šu lalalfuñi, kem šim ā nununku tari tu elos tiu liauñ ma iñi, ā ma iñi mugenu tu elos tulaliki ma kiše lun enut sito, ā ma sa, ā ma

miši ke sa tiu širor, 'ā ma kosro.

26 Na Poul el es met, ā len si tuko oelulos šifwanu aknasnasi ilyuk nu in tempel, in oraot fwolnu len lun aknasnasi, nu ke pal si orek kiše ke kais sie nu selos.

27 ¶ Ā ke len itkos akurun tari, met Ju lun Ašia, ke elos liye'l in imwen tempel, elos purakak met nu keinwu, ā likiye paulos fwe'l, 28 wowoyuk, Met Israel, komwos kasu; el iñi met šu luti met nu kemwu yin nu kemwu lain metu, ā manu, ā yin si iñi: ā kutepe el wis met Grik pe nu in imwen tempel, ā akfokfokye yin mutal si iñi.

29 Tu umet<sup>a</sup> elos liye Trofaimus met Efesus oelul nu in siti, ā elos nunku mu tu Poul el wis el nu in imwen tempel.

30 Ā siti nu kemwu kususyuk, ā met elos kasus nu sie; ā elos es Poul, ā amakun ul la liki imwen tempel: ā šilaklak in kaliye mutun oaoa.

31 Ā ke elos akurun uni'lye, kas šom nu sin kaptin lulap lun u si, tu Jerusalem nu kemwu purakak; 32 el šilaklak in es met meun ā met senturion, ā kasus nu yurolos: ā ke

elos liye kaptin lulap ā met meun, elos tela onel Poul.

33 Na kaptin lulap el fwas apkurun ā es el, ā šap in kopure'lye ke kapinkoslap luo; ā šiyyuk šu 'el, ā mea el oru.

34 Ā kutu wowoyuk sie, ā kutenu sienu, yurin met puspis tukeni. Ā ke el koflanu etu ma šumwos ke lūsroñ, el šap in wis el nu in imwen met meun.

35 Ā ke el tuku nu fwin me fwun, ā tu ke kasus koluk lun metu, met meun srukulalak wis el.

36 Tu met puspis sin met elos fwas tuk, wowoyuk, Sis el la.

37 Ā ke elos kolol Poul nu in imwen met meun, el fwak nu sin kaptin lulap, Ya mwo ñun kaskas nu šum? El fwak, Ya kom etu kaskas Grik?

38 Ya kom tiu sie met Išipt šu oru purakak ke kutu len met, ā kolot nu yin musrasra met ao šu met akmus?

39 Ā Poul el fwak, Na met lun Tarsus lun Silišia, met lun siti tiu koluk; ā ña siyyuk šum in lela ñun fwak nu sin metu.

40 Ā ke el lela tari, Poul el tu fwin me fwun, ā ponsit ke paul nu sin metu. Ā ke mislanu el fwak nu selos ke kaskas Hebru, fwakañ,

ŠAPTER 22.

**M**ET lili ā papa, komwos loñ ma ña akšumwosye nu šumwos.

2 (Ā ke elos loñ tu el kas-  
kas nu selos in kas Hebru,  
elos miselik ā tiu kas, ā el  
fwak,) 3 Aok ña met Ju,  
isūsła Tarsus lun Silisla, ā  
lutlut yin siti si iñi ye niin  
Gamaliel, el luti yu ma šu-  
mwoswos lanu ke manu lun  
papa, ā luñši oru nu sin God  
ou komwos nu kemwu mi-  
siñi.

4 Ā ña kolya ou iñi nu ke  
miši, loseni ā aši nu in pri-  
son met mogul nu mutan.

5 Ā ouyape met tol fulat  
orek ma lo sik, ā met elder  
nu kemwu: sin selos pe ña  
es letter nu sin met lili, ā  
šom nu Damaskus, in wis  
elos mi šu kopuri nu Jerusa-  
lem, in te anwuk.

6 Ā ma te oru tu ke ña  
šom, ā tuku apkurun nu Da-  
maskus akurun infulwin len,  
ā kiten misiñi kalem lulap  
in kosaoe mi šaromrom apin-  
yoeni.

7 Ā ña putatla nu in foko,  
loñ pusra si fwak nu sik,  
Soul, Soul, efwo kom ku  
kolyai yu?

8 Ā ña tupok, Leum, šu  
komwun? Ā el fwak nu  
sik, Ña Jisus lun Nazaret, šu  
kom kolyai.

9 Ā elos šu wi yu liye ka-  
lem, ā šañeñ ke: ā elos tiu  
loñ pusren šu kaskas nu  
sik.

10 Ā ña fwak, Leum mea  
ña oru? Ā Leum el fwak  
nu sik, Kom tuyuk ā šom  
nu Damaskus; ā iño ma fwa  
luti nu šum ma nu kemwu  
ma likiye nu šum in oru.

11 Ā ke ña koflanu liye ke  
šaromrom lun kalem iño, elos  
šu wi yu kol yu ke paul, ña  
tuku nu Damaskus.

12 Ā sie Ananias, met  
inšie ke manu, met Ju nu  
kemwu su mutu iño kas  
mwo ke'l, 13 el tuku nu yu-  
ruk, ā 'tu, ā fwak nu sik,  
Soul, ma lili, kom ñutalik.  
Ā ke auu si iñi ña ñetak nu  
sel.

14 Ā el fwak, God lun  
papa tumas El šulū kom la,  
tu kom fwa etu ma luñši lal,  
ā liye šu Payi, ā loñ pusral  
ke oalul.

15 Tu kom fwa met lo lal  
nu sin met nu kemwu ke ma  
kom liye a loñ.

16 Ā iñi efwo kom ku mu-  
tanu? kom tuyuk, ā bap-  
taisla, ā olla ma koluk lom,  
siyuk pre ke Ē lun Leum.

17 Ā ma te oru, tu ke ña  
siefwil tuku nu Jerusalem, ā  
ke ña pre in imwen tempel,  
ña in arurumu; 18 ā liye'l  
fwak nu sik, Kom šilaklak  
in akpuspusye šom liki Je-

rusalem: tu elos tiu es lo lom ke ña.

19 Ā ña fwak, Leum, elos etu tu ña filiye in prison ā uni in lolñok nu kemwu elos šu lalalfuñi ke kom: 20 ā ke sa'l Stufen met lo lom okoila, ña pe tu we, ā nunke pe ke miši lal, ā liauñ nuk-nuk lalos šu uni'lye.

21 Ā el fwak nu sik, Kom fwala; tu ña fwa sipe kom la nu yin lulis yurin met Pegan.

22 ¶ Ā elos loñ ol ke kas lal, ā srukak pusralos ā fwak, Esla liki fwalu met ou iñi, tu tiu mwo sel in mol.

23 Ā ke elos wowoyuk, ā šarukla nuknuk lalos, ā sis foko nu yin eñeñu, 24 kaptin lulap el šap in wis el nu in imwen met meun, ā šap in siyuk ol ke anwuk; tu el fwa etu efwo elos ku wowoyuk ou iñi lain ul.

25 Ā ke elos kopuri'lye ke kulin kusro, Poul el fwak nu sel senturion šu tu we, Ya oul ku tiu oul tu kom uni met si šu met Roma, ā tiu lusla?

26 Ā ke senturion el loñ ma iñi, el šom ā luti nu sin kaptin lulap, fwakañ, Liauñ ma kom oru; tu met si iñi el met Roma.

27 Ā kaptin lulap el tuku, ā fwak nu sel, Kom fwak nu sik, kom la met Roma? El fwak, Aok.

28 Ā kaptin lulap el tupok, Ke mol lulap ña es šugošok iñi. Ā Poul el fwak, Ā ña isūsia ke.

29 Tu ou iñi elos šu a siyuk ol šilaklak in fwala luk el: ā kaptin lulap el pe šañeñ ke el etauk, tu el met Roma, ā tu el kopuri'lye.

30 ¶ Ke lutu, tu el fwa etu ma šumwoswos, efwo met Ju elos ku sis nu fwel, el tula'l la liki me kopur, ā šap met tol fulat ā met papu nu kemwu in tukeni, ā el wis alu Poul, ā fili'lye ye mntalos.

## ŠAPTER 23.

**A** POUL, ke el šuiye mwo-lil, el fwak, Met lili, ña orekma payi kemwu ye mutun God nu ke len si iñi.

2 Ā met tol fulat Ananaias el šap elos su tu yurol in pouk ol ke oalul.

3 Na Poul el fwak nu sel, God el a fwa puok kom, pot fwošwos, ya kom mutu in nununeke yu ke manu, ā šap in puok yu tiu ou manu?

4 Ā elos šu fwak, Ya kom kas ko nu ke met tol fulat lun God?

5 Na Poul el fwak, Met lili, ña tiu etu tu el met tol fulat: tu ma šimusla, Nik kom kas ko nu ke leum lun met lom.

6 Ā ke Poul el etu tu kutu selos met Saddusi, ā kutenu



met Farisi, el wowoyuk in mwolil, Met lili, ña met Farisi, ā nutin met Farisi: ke fwensok ā molyuk ke niše mi elos siyuk yu.

7 Ā ke el kaskas ou iñi tari, met Farisi ā met Saddusi elos asiuki, ā met puspis tu-keni elos kitakotelik.

8 Tu met Saddusi elos mu tiu siefwil molyuk, tiu lipufon, tiu ñun; ā met Farisi elos fwakak nu kemwu.

9 Ā wowoyuk ma lulap; ā met šim sin met Farisi elos tuyuk, ā akukain, fwakañ, Kem tiu konoioik ma koluk sin met si iñi ā fwın ñun si, ku lipufon si kaskas nu sel, lela kut in tiu anwuk nu ke'l God.

10 Ā ke elos akukain ma lulap, kaptin lulap, šaṇeñ la elos in mušalsala Poul, el šap met meun in oatu, ā in es al la luk elos, ā in wis el nu in lom sin met meun.

11 ¶ Ā foñ si tuko Leum tu yurol, ā fwak, Poul kom eñunak; tu oanu kom orek ma lo ke'ik nu in Jerusalem, kom ouyape orek ma lo nu Roma.

12 Ā ke lenelik, kutu sin met Ju tukeni nu sie, ā šifwanu papani ke ma koluk, fwakañ tu elos in tiu moño ā in tiu nim nu ke elos uni'lye Poul.

13 Ā elos pusliki met aña-

ul šu papu ke ma koluk iñi.

14 Ā elos tuku nu yurin met tol fulat ā met elder, ā fwak, Kem šifwanu kopuri kemi ke papu koluk lanu, tu kem ā tiu moño nu ke kem uni'lye Poul.

15 Iñi tu ke ma iñi komwos oru nu sin kaptin lulap tu el wis alu nu yuoinwos lutu, oanu tu komwos luñšomwos siyuknu kutu ma šumwos liki ke'l; ā kem, ke el apkurun, kem ako in uni'lye.

16 Ā ke mwen nutin mutan loul Poul el loñ ke mwukwuk lalos, el šom ā iliyuk nu in lom sin met meun, ā oru nu sel Poul.

17 Na Poul el pañon mu sie sin met senturion nu yurol, ā fwak, Kom wis met fwus si iñi nu sin kaptin lulap; tu kutu ma el luñsel in fwak nu sel.

18 Tu ou iñi el as al, ā wis el nu sin kaptin lulap, ā fwak, Poul met prison el pañon yu nu yurol, ā siyuk sik in wis met fwus si iñi nu yurum, šu luñsi in fwak kutu ma nu šum.

19 Na kaptin lulap el es el ke paul, ā oelul muku šom, ā siyuk, Mea si kom in fwak nu sikan?

20 Ā el fwak, Met Ju elos nunok sugo in siyuk šum, tu kom in wis el Poul lutu nu

in mwolil, oanu tu elos luñ-selos in siyuk sel kutu ma šumwos liki.

21 Mwo tu kom tiu akso-los: tu pusliki met añaul selos elos mwukmwuk ke'l, elos šifwanu kopur ke papu koluk, tu elos in tiu moño ā in tiu nim nu ke elos uni'lye: ā iñi elos ako, in šane kom in mwuleuñ.

22 Ke ma iñi tari kaptin lulap el lela met fwus in šom, ā šap nu sel, Nik kom oru nu sin met ma iñi ma kom luti nu sik.

23 Ā el pañon mu nu yurol met senturion luo, fwakañ, Komtal ako luo foko met meun in šom nu Sesarea, ā itñul met mutu fwinsu, ā luo met fokfuk, ke auu si aktolu ofoñ; 24 ā in ako kosro, tu elos filiye Poul fwe, ā wis el la mol nu yurin leum Filiks.

25 Ā el šim letter ou iñi; 26 Klaudius Lišius nu sin leum mwowo si Filiks, pain kom.

27 Met Ju elos es met iñi, ā akurun uni'lye; ke ma iñi ña wi un met meun si, ā es el, ke ña etu tu el met Roma.

28 Ā ke ña kenu etu ma fuka tu elos kas lain ul, Ña wis al ot nu yurin mwolil lalos: 29 Ña liye tu elos kas lain ul ke ma siyuk lun ma-

nu lalos, ā wañin ma lain ul ke ma uniye ku kopuriye.

30 Ā ke mao luti nu sik fuka met Ju elos mwukmwuk ke met, ña šilaklak in sipaot nu šum, ā šap pe nu sin met kas lain ul in fwak ye mutom ma elos oru lain ul. Mutu.

31 Na met meun, oanu ma šap nu selos, elos as al Poul, ā wis al ke foñ nu Antipatras.

32 Ā ke lutu elos filiye met fwinsu horsu in oelul šom, ā elos folokla nu lom sin met meun.

33 Ke elos tuku nu Sesa-rea, ā ašun letter nu sin leum, Elos fili'lye pe Poul ye mutal.

34 Ā ke leum el rid letter tari, el siyuk pa ya an sel. Ā ke el etu tu el lun Silisia; 35 el fwak, Ña tufwa loñ kom, ke met kas lain kom tuke pe. Ā el šap in šan ol in fukil nununku sin Herod.

## ŠAPTER 24.

**A** TUKIN len limikos, Ana-naias met tol fulat el oatu wi met elder, ā Tertulus sie met etu kas, šu luti Leum lain ul Poul.

2 Ā ke pañol mu, Tertulus el mutamwauk in kas lain ul, fwakañ, Ā tu misla lulap yuros ke kom, ā tu me orekma mwolanu ma oru nu

sin an si iñi ke palu lom, 3 kem es mao pal nu kemwu, ke kulu lulap, O Filiks mwolanu.

4 Ā tu ña tiu aktutoye kom kutepe, ña kenu tu ke kulañ lom kom loñ kem ke kutu kas sisik.

5 Tu kem komoiok met si iñi, met koluk si, ā inet purakak lun lusroñ yurin met Ju nu kemwu fwal e nu kemwu, ā met kol met u lun Nazaret.

6 Ā ouyape el sriki in akkoluki inwen tempel; šu kem es, ā kenu nununk'al ke manu las.

7 Ā Lušias kaptin lulap el tuku nu yurimem, ā ke ku lulap es el la liki pomem, 8 ā šap sin met kas lain ul in tuku nu yurum; tu ke siyuk nu sel kom šifwanu fwa etu ma nu kemwu, ma kem kas lain ul.

9 Ā met Ju elos nunku oapanu, ā fwak, Payinu mā iñi.

10 ¶ Na Poul, ke leum el srum nu sel lun fwak, el tupokoañ, Ā tu ña etu tu ke yiu puspis kom leum nununku lun an si iñi, Ña eñun liki in šifwanu tupok ke'ik.

11 Kom ku in etu, tu len sie-ñul-luo šom tari met ña fwasyuk nu Jerusalem tuk in ali.

12 Ā elos tiu konoi yu yuk in imwen tempel akukain

yurin metu, tiu purakak metu, tiu in lolñok, tiu in siti; 13 Elos koflanu aksumwosye mao ma elos kas lain yu iñi.

14 Ā ña fwakot ma iñi nu šum, tu ou inek ma elos mu sito, ou iñi ña ali nu sin God lun papa tumuk, lalalfuñi ma nu kemwu ma šimusla in manu ā in palu; 15 ā fwensok luk nu sin God, oupanu ma elos šifwanu mu payi, tu a fwa molyuk yin miše mi, ma yurin ma payi ā ma tiu payi.

16 Ā ke ma iñi ña sriki in ore yu ke, tu pal e nu kemwu ma nunok payi sik tiu sito sin, ā sin metu.

17 Iñi tukin yiu puspis ña tuku in wis me pakomutu nu sin met luk, ā kiše.

18 Ke ma iñi kutu met Ju Ašia mi elos konoi yu yuk nasnas in imwen tempel, tiu yurin met puspis, tiu yurin lusroñ.

19 Fwin kutu ma sito sik yurolos, mwo tu elos mutu yinu ye mutom, ā in fwak la sito.

20 Fwin tiu ou iñi lela elos iñi in fwak, elos fwin konoiok kutu ma koluk sik, pal si ke ña tu ye mutun mwolil, 21 la ma ke pusra si iñi, ma ña wowoyuk ke ña tu yurolos, ke molyuk yin miše mi ma kom siyuk yu misiñi ke.

22 Ā ke Filiks el loñ ma iñi, el etu inek si iñi mwo liki, kutu, el file'losye, ā fwak, Ke Lušius kaptin lulap el fwa oatu, ña fwa etala ma lomwos.

23 Ā el šap sin met senturion in liauñ Poul, ā lela lun tulala, ā oru tu met šu eta'l in kaš'el, ā tuku nu yurol.

24 ¶ Ā tukin kutu len, ke Filiks el tuku wi mutan kiel, Drusilla, šu mutan Ju, el sipa'l mu Poul, ā loñ ol ke lalalfuñi ke Kraist.

25 Ā ke el lutlut ke ma payi, ma liauñ manos, ā nununku a fwa tuku, Filiks el rarrar, ā tupok, Kom fwala ke pal si iñi; ke pal mwo sik ña tufwa pañun kom.

26 Fwensok pe lal tu Poul el tufwa šuñ moni nu sel in tula'l la. Ke ma iñi el šulo'l mu pus liki pal, ā tukeni kaskas yurol.

27 Ā tukin yiu luo Poršius Festus el ar nu fwe'l Filiks; ā Filiks el filiye Poul kopur, tu el luñsel akmwoye met Ju.

## ŠAPTER 25.

**N**A ke Festus el tuku nu an si, tukin len tolu el fwasyuk Sesarea mi nu Jerusalem.

2 Na met tol fulat ā leum lun met Ju elos šuñ kas nu sel lain Poul, ā siyuk sel,

3 ā kenu kulañ lain ul, tu el fwa sipa'l mu nu Jerusalem, mwukmwuk ineku in uni'lye.

4 Ke ma iñi Festus el tupokot, tu Poul el mutawun nu Sesarea, ā tu el šifwanu tiu pat in šom.

5 Ke ma iñi, el mu, Lela elos šu ku yurumwos, in wi yu oatu, ā kas lain met si iñi, fwini kutu ma koluk.

6 Ā ke el mutu yurolos ke len oalkos ku sie-ñul, el oatu nu Sesarea; ā len si tuko ke el mutu fwini nien nununku el šap in utuku Poul.

7 Ā ke el tuku, met Ju šu oatu Jerusalem mi elos apneni, ā wis ma puspis ā ma lulap kas ko lain Poul, ma elos koflanu akšumwosye, 8 ke el šifwanu tupok, tu wañinu ma sito ña oru lain manu lun met Ju, ā lain imwen tempel, ā lain Sisar.

9 Ā Festus, tu el luñsel akmwoye met Ju, el tupokoan nu sel Poul, ā fwak, Ya kom luñšom fwasyuk nu Jerusalem, ā in nununku ke ma iñi ye mutuk?

10 Na Poul el fwak, Na tu yin niin nununku lun Sisar yin mwo ña in nununku: wañin ma sito ña oru nu sin met Ju, kom etu ma iñi ma lulap.

11 Tu ña fwini koluk, ku oru kutu ma tu ña miši, ña

tiu sañes in miši: tu fwin wañin nu ma ke ma elos kas lain yu, wañinu met ku in es yu yuñ nu selos. Ña pañon nu sin Sisar.

12 Na Festus, ke el wi mwolil papu, el tupok, Tu kom pañon nu sin Sisar, kom fwa šom nu yurin Sisar.

13 ¶ Ā tukin kutu len togusa Agrippa ā Bernis eltal tuku nu Sesarea in pañul Festus.

14 Ā ke elos mutu iño len puspis, Festus el orauñ nu sin togusa mao ke Poul, fwa-kañ, Sie met šu Filiks el filiyē in kopur: 15 ke ña mutu Jerusalem, met tol fulat ā met elder lun Ju elos luti nu sik ke'l, ā kenu in nununku lain ul.

16 Ña tupokot nu selos, Ma tiu manu lun met Roma in ašun met nu ke miši, met el ā elos šu kas lain ul tukeni mutu tuk ye mutun sie sin sie, ā lela lun šifwanu tupok ke ma koluk kas lain ul.

17 Ke ma iñi ke elos tukeni mutu, tiu mutanu kutu, tu lutu ña mutu fwin niin nununku, ā šap in utuku met si.

18 Ke met kas lain ul elos tu lain ul, elos tiu wis kas ko sin kutu oanu ña nunku: 19 ā kutu siyuknu lain ul ke alūnu lalos, ā ke sie Jisus, šu miši, šu Poul el mu el mol.

20 Ā tu ña los ke siyuknu ou iñi, ña siyuk sel, el a la luñsel in šom nu Jerusalem, ā iño fwa nununku ke ma iñi.

21 Ā ke Poul el pañon in likiye nu ke nununku lun Augustus, Ña šap in liye'lañ nu ke ña fwa sipa'lot nu sin Sisar.

22 Na Agrippa el fwak nu sel Festus; Ña luñsik pe šifwanu loñ met si iñi. El mu lutu kom tufwa loñ ol.

23 Ke ma iñi lutu, ke Agrippa el tuku, ā Bernis, wi ma šokuruk lulap, ā utyuk nu yin elos loñ, wi kap- tin lulap, ā leum lun siti, ke šap lun Festus elos wis alu Poul.

24 Ā Festus el fwak, Togusa Agrippa, ā met e nu kemwu šu mutu iñi yuros, komwos liye met si iñi, ke šu met puspis tukeni kemwu elos oru nu sik ke, nu Jerusalem ā nu yinnu, wowoyuk tiu mwo tu el mutu nu tuk.

25 Ā ke ña konoioke tu wañin ma el oru tu el miši, ā tu el šifwanu pañon nu sin Augustus, ña nunku nu'n sipa'lla.

26 Wañin nu ma ña šimis nu sin leum luk ke'l. Ke ma iñi ña wis alu nu ye mutom, aok ye foklum, O togusa Agrippa, tu, siyuk-

yuk tari, kutu ma luk in simusla.

27 Tu ña mu tiu mwo in sipaot met prison, ā tiu fwak ma koluk lain ul.

# ŠAPTER 26.

**N**A Agrippa el fwak nu sel Poul, Ña lela kom in fwak ke'um. Na Poul el sralot paul, ā tupok k'el; 2 Togusa Agrippa, Ña nunku ña šifwanu inšimwowo len si iñi, tu ña tupok ke ña šifwanu ye mutom, ke ma nu kemwu ma met Ju kas lain yu: 3 aok mwonu tu kom lalmetmet ke manu nu kemwu ā siyuknu ma yurin met Ju; ke ma iñi ña kenu tu kom moñfusas in loñ yu.

4 Met Ju nu kemwu elos etu, ma ña oru ke ña tuligami ma meta yurin met luk nu Jerusalem; 5 elos ete yu ke mutamwauk mi, elos fwin luñselos in orek ma lo; tu oanu u šumwosmwoš lanu lun ali las ña orek met Farisi.

6 Ā iñi ña tu ā in nununku ke fwensok lun mwuleuñ ma God el oru nu sin Papa tumas.

7 Ke mao sruf sie-ñul-luo las oru nu sin God akmwoye len nu foñ, fwensok lalos in tuku nu ke. Ke fwensok iñi, O togusa Agrippa, met Ju elos kas lain yu.

8 Efwo komwos ku nunku tu ma iñi sito lanu, tu God akmolyauk met miši?

9 Tu payi ña nunku ke'ik tu mwo ña'n oru ma puspis tiu ou ma lun Ē Jisus lun Nazaret.

10 Ma iñi na ore pe nu in Jerusalem; ā met kristin puspis ña kaliye nu in prison, in es šap lun met tol; ā ke elos anwuki, ña srukak pok lain ulos

11 Ā ña one'los la pal puspis in lolñok nu kemwu, ā ora'los in kas ko: ā ke koskusok aknu lain ulos, ña kolya elos nu yin siti sa.

12 Ke ma iñi ke ña šom nu Damaskus ke ma šap ā ma šim lun met tol fulat, 13 ke infulwin len, O togusa, ña liye in inganek kalem si in kosaoemi, šaromrom liki fwatu, šaromrom apinyoeni ā elos šu wi yu fwas.

14 Ā ke kem nu kemwu putati nu in foko, ña loñ pusra si kaskas nu sik, ā fwakañ in kas Hebru, Soul, Soul, efwo kom ku kolyai yu? upa nu šum in fut nu ke ma kosro.

15 Ā ña fwak, Leum, šu komwun? Ā el fwak, Ña Jisus šu koin kolyai.

16 Tu tukakak, ā tu fwin nium: tu ña sikmi nu yurum ke ma iñi, in orek kom met lutlut ā met lo ke ma

iñi ma kom liye tari, ā ke kutenu ma ña fwa sikmi nu yurum ke; 17 in es kom la liki metu, ā liki met pegan, nu sin šu ña sipe kom la iñi, 18 in igasla mutalos, in furok olos liki los nu ke kalem, ā liki ku lun Setan nu sin God, tu elos fwa es nunok munas ke ma koluk, ā an si yurolos šu mwolanu ke lalalfuñi ma in ña.

19 Ke ma iñi O togusa Agrippa, ña tiu siakoš ma sikmi in kosaoemi; 20 tu met ña lutlut nu selos Damaskus, ā nu Jerusalem, ā yin nu kemwu Judea, ā nu sin met Pegan, tu elos in auliyuk ā forla nu sel God, ā oru me orekma lun auliyuk.

21 Tu ke ma iñi met Ju elos sruki yu wi in tempel, ā sriki in uni yu wi.

22 Tu ou iñi ke es kasu lun God, ña mutanu nu ke len si iñi in orek ma lo nu sin ma sisik ā ma lulap, fwakañ ma iñi mugenu ma met palu ā Moses elos fwak mu ā fwa tuku tuk: 23 tu Kraist el fwa keokiuñ, ā tu El maši meta selos šu molyuk yin miše mi, ā luti kalem nu sin metu ā nu sin met Pegan.

24 Ā ke el kaskasnu ke'l ou iñi, Festus el fwak ke pusra lulap, Poul, kom mwul la; lalmetmet lulap orek kom in mwul.

[Kusalen.]

25 Ā el fwak, Ña tiu mwul, Festus lulap; ña fwaknu kas payi ā šumwosnu.

26 Tu togusa el etu ma iñi ye mutun šu pe ña kaskas pulaik. Tu ña mu wañinu ma iñi mwukmwuk ke'l; tu ma iñi tiu orek nu in sru-mworsrik.

27 Togusa Agrippa, ya kom lalalfuñi met palu? Ña etu tu kom lalalfuñi.

28 Na Agrippa el fwak nu sel Poul, Kom kaifwi yu ña'kurun nu kristin.

29 Ā Poul el mu, ña pre nu sin God, tu tiu kom mugenu, tu elos pe nu kemwu šu loñ yu misiñi akurun oanu ña, ā oanu šumwosmwos, fwini tiu me kopur iñi.

30 Ā ke elos kaskas ma iñi tari, togusa el tuyuk, ā met leum, ā Bernis, ā elos šu oelulos mutu: 31 ā ke elos fwasot kutu, elos kaskas sie sin sie, fwakañ, Wañinu ma met iñi oru tu el miši ā kopur.

32 Na Agrippa el fwak nu sin Festus, Kem ku in tulala met si iñi, el fwini tiu pañon nu sin Sisar met.

## ŠAPTER 27.

KE nunku tari tu kem kol nu in Italia, elos asalañ Poul ā kutenu met prison nu sin senturion lun u'n Augustus ē Julius.

2 Ā sroyuk nu fwin oak Adramišium, kem kolot, nunku mu in kol siske'n Āsia; Aristarkus, met Masedonia lun Tesalonika el wi kem.

3 Ā len si tuko kem šuñ Saidon. Ā Julius el oru kulañ nu sel Poul, ā lela lun šom nu yurin met kawuk lal in es kutu mwo sel.

4 Ā ke kem kolot iño mi tari, kem kol lulin Saiprus, tu eñ kolukla.

5 Ā ke kem kol mwe'an Silisia ā Pamfilia kem tuku nu siti Maira lun Lišia.

6 Ā iño senturion el konoiook oak sugo lun Aleksandria la kol nu Italia; el fili kemi fwe.

7 Ā ke kem kol kakasisik len puspis ā sumwe tuku nu siske'n Naidus, eñ tiu mwo simem, kem kol lulin Krete, nu siske'n Salmone; 8 ā, ke akurun tiu alukela mao, kem tuku nu sie an pañpañ Molsron Mwowo, ma apkurun siti Lasea.

9 Ā tu pal lulisi šom, ā iñi koluk ke kol, tu pal si lālo šomla tari, Poul el luti, 10 ā fwak nu selos, Met, ña liye tu kol si iñi fwa koluk ā mā puspis tūla, tiu ke kwanin oak ā oaku mugenu, ā ouyape ke mol las.

11 Ā senturion el lalalfuñi kaptin ā owner lun oaku,

yok liki mao ma Poul el fwak ke.

12 Ā tu molsron tiu mwo in oi ke pal musis, ā pus met elos papu in šom iño mi, tu elos fwin ku elos tuku nu Fenis in mutu ke pal musis; ma iñi molsron lun Krete, ā onnu ke sauwest ā nowest.

13 Ā ke eñ roto tu ma sik, nunku mu tu elos es oanu elos papu, tultul la, elos kol apkurun nu Krete.

14 Ā tiu patla tuk eñ upa si tuyuk lain mao, ē Eurokludon.

15 Ā ke eñ srukie oaku, ā kem koflanu kol ke eñu, kem lela lun šom.

16 Ā ke kem kol lulin sie tuko ē Klauda, kem orek ma upa in srukie reoae.

17 Ma ke elos srkak tari, elos oru kutu me kasu in lusiñi apneni oaku, ā sinakin a putati nu yin pukpuk, kem lumani nes, ā ou iñi šom.

18 Ā kem ikiknu ma lulap ke pakau, len si tuko elos akmulalaye oaku; 19 ā len si aktolu kem sisla ke paus mao fwin oaku.

20 Ā fwatu ā itu tiu sikmi len puspis, ā pakau tiu srik on fwes, fwensok kemwu in mol wañinla.

21 Ā ke tela moño ma patpat tari, Poul el tuyuk in maslo'los, ā fwak, Met, mwo tu komwos loñ yu met, ā tiu



tulala liki Krete, ā in es ma koluk iñi ā ma tūla.

22 Ā iñi nā luti nu šumwos in eñunak: tu wañin sie šumwos tūla, ā oak mugenu.

23 Tu tu yuruk foñ si iñi lipufon lun God, šu ma luk, ā šu nā akos, 24 fwakañ, Poul, nik kom šaṇeñ, tu kom ā utukla nu ye mutun Sisar, ā, liye, God el aš'ot nu šumelos nu kemwu šu wi kom kol.

25 Ke ma iñi, met, komwos eñunak: tu nā lalalfuñol God, tu mao. a fwa ou ma fwak nu sik.

26 Ā kut fwa patla nu fwin tuka si.

27 Ā ke foñ si aksieñulakos, ke kem patpat nu iño nu iñi in Adria, akurun infulwin foñ, met kolkol fwin oaku elos nunku mu tu kem apkurun nu sie an.

28 Ā elos sriki a liye ñeñu loñol; ā ke elos šom kutesisik, elos siefwil sriki, ā liye ñeñu sieñul-limikos.

29 Na kem šinakin ā lañoak fwin ekko, elos sislakawuk akos liki unwak, ā kenu lenelik.

30 Ā ke met kolkol elos luñselos kaiñla liki oaku, ke elos koela reoa nu mwea oanu tu elos luñselos sislakawuk liki mwonoak, 31 Poul el fwak nu sin senturion, ā nu sin met meun,

Elos iñi fwin tiu on fwin oaku, komwos kofflanu mol.

32 Na met meun elos otela sel ke reoa, ā lela in putatla.

33 Ā ke akurun lenelik, Poul el siyuk nu selos in moño, fwakañ, Iñi len si aksienulakos komwos mutanu ā lalo, wañinu ma komwos es.

34 Tu ke ma iñi nā siyuk šumwos in es kutu me moño; tu ma iñi mol lomwos: tu wañinu sugo aunšiu-fwumwos putatla liki šiu-fwumwos nu kemwu.

35 Ā ke el fwak ou iñi el es bred, ā šuñ kulu nu sin God ye mutalos nu kemwu; ā ke el kunšalik el mutamwauk in moño.

36 Ā elos nu kemwu eñun, ā elos es pe me moño.

37 Ā kem nu kemwu šu fwin oaku oaoa met luo-fokoitñul onkos.

38 Ā ke elos moño kūp, elos akmulalañauk oaku, ā sislawit nu mwea.

39 Ā ke lenelik, elos tiu etu anu; elos konoioik sie alok nu fwin meši, nu ke mao, elos mu, fwin ku, elos in oakakinye oaku.

40 Ā ke elos srukak kawuk tari, elos fulela oaku nu mwea, ā tulala sel ke ikik, ā lakunalik nes lulapu nu ke eñu, ā oi nu fwin meši.

41 Ā putatla nu yin na luo tukeni eoşun, elos šuñ

anu ; ā mwonoaku fulfuli, ā onnu tiu mogūkū, ā unoak mišalsal la ke na upa.

42 Ā papu lun met meun in uniye met prison, sinakin kutu ā kofla ā kaiñla.

43 Ā senturion, tu el luñši Poul lun mol, el srokolosi liki nunkolos ; ā šap tu elos šu ku in kofkof siřwanu sis elos la nu mwea met, ā šom nu fwin meši : 44 ā kutenu, kutu fwin ipen šak, ā kutu fwin ipen oak ; ā ou iñi ma te oru, tu elos nu kemwu mol nu fwin meši.

## ŠAPTER 28.

**A** KE elos mol, na elos etu tu ē tuko si Melaita.

2 Ā met pegan elos oru nu simem tiu kulañ sisik ; tu elos tanak e, ā es kem nu kemwu, tu pal si ke auf, ā tu musis.

3 Ā ke Poul el siřani kopon etoñ si, ā filiye in yea, řaiper si el tuku in yea mi, ā fulfuli ke paul.

4 Ā ke met pegan elos liye kosro sripsrip ke paul, elos fwak sie sin sie, Payi met iñi el met akmus, šu tiu miši mwea, ā lalkas lela lun tiu mol.

5 Na el osrokla kosro nu in e, ā wañinu ma koluk sel.

6 Ā elos šano, el a la fwařak, ku kinu putatla miši ; ā ke elos šano ma patpat,

ā liye tu wañin ma koluk yurol, elos eolla nunkolos, ā fwak, el enut si.

7 Yin iñi an lun leum lun tuko si iñi, Ē Poplius ; el es ā liye kemiuñ kulañ len tolu.

8 Ā ma te oru tu papa tumun Poplius el mas řwol ā musen inřie. Poul el ilyuk nu yurol, ā pre, ā filiye paul fweř, ā unuel la.

9 Ke ma iñi tari, kutepe šu mas fwin tuko si, elos tuku, ā kela.

10 Ā elos sinakin kem ke me sinakin puspis ; ā ke kem šomla elos kite kem ma mwowo řes.

11 Ā tukin malem tolu kem šom in sugo oak lun Aleksandria, šu mutu fwin tuko si iñi ke pal musis, akul lal Daioskuros.

12 Ā srola nu Sirakuse, kem mutanu we len tolu.

13 Ā iño mi kem kolot, ā tuku nu Riřium ; ā tukin len si ke ruto tumi, ā len si tuko kem tuku nu Puteolai : 14 iño kem konoioik met lili, ā elos kenu tu kem mutu yurols len itkos ; ā ou iñi kem šom nu Roma.

15 Ā iño mi ke met lili loñ kem, elos tuku nu ke Appiai Forum, ā Taveru tolu in řuñ kem ; ke Poul el liyeřlos, el kulu nu sin God, ā eřunak.

16 ¶ Ā ke kem tuku nu

Roma, senturion el ašun met prison nu sin kaptin lun met šano; ā lela Poul lun mugu mutu yurin met meun si šu liye'lañ.

17 Ā ma te oru tukin len tolu Poul el pañon mu leum lun met Ju in tukeni. Ā ke elos tukeni, el fwak nu selos. Met lili, wañin nu ma koluk ña oru lain met luk, ku manu lun papa tumas, ā ña eeyuñ met prison Jerusalem mi nu in pon met Roma; 18 šu, ke elos siyuk yu tari, luñši in tula yu la, tu wañin nu ma ke miši yuruk.

19 Ā ke met Ju elos kas lain mao, tu ou iñi mwo sik in pañon nu sin Sisar; na tiu ou iñi tu kutu ma yuruk in kas lain met luk.

20 Tu ke ma iñi ña pañon komwos, in liye komwos, ā in kaskas yurumwos; tu ke fwensok lun Israel kopinkaslap iñi kopuri yu wi.

21 Ā elos fwak nu sel, Kem tiu es letter Judea mi ke kom, ā wañin sin met lili šu tuku luti ku kaskas ma koluk ke'un.

22 Ā kem kenu loñ šum ma kom nunku; tu ke u si iñi, keme etu tu yin nu kemwu ma kaskas ko ke.

23 Ā ke elos filiye len si lal tari, ma puspis tuku nu yurol nu in lom sel; nu sin šu el akkalemye ā akloye

togusañ lun God, kaifwe'los ke Jisus, yin manu mi lun Moses, ā palu mi, lutue ini nu yukue.

24 Ā kutu lalalfuñi mao ma kaskas ke, ā kutu silalalfuñi.

25 Ā ke elos tiu nunok sugo yurolos, elos fwaselik, tukin pal si Poul el fwak sie kas tari, Mwonu ma Nun Mutal kaskas ke Esaias, met palu lun papa tumas, 26 fwakañ, Kom šom nu yurin met iñi, ā fwak, Ke loñ komwos ā loñ, ā a tiu etu; ā ke liye komwos ā liye, ā a tiu liauk.

27 Tu insien met iñi upa, ā sralos matoltol in loñ, ā mutalos elos sruñulye; fwin tiu ou iñi elos ā fwa liye ke mutalos, ā loñ ke sralos, ā etu ke inšielos, ā a fwa forla, ā ña fwa unu elos la.

28 Ke ma iñi komwos etu, tu me mol lun God in sipaot nu sin met Pegan, ā tu elos fwa loñ mao.

29 Ā ke kaskas kas iñi tari, met Ju elos šomot, ā akukain ma lulap yurolos sie sin sie.

30 Ā Poul el mutu yiu fon luo in lom sel ma el mol, ā es elos nu kemwu šu tuku nu yurol, 31 luti togusañ lun God, ā lutlut ma iño ma lun Leum Jisus Kraist, ke ma pulaik, wañin nu met in kutoñ'ilye.

# LETA MA POUL EL ŠIM NU SIN

## MET PILIPPAI.

### ŠAPTER 1.

**P**POUL ā Timoteus, met kulānšap lun Jisus Kraist, nu sin met mwo nu kemwu in Jisus Kraist, šu mutu Pilippai, yurin met sropu ā deakon: 2 luñ nu šumwos, ā misla, yurin God Papa tumus mi, ā yurin Leum Jisus Kraist mi.

3 Ņa kulu nu sin God luk ke esam komwos nu kemwu, 4 in pre nu kemwu luk pal nu kemwu, űa eñun in siyuk ke komwos nu kemwu, 5 ke nunok siewunu lomwos in mwo šašu, len si umet nu ke pal si iñi; 6 űa lalalfuñi ke ma si'ñi nu, tu El šu mutamwauk in orek mwo in komwos, El a fwa orek ma nu tari nu ke len si lun Jisus Kraist; 7 oanu ma payi sik in nunku ma iñi ke komwos nu kemwu, komwos on inšiuik; tu in me kopur luk, ā ouyape in akšumwoye ā in akkeiye lun mwo šašu, komwos nu kemwu wiyu in luñ luk.

8 Tu God ma lo luk, fuka lulap űa kenu ko-

mwos nu kemwu inšien Jisus Kraist.

9 Ā ma iñi űa pre ka, tu luñ lomwos yokyokoilik in lalmetmet ā etauk nu kemwu; 10 tu komwos fwa etu la mwo ka; tu komwos fwa mutal ā wañin ma sito nu ke len lun Kraist; 11 tiñtiñi ke fwako mwo ma ke Jisus Kraist, nu ke ma mwowou ā kakšakin lun God.

12 Tu űa kenu komwos in etu, met lili, tu mwo ma yuruk oru tu mwo šašu fwas nu met; 13 ou tu Pretorium nu kemwu, ā kutenu nu kemwu, elos etu fuku me kopur luk in Kraist; 14 ā ma puspis sin met lili in Leum, elos foñyuñ ke me kopur luk ā pulaiknu in kas-kas kas lun God tiu šaņeñ.

15 Ouyape kutu luti Kraist ke šok ā akukain; ā kutepe ke kulañ; 16 aok, elos iñi ke kulañ, etu tu likiyuwi ke akšumwosye lun mwo šašu; 17 ā elos iño luti Kraist ke akukain, tiu šumwos, nunku in orauk añañ nu ke me kopur luk.

18 Na fuka? ā tu in kain nu kemwu, ma luti Kraist, —la in kutasrik, ku in payi —ā in ma iñi ña eñun, aok, ā ña tufwa eñun.

19 Tu ña etu tu ma iñi a fwa oraok nu ke mol luk ke pre lomwos, ā kasu ke Nun lun Jisus Kraist, 20 oanu ma tawinu luk ma lulap ā fwensok, tu wañinu ma ña fwa mekin ka, ā tu ke pulaik lulap, oanu met, ouyape iñi fwa kaksakin Kraist in monuk, la ke mol, ku ke miši.

21 Tu in mol nu sik Kraist, ā in miši mwo oiye.

22 Tu fwin mol in ikwe, ma iñi fokinšak lun me orekma luk: ā ña tiu etu ma ña es ka.

23 Tu ña alolo ka luo, ña kenu šom ā mutu yurin Kraist, ma iñi mwo liki.

24 Tu, in mutu in ikwe, ma mwo liki nu šumwos.

25 Ā in nunkauk ke ma iñi, ña etu tu ña fwa mutanu ā mutanu yurumwos nu kemwu ke aklapye ā akeñunye lalalfuñi lomwos; 26 tu eñun lomwos fwa yokoilik in Jisus Kraist in ña ke ña siefwil tuku nu yuromwos.

27 Ouiñinu lela tu me orekma lomwos fwa fwol oanu šašn lun Kraist: tu ña ā la tuku ā liye komwos, ku mutanu, ña fwa loñ ke me orekma lomwos, tu komwos

tu ku in ñun siewunu, in nunok siewunu ke lalalfuñi lun mwo šašu: 28 ā wañinu šañeñ ke met lokwalok lomwos: mao nu selos akul si lun tulanu; ānu šumwos lun mole, ā ma iñi yurin God mi.

29 Tu šiot nu ke Kraist, tiu lalalfuñi ke El mukenu, ā ouyape in keokiuñ ke El; 30 in es ma kaiyuk oanu ma komwos liye in ña, ā iñi in loñ in ña.

## ŠAPTER 2.

**K**E ma iñi fwin kutu kas lutlut in Kraist, fwin kutu asor mwowo lun luñ, fwin kutu aeñune lun Nun, fwin kutu inšie ā pakomutu, 2 komwos in seseslanu eñun luk, tu komwos nunok ouyape, es luñ ouyape, inšiumwos inšiewunu ke nunok sugo.

3 Tiu nunok kin akukain; tiu in konkūn ke wañin sripe; tu in fwokpap nunku tu kutenu mwo luk elos.

4 Komwos in tiu liauñ ma lomwos mukenu, tu komwos pe ma lun kutenu.

5 Likiye tu nunok in komwos oanu ma in Kraist Jisus: 6 šu lemsi lun God, in tiu nunku mu El mutunpot-apot in oanu God: 7 tu El šifwanu šarukla El, ā nukmulañ lemsi met kulan-

šap; ā ora'l lemsi oanu met:  
8 ā konoilok oanu monin  
met, El šifwanu akfwok-  
papy'El, ā El akos nu ke  
miši, aok, nu ke miši lun  
šaksiñ.

9 Ke ma iñi, aok, God el  
akfulaty'El ma lulap, ā šuñ  
nu Sel Ē si ma fulat ē nu  
kemwu: 10 tu nu sin Ē'n  
Jisus inti nu kemwu fwa  
sikukmutunti, sin ma in  
kosao, ā ma on fwalu, ā ma  
on ten fwalu; 11 ā tu loa  
nu kemwu fwa fwakak tu  
Jisus Kraist el Leum nu  
ke ma mwowou lun God  
Papa.

12 Tu ke ma iñi, met kulu  
luk, oanu komwos akos pal  
nu kemwu, tiu oanu on ye  
mutuk mukenu, tu iñi mwo-  
nu ke ña šiom, komwos orek-  
ma nu mol lomwos ke šañeñ  
ā rarrar.

13 Tu God el šu orek in  
komwos in luñši ā in oru  
ma El luñsel.

14 Komwos orek ma nu  
kemwu tiu torkaskas, tiu  
akukain; 15 tu komwos fwa  
payi ā oa, mwen nutin God,  
wañin ma sito, infulwin fwil  
kū ā sumosmos, yurin šu ko-  
inwos šaromrom oanu eka-  
lem nu fwalu; 16 sauk kas  
lun mol; ke eñun nu sik nu  
ke len lun Kraist, tu ña tiu  
kasus ke wañin, tiu orekma  
ke wañin.

17 Aok, tu ña fwin šifwanu  
okoiyuwi nu fwinkiše ā me  
orekma lun lalalfuñi lomwos,  
ñā eñun, ā eñun wi komwos  
nu kemwu.

18 Aok, tu ma iñi pe ko-  
mwos pe eñun wi yu.

19 Tu fwensok in Leum  
Jisus tu tiu pat ña sipa'lot  
Timotius nu šumwos, tu ña  
pe fwa mwo inšiuk, ke ña  
etu ma komwos fuka.

20 Tu wañin met yuruk  
ou el, šu kenu liauñ ma lo-  
mwos.

21 Tu kemwanu šuk ma  
lolos, tiu ma lun Jisus Kraist.

22 Tu komwos etu ma  
sriki lal, oanu mwen yurin  
papa tumal, el wi yu in oru  
in mwo šašu.

23 Ke ma iñi fwensok luk  
tiu pat in sipa'lot, pal si ke  
ñā fwa etu fuka sik.

24 Tu fwensok luk in  
Leum tu ña pe šifwanu  
tuku tiu pat.

25 Ā ña nunku tu mwo in  
sipaot Epafrodaitus nu šu-  
mwos, ma lik, ā ma wi yu  
in orekma, ā met al wi yu  
in mwo šašu, tu met kulan-  
šap lomwos, ā met wis ma  
ñā kenu.

26 Tu iñi el kenu komwos  
nu kemwu, ā el tiñtiñi ke  
toas tu komwos loñ tu el  
mas.

27 Aok, el mas akurun nu  
miši: tu God el pakomu-

tal; ā tiu el mukenu, tu  
ña pe, tu ña a tiu ašor nu  
ašor.

28 Ke ma iñi ña šilaklak  
kutu in sipa'lot, tu, ke ko-  
mwos siefwil liye'l, komwos  
tufwa eñun, ā ña pe srikeni  
ašor luk.

29 Ke ma iñi komwos as  
al in Leum ke eñun muke-  
nu; ā es met ou iñi in oi:  
30 tu ke me orekma lun  
Kraist al akurun nu miši,  
mu mansis mol lal, tu el  
neki me orekma komwos  
sifwol nu sik.

### ŠAPTER 3.

**M**A tuk, met lili, komwos  
eñun in Leum. Tu in  
šim ou ma iño nu šumwos,  
aok ña tiu toas ka, tu mwo  
nu šumwos.

2 Liauñ kosro ñaliñul,  
liauñ šu orek ma koluk,  
liauñ šu lüslüs.

3 Tu kem met kosraok, šu  
ali in Nun lun God, ā kon-  
kun ke Kraist, ā tiu foñyuñ  
ke ikwe.

4 Tu ña pe ku in foñyuñ  
nu ke ikwe. Fwin sienu  
met el nunku el ku in foñ-  
yuñ nu ke ikwe, ña yoknu:  
5 kosraok ke len si akoal-  
kos, lun sou lun Israel, sruf  
lun Benjamin, met Hebru  
lun met Hebru; ke ma šap,  
ña met Farisi; 6 ke moni-  
yuk, kolyai šurš; ke ma

mwo lun ma šap, wañin  
ma sito.

7 Tu mao ma mwo oiye  
nu sik, ma iñi ña nunku ma  
tūla ke Kraist.

8 Tu payi, ke ma iñi, ña  
nunku mu tu ma nu kemwu  
tūla ke ma mwowo lun lal-  
metmet lun Kraist Jisus  
Leum luk: ke Šu ma luk  
nu kemwu tūla, ña nunku  
elos kutkutnu tu ña fwa es  
Kraist, 9 ā fwa konoiyik-  
yuk in El, tiu es ma mwo  
luk ke ma šap, tu mao ma  
ke lalalfuñi ke Kraist, ma  
mwo ma lun God on fwin  
lalalfuñi: 10 tu ña fwa etu  
El, ā ku lun molyuk Lal, ā  
aeñune ke keokiuñ Lal, tu  
ña fwa lemsi ke miši Lal;  
11 fwin ku luk ña fwa es  
molyuk yin miše mi.

12 Tiu tu ña es iñi tari,  
ku mwo lanu iñi: tu ña  
akmwot, ña fwin ku in es  
mao ma Kraist Jisus el es  
yu ka.

13 Met lili, ña tiu nunku  
tu ña šifwanu es tari: tu ma  
siewunu ña oru, mulkunla  
mao ma tuk, ā šaplakot nu  
ke mao ma met, 14 ña ak-  
mwot nu ke akul ke sisysel  
lun pañon in kosao lun God  
in Kraist Jisus.

15 Ke ma iñi, lela tu elos  
šes šu mwo lanu nunku ou  
iñi: ā fwin kutenu mao ko-  
mwos nunku sienu, aok, ma

iñi God el fwa oliñalik nu šumwos.

16 Ā tu nu ke kut es tari, mwo tu ke ma iñi kut fwas ka.

17 Met lili, komwos tukeni eta wi yu, ā liye elos šu fwas oanu komwos es kem ke ma srugusrok.

18 Tu ma puspis fwas, ke šu ña oru nu šumwos pal puspis met, ā iñi nu šumwos ke tuñ, tu elos met lokwalok lun šaksiñ lun Kraist: 19 ma tukolos sukela, enut lalos inšielos, ā oiy'elos ke ma mekin lalos, elos liauñ ma nu fwalu.

20 Tu an šes in kosao; iño me pe kut šano met Laño, Leuin Jisus Kraist: 21 Šu fwa olla manos koluk, tu a fwa lemsi oanu monin mwo lanu, oanu me orekma El ku kutoñye ma nu kemwu Sin šifwanu.

#### ŠAPTER 4. -

**K**E ma iñi, met lili, ma tu polwi ā kenu ka, eñun luk ā tefuro, komwos, met kulu, tu ou iñi ku in Leum.

2 Ña siyuknu nu sel Euodius, ña siyuknu nu sel Suntuke, tu eltal nunok siewunu in Leum.

3 Aok, ña siyuk nu šumpe, oaoaila payi, kom kas'elos mutan šu wi yu orekma in mwo šašu, wi pe Kle-

ment, ā kutepe selos met wi yu orekma luk, ē'los šu in buk lun mol.

4 Komwos eñunak in Leum pal e nu kemwu: ña siefwilpe fwak, komwos eñunak.

5 Lela tu met e nu kemwu fwa etu kulañ lomwos. Leum el apkurun.

6 Komwos tiu nunkauk ma lulap ke ma ša; tu in ma nu kemwu ke pre ā siyuknu lela tu God lun etu ma komwos siyuk ka.

7 Ā misla lun God, ma mwo liki ete nu kemwu, a fwa liauñ inšiumwos ā nunkomwos in Kraist Jisus.

8 Ma tuk, met lili, mao ma nu payi, mao manu mwo, mao ma nu šumwos, mao ma nu mutal, mao ma nu kulañ mao ma nu kas mwo; fwinkutu mwo, fwinkutu kakšak, komwos nunku ke ma iñi.

9 Ma komwos lutlut, ā es, ā loñ, ā liye in ña, ma iñi komwos oru: ā God lun misla fwa wi komwos.

10 Tu ña eñun in Leum ma lulap met, tu iñi tuk komwos fulfulinfok in nunku ke ña; ke mao komwos pe liauñ, tu wañin pal lomwos.

11 Tiu tu ña fwak ke sigasrup: tu ña lutlut in mao ma ña mutu ka, in mao ña tiu tukasu.



## KOLOSSE, 1.

12 Na etu fuka in ma fwokpap, ā na etu fuka in ma puspis: in kain nu kemwu ā in ma nu kemwu na lutlut ke kūp ā ke musinsral, ke gasrup ā ke sigasrup.

13 Na ku in orek ma nu kemwu in El šu akkui yu la.

14 Ā tu mwo ma komwos oru, tu komwos wi yu ke keok luk.

15 Iñi, komwos, met Pilipai, aok komwos etu, tu ke mutanwauk mwu šašu, ke na fwas liki Masedonia, wain šurs kitelik nu sik ke ma šuñ, ā ma es, tu komwos mukenu.

16 Aok, tu in Tessalonika komwos sipamu sie pal ā pal si akluo nu ke kenu luk.

17 Tu na tiu siyuk in es kutu ma; tu na siyuk ke

fwako tufwa yoknu nu šumwos.

18 Tu nu kemwu yuruk, ā ma puspis: na tiñtiñinu, na es sel Epafrodaitus mao ma komwos sipu, ma keñ si mwo in ñok, kiše mwo, ma eñun nu sin God.

19 Tu God luk El fwa šuñ ma nu kemwu komwos kenu oanu gasrup Lal in mwolanu ke Kraist Jisus.

20 Iñi mwolanu nu sin God Papa tumus nu ma patpat ā ma patpat. Amen.

21 Komwos paiñ met mwo ku kemwu in Kraist Jisus. Met lili šu mutu yuruk elos paiñ komwos.

22 Met mwo nu kemwu paiñ komwos, aok sou lun Sisa yokpe.

23 Luñ lun Leum Jisus Kraist wi ñunumwos. Amen.

## LETA MA POUL EL ŠIM NU SIN

### MET KOLOSSE.

#### ŠAPTER 1.

**P**POUL, met šap lun Kraist Jisus ke luñši lun God, ā Timoteus met lili, 2 nu sin met mwo ā met lili šu lallafuñi in Kraist šu mutu

Kolosse. Luñ nu šumwos, ā misla, yurin God Papa tumus mi [ā Leum Jisus Kraist].

3 Kem šuñ kulu nu sin God, Papa tumun Leum las Jisus Kraist pal e nu kemwu

ke kem pre ke yumwos, 4 tu kem loñ lalalfuñi lomwos in Kraist Jisus, a luñ lomwos nu sin met mwo nu kemwu, 5 ke fwensok likie nu in kosao nu šumwos, ke mao ma komwos loñ met in kas lun ma payi lun mwo šašu; 6 ma tuku nu yurumwos, ou ma in fwal nu kemwu, a kapak isūs fwako a yokoilik, aok, oanu ma yurumwos, tukin len si komwos loñ mao, a etu luñ lun God payinu: 7 oanu komwos lutlut sin Epafra, met kulansap kulu wi kem, šu simem met kulansap mwo lun Kraist; 8 šu fwak pe nu simem luñ lomwos in Nun.

9 Ke ma iñi, tukin len si kem loñ, kem pe tiu sista pre ke yumwos, a kenu tu komwos sesesla ke etu ke ma luñsi Lal in lalmetmet nu kemwu a etu lun Nun; 10 tu komwos a fwas mwonu in Leum in akeñunye nu kemwu, isūs fwako in me orekma mwo nu kemwu, a kapak ke me etu lun God; 11 akkeye ke ku nu kemwu, oanu ku ma mwowo Lal, nu ke moñfusas nu kemwu a okok wi eñun; 12 šuñ kulu nu sin Papa, šu orek kit mwo in es ma usru lun met mwo in kalem: 13 Šu es kit la liki ku lun los, a es kityuñ nu in togusañ lun

Mwen nutin luñsi Lal; 14 in Šu kut es me mol, nunok munas ke koluk; 15 Šu lumun God silyoñin, isūs umet ma nu kemwu orek tuk; 16 tu El orek ma nu kemwu, ma in kosao, a ma on fwalu, ma kalem a tiu kalem, la me mutu lun togusa, ku leum lulap, ku leum sisik, ku ma ku: El orek ma nu kemwu, a ma nu Sel: 17 a El mutu met ma nu kemwu tuk, a El orek ma nu kemwu.

18 A El šiuřwin mano, ma šurš: Šu mutamwauk, isūs umet luk elos šu miši; tu in ma nu kemwu El tufwa fulat.

19 Tu ma mwo sin God, tu ma nu kemwu ma sesesla fwa mutu in El; 20 a orek misla tari ke sran šaksiñ sugo Lal, ke El in akmwoyeni nu sie ma nu kemwu nu Sel; aok, ke El, la mao ma on fwalu ku ma in kosao,

21 A komwos šu kutu pal met asasñai a lokwalok in nunkomwos ke orekma koluk, a iñi El akmwoyeni, 22 in monin ikwe Lal ke miši, tu El es komosyuñ mutal a wañin ma sito, a met payi ye mutal: 23 komwos fwin fwasi in lalalfuñi osiñye a ku a tiu fwas liki mwo šašu ma komwos loñ met, a ma luti nu sin ma nu kemwu ma on

ten in kosao, ke mao ña Poul met tutaŋpo ka.

24 Iñi ña eñun ke keokiuñ luk ke yumwos, ā nakla mao ma tiu fwol ke keokiuñ lun Kraist in ikōk ke manol, mao ma šurš; 25 ke šu ña met tutaŋpo oanu me orekma lun God ma El šu nu sik ke yumwos, in luti payinu kas lun God; 26 mao ma foñla ma mwukla ma patpat mi ā fwil yikas mi, ā iñi kalem nu sin met mwo Lal; 27 nu sin šu God el luñsel luti mao ma gasrup lun ma mwowo lun foñla si iñi yurin met pegan; ma Kraist in komwos, fwensok lun ma mwowou; 28 Šu kem luti ka, in kai met nu kemwu, ā luti met nu kemwu in lalmetmet nu kemwu: tu kem fwa fulelosyuñ met nu kemwu mwolanu in Kraist; 29 ke mao ña pe orekma, kaifwiuñ oanu ke me orekma Lal, Šu orek ma keku in ña.

## ŠAPTER 2.

**T**U ña kenu tu komwos etu fuka kaifwiuk lulap luk ke yumwos, ā ke elos mi Laodisea, ā k'elos kutenu šu tiu liye mutuk in ikwe; 2 tu inšielos a fwa parak, toloñla nu sie in luñ, ā nu ke gasrup nu kemwu lun etauk nu šumwoswos, in etelanu ma foñla lun God, [ā lun Papa,

ā lun Kraist], 3 in mao ma mwo nu kemwu lun lalmetmet ā lun etauk mwukmwuk ka.

4 Ā ña fwak ma iñi, tu met in tiu kiae komwos la ke kas pen.

5 Tu ña fwini wañin ke ikwe, ña wi komwos in ñun, eñun ā liye ma šumwos lomwos ā ma keku lun lalalfuñi lomwos in Kraist.

6 Na oanu komwos es Kraist Jisus Leum met, komwos fwas in El; 7 okala ā mušai in El, ā kuinu ke lalalfuñi, oanu komwos lutlut ka met, yokyokoilik nu ka wi kulu.

8 Komwos liauñ tu kutenu met tiu kanawis komwos la ke lutlutnu ā kiapala ke wañin sripe, ke kaskas matu lun met, ā ke srumtauks ma lun fwalu, ā tiu ke Kraist: 9 tu ma nu kemwu ma lun God sesesla in El.

10 Ā komwos tiñtiñi ke El, Šu šiuf lun manu ā ku nu kemwu: 11 in Šu komwos pe kosraok umet ke sie kosraok tiu orek ke po, in šarukla mano lun ikwe, ke kosraok lun Kraist: 12 pukpuki yurol ke baptais, in mao komwos pe molyuk yurol ke lalalfuñi in me orekma lun God, šu akmoly'El ak yin miše mi.

13 Ā komwos miši in ma

koluk lomwos, ā in tiu kosraok ke ikwe lomwos, El akmolye komwos yuk pe yurol, nunok munas tari ke ma koluk las nu kemwu; 14 ělla simisla ma lun manu ma lain kit, ma tiu mwo nu šes, ā el eslanu mao, patikye mao nu ke šaksiñ sugo Lal: 15 ā kanaosla tari manu ā ku, El loto'elos yuk pulaik, kutuñ'olos la in mao.

16 Ke ma iñi lela tu wañin met in nununke komwos ke moño ā ke nim, ku ke kofwo, ku ke malem šašu, ku ke len sabat: 17 mao ma ñunin ke kutu mao a fwa tuku; tu mano ma lun Kraist.

18 Lela tu met in tiu srifwe komwos liki ma lane lomwos luñši in fwokpap, ā ali nu sin lipufon, sayettu nu ke mao ma el tiu liye met, mwan inšiel ke etu in ikwel: 19 ā tiu srukic Šiuf, mao mi maneno fon ke kapasa, ā me aoeni es ku ka, ā toloñla nu sie, kapak ke ma kapak lun God.

20 Komwos fwini miši in Kraist liki ma srumtauk lun fwalu; efwo, ou mol nu fwalu, komwos orek manu, 21 ma tiu srukak, tiu emakin, tiu kal; 22 ma nu kemwu fwa wañinla ke moño; oanu ma šap ā ma lutlut lun met?

### ŠAPTER 3.

**K**E ma iñi komwos fwini wi Kraist molyuk, šuk mao ma nu luñ, yin sin Kraist mutu on la po leyut sin God: 2 nunkauk ke ma nu luñ, tiu ke ma nu fwalu.

3 Tu komwos miši; ā mol lomwos mwukmwuk yurin Kraist in God.

4 Ke Kraist šu mol las, El tufwa sikmi, na komwos pe fwa sikmi yurol in ma mwo-wou.

5 Ke ma iñi komwos uni ma keunwos ma on fwalu: ma kosro, ma fwokpap koluk, ma kenu ka, ma luñši koluk, ma rapku, mao ma ali lun met pegan: 6 tu ke ma iñi siluñ lun God tuku nu fwini tulig siakos; 7 in mao ma komwos pe wi fwas met, ke komwos mutu in mao.

8 Ā iñi komwos pe sisila ma iñi nu kemwu, mulat, koskusok, nunok koluk, kaskas ko, kaskas sipoklot liki olumwos.

9 Komwos tiu kikiap sie sin sie, tu komwos sisla met matu wikin me orekma lal: 10 ā nukomañ ma šašu, ma šušula in lalmetmet, oanu lemsi Lal šu orek el met, 11 yin wañin met Grik, ku met Ju, met kosraok, ku met tiu kosraok, met Pegan, met Su-

tia, met kos, ku met fwunmet: tu Kraist el ma nu kemwu, ā in ma nu kemwu.

12 Ke ma iñi, komwos nukomañ (oanu met šulūla lun God, mutal ā luñši,) pakoten inšie, kulañ, fwokpap in nunku, fwilpap, moñfusas, 13 fusas sie sin sie, ā nunok munas sie sin sie, fwini kutenu met os ma lal lain sienu: ā oanu Kraist el nunok munas nu šumwos, komwos ouyape.

14 Ā on fwini ma iñi nu kemwu komwos šuinye luñ, mao ma loloini ma šumwos lanu.

15 Ā lela tu misla lun Kraist leumla inšiumwos, nu ke mao pe pañon komwos in mano siewunu; ā komwos mu kulu.

16 Lela tu kas lun Kraist on inšiumwos ma lulap; in lalmetmet nu kemwu, in luti ā in kai sie sin sie in psalm ā kas in on ā on lun nūn, ke luñ inšiumwos komwos on nu sin God.

17 Ā ma nu kemwu ma komwos oru in kas, ku in orekma, komwos oru nu kemwu in el Leum Jisus, šuñ kulu nu sin God Papa in El.

18 Mutan kie, komwos šifwanu tuklalon met mogul lomwos, oanu mwo in Leum.

19 Mogul tuma, mwo komwos luñši mutan kiumwos, ā tiu akmeni elos la.

20 Tulig, komwos akos papa nine kiumwos ke ma nu kemwu, tu ma iñi akeñunye Leum.

21 Papa, komwos tiu añon tulig nutumwos, fwini ou iñi elos tufwa toas ka.

22 Met lusroñten, komwos in akos met fwunmet lomwos ke ma nu kemwu in ikwe; tiu ke met in liye mu, oanu in akeñunye metu; tu ke mwo inšiumwos, in šañeñ sin Leum.

23 Ma nu kemwu ma komwos oru, oru ma inšiumwos, oanu nu sin Leum, ā tiu oanu nu sin met; 24 in etu tu komwos fwa es sin Leum usru ke mol; komwos oru nu sin Leum Kraist.

25 Tu el su orek ma sito a fwa es ke ma sito ma el orek ka; ā wañin ma sinok sin metu.

#### ŠAPTER 4.

**M**ET fwunmet, komwos in šuñ nu sin met lusroñten mao ma payi ā fwol; in etu tu sie Met Fwunmet lomwos pe in kosao.

2 Komwos sikalani ke pre, ā šano ke mao wikin kulu; 3 ouyape wikin pre ke kut, tu God el tufwa igasla nu šes sruñul ke kas, tu in

kaskas ma foñla ke Kraist, ke mao ña muta pe in me kopur; 4 tu ña a fwa lôtēañ mao, oanu ña ku in kaskas.

5 Komwos in fwas in lal-metmet nu selos šu mutu lik, in liauñ pal mwo.

6 Lela tu kas lomwos pal e nu kemwu wi luñ, solela ke sol, tu komwos fwa etu fuka ma komwos a fwa tupok nu sin met nu kemwu.

7 Ke ma nu kemwu ma luk Tukikus el a fwa luti nu šumwos, el met lili šaok, ā met orekma payi, ā wiyu kulanšap in Leum; 8 šu ña sipaot nu šumwos ke ma iñinu, tu el a fwa etu ma lomwos, ā akeñunye inšiumwos; 9 wi Onesimus, met lili payi ā šaok, šu sie sin šumwos. Eltal a fwa luti nu šumwos ma nu kemwu ma orek yinu.

10 Aristarkus met wi yu kopur el paiñ komwos, ā Mak, tulig nutin ma loul Barnabas, ke šu komwos es ma šap tari; (el fwini tuku nu yurumwos, komwos as al;) 11 ā Jisus šu pañpañ Justus, eltal sin ma kosraok.

Elos iñi mugenu wi yu orekma nu ke togusañ lun God, elos ore yu in parak.

12 Epafras, šu sin šumwos met kulanšap lun Kraist Jisus, el paiñ komwos, pal e nu kemwu kaifwauñ in pre ke yuinwos, tu komwos a tu payi ā šumwos in ma nu kemwu ma God el luñsel.

13 Tu ña met lo ke el, tu el sriki ma lulap ke komwos, ā elos šu mutu in Laodisea, ā elos in Hiapolis.

14 Luk, met šatal šaok, ā Demas, eltal paiñ komwos.

15 Komwos in paiñ met šu mutu in Laodisea, ā Numfas, ā šurš in lom sel.

16 Ā ke komwos rid leta si iñi yurumwos, komwos oru tu elos rid pe nu in šurš lun met Laodisea; ā tu komwos pe rid leta Laodisea mi.

17 Ā fwak nu sel Arkippus, Kom liauñ me orekma kom es sin Leun, tu kom akfwolye ka.

18 Paiñuk lun Poul ke pok šifwanu. Komwos in esam me kopur luk. Luñ wi komwos.

# I. LETA MA POUL EL ŠIM NU SIN

## MET TESSALONIKA.

### ŠAPTER 1.

**P**POUL, ā Silvanus, ā Timoteus, nu sin met lun šurs Tessalonika in God Papa ā Leum Jisus Kraist: luñ nu šumwos, ā misla, (yurin God Papa tumus mi, ā Leum Jisus Kraist.)

2 Kem šuñ kulu nu sin God pal e nu kemwu ke yumwos nu kemwu, fwak komwosyuk in pre lumem pal e nu kemwu, 3 tu kem esanye orekma lomwos ke lalalfuñi, moniyuk ke luñ, ā moñfusas ke fwensok in Leum las Jisus Kraist, ye mutun God ā Papa tumus; 4 tu, kem in etu, met lili kulu lun God, ma šulūla lomwos: 5 tu mwo šašu lumem tiu tuku nu yurumwos in kas mugenu, tu ouyape in ku, ā in Nun Mutal, ā in kuinsrim, oanu komwos etu kem met kain šu yurumwos ke komwos.

6 Ā komwos fwas tuku mem, ā tukin Leum, tu komwos es kas in añañ lulap wikin eñun ke Nun Mutal; 7 ou tu komwos me srugus-

rok nu selos nu kemwu šu lalalfuñi in Masedonia ā Akaia.

8 Tu kas lun Leum puñalik liki komwos tiu in Masedonia ā in Akaia mugenu, tu in an nu kemwu lalalfuñi lomwos nu sin God fwaselik; ou tu wañin kutu mao kem kaskas ka.

9 Tu elos šifwanu luti ke immem, fuka kem ilyuk nu šumwos, ā fuka komwos forla liki enut sito nu sin God mol ā payi; 10 ā in šano Mwen Natal in kosaoe mi, Šu El akmolyauk liki met miši, aok, Jisus, Šu es kitla liki siluñ a fwa tuku.

### ŠAPTER 2.

**T**U komwos, met lili, etu ilyuk lumem nu yurumwos, tiu ke wañin sripe; 2 tu kem mwaioknu met, ā elos akkolukiye kem ma lulap, oanu komwos etu in Pilippai, kem pulaik in God lumem in kaskas nu šumwos mwo šašu lun God wikin akukain lulap.

3 Tu kas lumem in kaiyuk tiu ke kušuinikas, tiu ke fok-

## I. TESSALONIKA, 2.

fok, tiu ke kiapu; 4 tu oanu God el nunku mwo in filiye mwo šašu nu simem, ou iñi kem kaskas; tiu oanu eñunak metu, tu God šu sriki inšius.

5 Tu wañin kutu pal kem oru kutu kas in saya, oanu komwos etu; ā wañin me afne rapku, God el ma lo ka; 6 ā kem tiu šuk kakšak sin metu, ā tiu sin šumwos, ā tiu sin kutenu, pal si ke kem ku in šap, oanu met šap lun Kraist; 7 tu kein kakasisik yurumwos, oanu kien oru nu sin kitin tulig natal: 8 ou tu luñ lumem nu šumwos, kem luñši in šiot nu šumwos tiu mwo šašu lun God mugenu, tu ouyape ma inšiumem tu komwos šaok nu simem.

9 Tu komwos esam, met lili, moniyuk lumem ā orekma: kem orekma foñ ā len, tu kem tiu toas nu sin sie šumwos, kem luti nu šumwos mwo šašu lun God.

10 Komwos met lo, ā God pe, fuka ma mutal ā ma payi ā ma tiu sito kem šifwanu oru nu šumwos šu lalalfuñi; 11 oanu komwos etu fuka kem kaifwi ā ak-mwoye ā kenu nu šumwos nu kemwu kais sie fwas, oanu papa nu sin tulig natal, 12 tu komwos ā fwas oanu mwo lun God, šu pañon ko-

mwos nu in togusañ Lal ā ma mwowou.

13 Ā ke ma iñi kem pe šuñ kulu nu sin God ā tiu sisla kutu pal, tu ke komwos es kas lun God ma komwos loñ simem, komwos es tiu oanu kas lun metu, tu, oanu ma payi, kas lun God, ma orekma pe in komwos šu lalalfuñi.

14 Tu komwos, met lili, fwas tukin šurs lun God šu in Judea ma in Kraist Jisus; tu komwos pe keokiuñ ke ma iñinu sin met wi yumwos, oanu elos sin met Ju: 15 šu unilye Jisus met, ā met palu lalos, ā elos kolyai kem; ā elos tiu akeñunye God, ā elos sito nu sin met nu kemwu; 16 oru nu simem in tiu kaskas nu sin met pegan tu elos fwa es mol, tu elos nakla ma koluk lalos pal e nu kemwu: tu siluñ tuku nu fwelos nu tuk.

17 Tu es kein liki komwos kitin pal ke mutas, tiu ke inšius, met lili, kem sriki yoknu in liye mutumwos ke kenu ma lulap.

18 Ke ma iñi kem kenu tuku nu yurumwos met, aok ña Poul, sie pal ā pal si akluo; tu Setan el igol kemi.

19 Tu mea fwensok lumem, ku eñun, ku tefuro kakšak? Ya tiu komwos



## I. TESSALONIKA, 4.

ye mutun Leum las Jisus Kraist ke el tuku?

20 Tu komwos ma kakšak lumem ā eñun.

### ŠAPTER 3.

**K**E ma iñi, ke kem koflanu igol kemi kutu pal, kem nunku, mwo in šifwanu mutu nu Atens; 2 ā in sipaot Timoteus, met limem ā wi kem orekma yurin God in mwo šašu lun Kraist, in osiñ komwos ye, ā in ak-mwoye komwos ke lalalfuñi lomwos; 3 tu wañin met in mokūkū ke ma añañ iñi; tu komwos šifwanu etu tu fili-yuki kem nu ke ma iñi.

4 Tu payi, ke kem wi komwos, kem fwak nu šumwos met tu kem fwa mwaiok ke añañ; aok, oanu ma te oru, ā komwos etu.

5 Ke ma iñi, ke ña koflanu igul yu wi, ña šapot in etu lalalfuñi lomwos, tu ke kutu mao me srifwe el srifwe komwos, ā me orekma lumem fwa wañinla.

6 Tu iñi, ke Timoteus el tuku yurumwos mi nu simem, ā wis nu simem kutu kas mwo ke lalalfuñi ā luñ lomwos, ā tu komwos esam kem pal e nu kemwu, kenu ma lulap in liye kem, ouyape kem in liye komwos; 7 ke ma iñi, met lili, kem parak ke komwos in ma nu kemwu

oñoiye ā añañ lumem: 8 tu iñi kem mol, komwos fwintu ku in Leum.

9 Tu mea kulu ma kem ku in siefwil šuñ nu sin God ke komwos, ke eñun nu kemwu ma kem eñun ka ke yumwos ye mutun God lumem; 10 foñ ā len kem pre ma lulap tu kem fwa liye mutumwos, ā in akfwolye mao ma sifwol in lalalfuñi lomwos?

11 Iñi lela tu God šifwanu ā Papa tumus ā Leum Jisus Kraist, luti innek lumem nu yurumwos.

12 Ā lela tu Leum el orek komwos in yokoilik ā pusliki ke luñ nu sin sie sin sie, ā nu sin met nu kemwu, oanu kem nu šumwos; 13 ou tu El a fwa akkeye inšiumwos oa in mutal ye mutun God, ā Papa tumus, ke Leum las Jisus el tuku wi elos nu kemwu šu mutal.

### ŠAPTER 4.

**N**A kutepe, kem siyuk nu šumwos, ā kaifwauñ in Leum Jisus, tu oanu komwos es sin simem fuka ma komwos fwafwasius ā in akeñunye God, aok oanu komwos fwafwasius, mwo tu komwos yokyokoilik ka.

2 Tu komwos etu ma šap kem šiot nu šumwos ke Leum Jisus.

3 Tu ma iñi ma God el

## I. TESSALONIKA, 5.

luñsel, tu komwos mutal, tu komwos filiye ma kosro; 4 tu komwos nu kemwu fwa etu in es maši ma lomwos šifwanu in mutal ā mwonu, 5 tiu in kenu ke ma koluk, aok oanu met Pegan šu tiu etu God; 6 tu wañin sie in fwas egulla ā srifwe met lel in maši; tu Leum el aksu-mwosye ma nu kemwu ma iñi, aok oanu kem fwak nu šumwos met ā orek ma lo šumwosnu.

7 Tu God el tiu pañon kit nu ke fokfok, tu mutal.

8 Na ke ma iñi el šu sruñu, el tiu sruñu met, tu God, šu šiot pe nu šumwos Nun Mutal Lal.

9 Tu ke met lili luñši sie sin sie wañin sripe tu ña šim nu šumwos: tu komwos šifwanu lutlut sin God in luñši sie sin sie.

10 Aok ā komwos oru ma iñi nu sin met lili nu kemwu in Masedonia nu kemwu: tu kem kaifwauñ nu šumwos, met lili, tu komwos yokyokoilik ka; 11 ā tu komwos sriki in okok misla, ā in orek me orekma lomwos mugenu, ā in orek ke pomwos šifwanu, oanu kem šap nu šumwos; 12 tu komwos fwafwasius mwo nu selos šu mutu lik, ā tu wañin ma komwos kenu ka.

13 Tu kem tiu luñši tu

komwos ninukin ke elos šu motul, tu komwos tiu asor oanu elos šu tiu fwensok lalos.

14 Tu komwos fwini lalal-fuñi tu Jisus el miši ā siefwil molyuk, ouyape elos šu motul in Jisus God el wis oelul.

15 Tu ma iñi kem fwak nu šumwos in kas lun Leum, tu kut šu mol ā mutu nu ke Leum el tuku tiu fwas met luk elos šu motul.

16 Tu Leum Šifwanu el fwa oatu in kosaoe mi wi wowoyuk, wi pusren lipufon lulap, ā wi ugug lun God; ā elos šu miši in Kraist fwa molyuk met: 17 na kut šu mol ā mutu, ā fwa eolulos etikiuk in pukunieñ, in šuñ Leum in eñyeñu: ā ou iñi kut a fwa wi Leum ma patpat.

18 Ke ma iñi komwos ak-mwoye sie sin sie ke yikas kas iñi.

### ŠAPTER 5.

TU ke palu ā kutepe pal, met lili, wañin sripe tu ña šim nu šumwos.

2 Tu komwos etu ma šumwos tu len si lun Leum ā tuku oanu met pusupas in foñ.

3 Ke elos a fwak, Misla ā tiu šenšen; na kanaosla ša in tuku nu fwelos, oanu ñal

## I. TESSALONIKA, 5.

sin mutan šu putete ; ā elos  
koflanu fwala liki.

4 Tu komwos, met lili, tiu  
mutu in los, tu len si a fwa  
šuñ komwos, oanu met pu-  
supas.

5 Tu komwos nu kemwu,  
mwen nutin kalem, ā mwen  
nutin len : kut tiu ma lun  
foñ tiu ma lun los.

6 Ke ma iñi lela tu kut in  
tiu motul oanu kutenu ; tu  
lela tu kut in šano ā in  
efwal.

7 Tu elos šu motul motul  
in foñ ; ā elos šu srui srui  
in foñ.

8 Tu lela tu kut, šu ma  
lun len, nukomañ loyuk ke  
lalalfuñi ā luñ, ā, ke me  
šušu, fwensok lun mol.

9 Tu God el tiu fili kiti nu  
ke siluñ, tu in es mol ke  
Leum las Jisus Kraist, 10  
šu muše kit, tu, kut la ñet-  
ñet ku motul, kut a fwa  
oelul mol.

11 Ke ma iñi komwos ak-  
pari komwos yuk, ā mušai-  
yuk sie sin sie, aok oanu ma  
komwos oru.

12 Iñi kem siyuknu nu  
šumwos, inet lili, tu komwos  
in etu elos šu orekma yuru-  
mwos, ā liye komwos yuñ in  
Leum, ā kai komwos ; 13 ā  
in nunku mwo lulap ke elos  
in luñ ke me orekma lalos.  
Komwos in misla sie sin sie.

14 Tu kein siyuknu nu

šumwos, met lili, komwos in  
kai elos šu sipa, akpulaik  
y'elos šu munas nunko,  
kas'elos šu munas, pakoten  
nu selos nu kemwu.

15 Liauñ tu wañin sie in  
orek ma koluk nu ke ma  
koluk nu sin sienu ; tu pal  
e nu kemwu komwos in  
fwas tukin mao ma mwo  
nu šumwos sie sin sie, ā nu  
sin nu kemwu.

16 Komwos in eñun pal e  
nu kemwu.

17 Komwos in pre tiu sisla.

18 In ma nu kemwu ko-  
mwos šuñ kulu : tu ma iñi  
ma God in Kraist Jisus El  
luñši ke yumwos.

19 Komwos in tiu kutuñye  
Nun.

20 Komwos in tiu sruñu  
me polyauk.

21 Tu sriki ma nu kemwu ;  
srukie mao ma mwo.

22 Komwos in fwala liki  
kain nu kemwu ma koluk.

23 Lela tu God lun misla  
El šifwanu aknasnasye ko-  
mwos la nu šumwoswos ; ā  
tu El liauñ nu kemwu ñu-  
numwos, ā inšiumwos, ā  
monumwos in tiu sito nu  
ke Leum las Jisus Kraist el  
tuku.

24 Mwo El šu pañon ko-  
mwos ; aok El fwa oru.

25 Met lili, komwos in pre  
ke imem.

26 Komwos in paiñ met

## II. TESSALONIKA, 1.

lili nu kemwu ke ñok ma mutal. fwa rid nu sin met lili mutal nu kemwu.

27 Ña fulak nu şumwos ke Leum, tu leta si iñi a 28 Luñ lun Leum las Jisus Kraist wi komwos. Amen.

## II. LETA MA POUL EL ŞIM NU SIN MET TESSALONIKA.

### ŞAPTER 1.

**P**OUL, ā Silvanus, ā Timoteus, nu sin şurş lun met Tessalonika in God Papa tumus ā Leum Jisus Kraist: 2 luñ nu şumwos, ā misla, yurin God Papa tumus mi ā Leum Jisus Kraist.

3 Mwo tu kem şuñ kulu nu sin God pal e nu kemwu ke yumwos, met lili, oanu ma mwo, tu lalalfuñi lomwos kapak ma lulap, ā luñ lomwos nu kemwu yokoilik nu sin sie sin sie yurumwos; 4 ou tu kemnu kakşak ke yumwos in kutu şurş lun God, ke moñfusas lomwos ā lalalfuñi in kolya nu kemwu lomwos ā añañ ma komwos mwaiok ka: 5 mña akul si lun nununku mwo lun God, tu komwos fwa mwo lun togusañ lun God, ke mao ma komwos mwaiok.

6 Fwin ou iñi ma mwo yurin God in tupuk nu selos şu akañañye komwos; 7 ā nu şumwos, şu elos añañ ka, komwos wi kem moñla, ke Jisus Kraist el sikmi in kosaoe mi wi lipufon Lal, 8 in e furreuk in şuñ anwuk nu fwelos şu tiu etu God, ā tiu akos mwo şaşu lun Leum las Jisus Kraist: 9 elos es uni ke anwuk ma patpat liki mutun Leum, ā liki ma mwowou lun ku Lal; 10 ke El a fwa es ma mwowo in met mwo sran, ā es kakşak in elos nu kemwu şu lalalfuñi (tu elos lalalfuñi ma lo lumem yurumwos) in len iño.

11 Ke ma iñi pe kem pre pal e nu kemwu ke yumwos, tu God las a fwa nunku tu komwos mwo nu ke pañon iñi, akfwolye ma nu kemwu mwo Lal, ā me orekma lun lalalfuñi wi ku; 12 tu Ē Leum las Jisus Kraist a fwa

mwowou in komwos, ā komwos in El, oanu luñ lun God las ā Leum Jisus Kraist.

### ŠAPTER 2.

**I**NI kem šiyuknu nu šumwos, met lili, ke sikmi lun Leum las Jisus Kraist, ā ke kut tukeni nu sie nu Sel, 2 tu komwos tiu ša in kusūsūs in nunkomwos, ā in tiu fosña ke ñun, ku ke kas, ku ke leta, oanu yurumem wut, oanu tu len lun Leum apkurun iñi.

3 Lela tu wañin met in srifwe komwos ke kutenu ma: tu *ten si a tuku* fwin kutu tiu putatla met, ā tu met lun koluk fwa sikmi, mwen nutin kanaoslanu, 4 šu eyeinsi, ā šifwanu akfulatye el lain ma nu kemwu pañpañ God, ku ma met ali nu ka; oanu tu el mutu in tempel lun God, šifwanu lotō'l tu el God.

5 Ya komwos tiu esam, tu, ka ña wi komwos mutu, ña fwak ma iñi nu šumwos?

6 Ā iñi komwos etu mao ma srukie, tu el a fwa sikmi in pal si lal šifwanu.

7 Tu los lun ma koluk el orek iñinu: ā el šu lela *el a lela*, nu ke pal si el, šu srukie, etikla el liki.

8 Ā na Ma Koluk fwa sikmi, šu Leum Jisus a fwa furrela ke usen oalul ke mao

tuku ke sikmi Lal : 9 *aok el*, tuku lal oanu me orekma lun Setan, ke ku nu kemwu ā akul ā šokuruk lun kikiap, 10 ā in ma nu kemwu sri-fwe lun ma koluk nu selos šu wañinla; tu elos tiu es luñ lun ma payi, tu elos fwa mol.

11 Ā tu ke ma iñi God el sipaot nu selos me orekma lun sito, tu elos fwa lalalfuñi kikiap; 12 tu elos nu kemwu šu tiu lalalfuñi ma payi, tu eñun in ma koluk ā fwa wañinla.

13 Tu mwo nu simem in šuñ kulu nu sin God pal e nu kemwu kè yumwos, met lili šaok sin Leun, tu God ke mutamwauk mi El šulū komwos nu ke mol ke ak-mwoye lun Ñun ā ke lalalfuñi lun ma payi: 14 nu ke mao El pañon komwos ke mwo šašu las, tu in es ma mwowou lun Leum las Jisus Kraist.

15 Ke ma iñi, met lili, komwos tu ku, ā srukie ma lutlut me luti nu šumwos, la ke kas ku ke leta lumem.

16 Iñi El šifwanu, Leum las Jisus Kraist ā God las ā Papa, šu luñsi kit, ā si *nu ses* parak ma patpat ā fwen-sok mwo in luñ, 17 lela tu El akmwoyauk inšiumwos, ā akkeye komwos in ma nu kemwu orek mwo ā kas.

### ŠAPTER 3.

**K**UTEPE ma tuk, met lili, komwos in pre ke inem, tu kas lun Leum a kasus nu met ā kaksaknu, oanu ma yurumwos : 2 ā tu a es kem liki met sito ā koluk, tu tiu kemwu lalalfuñi yurolos.

3 Tu Leum el mwo, Šu a fwa akkeye komwos la, ā liye *komwos* yuñ liki ma koluk si.

4 Ā kem lalalfuñi in Leum ke yumwos, tu komwos oru ā a fwa oru mao ma kem šap nu šumwos.

5 Ā mwo tu Leum el kol inšiumwos nu in luñ lun God, ā nu in moñfusas lun Kraist.

6 Iñi kem šap nu šumwos, met lili, in Ē Leum las Jisus Kraist, tu komwosnu fwala liki met lili nu kemwu šu fwas kūkū, ā tiu oanu me lutlut ma elos es sin simem.

7 Tu komwosnu etu fuka mwo komwos in fwas tukumem : tu kemnu tiu orek kūkū yurumwos ; 8 tu kem tiu moño bred lun sienu met ke tiu inol : tu ke orekmanu ā toto'la kem orek foñ ā len, tu kem in tiu es mao sin sie yurumwos.

9 Tiu tu kem tiu ku, tu in orek kem me srugusok nu šumwos in fwas tukumem.

10 Tu ke kem wi komwos mutu, ma iñi kem šap nu šumwos, tu fwin sienu el tiu orekma, el a tiu moño.

11 Tu kem loñ tu kutu yurumwos fwas kūkū, wañinu ma elos oru, tu elos met takuskus.

12 Iñi ke met ou iñi, kem šap ā kai in Leum Jisus Kraist, tu in misla elos orekma, ā moño bred nelos šifwanu.

13 Tu komwos, met lili, in tiu toto'la in orek mwo.

14 Ā fwin sienu met tiu akos kas simem ke leta si iñi, akulin il ye, tiu oelul mutu, tu el a fwa mekin.

15 Ā tiu nunku el oanu met lokwalok, tu kai el oanu sie met lili.

16 Iñi mwo tu Leum lun misla El šifwanu šuñ nu šumwos misla pal e nu kemwu in ma e nu kemwu.

17 Paiñuk lun Poul ke pok šifwanu ; me akul in Leta nu kemwu : ou iñi Na Šim.

18 Luñ lun Leum las Jisus Kraist in wi komwos nu kemwu. Amen.

# LETU SI META MA JON EL ŠIM.

## ŠAPTER 1.

**M**AO ma ke mutamwauk mi, ma kem loñ, ma kem liye ke mutamem, ma kem šuiye ka, ā pomem kakal, ke Kas mol; (2 tu mol sikmi, ā kem liye mao, ā orek ma lo ka, ā luti nu šumwos ma mol ma patpat, ma yurin Papa met, ā sikini nu šes;)

3 Mao ma kem liye ā loñ kem luti nu šumwos; tu komwos pe fwa sie nu simem; ā payi sie las nu sin Papa, ā nu sin Jisus Kraist, Mwen Nutin.

4 Ā kem šim ma iñi nu šumwos, tu eñun lomwos fwa tiñtiñinu.

5 ¶ Ā ma iñi manu ma kem loñ ke'l, ā luti nu šumwos, tu God kalem, ā in El wañinu ma los.

6 Kut fwin fwak, kut sie nu Sel, ā fwafwasyis in los, kut kikiap, ā tiu orek ma payi.

7 Ā kut fwin fwafwasyis in kalem, oanu El in kalem, kut fwa sie nu sin sie sin sie, ā sa'n Jisus Kraist,

Mwen Nutin, aknasnasye kit liki ma koluk nu kemwu.

8 Kut fwin mu, kut tiu koluk, kut kiaepe kit la, ā ma payi tiu inšius.

9 Kut fwin fwakak ma koluk las, El payi ā šumwosnu in nunok munas ke ma koluk las, ā aknasnasye kit liki ma sito nu kemwu.

10 Kut fwin fwak mu, kut tiu orek ma koluk, kut ora'l kikiap, ā kas Lal tiu inšus.

## ŠAPTER 2.

**T**ULIG sisik nutig, ma iñi ĩa šim nu šumwos, tu komwos in tiu orek ma koluk. Met sinu fwin orek ma koluk, Sie ma las siyuk kit sin Papa, Jisus Kraist, met payi.

2 Ā El me inwe ke ma koluk las, ā tiu ke ma koluk las mugenu, tu ouyape ke ma koluk lun fwal e nu kemwu.

3 Ā ke ma iñi kut etu tu kut eta'l, kut fwin liauñ ma šap Lal.

## I. JON, 2.

4 El šu fwak, nā eta'l, ā tiu liauñ ma šap Lāl, el met kikiap, ā payi tiu in el.

5 Ā el šu liauñ kas Lāl, payi luñ lun God šumwos lanu in el; ke ma iñi kut etu tu kut in El.

6 El šu fwak, el mutu in El, mwo tu el šifwanu fwa-fwasyis, oanu ke El fwa-fwasyis met.

7 Met lili, tiu ma šap šašu nā šim nu šumwos, tu ma šap matu ma on yurumwos ke mutamwauk mi. Ma šap matu, kas ma komwos loñ ke mutamwauk mi nu iñi.

8 Siefwil, ma šap šašu nā šim nu šumwos, maši ma payi in El ā in komwos: tu losu wañinla, ā kalem payi šaromrom iñi.

9 El šu fwak, el mutu in kalem, ā sruñu met lili, el mutu in los nu ke pal si iñi.

10 El šu luñši met lel el mutu in kalem, ā wañin ma tugulkul in el.

11 Ā el šu sruñu met lel, el mutu in los, ā fwa-fwasyis in los, ā tiu etu an el fwas nu we, tu losu konel la mutal.

12 ¶ Nā šim nu šumwos, tulig sisik, tu ma koluk lomwos nunok munas nu šumwos ke Ēl.

13 Nā šim nu šumwos, papa, tu komwos eta'l ke

mutamwauk mi. Nā šim nu šumwos, met mogul fwus, tu komwos kutuñla ma koluk si. Nā šim nu šumwos, tulig sisik, tu komwos etu Papa.

14 Nā šim nu šumwos met, papa, tu komwos eta'l šu mutu ke mutamwauk mi. Nā šim nu šumwos met, met fwus, tu komwos ku, ā kas lun God mutu in komwos, ā komwos kutuñla ma koluk si.

15 Komwos in tiu luñši fwalu, ā kutu ma os fwalu. Met sinu fwin luñši fwalu, luñ lun Papa tiu in al.

16 Tu ma nu kemwu fwalu, luñ nu ke ikwe, ā luñ nu ke muta, ā fulañ ke mol, ma iñi tiu sin Papa, ā ma nu fwalu.

17 Ā fwalu šomla, ā kenu ka ouyape; ā el šu oru ma luñ lun God mutanu ma patpat.

18 Tulig sisik, ma iñi pal si tuko. Ā oanu komwos loñ tu kraist sito fwa tuku, aok iñi kraist sito puspis; ke ma iñi kut etu tu iñi pal si u-tuk.

19 Elos šomla liki kit, tu elos tiu ma wiyus; tu elos fwin ma wiyus, elos mutu yuros; tu elos šomla, ma iñi payikin tu nu kemwu selos tiu ma wiyus.

20 Tu moswela yurumwos



sin Ma Mutal Si, ā komwos etu nu kemwu.

21 Na tiu sim nu sumwos met tu komwos tiu etu ma payi, ā tu komwos etu mao, ā tu kikiap nu kemwu tiu wi ma payi.

22 Šu met kikiap fwin tiu el šu lafwekin tu Jisus el Kraist? El kraist sito šu lafwekin Papa ā Mwen.

23 El šu lafwekin Mwen, el iñi tiu es Papa; (el šu fwakak Mwen el es Papa pe.)

24 Ke ma iñi lela mao in mutu in komwos, ma komwos loñ ke mutamwauk mi. Mao ma komwos loñ ke mutamwauk mi, fwin mutu in komwos, komwos pe fwa mutu in Mwen, ā in Papa.

25 Ā ma iñi tukakunañ ma El tukakun mu nu šes, mol ma patpat.

26 Ma iñi ña sim nu sumwos ke'los šu koa komwos la.

27 Ā moswela ma komwos es yurol met, mutu in komwos, ā komwos tiu enenu tu sienu met in luti komwos: ā tu moswela luti nu sumwos ke ma nu kemwu, ā ma payi, ā tiu kikiap, ā oanu ma luti nu sumwos met, komwos fwa mutu in El.

28 ¶ Ā iñi tulig sisik,

komwos mutu in El; tu, ke El tufwa sikmi kut lalal-fuñi, ā tiu mekin ye mutal ke El tuku.

29 Komwos fwin etu tu El payi, komwos etu tu elos nu kemwu šu orek ma payi elos isūsła ke'l.

### ŠAPTER 3.

**L**IYE, luñ šu ma Papa El si nu šes tu kut in pañ-pañ mwen nutin God! ke ma iñi fwalu tiu ete kit, tu mao tiu eta'l.

2 Met kulu, iñi kut mwen nutin God, ā kut tiu etu kut a la fuka: ā kut etu tu, ke El fwa sikmi, kut tufwa oanu El; tu kut a fwa liye'l oanu El.

3 Ā met e nu kemwu šu fwensok ma iñi in el, el šifwanu aknasnašye'l oanu El nasnas.

4 El šu orek ma koluk orek pe ma sito nu ke manu; tu ma koluk ma sito nu ke manu.

5 Ā komwos etu tu El sikmi met in esła ma koluk las; ā in El wañinu ma koluk.

6 El šu mutu in El tiu orek ma koluk. El šu orek ma koluk tiu liye'l, tiu eta'l.

7 Tulig sisik, lela met in tiu kiae komwos la: el šu orek ma payi el met payi, oanu El payi.

8 El šu orek ma koluk ma lun devil; tu devil el orek ma koluk ke mutamwauk mi. Tu ke ma iñi Mwen nutin God El sikmi met, tu El kanawisla me orekma lun devil.

9 El šu isūsła ke God tiu orek ma koluk; tu fute Lal mutu in el; ā el koflanu orek ma koluk, tu el isūsła ke God.

10 Ke ma iñi kut etu šu ka nutin God, ā šu ka nutin devil. El šu tiu orek ma payi tiu ma lun God, ouyape el šu tiu luñši met lel.

11 Tu ma iñi manu ma komwos loñ ke mutamwauk mi, tu kut in luñšes sie sin sie.

12 Tiu oanu Kein, lun ma koluk si, ā el uniye met lel. Ā efwo el ku uni'lye? Tu me orekma lal koluk, ā ma lel payi.

13 Met lili luk, komwos tiu lut, fwalu fwin sruñe komwos.

14 Kut etu tu kut šom liki miši nu ke mol, tu kut luñšes met lili. El šu tiu luñši met lel, el iñi mutanu in miši.

15 El šu sruñu met lel, el met akmus: ā komwos etu tu met akmus nu kemwu wañinu mol ma patpat mutu in el.

16 Ke ma iñi kut etu luñ

lun God, tu El likiye mol Lal k'as: ā mwo kut in likiye mol las ke met lili.

17 Ā el su os ma la fwal si'ñi, ā liye met lel la sigasrup, ā sruñulye pakomutu inšiel luk el, luñ lun God a mutu fuka in el?

18 Tulig sisik nutig, mwo tu kut tiu luñ in kas, ā tiu in lous; tu in orekma ā in ma payi.

19 Ā ke ma iñi kut etu, tu kut lun ma payi, ā a fwa akmwoyela inšius ye mutal.

20 Tu inšius fwin lis kit la, God el yok liki ma inšius, ā ete nu kemwu.

21 Met kulu, ma inšius fwin tiu lis kit la, na kut fwa lalalfuñi ke God.

22 Ā ma nu kemwu ma kut siyuk, kut es Sel, tu kut liauñ ma šap Lal ā orek mao ma mwo ye mutal.

23 Ā ma iñi ma šap Lal, Tu kut in lalalfuñi ke Ē Jisus Kraist Mwen Nutin, ā luñši sie sin sie, oanu El ši ma šap nu šes.

24 Ā el šu liauñ ma šap Lal, mutu in El, ā El in el. Ā ke ma iñi kut etu tu kut mutu in El, ke Nūn ma El ši nu šes.

#### ŠAPTER 4.

**M**ET kulu, komwos tiu lalalfuñi nūn nu kemwu, tu šiki elos, la ma

lun God ku sito. Tu met palu sito puspis fwaselik nu fwalu.

2 Ke ma iñi komwos etu Nun lun God. Nun nu kemwu su fwakak tu Jisus Kraist el tuku in ikwe, el ma lun God.

3 Ā nūn nu kemwu su tiu fwakak tu Jisus Kraist el tuku in ikwe, el tiu ma lun God. Ā ma nūn lun kraist sito, mao komwos loñ met el a fwa tuku; aok iñi el ā tuku nu fwalu.

4 Tulig sisik, komwos ma lun God, ā kutuñ elos la: tu El su in komwos yok liki el su in fwalu.

5 Elos ma lun fwalu; ke ma iñi elos kaskas ke ma fwalu, ā fwalu loñ olos.

6 Kut ma lun God. El su etu God, el loñ kit; el su tiu ma lun God, el tiu loñ kit. Ke ma iñi kut etu nūn lun ma payi, ā nūn lun ma sito.

7 Met kulu, mwo tu kut luñses sie sin sie; tu luñ ma lun God; ā elos nu kemwu su luñ elos isūsia ke God, ā etu God.

8 El su tiu luñ, el tiu etu God; tu God luñ.

9 Ke ma iñi luñ lun God sikmi nu yuros, tu God sipamu Mwen kulo siewunu Nutin nu fwalu, tu kut tu fwa mol ke El.

10 Ma iñi luñ, tiu tu kut luñses God, ā tu El luñsel kut, ā sipamu Mwen Nutin, tu El me imwe ke ma koluk las.

11 Met kulu, God fwin luñsel kit ou iñi, mwo tu kut luñses pe sie sin sie.

12 Wañin met liye God ke pal sa. Kut fwin luñses sie sin sie. God mutu in kut, ā luñ Lun sumwos lanu in kut.

13 Ke ma iñi kut etu tu kut mutu in El, ā El in kut, tu El si nu ses ma ke Nunal.

14 Ā kem liye met ā orek ma lo, tu Papa sipamu Mwen, tu El Laño fwalu.

15 El su ā fwakak tu Jisus, Mwen nutin God, God mutu in el, ā el in God.

16 Ā kut etu ā lalalfuñi luñ ma yurin God nu ses. God lun; ā el su mutu in luñ, el mutu God, ā God in el.

17 Ke ma iñi luñ las sumwos lanu, tu kut tufwapulaik in len ošun: tu oanu El, kut ouyape nu in fwal si'ni.

18 Wañinu šañeñ in luñ; tu luñ sumwoswos sisia šañeñ; tu šañeñ on ke anwuk. El su šañeñ tiu sumwos lanu in luñ.

19 Kut luñses El, tu El luñsel kut met.

20 Met si fwin fwak, Ña luñsik God, ā šruñu met lel, el met kikiap. Tu el šu tiu luñši met lel šu el liye, el luñsel God fuka, šu el tiu liye?

21 A šap si iñi kut es yurin mi, Tu el šu luñsel God, el luñsel pe met lel.

### ŠAPTER 5.

**E**L šu lalalfuñi tu Jisus el Kraist, el isūsła ke God: ā elos nu kemwu šu luñši El šu oswela, el luñsel pe su isūsła ke El.

2 Ke ma iñi kut etu tu kut luñšes tulig nutin God, ke kut luñšes God, ā liauñ ma šap Lal.

3 Tu ma iñi luñ lun God, tu kut liauñ ma šap Lal; ā ma šap Lal tiu toas.

4 Tu mao ma isūsła ke God, kutuñla fwalu: ā ma iñi me kutuñla, lalalfuñi las, ma kutuñla fwalu.

5 Ka šu kutuñla fwalu, fwin tiu el šu lalalfuñi tu Jisus Mwen nutin God?

6 ¶ El iñi El šu tuku ke kof ā ša, aok Jisus Kraist; tiu ke kof muge-nu, tu ke kof ā sa. Ā Ñun šu orek ma lo, tu Ñun El payi.

7 Tu ma tolu šu orek ma lo [in kosao, Papa, Kas, ā Ñun Mutal; ā ma tolu iñi ma siewunu.

8 Ā ma tolu šu orek ma lo nu fwalu,] Ñun, ā kof, ā sa; ā ma tolu iñi ma siewunu.

9 Kut fwin es ma lo lun metu, ma lo lun God yok liki; tu ma iñi ma lo lun God, ma El orek ma lo ke Mwen Nutin.

10 El šu lalalfuñi ke Mwen nutin God ma lo lal in elnu; el šu tiu lalalfuñi God, el ora'l kikiap; tu el tiu lalalfuñi me lo ma God oru ke Mwen Nutin.

11 Ā ma iñi me lo ma God si nu šes, mol ma patpat: ā mol iñi in Mwen Nutin.

12 El šu Mwen yurol, mol lal; ā el šu tiu Mwen nutin God yurol tiu mol lal.

13 Ma iñi ña šim nu šu-mwos šu lalalfuñi ke Ē Mwen nutin God; tu komwos fwa etu tu mol ma patpat lomwos, ā tu komwos fwa lalalfuñi ke Ē Mwen nutin God.

14 Ā ma iñi me lalalfuñi las ke El, tu, kut fwin siyuk kutu mao oanu ma El luñsel, El loñ kit.

15 Ā kut fwino etu tu El loñ kit, ke ma kut siyuk, kut etu tu kut es me siyuk ma kut siyuk Sel ka.

16 Met senu fwin liye met lel orek ma koluk tiu nu ke miši, el a siyuk, ā El fwa šuñ mol nu sel ke'los šu tiu orek ma koluk nu ke miši.

## II. JON.

Sie ma koluk nu ke miši; ña tiu fwak tu el a fwa pre nu ke mao.

17 Ma sito nu kemwu ma koluk; ã sie ma koluk tiu ma nu ke miši.

18 Kut etu tu el šu isūs la ke God, el tiu orek ma koluk: el šifwanu liye-  
'lañ, ã ma koluk si tiu kali-  
'lye.

19 Ā kut etu tu kut ma ke

God, ã fwal e nu kemwu on in ma koluk.

20 Ā kut etu tu Mwen nutin God tuku, ã si nu šes ma lalmetmet, tu kut fwa etu El šu payi; ã kut in El šu payi, aok in Jisus Kraist Mwen Nutin. Ma. iñi God payi, ã mol ma patpat.

21 Tulig sisik, komwos liye komwos yuñ ke enut sito. Amen.

---

## LETU SI AKLUO MA JON EL ŠIM.

---

**M**ET matu nu sin Kuria, mutan šulūla, ã nu sin tulig natal, šu ña luñsik payinu; ã tiu ña mugenu, tu elos pe nu kemwu šu etu ma payi;

2 Tu ke ma payi šu mutu in kut, ã a fwa mutu yuros ma patpat.

3 Luñ mutu yurumwos, ã pakomutu, ã misla in ma payi ã luñ yurin God Papa mi, ã yurin Leum Jisus Kraist mi, Mwen nutin Papa.

4 Ña eñun ma lulap, tu ña konoiook sin tulig nutum elos in fwas in ma payi, oanu kut es šap sin Papa mi.

5 Ā iñi, Kuria, ña kenu kom, tiu oanu ña šim sie šap šašu nu šum, tu mao

ma kut es ke mutamwauk mi, tu kut luñšes sie sin sie.

6 Ā ma iñi luñ, tu kut fwas ke ma šap Lun. Ma iñi ma šap, Tu, oanu komwos loñ ke mutamwauk mi, komwos a fwas ke mao.

7 Tu met kušuinikas puspis tuku, šu tiu fwakak tu Jisus Kraist tuku ke ikwe. El iñi met kušuinikas, ã sie kraist sito.

8 Komwos liye komwos, tu mao ma kut orek ka inet tiu tūla šes, tu kut es me mol fwolnu.

9 El šu orek ma sito, ã tiu mutu in me lutlut lun Kraist, el tiu es God. El šu mutu in me lutlut lun Kraist, el es kemwu Papa ã Mwen.

### III. JON.

10 Fwin sinu tuku nu yurumwos, ā tiu wis me lutlut iñi, komwos tiu as al nu in lomwu, ā tiu paiñ ul.

11 Tu el šu paiñ ul, ma wi el ke me orekma koluk lal.

12 Ma puspis sik in šim nu

šumwos, ña tiu luñsik šim ke peper ā iñk ; tu fwensok luk in tuku nu yurumwos, ā in kaskas ñetani nu sie, tu eñun las fwa tiñtiñinu.

13 Tulig nutin loun sulāla elos paiñ kom. Amen.

## LETU SI AKTOLU MA JON EL ŠIM.

**M**ET matu nu sin Gaius, met kulu lulap, šu ña luñsik payinu.

2 Met kulu, ña kenu yok liki nu kemwu, tu kom in mwola ā in kula oanu ñunum mwola.

3 Tu ña eñun ma lulap, ke met lili elos tuku ā orek ma lo lun ma payi ma in kom, oanu fwafwasyis in ma payi.

4 Wañin eñun sik yok liki mao ke ña loñ tu tulig nutig elos fwas in mol.

5 Met kulu, kom oru ak-mwoye mao ma kom oru nu sin met lili, ā nu sin met sa ; 6 šu orek ma lo ke me luñ lom ye mutun šurš : kom fwin sin God, kase'los ke fwas lalos oanu ma mwo kom oru mwo.

7 Tu elos fwaselik ke Ê'n, tiu es kutu ma sin met Pegan.

8 Ke ma iñi mwo tu es

met ou iñi, tu kut fwa oelos orekma ke ma payi.

9 Ña šim nu sin šurš met : tu Diotrefes, šu luñsi in maši meta yurolos, el tiu es kit.

10 Ke ma iñi, ña fwin tuku, ña fwa esam me orekma lal ma el oru, eyeinši lain kit ke kas koluk : ā el nu tiu tari ke ma iñi, ā el šifwanu tiu es met lili, ā kutoñ olos šu luñsi, ā sis elos la liki šurš.

11 Met kulu, komwos tiu fwas ou ma koluk, tu ou ma mwo. El šu orek mwo, el ma ke God : ā el šu orek koluk tiu liye God.

12 Met e nu kemwu kas mwo ke Demetrius, ā ma payi oayape : aok kem pe orek ma lo ; ā komwos etu ma lo las payi.

13 Ma puspis luk in šim, ā ña tiu luñsik šim nu šum ke iñk ā pen.

### III. JON.

14	Ā fwensok luk a tiu pat	kom. Met kawuk luk elos
	ñā fwa liye kom, ā kital fwa	paiñ kom. Kom paiñ met
	ñetani nu sie kaskas. Paiñ	kwauk ke ēlos.
[Kusajen.]	19	289

## KUTU KAS SIN PAUL.

I. KOR. XI. 23-29.

**T**U met ña es sin Leum ma ña ašiot nu šumwos, Tu Jisus, foñ si ke tukakunulak, El es bred :

24 Ā ke El suñ kulu tari, El kunšalik, ā fwak, Es, moño: ma iñi monuk, ma mušala ke'umwos: komwos oru ma iñi in esam Yu.

25 Ouya pe tuk El es kup, ke El moño tari, fwakañ, Kup si iñi mwilkas šašu ke sa'k: komwos oru ma iñi, ke komwos nim, in esam Yu.

26 Tu pal si komwos moño

bred iñi, ā nim kup iñi, komwos luti ke miši lun Leum nu ke pal si El siefwil tuku.

27 Ke ma iñi el šu moño bred iñi, ā nim kup lun Leum, tiu mwo, el fwa koluk ke manol ā sa'l Leum.

28 Ā lela met in šifwanu šukuk inšiel, ā ou iñi lela lun moño bred, ā nim kup.

29 Tu el šu moño ā nim tiu mwo, el moño ā nim lusla nu selnu, tu el tiu etu monin Leum.

---

## KAS KE DEAKON.

I. TIM. III. 8-13.

**O**UYAPE met deakon mwo tu elos efwal, tiu lo lugwe, tiu kenu wain lulap, tiu kenu es ma lun fwalu; 9 srukia ma los lun lalalfuñi ke ella mwo.

10 Ā lela in sriki elos pe met; fwin konoiolos yuk tu elos mwo, tufwa lela elos in orek me orekma lun deakon.

11 Ouyape mutan kielos,

mwo tu elos efwal, tiu met lesrik, efwala, mwo ke ma nu kemwu.

12 Lela deakon mutan sinu kielos, liauñ mwo tulig natalos, ā sou lalos.

13 Tu elos šu orek me orekma lun deakon mwo, elos kuko nu selos ma mwo, ā pulaik lulap ke lalalfuñi ma on in Kraist Jisus.



## PSALM XXIII.

PSALM LUN DEVID.

**J**EOVA Šeperd luk: wañi-  
nu ma ña a kenu ka.

2 El ore yu in onu in ima  
fulful in srou: El kol yu la  
nu sisen kof mūs.

3 El akkei yu la mol luk;  
El kol yu nu inek payi ke  
El.

4 Aok, ña fwìn fwafwasis  
in infwal ñunin miši, ña a  
tiu šaṇeñ ke ma koluk, tu

Kom wi yu; šak Lom ā si-  
kal Lom eltal akmwo yu  
la.

5 Kom akou tebue luk ye  
mutun met lokwalok luk;  
Kom moswela šiufwuk ke  
šifwa; kup luk kakla.

6 Payi mwo ā pako fwas  
tukuk len nu kemwu mol  
luk; ā ña a fwa mutu in  
lom sin Jeova ma patpat.

# BUK LUN RUT.

## ŠAPTER 1.

**M**A te oru in len ke met nununku elos nununku, tu sral in anu. Ā sie met lun Betleem-juda el šom in mutu nu in an Moab, el, ā mutan kīel, ā mwen luo natal.

2 Ā ēl met si Elimelek, ā ēl mutan kīel Naomi, ā ēltal tulig luo natal Malon ā Šilion, met Efrat lun Betleem-juda. Ā elos tuku nu in an Moab, ā mutu we.

3 Ā Elimelek, mogul lun Naomi, el miši; ā el mutanu, ā mwen luo natal.

4 Ā eltal es mutan kieltal yurin mutan lun Moab: ēl sie Orpa, ā ēl sienu Rut, ā elos mutu iño akurun yiu sie-nul.

5 Ā Malon ā Šilion eltal pe miši; ā mutan el mutanu mwen luo natal ā mogul lal wañinla.

6 Na el tuyuk, yurin mutan luo talupal, tu el a fwa folokla liki an Moab: tu el loñ in an Moab fuka Jeova el tuku nu met sran in šuñ bred nu selos.

7 Ke ma iñi el šom liki an el mutu we, ā mutan luo talupal oelul: ā elos šom in fulokla nu in fwal Juda.

8 Ā Naomi el fwak nu sin an talupal luo, Komtal šom, fulokla sie sie nu in lom sin nine kium; Jeova el orek kulañ nu šumtal, oanu komtal oru nu sin met miši, ā nu sik.

9 Mwo tu Jeova el oru nu šumtal tu komtal konoioik moñla, sie sie šumtal in lom sin met mogul lal. Na el ñok oltal; ā eltal fulauk pusraltal ā tuñ.

10 Ā eltal fwak nusel, Payi ketal kenu wi kom fulokla nu sin met lom.

11 Ā Naomi el fwak, Komtal siefwil fulokot, ma nutig: efwo komtal wi yu šom? Fuka kutepe mwen in šiuk, tu elos fwa met mogul lomt?

12 Ma nutig, komtal siefwil fulokot, šom; tu na inatula liki in es mogul si. Na fwino fwak, Fwensok luk ña fwini es sie mogul, aok iñi ofoñ, ā ouyape fwa isus mwen; 13 fuka komtal

fwa taron nu selos nu ke elos kapak? fuka komtal mutanu liki mogul ke elos? Mo, ma nutig; tu ña pako-mutu ma lulap ke komtal, tu pon Jeova el somot lain yu.

14 Ā eltal fulauk pusraltel, ā siefwil tuñ: ā Ōrpa el ñok nine talupal; tu Rut el pinpin nu sel.

15 Ā el fwak, Liye, mutan tuyum el fulokla nu sin met lal, ā nu sin enut lal: kom fulokla tukin tuyum.

16 Ā Rut el fwak, Kom tiu kafwi nu sik in fwas liki kom, ku in fulokot liki in fwas tukum; tu yin kom fwas nu we, ña a fwas nu we; ā yin kom on nu we, ña a on we; met lom fwa met luk, ā God lom God luk: 17 yin kom miši we, ña a miši we, ña wi puk-puk: Jeova el oru ou iñi nu sik, ā yok pe, tu miši mugenu es kit la liki sie sin sie.

18 Ke el liyu tu el ku nu šumwoswos in oelul fwas, na el misla nu sel.

19 Ke ma iñi eltal fwas nu ke pal si eltal tuku nu Betleem. Ā ma te oru ke eltal tuku nu Betleem, tu siti nu kemwu elos mogūkū ke eltal, ā elos fwak, El iñi Naomi, ku sito?

20 El fwak na selos, Ko-

mws tiu pañon yu Naomi, pañon yu Mara: tu El šu Kulanu el orek ma menla nu sik.

21 Tu ña somot tiñtiñi, ā Jeova el šiefwil wisi yu nu yin sik pusin po: ke ma iñi efwo komwos ku pañon yu Naomi, tu Jeova el orek ma lo lain yu, ā El šu Kulanu el orek ašor in ña?

22 Ou iñi Naomi el fuloko, ā Rut mutan Moab, met talupal, oelul, el šu fulokla liki an sin met Moab: ā eltal tuku nu Betleem pal si ke mutamwauk eseni barle.

## ŠAPTER 2.

**A** MET si in sou lun mogul lun Naomi, met ku ke ma puspis ma lal, lun sou lun Elimelek; ā ēl Boas.

2 Rut mutan Moab el fwak nu sin Naomi, lela tu ña in šom nu in ima, ā es fokin korn tukin šu ña tufwa liye el kulañ. Ā el fwak nu sel, Ma nutig, kom šom.

3 Ā el šom, ā telani in ima tukin met kosroini: ā ma tu' nu sel in fili nu in kutu ima lu Boas, el šu sou lun Elimelek.

4 Ā liye, Boas el tuku Betleem mi, ā fwak nu sin met kosroini, Jeova el wi komwos. Ā elos tupok nu sel, Jeova oru mwo nu šum.

5 Na Boas el fwak nu sin

met kulanšap lal šu liauñ  
met košroini, Lun šu mutan  
fwus si iñi?

6 Ā met kulanšap šu  
liauñ met košroini el tupok  
ā fwak, El mutan fwus  
lun Moab šu wi Naomi in  
fulokla liki an Moab: 7 ā  
el fwak, Na kenu tu kom  
lela tu ņa in telani ā eseni  
tukin met košroini in mas-  
lon yikas kap: ou iñi el  
tuku, ā mutanu lutue mi  
nu ke iñi, ā kitin pal el  
mutu in lomwu.

8 Na Boas el fwak nu sel  
Rut, Ma nutig, ya kom tiu  
loñ? Kom tiu šom in telani  
in sienu ima, tiu šom liki  
yinu, tu kom mutanu apku-  
run mutan kulanšap luk;  
9 lela mutom in on in ima  
ma elos košroini ka, ā kom  
fwas tukolos: ya ņa tiu šap  
nu sin met mogul fwus tu  
elos in tiu kal kom we? Ā  
ke kom malu, kom šom nu  
yikas alu, ā nim ma mogul  
fwus elos akmu.

10 Na el fokšiuſwi, ā  
šifwanu epas nu in foko, ā  
fwak nu sel, Efwo ņa ko-  
noiok kulañ in mutom, tu  
kom etu yu tu ņa met sa?

11 Ā Boas el tupok ā fwak  
nu sel, Ma luti nu sik nu  
šumwoswos ma nu kemwu  
ma kom oru nu sin nine ta-  
lupom tukin pal si mogul  
lom miši; ā fuka kom likiye

papa tumom ā nine kium, ā  
an si kom isūsła we, ā tuku  
nu yu rin met šu kom tiu  
etu met.

12 Mwo tu Jeova el moli  
ke me orekma lom, ā Jeova  
God lun Israel on ten pon  
Šu kom tu in foñyuñ ka, El  
šuñ mol nu šumwoswos nu  
šum.

13 Na el fwak, Lela, leun  
luk, tu ņa in konoioſk kulañ  
ye mutom; tu ke kom ak-  
mwo yu yuk, ā tu ke kom  
kaskas kulañ nu sin mutan  
kulanšap lom, tu ņa tiu  
oanu sie sin mutan kulan-  
šap lom.

14 Ā Boas el fwak nu sel,  
Ke pal si moño kom tuku  
nu yinu, ā moño bred, ā  
isuñye ma nom nu in fini-  
gar. Ā el mutu sisken met  
košroini: ā el sralot korn  
farñalik nu sel, ā el moño,  
ā kūp, ā pus.

15 Ā ke el tuyuk in tela-  
ni, Boas el šap nu sin met  
mogul fwus, fwakañ, Lela  
tu el telani in maslon kap, ā  
tiu akkoluki el: 16 ā lela pe  
tu pon yikas sesesla nu ke'l,  
ā likiye, tu el a fwa telanu  
mao, ā tiu nikmet nu sel.

17 Ou iñi el telani in ima  
nu ke oyuku, ā tuktukye  
ma el telani; akkurun sie  
efa'n\* barle.

---

\* Oanu sie bušel.

18 Ā el srukak mao, ā šom nu in siti: ā nine talupal el liye ma ēl telani: ā el wisot, ā šuñ ma nel ma el likiye tukin pal si el moño kūp.

19 Ā nine talupal el fwak nu sel, Kom telani ya misi-ñi? ā kom orek ma ya misi-ñi? Inšimwowo el šu nun-ke kin kom. Ā el luti nu sin nine talupal yurin šu el orekma ā fwak, Ēl met si yurin šu ña orekma misiñi, Boas.

20 Ā Naomi el fwak nu sin tulig talupal, Jeova el akmwoye'l šu tiu likiye kulañ lal nu sin mol ā nu sin miši. Ā Naomi el fwak nu sel, Met si iñi el apkurun in sou šes, sie in sou aksie šes.

21 Ā Rut mutan Moab el fwak, El oru nu sik, Kom orek apkurun met mogul fwus srak, nu ke pal si elos sifwani nu kemwu ma luk tari.

22 Ā Naomi el fwak nu sin Rut, an talupal, Mwo, ma nutig, tu kom šom nu yurin mutan kulanšap lal, tu elos tiu šuñ kom in sienu ima.

23 Ou iñi el apkurun mutan kulanšap lun Boas, in telani nu ke pal si sifweni barle tari, ā sifweni wit; el mutu yurin nine talupal.

### ŠAPTER 3.

NA Naomi, nine talupal, el fwak nu sel; Ma nutig, ya mwo tu ña šuk moñle ke kom, tu a fwa mwo yurum?

2 Ā iñi, ya Boas el tiu sin sou las, yurin mutan kulanšap lal kom mutu? Liye, palala barle ofoñ fwinpa tuktukye.

3 Ke ma iñi kom yüyü, ā akmusra, ā nukum kom yuñ, ā fwasot nu fwinpa: ā kom tiu šifwanu luti kom nu sin met si, nu ke pal si el moño ā nim tari.

4 Ā ma te oru, ke el onu, tu kom liauñ yin el onu we, ā kom fwa šom nu lū, ā šarukla nuknuk liki niel, ā šifwanu onu we; ā el tufwa fwak nu šum ma kom tufwa oru.

5 Ā el fwak nu sel, Ma nu kemwu kom fwak nu sik, ña fwa oru.

6 Ā el fwas ten nu fwinpa, ā oru ma nu kemwu ma nine talupal fwak nu sel.

7 Ā ke Boas el moño ā nim, ā eñun inšiel, el šom onu eolšeni mütu korn: ā el tuku kaka sisik, ā šarukla nuknuk liki niel, ā šifwanu onu.

8 Ā ma te oru infulwin foñ, tu met si el šañeñ, ā šifwanu iklā: ā, liye, mutan si el onu ye niel.

9 Ā el fwak, Šu komwun? Ā el tupok, Ņa Rut mutan kulansap lom; ke ma iñi kom suñ kato in afwinye mutan kulansap lom, tu kom sou apkurun.

10 Ā el fwak, Jeova el ak-mwoyi kom, ma nutig: tu kulañ lom tuk mwo liki kulañ lom meta, tu kom tiu fwas tukin met mogul fwus, la sigasrup ku gasrup.

11 Ā iñi, ma nutig, kom tiu šaņeñ; ña tufwa oru nu šum ma nu kemwu kom luñšom: tu met luk nu kemwu in siti elos etu tu kom mutan mwowo si.

12 Aok payi, ña apkurun in sou lom: ā sienu met apkurun liki yu.

13 Kom mutanu foñ si iñi, ā ma fwa oru lututañ, tu el fwin oru nu šum ma in sou lom, tari; lela lun oru ma in sou: tu el fwin tiu oru nu šum ma in sou, na ña tufwa oru ma in sou nu šum, pake Jeova; kom onu nu ke lututañ.

14 Ā el onu yakul nu ke lututañ: ā el tukakuk met, met tiu etu sie sin sie tuk. Ā mogul el fwak, Lela tu met in tiu etu tu mutan si tuku nu fwinpa.

15 Ouyape el fwak, Kom usi nuknuk šušu on fwom, ā srukia ma. Ā ke el srukia ma, el sriki srigusrok in bar-

le onkos, ā likie fwel; ā el šom nu in siti.

16 Ā ke el tuku nu yurin nine talupal, el fwak, Šu komwun? Ā el fwak nu sel ma nu kemwu ma met si oru nu sel.

17 Ā el fwak, Srigusrok in barle onkos iñi el si nu sik; tu el fwak nu šik, Kom tiu šom pusinpo nu yurin nine talupom.

18 Na el fwak, Kom mutanu, ma nutig, nu ke pal si kom etu ma fwa oru: tu met si el a tiu moñla nu ke pal si orek ma iñi tari mi-siñi.

#### ŠAPTER 4.

NA Boas el fwasyuk nu mutun pot, ā šifwanu mutu iño: ā, liye, met sou sin šu Boas el kaskas ka, el fwas alukela; el fwak nu sel, O, kom oiya! fwasu, muta'ñi. Ā el tuku, ā mutu.

2 Ā es sie-ñul met elder lun siti, ā fwak, Komwos muta'ñi. Ā elos mutu.

3 Ā el fwak nu sin met sou; Naomi šu siefwil tuke liki an Moab, el kuko ipen an, ma lun Elimelek met liktal: 4 ā ña nunku in oru nu šum fwakañ, Kom molūla mao ye mutun met lun siti, ā ye mutun met elder lun met luk. Kom fwin luñšom molūla mao, kom

moli; tu kom fwini tiu luñsom moli mao, fwak nu sik, tu ña tufwa etu; tu wañin sienu in moli fwini tiu kom: ã ña tukum. Æ el fwak, Ña tufwa moli.

5 Na Boas el fwak, Len si ke kom moli anu sin pon Naomi, kom ouyape moli sin Rut mutan Moab, mutan kien met miši, in orauk òl met miši nu ke ma lal.

6 Æ met sou el fwak, Ña koflanu moli mao ke ña, fwini ou iñi, ña akkoluki ma luk: kom moli ma luk nu sum siřwanu; tu ña koflanu molùla mao.

7 Æ ma iñi manu in pal met in Israel ke molle ã ke aolla, tu in akeiye ma nu kemwu; met si el esla faluk lal, ã suñ nu sin met tulon lal: ã ma iñi ma lo in Israel.

8 Ke ma iñi met sou el fwak nu sin Boas, Kom molùla mao tu ma lom. Ou iñi el esla faluk lal.

9 Æ Boas el fwak nu sin met elder, ã met nu kemwu, Komwos met lo misiñi, tu ña molùla ma nu kemwu ma lun Elimelek, ã ma nu kemwu ma lun Šilion ã ma lun Malon, sin pon Naomi.

10 Ouyape Rut mutan Moab, mutan kien Malon, ña mol el la tari tu mutan kiuk; in orauk òl met miši

ke ma lal, tu òl met miši tiu wañinla sin met lel, ã sin mutun pot an sel; komwos met lo misiñi.

11 Æ met e nu kemwu su mutu mutun pot, ã met elder, elos fwak, Kem met lo. Jeova el orek mutan su tuku nu lom sum, oanu Rašel ã oanu Lea, luo su muša lom Israel met: ã kom oru mwola in Efrata, ã met kakšak in Betleem: 12 ã lela tu lom sum oanu lom sin Fares, su Tamar el isūs nu sin Juda, sin futen su Jeova el tufwa šiot nu sum ke mutan fwus si iñi.

13 Ou iñi Boas el es Rut, ã el mutan kiel: ã ke el ilyuk nu yurol, Jeova el oru tu el putete, ã el isūs mwen si.

14 Æ mutan elos fwak nu sin Naomi, Inšimwowo Jeova, su tiu fili kom la misiñi in wañin met sou, tu òl a fwa kakšak in Israel.

15 Æ el a fwa nu sum met molyuk mol lom, ã sie met kasu ke kom met matu: tu an talupom su luñsi kom, su mwo nu sum liki mwen itkos, el isūs la el.

16 Æ Naomi el es tulig, ã liki'lye on in eumwel, ã el tu nu sel.

17 Æ mutan tulon lal elos suñ òl fwakañ, Iñi sie mwen isūs nutin Naomi; ã elos

# ĤUT, 4.

paĥpaĥ e'l Obed: el papa tumal Jesse, papa tumal Devid.

18 Ā ma iĥi fwil lun Fares: Fares el oswela Hesron, 19 ā Hesron el oswela Ram, ā Ram el oswela Ami-

nadab, 20 ā Aminadab el oswela Naason, ā Naason el oswela Salmon, 21 ā Salmon el oswela Boas, ā Boas el oswela Obed, 22 ā Obed el oswela Jesse, ā Jesse el oswela Devid.